

S U M M A ALEXANDRINA,

Sive

Reverendi admod. & Sapientissimi P. M.

F. N A T A L I S

ALEXANDRI

*In Sacra Facultate Parisiensi S. Theologiæ
Doct̃oris & Professoris emeriti, Provin-
ciæ Parisiensis Provincialis dignissimi,
Ordinis Prædicatorum,*

THEOLOGIÆ MORALIS
COMPENDIUM ABSOLUTISSIMUM

Per

FRANCISCUM BASSELIERS

Antverpiensem,

*In Archigymnasio Sapientiæ Romanæ, S. Theol.
& J. U. D. Prothonotarium Apostolicum;*

SUMMO PONTIFICI CLEMENTI XI


PARS PRIMA



ROMÆ, MDCCCV.

Typis Joannis Jacobi Komarek Bohem
Superiorum permissu.





SANCTISSIMO
DOMINO NOSTRO
CLEMENTI XI.
PONTIFICI MAXIMO
Felicitatem .

BEATISSIME PATER,

DUm ad SANCTITATIS
VESTRÆ pedes , &
*falli nescium Tribunal cer-
tatim confluunt quique
Eruditi , & suas lucubra-
tio.*

*tiones demissè deponunt, ut
ab ea, ceu à Divino Oraculo
discant, nùm rectam tene-
ant Fidei Regulam, nùm
integram castamve servent
morum disciplinam (quæ
indivulsæ sunt ad Beati-
tatem semitæ, cum altera
sine altera nihil profit ad
salutem:) novissimè visum
est & mihi tanquàm abor-
tivo, non meæ quidem, quæ
prorsus nulla est, sed alienæ
eruditionis haud ignobile
argumentum ad idem sa-
crum deferre Tribunal; hoc-
ce, inquàm: Natalis Ale-
xandri Theologiæ Moralis
Compendium : quo in im-
men-*

*mensum propemodum ab
Auctore suo coacervata, &
è purissimis Sacrae Scriptu-
rae Traditionisve fontibus
perpetuò derivata Christiana-
nae Moralis Dogmata ad
breviorem formam contra-
hendo, Tyronum prolixiori
rerum, etiam optimarum,
lectione saepenumero fati-
scentium, consulere conatus
sum fastidio. En igitur,
BEATISSIME PATER, ad Pedes
sacros depositum Natalis
Alexandri Theologiae Mo-
ralis Opus, quod integrum
aliàs S. ANCTITATI VESTRAE
oblatum fuit, & acceptum,
sed contractum potius ei of-*

ferri debuit; nihil enim, quamvis eximium, coram Suprema Tua Majestate comparere decet nisi humiliatum, & demissum. Cui Operi, ut eos uberiores fructus referat, quos notissimus ille Tuus pro sanctiori doctrina, & disciplina zelus ardentem exoptat, Benedictionem Tuam impertiri digneris, ut & mihi ad sacrorum Pedum oscula humillimè prostrato.

SANCTITATIS VESTRÆ

Humillimo & obedientissimo Filio
Francisco Basseliers.

AP-

A P P R O B A T I O

Reverendi admodum Patris Quintini à S. Carolo, Carmelitarum Excalceatorum Procuratoris Generalis, olim S. Theol. Praeceptoris.

EX commissione Reverendissimi in Christo Patris Sac. Palatii Apostolici Magistri legi *Summam Alexandrinam* ab Eximio D. Francisco Basseliers Sac. Theologiae & J. U. Doctore concinnatam. Hoc opus quantitate molis exiguum est, sed quantitate virtutis immensum; quippe quod in parvo completitur Viri Orbe Literario celeberrimi (Natalis inquam Alexandri:) totam Theologiam Moralem, quae adeò mirabiliter restringitur in hac Summa, ut nihil suae magnitudinis deperdat: quidquid enim ea in Theologia, diffusè, non minùs ac disertè docet Alexander, hic unitim ac succulentè expressum reperies. Diceres alium Eliseum puero coaequarum, non tamen se ipsò minorem. Valet aliunde comparatio. Quemadmodum enim Propheta puero commensus, ei mortuo vitam tribuit: sic Alexander nobis abbreviatus viam pandit ad vitam cuicumque legenti: inest enim Doctrina sinè errore facilis; Disciplina sinè laxitate omnibus accommodata; cunctis via ad virtutem admodum brevis. Ad ejusdem vitae scopum per se ipsum collimat Moralis Alexandri: sed via longa, nec omnibus patens. Semitam cunctis aperuit Fran-

ciscus Basseliers , nunquàm tamen à Magistro
recedens ; utpotè qui illius & mentem , &
verba ipsa profert , ut vegetiores aquæ in
suo fonte bibantur . Quæ cùm ita sint , dignum
est Opus , ut in lucem edatur .

*Ita censeo ego Fr. Quintinus à S. Carolo , Car-
melitar . Excalc. Proc. Gen. olim S. Theol.
Prælector. Roma hac die 17. Maii 1705.*

A P P R O B A T I O

*Reverendi admodum Patris Magistri & Theologi
Casanatensis Fr. Pauli Cauvini Ord. Præd.*

IUssu Reverendissimi Patris Paulini Bernardinii Sacri Palatii Apostolici Magistri exhibita est mihi *Summa Alexandrina* ab Eximio Domino Francisco Basseliers Sacræ Theologiæ, ac utriusque Juris Doctore operosè factis, ac recto ordine disposita, in qua non solum Fidei, ac morum disciplinæ nihil adversum contineri censeo, sed tantam sacræ eruditionis, seu Divinorum eloquiorum, Conciliorum, sacrorum Canonum, Sanctorumque Patrum segetem reperi, ut universi Casuum Arbitri pro eorum quamlibet difficilibus solutionibus plurimam sibi lucem comparare, sive consequi valeant. Quamobrem ad omnium emolumentum, & fructum non tantum arbitrator dignam ut in lucem prodeat, sed quod eidem quoque laudato Doctori pro tam operoso studio, ac beneficio gratulentur. Romæ 20. Julii 1705.

*Fr. Paulus Maria Cauvinus Magister, ac
Theologus Casanatensis, Ord. Præd.*

LECTORI

Non tibi, Benevole Lector, sed mihi laborabam, dum hoc Theologiæ Compendium adorna-
bam : nec enim eâ sum ætate aut eru-
ditione , ut scribendo credam me
aliis posse prodesse . Verùm, cum
hoc ipsum Compendium magni no-
minis Theologi sit Opus Orbe Lite-
rario celeberrimum, ad gratam bre-
vitatem contractum, Viris primi in
Ecclesiastica Dignitate Ordinis vi-
sum est boni publici futurum, si
quod privato meo commodo para-
veram in S. Theologiæ Candidato-
rum communem conferrem utilita-
tem : quod dum præsto, unum te
velim monitum, ex Theologiæ *Na-
talis Alexandri* Parte Dogmaticâ vix
quidquam me delibâsse, cùm ad Con-
troversiam Fidei magis spectet Pars
illa, quæ mei nunc non est institu-
ti : at verò ad Moralem quod atti-
net,

net, eam sic contrahere conatus sum;
ut pauca admodum in vastissimo Ope-
re, etiam in Epistolis ultimæ editio-
ni additis (quas juxta materiarum
ordinem digessi) sis reperturus , quæ
in hoc Compendium haud congef-
ferim . Illud in quatuor Partes & to-
tidem Tomos manuales , pro mayo-
ri tua commoditate tribui ; quarum
Prima tractat de Sacramentis ; Se-
cunda complectitur quasdam neces-
sarias ad Sacramenta Appendices; Ter-
tia agit de Peccatis ; Quarta de Le-
gibus . In eo porrò nihil offendes ,
quod quemquam lædere possit ;
cùm ubique propriâ Auctoris mo-
destissimi utar phrasi & dialecto , sal-
vâ cujusque pace & auctoritate .
Comperies verò (fidenter dico) uti in
Opere integro , ita & in hoc illius
Compendio ALEXANDRI VII.
P. M. impletum votum , quò, ut ab
aliquo ex Dominicanorum Familia
Theologo , Moralis Theolôgia jux-

ta tutissima & inconcussa Angelici
Præceptoris S. THOMÆ AQUINA-
TIS Dogmata componeretur , ex-
purgandæ Theologiæ nuper nimium
laxatæ zelô planè Apostolicô op-
tabat vehementer. Vale , & quali-
cunque hôc fruerè labore .

DECRETA
SUMMORUM PONTIFICUM

Quibus

Pleræque corruptæ Moralis Propositiones
damnantur .

*Designatis in margine , hujus Summæ locis , in
quibus eadem Propositiones referuntur &
impugnantur : aut Momenta addu-
cuntur , quibus valeant
impugnari .*

DECRETUM
ALEXANDRI VII.
PONTIFICIS MAXIMI,

Quo Propositiones xxviii. contra sanam Mo-
ralem & Ecclesiasticam Disciplinam
vulgatæ damnantur .

Fer. v. die xiv. Septembris 1665.

IN Congregatione generali sanctæ Ro-
manæ , & Universalis Inquisitionis
habitâ in Palatio Apostolico Montis
Quirinalis coram Sanctissimo Domino no-
stro D. Alexandro divinâ Providentiâ Pa-
pa VII. ac Eminentissimis & Reverendis-
simis Dominis sanctæ Romanæ Ecclesiæ
Cardinalibus in tota republica Christiana
adversus hæreticam pravitatem Genera-
libus Inquisitoribus à Sancta Sede Apo-
stolica specialiter deputatis .

SAN

SANCTISSIMUS DOMINUS NO-
STER audivit non sine magno animi sui
mœrore, complures opiniones Christia-
næ Disciplinæ relaxativas, & Animarum
perniciem inferentes, partim antiquatas
iterum suscitari, partim noviter prodire:
& summam illam luxuriantium ingenio-
rum licentiam in dies magis excrefcere,
per quam in rebus ad conscientiam per-
tinentibus modus opinandi irrepsit alie-
nus omnino ab Evangelica simplicitate,
Sanctorumque Patrum Doctrinâ; & quem
si pro recta regula fideles in praxi seque-
rentur, ingens eruptura esset Christianæ
vitæ corruptela. Quare nè ullo unquam
tempore viam salutis, quam suprema ve-
ritas Deus, cujus verba in æternum per-
manent, arctam esse definivit, in Anima-
rum perniciem dilatarî, seu veriùs perva-
ti contingeret, idem SS. Dominus noster
oves sibi creditas ab ejusmodi spatiosâ la-
tâque, per quam itur ad perditionem, viâ,
pro Pastoralî sollicitudine in rectam semi-
tam revocaret, earundem opinionum
examen pluribus in sacra Theologia Ma-
gistris, & deinde Emis & Rmis DD. Car-
dinalibus contra hæreticam pravitatem
Generalibus Inquisitoribus seriò com-
misit: qui tantum negotium strenuè ag-
gressi, eique sedulò incumbentes, & ma-
ture discussis usque ad hanc diem infra-
scriptis Propositionibus, super unaquâ-
que

que ipsarum sua suffragia Sanctitati suæ Singulatim exposuerunt.

Par. Pag. Num.

Propositio prima. Homo nullo unquam vitæ suæ tempore tenetur elicere actum fidei, spei, & charitatis ex vi præceptorum divinorum ad eas virtutes pertinentium.

4. 172. 235.

2. Vir equestris ad duellum provocatus potest illud acceptare, ne timiditatis notam apud alios incurrat.

3. 184. 219.
4. 510. 645.

3. Sententia asserens, Bullam Cænæ solum prohibere absolutionem hæresis & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 18. Julii in Consistorio sacræ Congregationis Eminentissimarum Cardinalium visa & tolerata est.

2. 32. 50.

4. Prælati Regulares possunt in foro conscientiæ absolvere quoscunque sæculares ab hæresi occulta, & ab excommunicatione propter eam incursum.

ibid.

5. Quamvis evidenter tibi constet Petrum esse hæreticum, non teneris denunciare, si probare non possis.

4. 168. 359.

6. Confessarius, qui in Sacramentali Confessione tribuit pœnitenti chartam postea legendam, in qua ad venerem incitat, non censetur sollicitasse in Confessione; ac proinde non est denunciandus.

3. 482. 572.

7. Modus evadendi obligationem denunciandæ sollicitationis est, si sollicitatus confiteatur cum sollicitante, hic potest ipsum

3. 483. 573.

Par. Pag. Num. *sum absolvere absque onere denunciandi.*

1. 198. 306.

8. *Duplicatum stipendium potest Sacerdos pro eadem Missa licitè accipere, applicando petenti partem specialissimam fructus ipsimet Celebranti correspondentem, idque post Decretum Urbani VIII.*

1. 198. 304.

9. *Post Decretum Urbani, potest Sacerdos, cui Missæ celebrandæ traduntur, per alium satisfacere, collato illi minore stipendio, alia parte stipendii sibi retenta.*

1. 194. 302.

10. *Non est contra justitiam pro pluribus Sacrificiis stipendium accipere, & Sacrificium unum offerre. Neque etiam est contra fidelitatem, etiamsi promittam promissione etiam juramento firmata, danti stipendium, quod pro nullo alio offeram.*

1. 294. 436.

11. *Peccata in Confessione omissa seu oblita ob instans periculum vitæ, aut ob aliam causam, non tenemur in sequenti Confessione exprimere.*

1. 345. 553.

12. *Mendicantes possunt absolvere a casibus Episcopis reservatis; non obtenta ad id Episcoporum facultate.*

1. 327. 513.

13. *Satisfacit præcepto annuæ Confessionis, qui confitetur Regulari, Episcopo præsentato, sed ab eo injustè reprobato.*

1. 223. 441.

14. *Qui facit Confessionem voluntariè nullam, satisfacit præcepto Ecclesiæ.*

1. 388. 631.

15. *Pœnitens propria auctoritate substituire sibi alium potest, qui loco ipsius pœnitentiam adimpleat.*

16. Qui

16. *Qui Beneficium curatum habent*, Par. Pag. Num.
possunt sibi eligere in Confessarium simpli-
cem Sacerdotem non approbatum ab Ord-
nario.

17. *Est licitum Religioso vel Clerico ca-*
lumniatorem gravia crimina de se, vel de
sua Religione spargere minantem occidere,
quando alius modus defendendi non suppe-
tit, uti suppetere non videtur, si calumnia-
tor sit paratus vel ipsi Religioso, vel ejus Re-
ligioni publicè, & coram gravissimis Viris
prædicta impingere, nisi occidatur.

18. *Licet interficere falsum accusato-*
rem, falsos testes, ac etiam judicem, à quo
iniqua certò imminet sententia, si alià viâ
non potest innocens damnum evitare.

19. *Non peccat maritus occidens pro-*
pria auctoritate uxorem in adulterio depre-
hensam.

20. *Restitutio à Pio V. imposta Benefi-*
ciatis non recitantibus, non debetur in con-
scientia ante sententiam declaratoriam ju-
dicis, eò quòd sit pœna.

21. *Habens Capellaniam collativam,*
aut quodvis aliud Beneficium Ecclesiasti-
cum, si studio litterarum vacet, satisfacit
suae obligationi, si Officium per alium reci-
tet.

22. *Non est contra justitiam Beneficia*
Ecclesiastica non conferre gratis, quia col-
lator conferens illa Beneficia Ecclesiastica,
pecunia interveniente, non exigit illam
pro

pro collatione beneficii, sed veluti pro emolumento temporali, quod tibi conferre non tenebatur.

4. 419. 547.

23. *Frangens jejunium Ecclesiæ, ad quod tenetur, non peccat mortaliter, nisi ex contemptu vel inobedientia hoc faciat, puta quia non vult se subicere præcepto.*

3. 512. 637.

24. *Mollities, sodomia, & bestialitas sunt ejusdem speciei infimæ, ideòque sufficit dicere in confessione, Se procurasse pollutionem.*

1. 291. 451.

25. *Qui habuit copulam cum soluta, satisfacit Confessionis præcepto, dicens: Commisi cum soluta grave peccatum contra castitatem, non explicando copulam.*

3. 83. 106.

26. *Quando litigantes habent pro se opiniones æquæ probabiles, potest judex pecuniam accipere pro ferenda sententia in favorem unius præ alio.*

3. 60. 79.
& 80.

27. *Si liber sit alicujus junioris & moderni, debet opinio censeri probabilis, dum non constet rejectam esse à sede Apostolica tanquam improbabilem.*

4. 35. 58.

28. *Populus non peccat, etiamsi absque ulla causa non recipiat legem à Principe promulgatam.*

Quibus peractis, dum similium Propositionum examini cura & studium impenditur, interea idem Sanctissimus re maturè consideratâ statuit, & decernit, prædictas Propositiones, & unamquamque ipsarum, ut minimum tanquam scandalosas, esse

esse damnandas, & prohibendas, sicut eas damnat & prohibet: ita ut quicumque illas aut conjunctim aut divisim docuerit, defenderit, ediderit, aut de eis etiam disputativè, publicè aut privatim tractaverit, nisi forsan impugnando, ipso facto incidat in excommunicationem, à qua non possit (præterquàm in articulo mortis) ab alio, quacûque etiam dignitate fulgente, nisi pro tempore existente Romano Pontifice, absolvi.

Insuper districtè in virtute sanctæ obedientiæ, & sub interminatione divini judicii prohibet omnibus Christi fidelibus cujuscumque conditionis, dignitatis ac statûs, etiam speciali & specialissimâ notâ dignis, ne prædictas opiniones, aut aliquam ipsarum ad praxim deducant.

JOANNES LUPUS sanctæ Romanæ
& universalis Inquisitionis Not.

Anno à Nativitate Domini nostri Jesu Christi 1665. Indictione tertiâ, die verò secunda mensis Octobris, Pontificatûs autem Sanctissimi in Christo Patris & Domini nostri D. Alexandri divinâ Providentiâ Papæ VII. anno undecimo, supradictum Decretum affixum & publicatum fuit ad valvas Basilicæ Principis Apostolorum, Cancellariæ Apostolicæ, in acie Campi Floræ, ac in aliis locis solitis & consuetis Urbis, per me Carolum Melanum ejusdem Sanctissimi D. N. Papæ, & Sanctissimæ Inquisitionis Cursorem,

ALE-

ALEXANDRI VII.
SUMMI PONTIFICIS
DECRETUM ALTERUM,

Quo Propositiones xvi i. in materia
Morum damnantur.

Feria v. die 18. Martii 1666.

IN Congregatione generali Sanctæ Romanæ & Universalis Inquisitionis habitâ in Palatio Apostolico Montis Quirinalis coram Sanctissimo D. N. D. Alexandro divinâ Providentiâ Papa VII. ac Eminentissimis & Reverendis. DD. S. R. E. Cardinalibus in tota Republica Christiana adversus hæreticam pravitatem Generalibus Inquisitoribus à Sancta Sede Apostolica specialiter deputatis.

SANCTISSIMUS DOMINUS NOSTER post latum Decretum die 24. Septembris proximè elapsi, quo vigintiocto Propositiones damnatæ fuerunt, examinatis sedulò & accuratè usque ad hanc diem infra scriptis aliis quadragesimum quintum numerum implentibus, per plures in Sac. Theologia Magistros, ac per Emos & Rmos DD. Cardinales adversus hæreticam pravitatem Generales Inquisitores, eorum suffragia singulatim super unaquaque ipsarum audivit.

Pro-

Propositio 29. *In die jejunii qui sapius modicum quid comedit, etsi notabilem quantitatem in fine comederit, non frangit jejunium.*

30. *Omnes Officiales, qui in Republica corporaliter laborant, sunt excusati ab obligatione jejunii, nec debent se certificare an labor sit compatibilis cum jejunio.*

31. *Excusantur absolute a præcepto jejunii, omnes illi qui iter agunt equitando, utcunque iter agant, etiamsi iter necessarium non sit, & etiamsi iter unius diei consiciant.*

32. *Non est evidens, quod consuetudo non comedendi ova & lactinia in Quadragesima obliget.*

33. *Restitutio fructuum ob omissionem horarum suppleri potest per quascunque elemosynas, quas antea Beneficiarius de fructibus sui Beneficii fecerit.*

34. *In die Palmarum recitans Officium Paschale satisfacit præcepto.*

35. *Unico Officio potest quis satisfacere duplici præcepto pro die præsentis, & crastino.*

36. *Regulares possunt in foro conscientiae uti Privilegiis suis, quæ sunt expresse revocata per Concilium Tridentinum.*

37. *Indulgentiæ concessæ Regularibus, & revocatae à Paulo V. hodiè sunt revalidatae.*

38. *Mandatum Tridentini factum Sacerdotibus*

Par.	Pag.	Num.
4.	444.	380.
4.	426.	557.
4.	427.	557.
4.	443.	570.
2.	481.	991.
2.	505.	1015.
2.	482.	991.
2.	345.	553.
	Ibid.	
1.	153.	239.

Par. Pag. Num. *cerdoti sacrificanti ex necessitate cum peccato mortali, confitendi quamprimum, est consilium, non praeceptum.*

Ibid.

39. *Illa particula, quamprimum, intelligitur, cum Sacerdos suo tempore confitebitur.*

4. 591. 715.

40. *Est probabilis opinio, quæ dicit, esse tantum veniale osculum habitum ob delectationem carnalem & sensibilem, quæ ex osculo oritur, secluso periculo consensûs ulterioris & pollutionis.*

3. 462. 542.

41. *Non est obligandus concubinaris ad ejiciendam concubinam, si hæc nimis utilis esset ad oblectamentum concubinarij, vulgò regalo, dum deficiente illo nimis agrè ageret vitam, & aliæ epulæ tædio magno concubinarium afficerent, & alia famula nimis difficilè inveniretur.*

1. 446. 523.

42. *Licitum est mutuanti aliquid ultra sortem exigere, si se obliget ad non repetendam sortem usque ad certum tempus.*

1. 173. 274.

43. *Annuû legatum pro anima relictû, non durat plus quàm per decem annos.*

2. 91. 458.

44. *Quoad forum conscientiae, Rêô correctio, ejusque contumaciâ cessante, cessant censura.*

se99.

45. *Libri prohibiti, donec expurgentur, possunt retineri, usque dum adhibitâ diligentia corrigantur.*

4. 184. 249.

Quibus maturè pensatis, idem Sanctissimus statuit ac decrevit, prædictas Propositiones, & unamquamque ipsarum, ut ini-

minimum, tanquam scandalosas esse,
damnandas, & prohibendas, sicut eas
damnat & prohibet: ita ut quicumque,
illas aut conjunctim, aut divisim docue-
rit, defenderit, ediderit, aut de eis
etiam disputativè, publicè aut privatim
tractaverit, nisi forsan impugnando, ipso
facto incidat in excommunicationem, à
qua non possit (præterquàm in articulo
mortis) ab alio, quâcumque etiam di-
gnitate fulgente, nisi à pro tempore exi-
stente Romano Pontifice, absolvi.

Insuper districtè in virtute sanctæ
obedientiæ, & sub interminatione divini
judicii prohibet omnibus Christi fide-
libus cujusunque conditionis, dignitatis
ac statûs, etiam speciali & specialissimâ
notâ dignis, ne prædictas opiniones,
aut aliquam ipsarum ad praxim dedu-
cant.

JOANES LUPUS sanctæ Romanæ
& universalis Inquisitionis Not.

Loco † sigilli.

*Anno à Nativitate Domini nostri Jesu
Christi 1666. Indictione quarta, die verò
23. mensis Martii, Pontificatus autem
Sanctissimi in Christo Patris, & Domini
nostri Alexandri divinâ Providentiâ Papæ
VII. anno undecimo, supradictum Decre-
tum affixum & publicatum fuit ad val-*

vas Basilicæ Principis Apostolorum , Cancellariæ Apostolicæ , ac in acie Campi Floræ, & in aliis locis solitis & consuetis Urbis , per me Carolum Melanum ejusdem Sanctissimi D. N. Papæ , & Sanctissima Inquisitionis Cursorem .

D E C R E T U M
I N N O C E N T I I X I.
P O N T I F I C I S M A X I M I,
Quo Moralis corruptæ Propositiones
lxv. damnantur.

Feria v. secunda Martii 1679.

In generali Congregatione sanctæ Romanæ & universalis Inquisitionis, habitâ in Palatio Apostolico Vaticano coram Sanctissimo D.N.D. Innocentio divinâ Providentiâ Papa Undecimo , ac Eminentissimis & Reverendissimis Dominis S. R. E. Cardinalibus in tota Republica Christiana contra hæreticam, pravitatem generalibus Inquisitoribus à Sancta Sede Apostolica specialiter deputatis .

Sanctissimus D. N. Innocentius Papa XI. prædictus , ovium sibi à Deo creditarum salutem sedulò incumbens , & salubre

bre opus in segregandis noxiis doctrinarū pascuis ab innoxiiis à felicis recordationis Alexandro VII. Prædecessore suo inchoatum prosequi volens, plurimas Propositiones partim ex diversis vel Libris vel Theſibus, seu Scriptis excerptas, & partim noviter adinventas, Theologorum plurium examini, & deinde Eminentissimis & Reverendissimis Cardinalibus contra hæreticam pravitatem, generalibus Inquisitoribus subjecit.

Quibus Propositionibus sedulò & accuratè sæpiùs discussis, eorūque Eminentissimorum Cardinalium & Theologorum votis per Sanctitatem suam auditis: idem Sanctissimus D. N. re postea maturè consideratâ, statuit & decrevit pro nunc sequentes Propositiones, & unamquamque ipsarum, sicut jacent, ut minimū tamquā scandalosas, & in praxi perniciosas esse damnandas & prohibendas, sicut eas damnat & prohibet. Non intendens tamen Sanctitas sua per hoc Decretum alias Propositiones in ipso non expressas, & Sanctitati suæ quomodolibet & ex quacūque parte exhibitas vel exhibendas, ullatenus approbare.

Par. Pag. Num.

1. *Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id vetet lex, conventio, aut periculum gravis damni incurrendi. Hinc senten-*

1.	16.	19.
3.	84.	108.

Par. Pag. Num. *tia probabili tantum utendum non est in collatione Baptismi, Ordinis Sacerdotalis, aut Episcopalis.*

3. 84. 106. *2. Probabiliter existimo, Judicem posse judicare juxta opinionem etiam minus probabilem.*

3. 54. 74. *3. Generatim dum probabilitate, sive intrinsecâ, sive extrinsecâ, quantumvis tenui, modò à probabilitatis finibus non exeat, confisi aliquid agimus, semper prudenter agimus.*

Ibid.

4. Ab infidelitate excusabitur infidelis non credens ductus opinione minus probabili.

4. 204. 277. *5. An peccet mortaliter qui actum dilectionis Dei semel tantum in vita eliceret: condemnare non audemus.*

Ibid.

6. Probabile est ne singulis quidem rigorosè quinquennis per se obligare præceptum charitatis erga Deum.

Ibid.

7. Tunc solum obligat, quando tenemur justificari, & non habemus aliam viam, quâ justificari possimus.

3. 579. 696. *8. Comedere, & bibere usque ad satietatem ob solam voluptatem, non est peccatum, modò non obsit valetudini, quia licetè potest appetitus naturalis suis actibus frui.*

1. 517. 987. & 999. *9. Opus conjugii ob solam voluptatem exercitum omni penitus caret culpâ ac defectu veniali.*

4. 217. 288. *10. Non tenemur proximum diligere actu interno & formali.*

	Par.	Pag.	Num.
11. <i>Præcepto proximum diligendi satisfacere possumus per solos actus externos.</i>	4.	217.	288.
12. <i>Vix in Secularibus invenies, etiam in Regibus, superfluum statui. Et ita vix aliquis tenetur ad eleemosynam, quando tenetur tantum ex superfluo statui.</i>	3.	354.	425.
13. <i>Si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ, sed ob aliquod temporale emolumentum.</i>	4.	220.	292.
14. <i>Licitum est absoluto desiderio cupere mortem patris, non quidem ut malum patris, sed ut bonum cupientis, quia nimirum ei obventura est pinguis hereditas.</i>	4.	465.	600.
15. <i>Licitum est filio gaudere de parricidio parentis à se in ebrietate perpetrato, propter ingentes divitias inde ex hereditate consecutas.</i>		Ibid.	
16. <i>Fides non consetur cadere sub præceptum speciale & secundum se.</i>	4.	172.	235.
17. <i>Satis est actum fidei semel in vita elicere.</i>	4.	172.	235.
18. <i>Si à potestate publica quis interrogetur, fidem ingenuè confiteri ut Deo & fidei gloriosum consulo; tacere ut peccaminosum per se non damno.</i>	4.	174.	237.
19. <i>Voluntas non potest efficere ut assensus fidei in se ipso sit magis firmus quam</i>	4.	156.	216.

Par.	Pag.	Num.	
			<i>quàm mereatur pondus rationum ad assensum impellentium.</i>
4.	159.	218.	20. Hinc potest quis prudenter repudiare assensum, quem habebat, supernaturalem.
4.	160.	220.	21. Assensus fidei supernaturalis & utilis ad salutem stat cum notitia solum probabili revelationis; imò cum formidine quâ quis formidet ne non sit locutus Deus.
4.	162.	221.	22. Non nisi fides unius Dei necessaria videtur necessitate medii, non autem explicita Remuneratoris.
4.	162.	221.	23. Fides latè dicta testimonio creaturarum, similive motivo, ad justificationem sufficit.
4.	356.	455.	24. Vocare Deum in testem mendacii levis, non est tanta irreverentia propter quam velit aut possit damnare hominem.
4.	363.	464.	25. Cum causa licitum est jurare sine animo jurandi, siue res sit levis, siue gravis.
	Ibid.		26. Si quis vel solus, vel coram aliis, siue interrogatus, siue propria sponte, siue recreationis causâ, siue quocumque alio sine juret se non fecisse aliquid quod reverà fecit, intelligendo intra se aliquid aliud quod non fecit, vel aliam viam ab ea in qua fecit, vel quidvis aliud additum verum, reverà non mentitur, nec est perjurus.
4.	745.	838.	27. Causa justa utendi his amphibologiis

logiis est, quotiès id necessarium aut utile, Par. Pag. Num
est ad salutem corporis, honorem, res
familiares tuendas, vel ad quemlibet
alium virtutis actum; ita ut veritatis
occultatio censeatur tunc expediens & stu-
diosa.

28. Qui mediante commendatione,
vel munere ad Magistratum vel Officium
publicum promorus est, poterit cum re-
strictione mentali prestare juramentum,
quod de mandato Regis à similibus solet
exigi, non habito respectu ad intentionem
exigentis, quia non tenetur fateri crimen
occultum.

29. Urgens metus gravis est causa
justa Sacramentorum administrationem si-
mulandi.

30. Fas est viro honorato occidere in-
vasorem, qui nititur calumniam inferre,
si aliter hac ignominia vitari nequit. Idem
quoque dicendum, si quis impingat alapam
vel fuste percutiat, & post impactam ala-
pam vel ictum fustis fugiat.

31. Regulariter occidere possumus fu-
rem pro conservatione unius aurei.

32. Non solum licitum est defendere
defensione occisiva quæ actu possidemus,
sed etiam ad quæ jus inchoatum habemus:
& quæ nos possessuros speramus.

33. Licitum est tam heredi, quàm
legatario, contra injustè impediētem ne
vel hereditas adeatur, vel legata solvan-
tur

4. 362. 464.

3. 184. 219.

4. 494. 632.

4. 490. 628.

4. 491. 629.

Ibid.

Par. Pag. Num. tur, se taliter defendere: sicut & jus habenti in Cathedram vel Præbendam contra eorum possessionem injustè impediētem.

4. 514. 650. 34. Licet procurare abortum ante animationem fœtus, nè puella deprehensa gravida occidatur aut infametur.

4. 514. 650. 35. Videtur probabile, omnem fœtum, quandiu in utero est, carere anima rationali, & tunc primùm incipere eandem habere cùm paritur, ac consequenter dicendum erit, in nullo abortu homicidium committi.

4. 605. 730. 36. Permissum est furari, non solum in extrema necessitate, sed etiam in gravi.

4. 609. 733. 37. Famuli & famula domesticæ possunt occultè surripere ad compensandam operam suam, quam majorem judicant salario, quod recipiunt.

4. 608. 732. 38. Non tenetur quis sub pœna peccati mortalis restituere quod ablatum est per pauca furta, quantumcumque sit magna summa totalis.

4. 662. 791. 39. Qui alium movet aut inducit ad inferendum grave damnum tertio, non tenetur ad restitutionem illius damni illati.

3. 415. 480. 40. Contractus Mohatra licitus est, etiam repetitū ejusdem personæ, & cum contractu retrovenditionis præviè inito, cum intentione lucri.

3. 416. 482. 41. Cùm numerata pecunia pretiosior sit

fit numerandū, & nullus fit qui non ma- Par. Pag. Num.
 joris faciat pecuniam præsentem quàm
 futuram, potest creditor aliquid ultra sor-
 tem à mutuatario exigere, & eo titulo ab
 usura excusari.

42. Usura non est, dum ultra sortem 3. 379. 449.
 aliquid exigitur, tanquàm ex benevo- 3. 419. 488.
 lentia & gratitudine debitum, sed so-
 lùm si exigatur tanquàm ex justitia debi-
 tum.

43. Quidni nonnisi veniale sit detrahen- 3. 548. 643.
 tis auctoritatem magnam, sibi noxiam,
 falso crimine elidere?

44. Probabile est non peccare mortali-
 ter, qui imponit falsum crimen alicui, ut
 suam justitiam & honorem defendat. Et si
 hoc non sit probabile, vix ulla erit opinio
 probabilis in Theologia. Ibid.

45. Dare temporale pro spirituali non
 est simonia, quando temporale non datur
 tanquàm pretium, sed dumtaxat tan- 2. 392. 894.
 quàm motivum conferendi vel efficiendi
 spirituale, vel etiam quando temporale
 sit solùm gratuita compensatio pro spiritua-
 li, aut è contra.

46. Et id quoque locum habet, etiamsi 2. 393. 894.
 temporale sit principale motivum dandi
 spirituale; immò etiamsi sit finis ipsius rei
 spiritualis, sic ut plurius æstimetur quàm res
 spiritualis.

47. Cùm dixit Concilium Tridenti- 2. 348. 846.
 num, Eqs alienis peccatis communican-
 tes

ar. Pag. Num. *tes mortaliter peccare, qui, non quos digniores & Ecclesiæ magis utiles ipsi judicaverint, ad Ecclesias promovent, Concilium, vel primò videtur per hoc, digniores, non aliud significare velle, nisi dignitatem eligendorum, sumpto comparativo pro positivo; vel secundò, locutione minùs propriâ ponit digniores, ut excludat indignos non verò dignos; vel tantùm loquitur tertio, quando fit concursus.*

3. 457. 537. *48. Tam clarum videtur, fornicationem secundùm se nullam involvere malitiam, & solùm esse malam quia interdicta, ut contrarium omninè rationi dissonum videatur.*

3. 498. 590. *49. Mollities jure naturæ prohibita non est. Unde si Deus eam non interdixisset, sapè esset bona, & aliquando obligatoria sub mortali.*

4. 574. 703. *50. Copula cum conjugata, consequente marito, non est adulterium, adeoque sufficit in Confessione dicere, Se esse fornicatum.*

3. 184. 219.
3. 495. 586. *51. Famulus, qui submissis humeris scienter adjuvat herum suum ascendere, per fenestras ad stuprandum virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta nè à domino malè tractetur, nè*

nè torvis oculis aspiciatur , nè domo expel- Par. Pag. Num.
latur .

52. Præceptum servandi Festa non obli- 4. 406. 526.
gat sub mortali , seposito scandalo , si absit
contemptus .

53. Satisfacit præcepto Ecclesiæ de
audiendo Sacro , qui duas ejus partes , 4. 412. 537-
immò quatuor , à diversis celebrantibus
audit .

54. Qui non potest recitare Matutinum
& Laudes , potest autem reliquas Horas , 1. 434. 595.
ad nihil tenetur , quia major pars trahit ad
se minorem .

55. Præcepto Communionis annuæ sa- 1. 118. 198.
tisfit per sacrilegam Corporis Domini man-
ducationem .

56. Frequens Confessio & Communio , 1. 170. 166.
etiam in his qui gentiliter vivunt , est nota
prædestinationis .

57. Probabile est sufficere attritionem 1. 248. 391.
naturalem , modò honestam .

58. Non tenemur Confessario inter- 1. 289. 450.
roganti fateri peccati alicujus consuetudi- 302. 467.
nem .

59. Licet sacramentaliter absolvere
dimidiatè tantum confessum ratione magni
concursus Pœnitentium , qualis verbi gra-
tiâ potest contingere in die magnæ alicujus
Festivitatis aut Indulgentiæ .

60. Pœnitenti habenti consuetudinem 1. 406. 658.
peccandi contra Legem Dei , Naturæ , vel
Ecclesiæ , etsi emendationis spes nulla ap-
pa-

Par. Pag. Num. *pareat, nec est neganda, nec differenda. Absolutio, dummodò ore proferat se dolere, & proponere emendationem.*

I. 404. 654. 61. *Potest aliquando absolvi, qui in proxima occasione peccandi versatur, quam potest & non vult dimittere, quin imò directè & ex proposito quærit, aut ei se ingerit.*

Ibid. 62. *Proxima occasio peccandi non est fugienda, quando causa aliqua aut utilis, aut honesta non fugiendi occurrit.*

Ibid. 63. *Licetum est quærerere directè occasionem proximam peccandi, pro bono spirituali vel temporali nostro, vel proximi.*

I. 396. 644. 64. *Absolutionis capax est homo, quantumvis laboret ignorantia Mysteriorum Fidei, & etiamsi per negligentiam, etiam culpabilem, nesciat Mystrium sanctissimæ Trinitatis & Incarnationis Domini nostri Jesu Christi.*

4. 169. 229. 65. *Sufficit illa Mysteria semel credidisse.*

Quicumque autem cujusvis conditionis, statûs, & dignitatis, illas vel illarum aliquam, conjunctim vel divisim, defenderit, vel ediderit, vel de eis disputaverit, publicè aut privatim tractaverit, vel prædicaverit, nisi forsan impugnando, ipso facto incidat in excommunicationem latæ Sententiæ, à qua non possit (præterquàm in articulo mortis) ab alio, quacumque etiam dignitate fulgen-

gente , nisi à pro tempore existente Romano Pontifice , absolvi .

Insuper districtè & in virtute sanctæ Obedientiæ , & sub interminatione Divini judicii prohibet omnibus Christi Fidelibus , cujuscunque conditionis , dignitatis & statûs , etiam speciali & specialissimâ notâ dignis , nè prædictas opinioniones , aut aliquam ipsarum ad praxim deducant .

Tandem ut ab injurijs contentionibus Doctores & Scholastici , aut alii quicumque imposterum se abstineant , & ut paci & charitati consulant , idem Sanctissimus in virtute sanctæ Obedientiæ eis præcipit , ut tam in Libris imprimendis ac Manuscriptis , quàm in Theſibus , disputationibus ac prædicationibus caveant ab omni Censura & Nota , nec non à quibuscunque convitiis , contra eas Propositiones , quæ adhuc inter Catholicos hinc inde controvertuntur , donec à Sancta Sede , recognita , super iisdem Propositionibus judicium proferatur .

FRANCISCUS RICHARDUS ,

Sanctæ Romanæ & Universalis Inquisitionis Notarius .

Loco † Sigilli .

Anno

Anno à Nativitate Domini nostri Jēsu
Christi , MDCLXXIX. Indictione secundā ,
die verò quartā mensis Martii, Pontificatūs
autem Sanctissimi in Christo Patris & Do-
mini nostri Innocentii Divinā Providentiā
Papæ XI. anno tertio. supradictum decretū
affixum & publicatum fuit ad valvas Basti-
licæ Principis Apostolorum , Cancellariæ
Apostolicæ , ac in acie Campi Floræ , ac in
aliis locis solitis & consuetis Urbis per me
Franciscum Perrinum ejusdem Sanctissimi
D. N. Papæ , & Sanctissimæ Inquisitionis
Cursorē .



PARS PRIMA.

DE SACRAMENTIS.

ARTICULUS PRIMUS.

DE

SACRAMENTIS IN GENERE.

f. **S**ACRAMENTUM est invisibilis gratiae visibile signum, ad nostram justificationem institutum. *Definitio Sacramenti*
Signum, inquam, practicum & efficax, Gratiam scilicet, quæ res Sacra est per ipsum significata in suscipientibus, modò nullum obicem apponant, operans. Quæ ratione à definitione Sacramenti excluduntur creaturæ sensibiles, quæ licet aliquid sacrum significant, scilicet sapientiam & bonitatem divinam quatenus sunt in seipsis sacræ, non tamen quatenus nos per eas sanctificamur. Unde Sacramenta dici non possunt, quia Sacramentum est signum rei sacræ in quantum sanctificat homines, ut ratiocinatur S. Thomas 3. P. Quæst. 60. Articulo 3. Hac etiã ratione differunt Sacramenta Novæ Legis à Sacramentis Veteris Legis, quæ ob eam tantum rem à Deo hominibus commendata sunt, ut aliquid signi-

A gni-

PARS I.
Art. I.

gnificarent, in memoriam revocarent, aut promitterent: Cujusmodi fuerunt Circumcisio, Legis purificationes, Panis azymus, Sacrificia, & ceteræ Mosaici cultûs ceremoniæ.

*Sacramē-
ta ex Dei
institutio-
ne signa
sunt præ-
ctica, &
efficacia.*

2. Ex Dei autem institutione Sacramenta significandi vim habent, cum solus Deus sit Sacramentorum autor, uti & Fidei & Religionis, Unde Aqua Benedicta, signum crucis, unctio pectoris, Benedictio Episcopalis, in Sacramentorum numero non censentur, tum ob alias rationes, tum quod Ritus non sint à Deo immediatè instituti, sed ab Ecclesia.

*Sacramē-
torum no-
væ Legis
triplex si-
gnificatio.*

3. Triplex autem est in Sacramentis Novæ Legis significatio: Significant enim rem aliquam præteritam, Christi scilicet Redemptoris Passionem, quæ sanctitatis causa est: Rem præsentem indicant, scilicet gratiam, quam operantur: Rem futuram prænuntiant, scilicet æternam beatitudinem, ad quam sanctitas nostra velut ad finem referri debet.

*Sacramē-
torum ne-
cessitas.
Duplex
necessitas,
una me-
dii, alia
præcepti.*

4. Circa Sacramentorum necessitatem, observandum est, necessitatem aliam esse præcepti, aliam medii, Prima, est obligatio à mandato Superioris profecta: Altera est absoluta obligatio ex institutione medii derivata, Omissio ejus quod primo tantummodo necessarium est, legitimâ causâ potest excusari; nec salutis æternæ dispendium patitur, qui legis positivæ præceptum, qua-

tenus

IN GENERE :

3

PARS I.
Art. 1.

tenus præcisè tale est , non implet , cùm graves & legitimæ causæ prohibent , sive illius executionem impossibilem reddunt . Omis-
sio vel defectus ejus , quod secundo modo ne-
cessarium est , nusquam , & nulla ratione
potest excusari . Unde in æternum perit ,
quisquis non adhibet , vel cui non adhibetur
medium ad salutem æternam necessarium .

5. Sacramenta Novæ Legis necessaria
sunt ad salutem , quædam simpliciter neces-
sitate medii & præcepti : quædam solâ ne-
cessitate præcepti : Non tamen omnia sin-
gulis . Concil. Triden. Sessione 7. Canone
4. Baptismus quidem & Pœnitentia , quæ
duo Sacramenta mortuorum à Theologis
vocantur , quodd ad primam gratiam confe-
rendam , & vitam animæ per peccatum mor-
tuæ restituendam instituta sint , non solùm
præcepti , sed & medii necessitate sunt ne-
cessaria ; Baptismus omnibus , Pœnitentia
autem iis , qui gratiam regenerationis in Ba-
ptismo perceptam peccato mortali profliga-
runt . Quamobrem nemo homo sine Baptis-
mo , vel in re , vel in voto suscepto , salutem
æternam consequi potest , secundum Chri-
sti oraculum , Johannis 3. 5. *Amen , Amen
dico tibi , Nisi quis renatus fuerit ex aqua
& Spiritu-Sancto , non potest introire in Re-
gnum Dei .* Nemo pariter in lethale pecca-
tum post Baptismum prolapsus , absque Pœ-
nitentiæ Sacramento , in re , vel in voto su-
scepto , ad salutem æternam pervenire po-

*Non om-
nia singu-
lis neces-
saria .*

*Quæ Sa-
cramenta
mortuorū,
& curia
appellata.*

4 DE SACRAMENTIS

PARS I. test, secundum alterum Christi oraculum;
 Art. 1. Lucæ 13. 5. *Si Pœnitentiam non egeritis,*
Qua vi- *omnes similiter peribitis.* Alia verò, quæ
vorum. *vivorum Sacramenta dicuntur, quodd vitam*
spiritualem in suscipientibus exigant, & ad
augendam gratiam sint instituta, scilicet
Confirmatio, Eucharistia, Extrema-Unctio.
Ordo, Matrimonium, necessaria sunt neces-
sitate præcepti affirmativi (ut Theologi de
Schola loquuntur) id est, in certis rerum
circumstantiis & temporum opportunitati-
bus obligantis. Non tamen omnia singulis
hominibus necessaria sunt. Non enim sin-
gulos sacris Ordinibus initiari, vel Matri-
monio jungi necesse est: quamvis Ecclesiæ
simpliciter necessaria sint Ordinis & Matri-
monii Sacramenta: illud ad Ministrorum
consecrationem: istud ad hominum, qui
Christiani fiant, & in quibus conservetur
hîc militans Ecclesia, propagationem.

Materia, 6. *Omnia Sacramenta tribus perfici,*
& forma videlicet rebus tanquam materiâ, verbis
Sacramen- *tanquam formâ, & personâ Ministri confe-*
torum. *rentis Sacramentum, cum intentione fa-*
ciendi quod facit Ecclesia; quorum si aliquod
desit, non perficitur Sacramentum, constat
ex Eugenio IV. in Decret. ad Armenos. Sed
de partibus internis dumtaxat Sacramento-
rum impræsentiarum agimus, postea de Mi-
nistro, ejusque intentione acturi.

Materia 7. *Materiæ nomine non res tantum, sed*
proxima, & actus sensibiles; in doctrina Sacramento-
rum

IN GENERE :

5

rum intelliguntur , ut ablutio , unctio , & in PARS I.
Pœnitentiæ Sacramento contritio , confessio, Art. 1.
satisfactio ; in Matrimonio , contrahentium & remota.
consensus verbo , vel nutu expressus : quia
in his eadem est ratio significandi , ac in re-
bus sensibilibus ,

8. Materiæ & formæ Sacramentorum *Materia ;*
sunt à Christo determinatæ ; nihilominus ma- *& formæ*
terias , & formas quorundam Sacramen- *Sacramen-*
torum à Christo in genere tantum determi- *torum sunt*
natas ; earum verò determinationem in spe- *d Christo*
cie , Apostolorum & Ecclesiæ auctoritati ac *determi-*
prudentiæ commissam , probabilis est pluri- *nata : non*
morum Theologorum opinio. Ita censent *tamen om-*
Petrus Cantor Parisiensis in Summa de Sacra- *nes in spe-*
mentis , *Alexander Halensis* 4. P. Summæ. *cie ; sed*
S. Bonaventura in 4. Sententiarum ; & è *aliquas*
Recentioribus Cardinalis Bellarminus Lib. *dumtaxat*
De Ordine & Extrema-Unctione , Cap. 9. *in genere*
Petrus Arcudius agens de modo conciliandi *esse deter-*
Ecclesiæ Græcæ Ritum in Sacris Ordinibus *minatas ,*
cum Ritu Ecclesiæ Latinæ , Lib. 6. Cap. 4. *probabilis*
Hallerius Lib. *De Sacris Ordinationibus* , *est pluri-*
ubi de materia & forma Ordinum agit , Se- *morum*
ctione 11. Cap. 11. Art. 1. §. 21. *Theologo-*
Philippus *Garnachaus* , Tract. *rum opi-*
De Sacramento Ordinis , Cap. 4. Cardinalis *nio .*
De Lugo Disput. 11. *De Sacramentis* , Sectione 5. Num. 85. *Joan-*
Morinus Lib. 8. *De Administratione*
Sacramenti Pœnitentiæ , Cap. 17. In qua
etiam opinione fuit *Innocentius IV.* in Cap.
Presbyter , *De Sacramentis non iterandis .*

PARS I.
Art. 1.

Hanc plerique Theologi Parisienses doctissimi tuentur, quòd aliàs Ordinationes sacras Græcorum cum Latinorum Ordinationibus conciliare vix possibile ipsis videatur, cùm nec Instrumentorum Traditio, nec hujusmodi traditioni respondentes verborum formulæ à Græcis usurpentur, quorum tamen Ordinationes Romana recipit Ecclesia. Imò nec Ritum antiquum Ecclesiæ Latinæ cum hodierno conciliare facile putant, nisi hoc principium statuatur: siquidem in Diaconorum & Presbyterorum Ordinationibus, hujusmodi instrumentorum, & formarum seu verborum solemnium, quæ nunc pronuntiarì solent cùm Ordinandis traduntur, antiqua Sacramentaria, & Rituales Latinorum Libri nullatenus meminerunt, ut probat *Morinus* P. 3. De Sacris Ordinationibus, Exercitatione 7. Cap. 1. & Exercitatione 9. Cap. 1. Censent igitur laudati Theologi, ita institutum esse à Christo Sacramentum Ordinis, ut Ministrorum consecratio fieret aliquibus verbis & symbolis externis, quibus satis significaretur ministerium ad quod ordinabantur: ut autem potiùs hæc quàm illa symbola adhiberentur, in Ecclesiæ arbitrio reliquisse. Unde Concilium Tridentinum Sessione 23. Cap. 3. docet *Sacram Ordinationem verbis & signis exterioribus perfici*: Non autem definit, quænam sint verba & signa; quòd nimirum in genere dumtaxat à Christo instituta sint, ab Ecclesia

IN GENERE.

7

PARSI.
Art. 1.

fia autem in specie determinata . In Sacramento Matrimonii idem perspicuum , & exploratum esse afferunt . A Christo quippe institutum esse contractum legitimum pro materia istius Sacramenti : sed quia contractum legitima ratio pendet à Legibus Principum , & moribus regionum , Ecclesiæ potestati & arbitrio reliquit determinationem conditionum legitimi contractûs , quibus positis ad Sacramenti dignitatem evehatur . Sic Matrimonia clandestina ante Concilium Tridentinum rata , etsi illicita , ejusdem S. Concilii auctoritate , & Decreto irrita deinceps declarata sunt .

9. Mutatio substantialis materiæ , aut formæ sacramentalis , tollit veritatem Sacramenti , ipsûmque irritum reddit . Mutatio substantialis materiæ , fit cum alterius speciei res sensibilis ad conficiendum Sacramentum adhibetur , quàm à Christo præscripta sit , ut si aqua artificialis , aliûsve liquor ad Baptismum ; acetum , aut liquor ex uvis non maturis expressus , & panis hordeaceus , aut farinæ massa non cocta ad Eucharistiam conficiendam usurpetur . Mutatio accidentalis materiæ , est alteratio quâ species elementi sensibilis à Christo præscripti non solvitur , ut si sal , vel cinis in aquam injiciatur , vel fermentum immisceatur farinæ ex qua conficitur panis . Unde Baptismus in aqua maris , in lixivio , in aquis mineralibus collatus , validus est . Va-

*Mutatio
substantialis
materiæ aut
formæ sa-
cramenta-
lis tollit
veritatem
Sacramen-
ti .
Qua mu-
tatio ma-
teriæ sa-
cramenta-
lis censenda
sit sub-
stantialis ,
qua acci-
dentalis ,*

8 DE SACRAMENTIS

PARS I. lida etiam panis fermentati consecratio.

Art. 1. 10. Mutatio substantialis formæ, est ea

*Quæ sit
mutatio
substantia-
lis formæ
Sacramen-
ti.*

quæ verborum sensus tollitur. Talis erat mutatio quam invexerat propago quædam Valentinianorum Hæreticorum, baptizans *In nomine ignoti omnium Patris, in veritate omnium Matre, in eo qui descendit in Jesum* (ut refert S. Irenæus Lib. 1. Cap. 18. & Eusebius Lib. 4. Historiæ Ecclesiasticæ Cap. 11.) Accidentalisis quæ verba mutantur, integro sensu remanente; ut si in formâ Sacramenti Eucharistiæ, *Hoc est enim corpus meum*, particula causalis, *enim*, omittetur: vel pronomen *Ego*, in formâ Baptismi: vel si linguâ vernaculâ, aut extraneâ, verba sacramentalia proferantur: vel si intra eandem linguam verba synonyma, id est, ejusdem significationis cum iis quibus utitur Ecclesia, usurpentur; verbi gratiâ, si loco hujus verbi, *Baptizo*, dicatur, *Abluo*; aut pro verbo, *Absolve*, dicatur, *Remitto*, aut *Con dono tibi peccata tua*. Si tamen non sit eadem verborum significatio explicitè, & distinctè, atque ex publico & communi usu, substantialis mutatio censenda est: verbi gratiâ, si quis dixerit, *Ego te baptizo in nomine Sanctissimæ Trinitatis*. Istud enim nomen, *Trinitas*, trium divinarum Personarum distinctam invocationem non exprimit, quæ ad perficiendum Baptisimum ex institutione Christi necessaria est. Similiter si quis dixerit, *Ego te baptizo in nomine Genitoris,*
& Ge.

& *Geniti*, & *Procedentis ab utroque*, sub- PARS I.
 stantialis mutatio censetur: quia licet Pa- Art. 1.
 tris & Genitoris, Filii & Geniti, Spiritus-
 Sancti, & *Procedentis ab utroque* nomina
 synonyma sint ex parte rei significatæ, non
 tamen ex modo intelligendi, & significandi,
 neque ex publico & communi usu, ut colli-
 gitur ex *S. Thoma* I. P. Q. 40. A. 2. & 3.
 P. Q. 66. A. 5. in Resp. ad 1. argum.

11. Transpositio verborum sacramen-
 talium quandoque mutationem substantia-
 lem infert in formam sacramentalem, quan-
 doque accidentariam dumtaxat. Substantia-
 lis mutatio est, si transpositio tollat sensum
 locutionis; accidentaria, si non tollat; qua
 de re ex communi hominum sensu iudicium
 ferendum est. Exempli gratiâ, si Minister
 Baptismi dixerit, *In nomine Patris, & Fi-
 lii, & Spiritus-Sancti, ego te baptizo*; aut
 Sacerdos Eucharistiam consecrans dicat, *Hoc
 corpus meum est*, integra est forma sacra-
 mentalis, quia sensus idem manet. Si verò
 baptizans dixerit: *Patris te, ego baptizo in
 nomine Filii, & Spiritus-Sancti*, aut *Filii
 ego baptizo te, in nomine & Patris, & Spi-
 ritus-Sancti*, violatur substantia formæ, quia
 sensus propter quem forma verborum, sa-
 cramentaliū instituta & præscripta est, tol-
 litur: addque non perficitur Sacramentum.

*Que ver-
 borū tran-
 spositio for-
 mam Sa-
 cramenti
 corrumpit.*

12. Interruptio verborum mutationem
 interdum substantialem, aliàs accidentariam
 dumtaxat in formam sacramentalem inve-

*Que ver-
 borū in-
 interruptio*

hit:

PARSI.
Art. 1.
formæ Sa-
cramenti
vi. iet.

hit: substantialem quidem, si tanta sit *Ut intercipiatur intentio pronuntiantis*, & verborum sensus tollatur; ut si quis post hæc verba, *Hoc est corpus*, Psalmum recitet, aut silendo longam moram interponat, ac deinde proferat nomen, *Meum*, tollitur sensus, adeoque irritum est Sacramentum. Si verò parva sit interruptio, *Quæ intentionem proferentis*, & intellectum verborum non auferit, mutatio tantum accidentaria est, integritatem Sacramenti non impediens: ut si Sacerdos Eucharistiam consecrans, postquam dixit, *Hoc est*, sternutaret, vel tussiret, moxque subjungeret, *Corpus meum*: Vel postquam dixit, *Ego te baptizo*, silentium imposeret fabulantibus, dicens, *Silete*, statimque subjungeret, *In nomine Patris, & Filii, & Spiritûs-Sancti*.

*Quæ ver-
borû omis-
sio irritû
redat Sa-
cramentû.*

13. Omissio verborum ad substantiam formæ Sacramentalis pertinentium, quæ tunc fieri censetur, cum tollitur debitus verborum sensus, ut si alicujus è tribus Personis Sanctissimæ Trinitatis nomen in forma Baptismi fileretur, irritum reddit Sacramentum. Unde *Didymus Lib. 2. De Spiritu-Sancto*, ait: *Si quis ita baptizare conetur, ut unum de prædictis Nominibus prætermittat* (scilicet Patris, & Filii, & Spiritûs-Sancti) *sine perfectione baptizabit*. Similiter si personam baptizati non exprimeret Minister Baptismi, pronomen demonstrativum secundæ aut tertiæ Personæ, aut nomen pro-

proprium omittens, dicēsq̃ue dumtaxat: **PARSI.**
Ego baptizo in nomine Patris, & Filii & Spiritūs-Sancti, formæ Sacramentalis substantia violaretur. Idem iudicium ferendum est de ommissione pronominis demonstrativi *hoc*, vel *hic*; aut pronominis *meum*, vel *mei*, in forma consecrationis Eucharistiæ.

14. Additio verborum, quæ debitum formæ sacramentalis sensum corrumpunt, tollit veritatem Sacramenti; ut si aliquis dicat: *Ego te baptizo in nomine Patris majoris, & Filii minoris*: sicut Ariani quidam baptizabant. Vel, *Ego te baptizo in nomine Patris, per Filium, in Spiritu Sancto*, Sic enim collatum baptisma irritum esse, miraculo comprobatum est, referente Theodoro Lectore, Lib. 2. Historiæ Ecclesiasticæ. Si verò ejusmodi additio fiat, quæ non auferat debitum sensum, non tollitur Sacramenti veritas, sive fiat in principio, vel in medio, vel in fine formæ sacramentalis: ut si aliquis dicat, *Ego te baptizo in nomine Dei Patris omnipotentis, & Filii ejus unigeniti, & Spiritūs-Sancti Paracleti*, erit verum Baptisma. Similiter si quis dicat, *Ego te baptizo in nomine Patris, & Filii, & Spiritūs-Sancti; & Beata Virgo te adjuvet*, erit verum Baptisma. Fortè autem si diceret, *Ego te baptizo in nomine Patris, & Filii, & Spiritūs-Sancti, & Beata Virginis Mariæ*, non esset Baptismus; quia dicitur 1. ad Corinth. 1. *Numquid Paulus pro*

Quæ verborū additio tollat veritatem Sacramenti.

PARS I. *vobis crucifixus est? Aut in nomine Pauli*
 Art. 1. *baptizati estis?* Et quidem si eodem modo
 intelligeretur in nomine Beatæ Virginis ba-
 ptizari, sicut in nomine Patris, & Filii, &
 Spiritûs-Sancti, quo Baptismus consecratur;
 talis sensus esset contrarius fidei, & institu-
 tioni Christi, & tolleretur veritatem Sacra-
 menti: si verò sic intelligeretur, non quasi
 nomen Beatæ Virginis aliquid operetur in
 Baptismo, sed ut ejus intercessione prodesset
 baptizato ad conservandam gratiam baptis-
 malem non tolleretur perfectio Sacramenti
 (inquit S. Thomas.) Cum itaque hæc verba,
& in nomine Beata Virginis, æquivocatio-
 nem patiantur, interrogandus esset Minister
 de intentione suâ, siquidem oratio quæ pa-
 titur plures sensus ad unum illorum deter-
 minatur ex intentione proferentis. Si autem
 de intentione Ministri à quo hæc addita sunt,
 liquidò non constet, dubius est Baptismus,
 idèdque sub conditione baptizandus est, qui
 sub hac verborum formulâ tinctus fuit.

*Quamvis
 aliquid
 addatur
 forme con-
 tra fidem,
 si tamen
 eius sen-
 sum non
 variet, ir-
 ritum Sa-
 cramentum
 non facit.*

15. Quamvis porro aliquid addatur con-
 tra fidei veritatem, si tamen formam non
 afficiat, nec in eam refundatur, aut ejus
 sensum variet, non tollit veritatem Sacra-
 menti: ut si Sacerdos consecrans Euchari-
 stiam, post hæc verba, *Hoc est corpus meum*,
 preces aliquas adderet hæresim continentés,
 dicendo verbi gratiâ: *Et illud in cælis ad
 dexteram Patris positum adoramus, cujus
 figuram tantum in terris nobis præbes.* Vel;

Tri-

Tribue Domine, ut quod ore manducari non potest, fide sumamus: Vel si adjungeret formæ hæc verba, Quod de cælo sumptum est; aut Quod ubique est, non quasi partem formæ sacramentalis esse vellet, sed ut errorem suum indicaret; aut alios in eamdem hæresim pertraheret, vera esset ac rata consecratio, modò intenderet facere quod facit Ecclesia. Alioqui si legitima intentio ipsi deesset, irritum esset Sacramentum. Atque hæc mens est S. Thomæ Quæst. 61. A. 1. dicentis: Si intendat per hujusmodi additionem, vel diminutionem alium Ritum inducere, qui non sit ab Ecclesia receptus, non videtur perfici Sacramentum; quia non videtur quòd intendat facere id quod facit Ecclesia.

16. Qui corruptè profert verba sacramentalia, si hoc ex industria facit, non videtur Sacramentum administrare cum intentione faciendi quod facit Ecclesia; & ita non videtur perfici Sacramentum. Si autem hoc faciat ex errore, vel lapsu linguæ, & corruptio tanta sit ut sensus locutionis destruat, ut si loco istorum verborum, *In nomine Patris*, dicat, *In nomine Matris*; vel pro verbo *Baptizo*, dicat, *Baptizor*, nullum pariter Sacramentum est. Si verò non penitus auferatur sensus locutionis per hujusmodi corruptelam, perficitur nihilominus Sacramentum: ut si aliquis dicat, *Ego te baptizo in nomine Patria, & Filia, & Spiritu-San-*

Cùm minister Sacramenti corruptè profert verba, non ex industria, sed ex ignorantia & rusticitate, & remanet integer locutionis sensus, perficit Sacramentum.

cta. Quamvis enim hujusmodi verba corruptè

PARS I.

Art. 1.

ptè prolata nihil significant ex virtute impositionis, accipiuntur tamen ut significantia ex accommodatione usus: & idè licet mutetur sonus sensibilis, remanet tamen idem sensus. Id constat ex Epistolâ Zachariæ Romani Pontificis ad Bonifacium Episcopum, quæ refertur Cap. *Retulerunt*, De Consecrat. Dist. 4. Nec etiam Sacramentalis formæ substantiam mutavit alius Presbyter, qui rusticè hunc in modum baptizavit: *In nomine Patris mergo, & Filii mergo, & Spiritus-Sancti mergo*, ut respondit *Stephanus II.* Cap. 14.

*Materia,
vel forma
Sacramen-
torum sac-
crilegæ
mutatio-
nes.*

17. Sacramentorum formas & materias quâvis ratione mutare nemini hominum licet. Unde qui ex industriâ, vel crassâ negligentia materiam sic immutarent, ut Sacramentum irritum redderetur, peccarent mortaliter peccato sacrilegii. Hujusmodi enim mutatio in maximam Dei Sacramentorum auctoris redundaret injuriam, cujus institutio lexque contemneretur, Gravis etiam fuscipienti inferretur injuria, qui Sacramenti fructu prorsus omni privaretur. Lethaliter etiam peccarent, qui quâcumque materiæ, vel formæ mutatione ritus novos, aut errores ab Ecclesia damnatos inducere intenderent. Neque enim Ministros Sacramentorum excusare potest juris ignorantia: quia necessaria ad ministerium officiûmque suum ritè obeundum scire debent. Excusari tamen posset laicus in necessitate baptizans, & ex ignorantia formam sacramentalem

talem corrumpens : non tamen obstetrix jurata , quæ ad obstetricandi munus admitti non debet , nisi ad Baptismum in necessitatis articulo sub præscriptâ verborum formâ conferendum probè sit instituta , ut Ecclesiæ Decretis sancitum est .

PARS I.
Art. 1.

18. Peccaret etiam lethaliter, qui ex industria corruptè proferret , aut mutaret verba formæ sacramentalis (quamvis sensus idem maneret, adeoque accidentaria tantum fieret mutatio) ratione gravis negligentiae, contemptûs, vel scandali : quod maximè locum haberet , si corruptio illa , vel mutatio esset notabilis : ut si quis sciens volens baptizaret *In nomine Patriæ, & Filia, & Spiritu Sancta* : vel in consecratione Calicis omitteret hæc verba , *Novi, & æterni Testamenti, Mysterium fidei* . Si autem mutatio levis sit, neque cum plena consideratione, & deliberatione facta , Minister venialiter tantum peccabit .

Corruptio formæ ex industria, etiam remanente forma, est gravi peccatum .

19. Lethalis peccati reus est , qui materiâ aut formâ dubiâ utitur in Sacramentorum administratione, cum certam & indubitatam habere potest : quia periculo non conficiendi Sacramentum , adeoque sacrilegii, & irrisionis rerum divinarum, se exponit . In eoque casu locum habet illa Christianæ Moralis Regula à *S. Augustino* tradita Lib. 1. *De Baptismo*, Cap. 3. *Graviter peccaret in rebus ad salutem animæ pertinentibus, vel eo solo quòd certis incerta præponeret .*

Materia, vel formâ dubiam, adhibere, etiam grave peccatum .

Nec

PARS I.

Art. 1.

Nec obstat opinionis probabilitas : quamvis enim speculativè probabile sit quoddam materiæ quædam & formæ , de quibus in Scholis disputatur , sufficientes ac legitimæ sint ; non tamen probabile est in praxi , ita ut illis uti liceat , quando certæ & indubitatæ adhiberi possunt . Unde *Innocentius XI.* Pontif. Maximus anno Christi 1679. die secundâ Martii , hanc Propositionem damnavit : *Non est illicitum in Sacramentis conferendis sequi opinionem probabilem de valore Sacramenti , relicta tutiore , nisi id votet Lex , conventio , aut periculum gravis damni incurrendi . Hinc sententiâ probabili tantum utendum non est in collatione Baptismi , Ordinis Sacerdotalis , aut Episcopalis .*

Qui modum materiæ , & formæ notabilem non servat graviter peccat.

20. Lethale denique peccatum committit , qui modum materiæ & formæ notabilem , & ab Ecclesia universali , vel sua observatum non servat : verbigratiâ , Sacerdos qui ex industriâ non misceret aquam vino in Missa consecrando : & Latinus item Presbyter , qui Eucharistiam in fermentato consecrare præsumeret , aut Græcorum formâ in Baptismi administratione uteretur .

Septenarium Sacramentorum numerum probant Ecclesiæ consensus , & auctoritas

21. Septenarium Sacramentorum numerum probat summus Ecclesiæ cùm Latine tùm Græcæ in eo retinendo consensus , & Protestantium in numero Sacramentorum constituendo discordia , quibusdam unum , aliis duo , aliis tria , nonnullis quatuor , vel quinque admittentibus . Confirmatur Ca-
tho-

tholica de septenario Sacramentorum numero veritas ex *Lucii III. Romani Pontificis* Decretali, ex *Bulla Martini V.* in Concilio Constantiensi editâ, ex *Eugenii IV.* Decreto ad Armenos Florentiæ dato, & ex Synodi Tridentinæ Oraculo Sessione 7. Canone 1. cujus hæc sunt verba : *Si quis dixerit Sacramenta Novæ Legis non fuisse omnia à Jesu Christo Domino nostro instituta, aut esse plura vel pauciora quàm septem, videlicet Baptismum, Confirmationem, Eucharistiam, Pœnitentiam, Extremam-Uñctionem, Ordinem, & Matrimonium; aut etiam aliquod horum septem non esse verè, & propriè Sacramentum: Anathema sit.*

22. Sacramenta Novæ Legis non solùm Gratiam sanctificantem conferunt, vel augment, sed etiam Gratiam peculiarem tribuunt unicuique Sacramento propriam, quæ propterea Sacramentalis dicitur. Consentientibus Theologorum Catholicorum suffragiis hæc approbatur Propositio. *Addit autem Gratia Sacramentalis super gratiam communiter dictam, & super virtutes & dona, quoddam divinum auxilium ad consequendum Sacramenti finem* (inquit *S. Thomas Quæst. 62. 3. P. A. 2.*) Conferunt autem illam ex opere operato, idest, ex vi actionis Sacramentalis à Christo institutæ; unde eorum efficacia in fidem, aut devotionem suscipientis non refunditur; Sed in virtutem ex passione Christi Sacramentorum auctoris

Quam gratiam Sacramenta conferunt, & quomodo.

Sacramentorum efficacia in fidem, aut

PARS I.
 Art. 1.
*devotionē
 suscipien-
 tium non
 refundi-
 tur.*

in illa derivatam, ut liquido etiam probatur ex Baptismo parvulorum, qui actualis fidei atque devotionis per etatem sunt incapaces; necnon ex illorum Baptismo, qui rationis usu per morbum destituti baptizantur, quo modo amicum suum baptizatum testatur *S. Augustinus Lib. 4. Confessionum, Cap. 4. Idem Lib. 1. De Adulterinis Conjugiis, Cap. 27. & 28.* Catechumenos in ultimo vitæ discrimine constitutos, quamvis Baptismum petere, vel ad interrogata respondere non possint, baptizandos tamen esse docet, eis-que prodesse debere, quod eorum in fide Christianâ jam nota voluntas est, ut eo modo baptizentur, quomodo baptizantur infantes, quorum voluntas nulla adhuc patuit. Frustrâ autem in tali statu constitutis Baptismus, vel Absolutio sacramentalis conferrentur, si ipsa per se Sacramenta gratiam non producerent, sed omnem vim suam ex fide, & devotione suscipientium derivarent.

*Discrimi-
 men Sa-
 crament-
 um vete-
 ris, & No-
 vae Legis.*

Atque hoc discrimen est Sacramentorum Novæ Legis à Sacramentis Veteris Legis, quod illa gratiam ex opere operato conferant, non ista, quæ propterea *Infirmæ, & egenæ elementa* vocat Apostolus ad *Galatas 4.* Quod ut Dogma fidei asserit Concilium Tridentinum Sessione 7. Canone 8. *Si quis dixerit per ipsa Novæ Legis Sacramenta ex opere operato non conferri gratiam, sed solum fidem divinæ promissionis ad gratiam consequendam sufficere, Anathema sit.*

23. Alter Sacramentorum effectus est character, quem non omnia quidem, sed aliqua dumtaxat Sacramenta animæ imprimunt, velut signum quoddam quod deleri nunquam potest, eique perpetuò adhæret. De quo tria credenda proponit Ecclesia; primum, Per tria Sacramenta, Baptismum scilicet, Confirmationem & Ordinem, characterem imprimi. Secundum, Characterem esse signum quoddam spirituale, & indelebile. Tertium, Sacramenta quæ characterem imprimunt, iterari non posse. Quæ tria definit Sacra Synodus Tridentina, Sessione 7. Canone 9. post *Eugenium IV.* in Decreto Instructionis Armenorum.

PARS I.
Art. 1.
Character Sacramentorum effectus.
Quæ Sacramenta imprimunt Characterem.

24. Characterem definit S. Thomas, *Signaculum spirituale, quo anima insignitur ad suscipiendum, vel aliis tradendum ea quæ sunt divini cultus.* Unde ad genus qualitatis, & speciem potentia spiritualis revocatur. Nam ad tradendum aliquid aliis requiritur potentia quædam activa; ad recipiendum autem, potentia passiva. Hæc ad Baptismum pertinet: illa ad Confirmationem, & Ordinem.

Definitio Characteris.

25. Qui Sacramenta Characterem imprimunt sine debitis dispositionibus suscipit, sive (ut loquuntur Theologi) cum fideione, Characterem quidem suscipit, sed non Gratiam sanctificantem. Hanc Propositionem adstruit Ecclesiæ auctoritas, quæ Baptismum, Confirmationem, Sacram Or-

Sacramentum Characterem imprimens fidei suscipium.

PARS I.

Art. 1.

dinationem in iis qui hujusmodi Sacramenta sine fide, aut cum peccati mortalis affectu susceperunt, iteranda nusquam censuit, sed Sacramentum, & Characterem per illud impressum ab Sacramenti fructu, id est, gratiâ & caritate, acuratè distinxit. Id constat ex *S. Augustino* Tractatu 6. in Johannem. *Reus es* (inquit) *non quia Sacramentum accepisti, sed quia foris accepisti. Quod accepisti approbo: quia foris accepisti, improbo. Tene ergo quod accepisti: non mutatur, sed agnoscitur. Character est Regis mei: non ero sacrilegus. Corrigo desertorem, non mutō Characterem.* Recedente verò fictione, seu accedente Pœnitentiâ, gratia sacramentalis suscitatur, seu potius de novo producit in eo, qui sine debitis dispositionibus Sacramentum suscepit. Ita docet *S. Augustinus* Lib. 1. De Baptismo contra Donatistas Cap. 12. *S. Thomas* 3. P. Q. 69. A. 10. Vivit enim verò Baptismus, & in eo qui fictus baptizatur; & ratione Characteris, quasi formæ impressæ, aut seminis post se relictî, operatur. Cùm enim Sacramentum Baptismi sit *Opus Dei, & non hominis; non est mortuum in ficto, qui sine caritate baptizatur.* Idemque de Confirmatione & Ordine, Characterem pariter imprimantibus, ferendum est judicium.

*Christus
Sacramen-
torum au-
ctor.*

26. Omnia Sacramenta à Christo instituta sunt. De Baptismo quidem res explorata est, *Matthæi* ultimo, ubi *Jesús* ait: *Data est*

est mihi omnis potestas in celo, & in terra. Eunt ergo docete omnes gentes, baptizantes eos in nomine Patris, & Filii, & Spiritus-Sancti. De Eucharistiâ, Matthæi 26. Cœnantibus autem eis, accepit Jesus panem, & benedixit, ac fregit, deditque Discipulis suis, & ait: Accipite, & comedite: Hoc est Corpus meum. Et accipiens calicem, gratias egit, & dedit illis, dicens: Bibite ex hoc omnes. Hic est enim Sanguis meus Novi Testamenti, qui pro multis effundetur in remissionem peccatorum. Itémque Marci 14. Luca 22. 1. Corinth. 11. De Pœnitentia, & Ordine, Joannis 20. ubi Jesus Discipulis ait: Sicut misit me Pater, & ego mitto vos. Hæc cum dixisset, insufflavit: & dixit eis: Accipite Spiritum-Sanctum: quorum remisistis peccata, remittuntur eis: & quorum retinueritis, retenta sunt. Ad Ordinis quoque Institutionem pertinet, quod Luca 22. Christus Eucharistiam instituens, conficiendi Sacramenti potestatem Apostolis, & in ipsis Sacerdotibus omnibus tradit: Hoc facite, inquit, in meam commemorationem. Alia quidem Sacramenta, scilicet Confirmationem, Unctionem-Extremam, & Matrimonium, à Christo immediate instituta fuisse, Scriptura Sacra disertè non docet; sed docet Ecclesia Traditione erudita, & à Spiritu-Sancto illustrata, in Concilio Tridentino Sess. 7. Canone 1. Si quis dixerit, Sacramenta Novæ Legis non fuisse omnia à Jesu Chri-



PARS I. *sto Domino nostro instituta ... Anathema sit.*
 Art. 1. *27. Certos esse Sacramentorum Mini-*
Certi Sa- *stros, Fidei Propositio est, Lutheri errori op-*
cramento- *posita, qui Christianos omnes esse æqualiter*
rum Mi- *Sacerdotes, sive eandem in verbo & Sacra-*
nistri. *mento quocumque habere potestatem, per-*

tinaciter asseruit. Hunc errorem proscripsit
Ecclesia in Concilio Tridentino congregata,
Sessione 7. Canone 10. Si quis dixerit, Chri-
stianos omnes in verbo, & omnibus Sacra-
mentis administrandis habere potestatem;
Anathema sit. Dicitur in omnibus Sacra-
mentis, quia laici Ministri sunt Baptismi in
casu necessitatis: & contrahentes Matrimo-
nium esse illius Sacramenti Ministros pleri-
que Theologi asserunt.

Sacramen-
torum Vir-
tus, & ef-
ficacia ex
ministro-
rum fide, &
probitate
non pen-
det.

28. Sacramentorum virtus & efficacia
ex Ministrorum fide & probitate non pen-
det: adeoque ab Hæreticis, Schismaticis, &
impiis hominibus administrata, nihilominus
valida sunt, modò materia & forma essen-
tialis, cum debita intentione adhibeantur.
Concilium Tridentinum Canone 12. Sessio-
nis 7. ita definit: Si quis dixerit Ministrum
in peccato mortali existentem, modò omnia
essentialia, quæ ad Sacramentum conficien-
dum, aut conferendum pertinent, servave-
rit, non conficere aut conferre Sacramen-
tum; Anathema sit. Et Canone 4. de Ba-
ptismo: Si quis dixerit Baptismum, qui
etiam datur ab Hæreticis in nomine Patris,
& Filii, & Spiritus-Sancti, cum intentione
facien-

faciendi quod facit Ecclesia, non esse verum Baptismum; Anathema sit.

PARS I.
Art. 1.

Qua ratione excommunicati possunt gerere personam Ecclesie.

29. At, inquires, quomodo Excommunicati personam Ecclesie gerere possunt, cum sint ab ea separati? Respondetur, Illos Ecclesie personam gerere, quatenus Sacramenta secundum ejus intentionem dispensant, quamvis ejus membra non sint. Nam *Potestas ministrandi Sacramenta pertinet ad spiritualem characterem, qui indelebilis est: Et ideo per hoc quod aliquis ab Ecclesia suspenditur, vel excommunicatur, vel etiam degradatur, non amittit potestatem conferendi Sacramentum, sed licentiam utendi hac potestate. Et ideo Sacramentum quidem confert, sed tamen peccat conferendo: Et similiter ille qui ab eo accipit Sacramentum: & sic non percipit rem Sacramenti, nisi forte per ignorantiam excusetur; (inquit S. Thomas 3. P. Quæst. 64. Articulo 9. in Responsione ad tertiam Objectionem.)*

Quando licet vel non licet a malis Ministris Sacramenta recipere.

30. A malis Ministris, quamdiu ab Ecclesia tolerantur, id est, nisi Sententiâ juridicè latâ & promulgatâ excommunicati sint vel suspensi, aut notorii Clericorum percussores, recipere licet Sacramenta. Constat Propositio ex *Martini V.* Romani Pontificis Constitutione in Concilio Constantiensi edita, quæ incipit, *Ad evitanda*, & ex antiquiore *Nicolai I.* Responso ad Consulta Bulgarorum 71. Idem confirmatur auctoritate & ratione *S. Thoma*, 3. P. Quæst. 64. Art. 6.

PARS I.

Art. 1.

ad secundum. *Qui ad Sacramenta accedit, suscipit Sacramenta à Ministro Ecclesiæ, non in quantum est talis persona, sed in quantum est Minister Ecclesiæ: Et ideo quamdiù ab Ecclesiâ toleratur in Ministerio, ille qui ab eo suscipit Sacramentum non communicat peccato ejus; sed communicat Ecclesiâ, quæ eum tamquam Ministrum exhibet.*

Quando licet, vel non licet à malis Ministris Sacramenta petere.

31. Parochianis, urgente necessitate; non solum recipere, sed & petere Sacramenta licet à Parocho suo, quantumcumque malo, si sit ab Ecclesiâ toleratus. Licet enim cuique uti jure suo: *Qui* autem petunt Sacramenta à Parochis suis, aut ab aliis, quibus illorum dispensatio ex officio incumbit, jure suo utuntur. Si tamen noverint illos à peccato non recessuros, & sacrilegium in ipsa Sacramentorum administratione commissuros, & ab aliis legitimâ potestate præditis Sacramenta non minus commodè recipere possint; lege charitatis tenentur ab iis petere, Parocho prætermisso, ne jure suo cum alterius spiritali discrimine utantur, & peccati occasionem proximo præbeant *S. Thomas*, in 4. *Sententiarum*, Distinctione 24. *Quæst. 1. Art. 3. Quæstiuncula 5. ad tertium.*

32. Sacramenta petere non licet ab improbo Ministro, qui nec Parochus est, nec paratus est ea administrare. Nullum enim jus habes petendi Sacramenta ab ejusmodi Ministro, nec ille voluntatem habet conferendi. Quamobrem petitione tuâ illum ad pec-

peccatum impellis; atque ita præbes offendiculum fratri, pro quo Christus mortuus est. PARS I.
Art. 1.

33. A Ministris improbis, & ministrare volentibus, petere ac recipere licet Sacramenta, si necessitas urgeat. Tunc enim sufficiens ac legitima ratio est, cur eorum malâ voluntate ad bonum spiritale nobis necessarium utamur: Quemadmodum pauperi licet pecuniam sœneratitiam petere & accipere à sœneratore, qui commodare ad usuram paratus est: cum ejus peccato non præbeat occasionem, sed eo dumtaxat ad miseriam suam sublevandam utatur; ut docent Theologi, præeunte S. Thoma, *Secunda Secundæ*, Quæstione 78. Articulo 4.

34. In casu extremæ necessitatis, licet petere & suscipere Baptismi & Pœnitentiæ Sacramenta à malis Ministris, quamvis ab Ecclesia non toleratis. De Baptismo testem habemus S. Augustinum Libro 1. *De Baptismo contra Donatistas*, Cap. 11. De Pœnitentia, Concilii Tridentini declarationem habemus, Sessione 14. Cap. 7. Omnibus promiscuè Sacerdotibus licere, Pœnitentes quoslibet, in articulo mortis, à quibuslibet peccatis & censuris absolvere. *Piè admodum* (inquit) *ne hæc ipsâ occasione aliquis pereat, in Ecclesia Dei custoditum semper fuit, ut nulla sit reservatio in articulo mortis, atque adeo omnes Sacerdotes quoslibet Pœnitentes à quibusvis casibus, & censuris absolvere possunt.* Si tamen ex susceptione Sacramen-

torum

*In casu
necessitatis
licet, etiã
à non tolera-
tatis: Nisi
ob scandala-
lum.*

PARS I. torum ab Hæreticis, vel Schismaticis grave
Art. 1. scandalum oriretur, & Catholicis præbere-
 tur occasio non temerè credendi per hujus-
 modi susceptionem approbari hæresim vel
 schisma; eâque ratione Ministris Hæreticis;
 vel Schismaticis concilianda prævideretur
 auctoritas, & plures ex Catholicis ad eorum
 partes defecturos; non liceret adulto homi-
 ni ab ipsis petere aut recipere Sacramenta,
 Baptismum etiam vel Pœnitentiam: Quia
 Baptismi voto, & contritione de peccatis
 posset consulere salutis suæ: Nec Sacramen-
 ta recipere teneretur cum dispendio frater-
 næ salutis, & Ecclesiæ damno. At si bapti-
 zandus esset infans in vitæ discrimine posi-
 tus, nec alius præter hæreticum hominem
 Baptismi Ritus formamque nosset, illum
 offerre hujusmodi Ministro baptizandum
 oporteret. Nullius enim offensionis & scan-
 dali hâc in hypothese præberetur occasio.

35. Extra casum necessitatis, non licet
 petere & suscipere Sacramenta ab Hæreti-
 cis, Schismaticis, aut improbis Ministris,
 ab Ecclesia non toleratis. Ita docet *S. Au-*
gustinus, loco superiùs indicato.

36. Peccant mortaliter Ecclesiæ Mini-
 stri, qui Sacramentum aliquod in statu pec-
 cati mortalis solemni Ritu conficiunt, vel
 administrant, nisi verâ Contritione, cum
 proposito Sacramentalis Confessionis quàm
 priuùm edendæ, peccatum illud expient.
 Ita docet *S. Thomas*, in 4. *Sententiarum*,
 Dist.

*Quam
 grave pec-
 catum ad-
 ministran-
 tium Sa-
 cramenta
 in statu*

Dist. 24. Quæst. 1. Articulo 3. Quæstiuncula PARS I.

5. Lex (inquit) præcipit ut homo iuste ea Art. 1.
peccati
mortalis?
quæ sunt iusta exequatur : Et ideo quicumque homo , quod sibi competit ex Ordine facit indigne , quod iustum est iniuste exequitur , & contra præceptum legis facit , ac per hoc mortaliter peccat . Quicumque autem cum peccato mortali aliquod sacrum Officium pertrahat , non est dubium quin indigne illud faciat : Unde patet quod mortaliter peccat . Hinc Rituale Romanum Pauli V. Pontificis Maximi jussu editum hanc Regulam præscribit : Sacerdos , si fuerit peccati mortalis sibi conscius , (quod absit) ad Sacramentorum administrationem non audeat accedere , nisi prius corde pœniteat . Sed si habeat copiam Confessarii , & temporis locique ratio ferat , convenit confiteri . Sacerdos tamen vel Diaconus in statu peccati mortalis privatim & in articulo necessitatis baptizando , non peccaret , in casu in quo etiam posset laïcus baptizare ; sic enim patet quod non exhiberet se Ministrum Ecclesiæ , sed subveniret necessitatem patienti . Sic autem est in illis Sacramentis , quæ non sunt tantæ necessitatis sicut Baptismus , (inquit) S. Thomas , 3. Par. Quæstio 64. Artic. 6. ad 3.

37. Lethaliter peccat Sacerdos , qui Qui in
statu pec-
cati mor-
talis ad-
ministrat
Eucharistiam , sive à se , sive ab altero consecratam administrat in statu peccati mortalis . Agit enim ut publicus Ecclesiæ Mini-

ni :

PARS I.

Art. 1.

Eucharistiam, lethaliter peccat.

Diaconi pariter & Subdiaconi Ordinum suorum functiones in peccato mortali solemniter obeuntes.

nister: & gravem Sacramento, ejusque Auctori infert injuriam.

38. Diaconi etiam & Subdiaconi suorum functiones Ordinum in statu peccati mortalis solemniter obeuntes, lethaliter peccant. Apostolus enim jubet Diaconis, *Ut ministrent nullum crimen habentes;* (1. ad Timotheum 3.) Id confirmat S. Thomas, in 4. Sententiarum, Dist. 24. Quæst. 1. A. 3. Quæstiuncula 5. in Responsione ad quartum. *Quandocumque (inquit) exhibet se in aliquo actu ut Ecclesiæ Ministrum, mortaliter peccat, & toties mortaliter peccat, quoties hujusmodi actum facit; quia (ut dicit Dionysius 1. Cap. Cælestis Hierarchiæ) Immundis nec Symbola (id est Sacramentalia signa) tangere fas est. Unde quando tangunt res sacræ quasi suo officio utentes, in statu peccati mortalis, mortaliter peccant.*

Peccatum Concionatorum in statu peccati mortali verbum Dei prædicantium.

39. Verbi Dei Ministri sacras Conciones ex officio habentes in statu peccati mortali, præsertim si crimen sit manifestum, graviter peccant. Graviter enim peccant, qui verbum veritatis debita cum reverentia non tractant: Gravius, qui sacrum Ministerium contemtu exponunt. Hujus sententiæ vindex est S. Thomas, in 4. Sententiarum, Dist. 19. Quæst. 1. A. 2. Quæstiunc. 2. ad quartum, & Lectione 1. in Cap. 6. Epistolæ 2. ad Corinthios, Apostoli verba explicans, *Nemini dantes ullam offensionem, ut non vituperetur Ministerium nostrum.*

40. Intentio interior & sincera faciendi quod facit Ecclesia, necessaria est in Ministris Sacramentorum, ut valida sint, & rata. *Quæ Intentio Ministri necessaria?* Hæc Propositio dogma fidei est, à Martino V. Pontifice Maximo in Concilio Constantensi confirmatum. Suspectos scilicet de Hæresibus à Concilio damnatis homines inter alia interrogari jubet, *An credant quod malus Sacerdos cum debita materia, & forma, & intentione faciendi quod facit Ecclesia, verè conficiat, verè baptizet, & verè conferat alia Sacramenta?* Idem docet Eugenius Quartus in suo Decreto post Concilium Florentinum, ubi septem Sacramentis nominatim recensitis, ait: *Hæc omnia Sacramenta tribus perficiuntur, videlicet rebus tamquam materiâ, verbis tamquam formâ, & personâ Ministri conferentis Sacramentum cum Intentione faciendi quod facit Ecclesia.* Idem confirmat Leo X. hunc inter alios Lutheri Articulos duodecimum dampnans: *Si Sacerdos non serio, sed joco absolvet; sit tamen credat se esse absolutum, verissimè est absolutus.* Id ad fidem pertinere declaravit Concilium Tridentinum, Sessione 7. Canone 11.

41. Non tamen necessaria est intentio producendi effectum Sacramenti. Concilium namque Tridentinum in Ministro postulat intentionem faciendi quod facit Ecclesia, non autem voluntatem finis propter quem agit Ecclesia, aut effectus qui per actionem

Intentio producendi effectum Sacramenti non est necessaria.

nein

PARS I.
Art. 1.

nem Sacramentalem producitur, necessariam esse statuit. Præterea, in Ministris Hæreticis, qui Baptismi negant effectus, vel in Paganis, nulla est producendi ejusmodi effectus intentio: & tamen collatus ab illis omnibus Baptismus ab Ecclesia ratus habetur,

*De Intentione Ministri.
Non sufficit habitualis.*

42. Non sufficit autem Intentio habitualis, neque necessaria est actualis; sed sufficit virtualis. Administratio namque Sacramenti debet esse actus humanus ex deliberatione & judicio rationis procedens: ab intentione porro habituali, qualis in ebriis aut dormientibus esse potest, non procedit actio deliberata, adeoque non sufficit ut ratum sit Sacramentum. Actualis autem necessaria non est, (quamvis optanda sit, & studiosè curare debeat Sacramenti Minister ut hanc intentionem habeat.) Quantumlibet enim quis attentus sit operi cui vacat, in ejus potestate non est omnino positum ne mens ejus aliis cogitationibus interdum distrahatur. Virtualis autem sufficit ad perfectionem Sacramenti; Putà, cum Sacerdos accedens ad baptizandum, intendit facere circa baptizandum quod facit Ecclesia: unde si postea in ipso exercitio actus cogitatio ejus ad alia rapiatur, ex virtute primæ intentionis perficitur Sacramentum; (inquit

Non est necessaria actualis.

Requiritur sufficiens virtualis.

S. Thomas 3. Par. Quæstione 64. Articulo 8. in Responsione ad tertiam Objectionem.)

43. Habitualement quidem intentionem sufficere, eo loci apud *S. Thomam* legimus: sed vel mendum est Scribarum & Typographorum, qui ex virtuali habitualement fecerunt: vel habitualement pro virtuali posuit Angelicus Doctor, juxta usum sui temporis, quo omnis intentio quæ actualis non erat, à plerisque Theologis habitualis vocabatur; & quia intentio virtualis in modum habitûs perseverat, licet supponat actum præcedentem.

PARS I.

Art. 1.

Explicatur *S. Thomas*.

44. Id ut planius intelligatur, observandum est, intentionem voluntatis distingui ab intentione mentis: & si res propius expendatur, sæpe contingere potest, ut cesset actualis mentis attentio, actuali voluntatis intentione perseverante. Agit enim voluntas ad modum inclinationis: *Amor meus, pondus meum*. Unde cum voluntas propensione sua fertur ad rem aliquam faciendam, etiamsi mens non attendat, dici potest esse in eo qui agit actualem rei agendæ intentionem. Ita qui ambulat, & cum amico colloquitur, mente advertit ad eas res de quibus instituta est confabulatio, & sæpe de ambulatione non cogitat, cum tamen ambulare actu velit. Sic etiam in Sacramenti Ministro fieri potest ut cesset attentio mentis, perseverante intentione voluntatis.

Alia Voluntatis, alia mentis intentio.

45. Observandum tamen est, intentionem illam absolutam esse oportere, non conditionatam: quia intentio conditionata proprie

Intentio debet esse absoluta non conditio

PARS I.

Art. 1.

tionatus.

priè dicta, quæ conditionem de futuro apponit, Sacramenti suspendit effectum: si quidem efficax esse non potest, donec adimpleta sit conditio.

*Perversa
Ministri
intentio
suscipien-
tibus Sa-
cramenta
non nocet.*

46. Perversa Intentio Ministri suscipientibus Sacramenta non nocet, cum illam ignorant, ejusque peccato non communicant. Doctrina est S. Thomæ 3. P. Quæstione 64. Articulo 10. *Perversa Intentio* (inquit) *pervertit opus intendentis, non autem opus alterius. Et ideo ex perversa Intentione Ministri pervertitur id quod agit in Sacramentis, in quantum est opus ejus; non in quantum est opus Christi, cujus est Minister. Et est simile, si Minister alicujus hominis pravâ intentione deferret pauperibus elemosynam, quam Dominus rectâ intentione mandaret.*

47. Unde si perditus Sacerdos, & magicis artibus deditus, pactoque execrando diabolo obligatus, seridè quidem baptizaverit infantes sibi oblatos, perfundens aquâ, In nomine Patris, & Filii, & Spiritûs-Sancti, & veram ac sinceram voluntatem habuerit exercendæ exterioris illius ceremoniæ quâ baptizans Ecclesia utitur, eamque revera exercuerit per speciem hominis eò illam dirigentis quò Ecclesia dirigit; sed tamen intentionem habuerit, quoties baptizavit, infantes sibi oblatos devovendi diabolo: pueris illis non nocuit sacrilega intentio Ministri: illos enim per Baptismum Deo consecravit
Chri-

Christus, QUI BAPTIZAT; consecravit **PARS I.**
Columba, id est, Ecclesia, quorum nomine **Art. 1.**
 Minister baptizavit; neque vim verborum
 Evangelicorum, quæ integra serid protu-
 lit, frustrare potuit. Idem est de aliis Sa-
 cramentis iudicium.

48. Quamvis actualis Intentio ad valo- *Studium*
 rem Sacramenti non sit necessaria, sed vir- *pro actua-*
 tualis sufficiat; tamen graviter peccat Sa- *li inten-*
 cramentorum Minister, si studium omne ac *sione adhi-*
 diligentiam non adhibeat ne ab intentione *bendum.*
 actuali distrahatur. Quam ut habeat conti-
 nuam ac perseverantem, operæ pretium est
 ut Monita S. Caroli Borromæi, in Instru-
 ctionibus de Sacramentis, exequatur.

49. Ceremoniæ ab Ecclesia receptæ & *Ceremo-*
 approbatæ, & in solemni Sacramentorum *niæ nec o-*
 Administratione adhiberi solitæ, nec con- *mitti nec*
 temni, nec à Ministris pro libito omitti; aut *mutari*
 in novas alias privatâ autoritate mutari pos- *pro libito*
 sunt. Sacra Synodus Tridentina Sessione 7. *possunt.*
 Canone 13.

50. Ut autem Sacramentis debitus re- *Habitus*
 ligionis cultus, etiam externus, ab iis tri- *exterior*
 buatur qui ea suscipiunt: non patientur *modestia-*
 quemquam ad illa suscipienda accedere, nisi *que in su-*
 exteriori quoque habitu, vestitumque mode- *sceptione*
 stiâ, debitam illis venerationem præ se fe- *Sacramen-*
 rat. Curabunt igitur, Ut viri armis depo- *torum re-*
 sitis, utque mulieres rectè velato capite ac- *quisita.*
 cedant; ut omnes vestitu, & toto corporis
 habitu modesto humilitatem Christianam

PARS I. *præferant.* Curabunt etiam *Pro loco & tempore, & personarum ordine, ut idem faciant, quicumque dum Sacramentum ministratur, aliquod officium præstant, utpote Patrini, & Paranympbi.* Monebunt id quoque reliquos omnes qui adsunt, *Ut remoto inani colloquio, actûque indecenti; piè ac devote, ut debent, intersint capite aperto, mente etiam ipsi reputantes cælestia illa dona, quæ Sacramentorum virtute Fidelibus impartiuntur.* Ita S. Carolus Borromæus in Instructionibus.

ARTICULUS SECUNDUS.

D E

S A C R A M E N T O
B A P T I S M I.

§I. **D**efinitur Baptismus in Catechismo Concilii Tridentini, *Sacramentum regenerationis per aquam in verbo.*

Duplex Baptismi materia distinguitur à Theologis; remota, & proxima. Remota, est aqua vera & naturalis; proxima est ablutio. In qualibet aqua quovis modo transmutata, dummodò non solvatur species aquæ, potest fieri Baptismus, non autem si solvatur aquæ species. Quamobrem adhiberi potest ad Baptisinum, aqua Maris, aqua pluvia, aqua solaribus radiis calefacta, aqua flu-

*Materia
remota &
proxima.*

*Quæ aqua
materia
Baptismi?*

fluminis turbida ex terrestrium partium
 mixtione, aqua per cineres transfusa, sive
 lixivium, aquæ sulphureorum balneorum,
 aut aliæ minerales; aqua decoctionis car-
 nium, piscium, vel herbarum, si facta non
 sit tanta resolutio corporum lixatorum in
 aquâ, ut liquor plus habeat de aliena sub-
 stantia, quàm de aquâ. At aquæ ex vite, vel
 ex rosis, aliisque corporibus per Artem Chy-
 micam expressa, non sunt materia Baptis-
 mi, uti nec cervisia, vinum, liquores alii.

§ 2. Nulla necessitas aut ratio efficere
 potest ut validus ac ratus sit Baptismus in
 alia materia quàm in aqua simplici collatus;
 quia materia hæc essentialis est, à Christo
 præscripta.

*Aqua na-
 turalis est
 materia
 essentiali-
 ter requi-
 sita.*

§ 3. Ad valorem Baptismi perinde est an
 Ablutio fiat immersione, effusione aquæ,
 vel aspersione. Assumitur enim aqua in Sa-
 cramento Baptismi ad usum ablu-
 tionis corporalis, per quam significatur interior ablu-
 tio peccatorum: Ablutio autem fieri potest
 per aquam, non solum immersione, sed
 etiam aspersione vel effusione. Hac in re
 unusquisque Ecclesiæ suæ Ritus sequi de-
 bet, nec ab eo discedere absque peccato
 potest, nisi necessitas cogat. Quandoque
 autem potest imminere necessitas propter
 paucitatem aquæ; vel propter debilitatem
 Ministri, qui sustentare non valet baptizan-
 dum; vel propter debilitatem baptizandi,
 cui fortè mortis periculum ex immersione

*Quæ ablu-
 tio requi-
 ratur, &
 sufficiat*

*Ecclesiæ
 sue mo-
 rem ac di-
 sciplinam
 admitti-
 stratione
 Baptismi
 quisque
 sequi de-
 bet.*

PARS I.

Art. 2.

imminet, quamobrem his in casibus omitti potest immersio, quamvis Ecclesiæ usu frequentata, & Ritualibus Libris præscripta, & effusione, vel asperzione Baptismus administrari: Modò tamen aqua tangat immediatè corpus, & eà quantitate, ut quis moraliter censeatur ablutus; & caput, quod sensuum omnium principium est & radix, aquà perfundatur, aut certè scapulæ, vel pectus, si grave nocumentum ex capitis ablutione timeretur. Quamquam & alterius cujuscvis partis perfusio sufficere videatur *S. Thomæ*, cum infans ex utero matris nondum egressus, secundum partem aliquam, putà brachium aut pedem foras prodit, & mortis periculum imminet: Quæ tamen opinio non erat ab omnibus recepta, ut ipse testatur *3. P. Q. 68. A. 11. ad 4. Expectanda est*, inquit, *totalis egressio pueri ex utero ad Baptismum, nisi mors immineat: Si tamen primò caput egrediatur, in quo fundantur omnes sensus, debet baptizari periculo imminente: Quia tamen in nulla exteriorum partium integritas vita ita consistit sicut in capite, videtur quibusdam quòd propter dubium, quacunque alià parte corporis ablutà, puer post perfectam nativitatem sit baptizandus sub hac forma: Si non es baptizatus, ego te baptizo, &c. Et id certè tutius omnino est, & in praxi sequendum, secundum Instructiones S. Caroli Borromæi, De Baptismi administratione: Idem in Ritua-*

An qualibet alià parte corporis aqua perfusa, præter caput, puer sit ritè baptizatus?

li Romano præscriptum est.

PARS I.

Art. 2.

Forma
Baptismi.

54. Perfecta & absoluta Baptismi forma hæc est: *Ego te baptizo in nomine Patris, & Filii, & Spiritus-Sancti*. Ita enim à Domino & Salvatore nostro traditum est, cum Apostolis præcepit Matthæi 28. 19. *Euntes docete omnes gentes, baptizantes eos in nomine Patris, & Filii, & Spiritus-Sancti*. Quod Traditio, testésque Traditionis Patres universi confirmant.

55. Irritus esset Baptismus, si quis baptizaret *In nomine Sanctissimæ Trinitatis*, tribus Personis expressè non invocatis. Item si quis copulativâ conjunctione in disjunctivam mutatâ, diceret: *Ego te baptizo In nomine Patris, vel Filii*. Item si quis baptizaret *In nomine Genitoris & Geniti, & Spirati*, seu ab utroque Procedentis. Sicut enim Aqua sumitur ad Baptismum, quia ejus usus est communior ad abluendum, ita ad significandum tres Personas in forma Baptismi assumuntur illa nomina, quibus communis consueverunt nominari Personæ (inquit S. Thomas in Responsione ad septimum argumentum,) Nec in aliis Nominibus perficitur Sacramentum.

Forma ir-
rita.

56. Irritus pariter esset Baptismus in Christi solius nomine collatus. Ut enim ait Didymus Lib. 11. De Spiritu-Sancto: *Licet quis possit existere saxeus (ut ita dicam) cordis & penitus mentis aliena, qui ita bapti-*

An in solo
nomine
Christi.

PARSI. *zare conetur, ut unum de praeceptis Nominibus praetermittat, tamen sine perfectione baptizabit. Et Pelagius Papa in Rescripto ad Gaudentium Episcopum (ut refertur Dist. 4. De Consecratione, Cap. Si revera) hæc habet: Si hi qui in locis Dilectioni tuae vicinis commorari dicuntur, se solummodo in Nomine Domini baptizatos fuisse confitentur; sine cuiuscunque dubitationis ambiguo, eos ad Fidem Catholicam venientes, in Sanctæ Trinitatis nomine baptizabis.*

Obiectio. 57. At (inquires) legimus Actuum 2. 38. Cap. 10. 48. Cap. 19. 5. quosdam In

Responsio. *nomine tantum Jesu Christi baptizatos. Respondetur, Apostolos dici baptizasse tantum in Nomine Domini Jesu, id est, Baptismo à Christo instituto, & ab illo vim & efficaciam omnem habente: sic enim vox ista, Nomen, usurpatur in Scripturis, Actuum 4. 7. In qua virtute, aut in quo Nomine fecistis hoc vos? v. 10. In Nomine Domini Jesu Christi quem vos crucifixistis. Luc. 24. 27. Oportebat Christum pati, & resurgere à mortuis tertia die, & predicari in Nomine ejus pœnitentiam, & remissionem peccatorum in omnes gentes. Ita S. Augustinus lib. 2. contra Maximinum Arianorum Episcopum Cap. 27. & S. Thomas 3. P. Q. 3. A. 6.*

Actio Mini- 58. Non solum tres Personæ Trinitatis
stri in in forma Baptismi propriis nominibus expri-
forma, mende sunt, sed & actio Ministri, dicendo,
Baptismi Ego te baptizo: Cum enim ablutio hominis

varios ob fines fieri possit, necesse est ut **PARS I.**
 Baptismi forma exprimatur ad quid fiat, Id **Art. 2.**
 autem satis non explicant hæc verba, *In necessariò*
nomine Patris, & Filii, & Spiritus-Sancti; *exprimen-*
da.
 cùm in sancto hujusmodi Nomine omnia fa-
 cere debeamus, ut docet Apostolus ad Co-
 lossenses 3. Ideoque actus baptizandi neces-
 sariò exprimendus est. At vox illa, *Ego*, non
 est ita necessaria, ut sine illa Sacramenti ra-
 tio non constet, cùm ejus vis contineatur
 in verbo *Baptizo*: Imò verò in Ecclesia Græ-
 ca variata dicendi ratione prætermitti con-
 suevit; propterea quòd nullam fieri oportere
 Ministri mentionem judicarunt ad vitan-
 dum antiquum illorum errorem, qui dignio-
 rem ac meliorem esse Baptismum à sanctio-
 ribus Ministris collatum censebant, dicen-
 tes: *Ego sum Pauli, ego verò Cephæ*: Ex quo
 factum est ut in Baptismo hæc forma passim
 utantur: *Baptizatur servus Christi, in No-*
mine Patris, & Filii, & Spiritus-Sancti:
 A quibus tamen perfectè Sacramentum mi-
 nistrari declaravit *Eugenius IV.* in Decreto
 ad Armenos. At si non exprimatur actus
 Baptismi vel modo nostro, vel Græcorum,
 non perficitur Sacramentum.

59. Simul ab eo qui baptizat, non ante, *Verba eo-*
 aut post ablutionem, verba Sacramenti, quæ *dem simul*
 formam continent; sed eodem tempore quo *tempore*
 ablutio ipsa peragitur, pronuntianda sunt. *profertur*
 Et sic si convenirent duo, quorum unus es- *sunt à Mi-*
 set mutus, qui non posset proferre verba, & *nistro, quo*
ablutione

PARS I.

Art. 2.
peragit.

An plures
ab uno
possint si-
mul bapti-
zari?

An plures
unum
baptiza-
re?

unus carens manibus, qui non posset exercere actum, non possent ambo simul baptizare, uno dicente verba, & alio exercente actum. Possunt autem, si necessitas exigit, plures simul baptizari; quia nullus eorum reciperet nisi unum Baptismum: sed tunc dicendum esset, *Ego baptizo vos*; nec esset mutatio formæ, quia *Vos* nihil est aliud quàm *Te, & te*. At si plures unum baptizarent, dicendo, *Nos te baptizamus*, irritum fore Sacramentum videtur. His enim verbis significatur plures eâ intentione convenire ut unum Baptisma conferant: quod quidem videtur esse contra rationem Ministerii: homo enim non baptizat nisi ut Minister Christi, & vicem ejus gerens: unde sicut unus est Christus, ita oportet esse unum Ministrum qui Christum repræsentet: propter quod Apostolus ait ad Ephes. 4. *Unus Dominus, una fides, unum Baptisma*. Et ideo contraria intentio videtur excludere Baptismi Sacramentum. Si verò uterque diceret, *Ego te baptizo in Nomine Patris, & Filii, & Spiritus-Sancti*, uterque exprimeret suam intentionem, quasi ipse singulariter Baptismum conferret. Quod contingere posset orta inter Ministros contentione, ex qua uterque aliquem baptizare conaretur. Et tunc manifestum est, illum qui prior verba proferret, collaturum Baptismi Sacramentum: alium verò nihil effecturum: & si verba proferre aggrediatur, obnoxium fore pœnis rebapt-

baptizantium. Si autem simul & eodem tempore ambo verba proferant, & hominem immergant, aut aspergant, puniendi erunt ob modum præposterum, & illicitum baptizandi, non ob iterationem Baptismi: & uterque, quantum in se est, baptizaret: nec traderent aliud & aliud Sacramentum, sed Christus qui est unus, interiùs baptizans, unum Sacramentum per utrumque conferret. Ita S. Thomas 3. P. Q. 66. A. 5. ad 4. & Quæst. 67. A. 6.

PARS I.

Art. 2.

60. Baptizare se ipsum nemo potest: tum quia Baptismus est spiritualis regeneratio; distinctio autem esse debet inter personam generantem & genitam: tum quia mutaretur substantia formæ, dicendo, *Ego baptizo me*. *Nemo potest seipsum baptizare.*

61. Pronomen, *Ego*, quamvis absque peccato prætermitti non possit, ad substantiam formæ non pertinet, uti nec verbum, *Amen*. *Quæ verborum omissiones, mutationes, aut additiones Baptismum irritum reddant.*

62. Pronomen *Te*, ita necessarium est, ut qui tantum diceret, *Baptizo*, nihil conficeret. Si tamen loco illius pronominis, *Ego*, Minister dicat, *Nos baptizamus*, aut loco *Te*, dicat, *Baptizo vos*, ad dignitatem personæ exprimendam; ratus erit Baptismus, cum sensus non mutetur. Idem esto iudicium, si verbum activum in passivum mutetur; ut si dixerit, *Baptizaris à me*. Sic tamen immutari verba non possunt absque gravi peccato, quamvis mutatio sit accidentaria. *Pronomen Te necessarium exprimitur.*

63. La-

PARS I.

Art. 2.

*Ecclesiæ
sua ritum
quisque
sequi te-
netur.*

63. Latinus formam Græcorum studiosè
adhibens, *Baptizatur N. servus Christi in
nomine Patris & Filii, & Spiritus-Sancti:*
lethalis peccati reus est: at Baptismus vali-
dus est & ratus. Ecclesiæ suæ Ritum quisque
sequi tenetur: sed ratum est Sacramentum,
si formæ substantia servetur,

*Quod de
mutante
verbum
Baptizo in
Abluo,
Lavo, &c?*

64. Si quis loco illius verbi, *Baptizo;*
dixerit, *Abluo, lavo, immergo, aquâ tingo;*
validus est Baptismus, modò Sacramentalem
ablutionem intendat quam instituit Chri-
stus, & Ecclesia usurpat: alioqui si commu-
nem ablutionem dumtaxat intenderet ad
corporis sordes abstergendas, ad sanitatem,
ad refrigerationem, nihil conficeret Mini-
ster. Graviter tamen peccat, si verbum
Evangelicum, *Baptizo*, mutare aggredia-
tur.

*Baptismus
collatus
In nomi-
nibus Pa-
tris, & Fi-
lii, & Spi-
ritus-San-
cti sicut &
absq; præ-
positione
In invali-
dus est.*

65. Si loco, harum vocum *In nomine,*
dicat, *In nominibus,* nullus est Baptismus,
quia his verbis, *In nomine,* significatur uni-
tas essentiae, majestatis, potestatis, opera-
tionis in tribus Personis Sanctissimæ Trini-
tatis, quæ divisa significatur his verbis, *In
nominibus.* Si quis præpositionem, *In,* præ-
termitteret, nihil conficeret.

*Baptismi
institutio.*

66. Christus tunc Baptismum instituit,
cùm à Joanne in Jordane baptizatus est. Cum
enim Sacramenta vim conferendi gratiam ex
institutione sua habeant: tunc videtur ali-
quod Sacramentum institui, quando virtu-
tem accipit producendi suum effectum: hanc

autem virtutem accepit Baptismus, quando Christus est baptizatus: unde tunc verè Baptismus institutus fuit, cùm ipse à Joanne baptizatus, sanctificandi virtutem Aquæ tribuit, ejus tamen obligatio non cœpit nisi post Mortem & Resurrectionem Christi, ac sufficientem Legis Evangelicæ promulgationem. Nam in Passione Christi consummata sunt & finem habuerunt Veteris Legis Sacramenta, quæ umbræ erant & figuræ Sacramentorum Novæ Legis, quæ ipsis succedere. Et per Baptismum conformatur homo Passioni & Resurrectioni Christi, in quantum moritur peccato, & incipit novam justitiæ vitam. Quamobrem oportuit Christum prius pati & resurgere, quàm hominibus indicetur necessitas configurandi se morti & Resurrectioni ejus. Unde post Resurrectionem Apostolis præcepit ut Legem Baptismi promulgarent, ac exequerentur: *Euntes (inquit) docete omnes Gentes, baptizantes eos in Nomine Patris, & Filii, & Spiritûs Sancti.*

67. Triplicem vulgò Baptismum distinguunt Theologi: Baptismum Aquæ, Baptismum flaminis seu desiderii, & Baptismum sanguinis. Baptismum aquæ superius definivimus. Baptismus flaminis, est vera cordis contritio includens votum Baptismi. Baptismus sanguinis est Martyrium pro Christo toleratum, antecedens Baptismum aquæ & vicem ejus supplens.

Hæc

*Triplicex
baptis-
mus: Vñ
tamen ba-
ptismi Sa-
cramentū.*

PARS I.
Art. 2.

Hæc autem duo postrema Baptismata (inquit Sanctus Thomas) includuntur in Baptismo aquæ, qui efficaciam habet & ex Passione Christi, & ex Spiritu-Sancto: Unde hæc divisio non tollit unitatem Baptismatis. Conveniunt autem hæc duo cum Baptismo aquæ, non in ratione signi, sed in effectu Baptismatis, remissione scilicet originalis peccati, & spiritali regeneratione: & ideo non sunt Sacramenta.

*Baptismi
necessitas.*

68. Omnibus hominibus Baptismi Lex à Domino præscripta est, non solum iis qui adulta sunt ætate, sed etiam infantibus; ita ut nisi per Baptismi gratiam Deo renascantur, in sempiternam miseriam, & interitum à parentibus, sive illi Fideles, sive illi infideles sint, procreentur. Propositio ista dogma fidei est, quod probatur ex illis Christi verbis Johannis 3. *Nisi quis renatus fuerit ex Aqua, & Spiritu-Sancto, non potest introire in Regnum Dei.*

*Baptismus
flaminis
supplet
Baptismū
aquæ.*

69. Nihilominus, Baptismum Aquæ in adultæ ætatis hominibus supplet Baptismus flaminis, seu perfecta cordis conversio cum voto Baptismi, quando illos à susceptione Sacramenti necessitas excludit. Promittit enim verò Deus salutem pœnitentibus, credentibus, Deum invocantibus. Psalmo 50. *19. Sacrificium Deo spiritus contritus: Cor contritum & humiliatum Deus non despicies; Ezechielis 18, 21. 22. Si impius egerit pœnitentiam ab omnibus peccatis suis*
quæ

quæ operatus est... omnium iniquitatum PARS I.
ejus, quas operatus est, non recordabor. Art. 2.

Isaïæ 28. Joëlis 12. Epist. Ad Romanos 10.

11. 13. *Omnis qui credit in illum, non confundetur ... Omnis enim quicumque invocaverit nomen Domini, salvus erit.* Præterea, Cornelium, & alios, Spiritum-Sanctum accepisse antequam baptizarentur, *Actuum*

10. legimus. Votum itaque Baptismi perfectæ conversioni conjunctum justificare hominem potest, & Baptismi vicem supplere.

Objeçtio.

Objicitur, Legem à Christo de Baptismo latam, exceptionem non pati: *Nisi quis renatus fuerit ex Aqua & Spiritu-Sancto, non potest introire in Regnum Dei.*

Responsio.

Respondetur, Nullam exceptionem à nobis afferri ab hac lege probè intellectâ. Neminem enim hominem in Regnum Cælorum introire posse asserimus sine Baptismo in re vel in voto. Hunc autem esse legis sensum ex Scriptura Sacra, Traditione, & Ecclesiæ interpretatione probamus. Et certè *Homo videt ea quæ parent, Dominus autem intuetur cor;* (ut dicitur 1. Regum 16.) Qui autem desiderat per Baptismum regenerari ex Aqua & Spiritu-Sancto, corde quidem regeneratus est, licet non corpore, sicut & Apostolus ait ad Romanos 11. *quod Circumcisio cordis est in Spiritu, non in littera, cujus laus non ex hominibus, sed ex Deo est.*

70. Martyrium quoque vicem Baptismi supplere, certissimum est. Id colligitur ex *Baptismus Sanctus*
 ver.

PARS I. verbis Christi Matth. 10. *Qui me confessus fuerit coram hominibus, confitebor & ego eum coram Patre meo.* Et Matth. 16. *Qui perdiderit animam suam propter me, inveniet eam.* Joannis 15. *Majorem hęc dilectionem nemo habet, ut animam suam ponat quis pro amicis suis.*

Minister Baptismi ordinarius, & solemnitatis Episcopus, & Parochus. 71. Sacerdos est proprius & ordinarius Minister Baptismi. Primi & secundi ordinis Sacerdotes, Episcopi nimirum & Presbyteri Populi Christiani regimini, & Parochialium Ecclesiarum administrationi præfecti, quos S. Thomas *Minores Principes Ecclesiæ* vocat, & 72. Discipulorum Successores, Sacerdotis nomine hęc exprimuntur ac designantur; quibus datum est ut jure suo, non extraordinariâ aliquâ potestate, baptizandi munus exercent.

Infantes extra Ecclesiâ parochialem non baptizandi, excepto articulo necessitatis. 72. Quamvis autem Baptismus ubicumque & à quocunque verbis evangelicis consecratus validus sit & ratus, neque necesse sit ad essentiam Sacramenti in publico Ecclesiæ cœtu baptizare, & intra domesticos parietes baptizari possit infans in mortis periculo constitutus: Sacris tamen Canonibus sancitum est, & Ecclesiæ Disciplinâ præscriptum atque usurpatum, ne extra Parochialem Ecclesiam solemniter Ritu baptizandi offerantur infantes, excepto necessitatis articulo. Ita Concilium Colonienſe 2. anno 1649. Cap. 15. neminem ab ea lege excipiens præter Regum & Principum filios, *Quibus*

valeat secundum Concilium Viennense defer- PARS I.
ri. Vide Clementinam unicam De Baptismo. Art. 2.

73. Diaconis jure suo, & sine Episcopi *Diaconi*
 aut Parochi concessione, absque urgente ne- *absque li-*
 cessitate nunquam tribuendâ, Baptismum *cente nia so-*
 solemnî Ritu administrare non licet. Cùm *lemniter*
 enim Diaconi, ut eorum nomen sonat, Sa- *Baptizare*
 cerdotum Ministri sint, ad illos non pertinet *non pos-*
sunt.

Sacramentum aliquod jure suo, & quasi ex
 proprio officio administrare, sed ministerium
 adhibere Sacerdotibus in Sacramentorum
 Administratione, adeoque in ipso Baptismo. *Minister*

74. Omnes & singuli, etiam de Populo, *extraor-*
 sive mares, sive feminae, quamcumque illi *dinarius,*
 sectam profiteantur, cogente necessitate, si- *& neces-*
 ne solemnibus ceremoniis baptizare possunt. *sitatis, om-*
nis homo.
 Id cùm multa veterum Patrum & Concilio-
 rum Decreta confirmarunt (inquit Concilii
 Tridentini Catechismus) tum verò à Sacra
 Synodo Tridentina *Anathema* in eos sanc-
 tum est, qui dicere audeant, *Baptismum,*
qui etiam datur ab Hereticis in Nomine Pa-
tris, & Filii, & Spiritus-Sancti; cum in-
tentione faciendi quod facit Ecclesia, non
esse verum baptismum

75. Peccant Laici, sive viri, sive mu- *Laicis ex-*
 lieres, Baptismum extra casum necessitatis *tra casum*
 administrantes : Imò & Clerici quicumque *necessitatis*
 sive Minores, sive Majores, præter pro- *Baptismū*
 prium Parochum, vel Sacerdotem cui hanc *admini-*
 ille provinciam demandaverit. Et illud qui- *strare non*
 dem peccatum ex genere suo mortale est : *licet.*

Tum

PARS I. Tum quia *Usurpatio est alieni muneris*, ut
 Art. 2. loquitur *S. Augustinus Lib. 2. Contra Epistolam Parmeniani*, Cap. 13. Tum quia præceptum Ecclesiæ in re gravi violatur: Tum quia peccatur contra reverentiam Sacramento debitam.

Non licet pariter alteri quam proprio Parocho offerre Baptizandos. 76. Peccant graviter ob easdem rationes, qui pueros alteri quàm proprio Parocho, vel Sacerdoti cui hanc ille provinciam commiserit, baptizandos offerunt, & multò magis si Laïco, mulieri, Hæretico, aut non baptizato, extra casum necessitatis. Ita *S. Thomas 3. P. Quæst. 67. Art. 3. ad Primum, Art. 4. ad tertium, & Art. 5. in corpore.*

Quis ordo à fidelibus in Baptismo conferendo servandus. 77. Hic ordo à Fidelibus in Baptismo conferendo, cùm necessitas cogit, omnino servandus est; ut mulier, si viri adsint; Laïcus item præsentem Clerico; tum Clericus coram Sacerdote, Baptismi Administrationem sibi non sumant. Ita *S. Thomas Art. 4. Concilii Trident. Catechismus, & S. Carolus Borromæus in Instructionibus Baptismi.*

Quid hac in parte possit Obstetrix. 78. *Obstetricibus autem, quæ baptizare consueverunt, formamque Baptismi tenent, baptizare quidem necessitate urgente permittitur, etiam præsentem Laïco, qui huius Sacramenti conficiendi planè ignarus rudisque sit.* Ita *S. Carolus, & Catechismus Concilii.*

Quid Parentes. 79. *Parentes autem omnino caveant, ne liberos suos baptizent absque manifesta necessitate, cùm scilicet alii quoquo modo apti*

NON

*non adsunt, & periculi urget necessitas: PARS I.
Quod ipse etiam monebit, prout usu aliquan- Art. 2.
do venerit. Ita S. Carolus Borromæus in In-
structionibus Baptismi.*

80. *Baptizandi formulam Curatus non Quæ at-
solum ex Catechismi Romani præcepto gene- tentio Cu-
ratim, sed etiam privatim, ac præcipue ob- rati.
stetricibus, in Ecclesia tamen, planè ostendat
ac tradat, quam etiam an illa rectè teneant,
aliquando eodem loco accuratè videat, ac
diligenter quærat, Ita Synodus Aquensis
anno 1585.*

81. *Præter Sacramenti Ministros, Su- De susce-
sceptores etiam sive Patrini ex antiquissima ptoribus,
Ecclesiæ consuetudine ad Baptismum con- sive Pa-
venienter adhibentur. trinis.*

82. *Susceptorum sive Patrinorum par- Suscep-
tes sunt, si id parentum opera minùs præ torum, sive
stare possit, puerum qui Christo per Baptis- Patrinorū
mum gignitur, cum primùm rationis usum officia,
habere cœperit, tam Baptismi suscepti,
quàm professæ in Baptismo fidei admonere,
simulque providere, ut ejusdem fidei ele-
mentis, verique Dei cognitione & cultu Ca-
tholicè instituatur, & moribus Christianis
informetur. Ante omnia autem Symbolum
Fidei, Orationem Dominicam & Decalo-
gum filiolos suos docere debent. Hâc au-
tem potissimùm lege sunt obstricti, cum ne-
cessitas imminet; sicut eo tempore & loco,
in quo baptizati inter Infideles nutriuntur,
vel ex parentibus Hæreticis, aut ad Religio-*

PARSI.
Art. 2.

nem Catholicam recens convertis, & eam ficto forsan animo professis, nati sunt. *Sed ubi nutriuntur inter Catholicos Christianos, & ex parentibus probatæ fidei sunt geniti, satis possunt ab hac cura excusari Patrini; præsumendo quòd à suis parentibus diligenter instruantur: Si tamen quocunque modo sentirent contrarium, tenerentur secundum suum modum saluti spiritualium filiorum curam impendere.* Ita S. Thomas 3. P. Q. 67. Art. 8.

*Spiritua-
lis cognat-
io ratione
baptismi,
inter quos
oriatur.*

83. Spiritualis cognatio Matrimonium contrahendum impediens, & dirimens contractum, oritur inter Susceptores sive Patrinos, ac baptizatum ipsum, & illius Patrem ac Matrem, necnon inter baptizantem & baptizatum, baptizatique Patrem ac Matrem. Unde Ecclesia providere volens ne inter plures hujusmodi affinitates contraherentur, quæ impedirent quòd minùs legitimo Matrimonii vinculo hominum inter homines societas latiùs diffunderetur, statuit ne plures baptizatum de sacro Fonte suscipiant, sed unus tantum, sive vir, sive mulier, vel ad summum unus & una. Id constat ex Cap. *Veniens, Extra, De Cognatione spirituali;* & ex Concilio Tridentino Sessione 24. *De Reformatione Matrimonii, Cap. 2.*

*Vnus Pa-
trinus vel
una Ma-
trina suf-
ficit; duo*

84. Plures sunt istius Decreti partes: Primò, unum Patrinum, vel unam Matrinam sufficere declarat ad baptizandum è sacro Fonte suscipiendum. Secundò, duos admit-

admitti posse, quorum unus masculus sit, altera foemina, quæ consuetudo obtinuit. Tertio, plures admitti vetat. Quarto, spirituales Cognationem contrahi inter Paternos & Maternas, & baptizati Patrem ac Matrem: Ex quâ fit ut nec Patrinus filiolarum suarum, vel ejus Matri; nec Matrina filiolo suo aut ejus Patri nubere possit. Contrahitur eadem spiritualis Cognatio inter baptizantem & baptizatum, ac baptizati Patrem & Matrem: Ita ut si Laicus quispiam, cogente etiam necessitate puellam baptizaret, nec illam, nec illius Matrem Conjugem unquam habere possit. Et si inter hujusmodi Personas commercium aliquod carnale intercedat; præter fornicationis malitiam, peccatum illud singularem deformitatem ac gravitatem spiritualis incestus habebit, in Confessione Sacramentali necessario exprimendam. Quinto, declarat Concilium, spirituales illam Cognationem contrahi dumtaxat ab uno vel una, vel ab uno & una, qui ad baptizatum de sacro Fonte suscipiendum designati & admissi, ipsum obtulerint, pro eo responderint, & tetigerint, cum baptizatur. Quod Pontificio Diplomate Beati Pontificis *Kii V.* quod incipit, *Cum illius vicem*, anno 1566. confirmatum est. Nihil autem refert ad istam Cognationem contrahendam, sive domi sine ceremoniis, sive in Ecclesia solemni Ritu Baptismus administratur, modo Patrini designati sint, & baptizandum

PARS I.

Art. 2.

offerant ac teneant, ejusque curam suscipiant. Unde Laicus qui puellam domi in articulo necessitatis baptizavit, nec ipsi, nec ejus Matri nubere potest, ut respondet *S. Antoninus*, P. 3. Tit. 1. Cap. 15. Si verò non ut Patrini, sed ut homines necessitati servientes, teneant baptizandum, nullam cognationem contrahunt. Idem esto judicium de illis, qui puero jam domi propter mortis periculum baptizato Patrini designantur, qui solemnibus Ceremoniis supplendis assistant, ac nomen etiam imponant. *Spiritualis enim Cognatio non contrahitur nisi per aliquod Sacramentum*, inquit *S. Thomas*, Quæst. 56. Supplementi, Art. 2. Eadem ratio est & de Procuratore, qui alterius nomine baptizandum è sacro Fonte suscipit: Spiritualem enim Cognationem ille non contrahit, sed is cujus agit nomine, & cujus habet Mandata. Sextò declarat Concilium, alios à designatis Patrinis, qui baptizandum tenuerint vel tetigerint, nullam Cognationem contrahere, omnibúsque Constitutionibus in contrarium derogat, inter alias Capiti *Quamvis*, De Cognatione spirituali, in Sexto. Declarat septimò Concilium, Cognationem spiritualem pariter contrahi in Sacramento Confirmationis inter Confirmantem & Confirmatum, illiúsque Patrem ac Matrem, & Susceptorem. Declarat denique hujus spiritualis Cognationis impedimenta inter alias Personas esse omnino sublata.

lata . Quæ igitur olim intercedebat spiritualis Cognatio inter Patrem baptizati, & uxorem Patrini, vel inter duorum Compatrum filios, per quorum alterum ad Compaternitatem perventum esset, secundum Caput *Ita*, §. *Est inter*, Causâ 30. Quæst. 3. & Cap. *Post susceptum*, ibidem; secundum Caput *Martinus*, & Cap. *Tua nos*, Extra, *De Cognatione spiritali*, & Cap. *Nedum*, necnon Cap. *Quamvis*, eodem Titulo, in Sexto, Tridentini Concilii Decreto sublata est.

85. Pater & Mater baptizati Patrinarum officio in illius Baptismo fungi non debent, nisi cogat necessitas. Sicut enim alia est generatio spiritualis à carnali, ita etiam debet esse alia disciplina, secundum illud *S. Pauli ad Hebræos 12. Patres quidem carnis nostræ habuimus eruditores, & reverebamur eos, non multò magis obtemperabimus Patri Spirituum, & vivemus?* Et ideo alius esse debet Pater spiritualis à carnali, nisi necessitas contrarium exigat. Qui filium suum ex sacro Fonte suscepit, vel ipsum baptizaverit, extra casum necessitatis, nisi excuset ignorantia, spirituales contraxit cum uxore Cognationem; ex quâ fit ut conjugale debitum ab ipsa petere non possit; Idemque esto iudicium de uxore quæ filium ex Baptismo suscepit, vel salutaris Lavacro lustraverit. Debitum tamen reddere tenetur, quia ex unius culpa non debet alter commodum aliquod reportare. Ita *S. Tho-*

Qui ad suscipiendum admitti non debent. Pater, & Mater.

PARS I. *mas*, Quæst. 56. Supplementi, Art. 1.

Art. 2. 86. „ Ad suscipiendum ex Sacro Fonte
Vir & „ puerum non sunt admittendi simul vir &
Uxor, ex- „ uxor, nec excommunicati, interdicti,
communi- „ publici criminis rei, infamésve, putà con-
cati, in- „ cubinarii, usurarii, ebriosi, qui cum ini-
terdicti, „ micis reconciliari nolunt, &c. Qui Pas-
publici „ chalis Confessionis, & Communionis of-
criminis „ ficio perfuncti non fuerint: Nec pueri na-
rei &c. „ tu minores quatuordecim annis, aut puel-
 „ læ duodecim; nec qui sanâ mente non
 „ sunt; nec præterea illi qui Symbolum Fi-
 „ dei, Orationem Dominicam, Salutatio-
 „ nem Angelicam; rudimentaque Fidei
 „ Christianæ ignoraverint: De quibus in-
 „ terrogare eos debet Parochus, si ea de re
 dubitet. „ Ita S. Carolus Borromeus in
 Concilio Provinciali Mediolanensi.

Qui non- 87. *Admitti etiam non debent Patrini,*
dum Con- *qui nondum Confirmationis Sacramentum*
firmitio- *susceperint.* Ita S. Carolus in Instructioni-
nis Sacra- *bus Baptismi.*
mentum

suscepe- 88. *Eam etiam rationem cohortando*
runt. *Parochus habebit, ut ne peregrini, hospites*
Peregri- *ignoti, & ii denique Compadres adhibean-*
ni, Hospi- *tur, quorum domicilium cum longè absit,*
tes ignoti. *verisimile non est consuetudinem inter bapti-*
zatum eosque ita futuram, ut suscepti mu-
neris functionem in eo instruendo præstare
possint. Ita S. Carolus. Multò minùs admit-
 tendi sunt Hæretici, aut Schismatici, ut sta-
 tuit Concilium Moguntinum relatum Cap.

In Baptismate Dist. 4. De Consecratione.

Art. 2.

89. Adpueros è Sacro Baptismi Fonte suscipiendos admitti non debent Monachi, & Moniales. *Monachi, & Moniales.*

Cap. *Non licet*, Dist. 4. De Consecratione.

90. Quivis homo capax est Baptismi, si- *De susci-*
ve adultus, siue puer, siue vir, siue mulier. *pientibus*
Hæc Propositio evidens est ex Oraculo Chri- *Baptismū.*
sti, Matth. ultimo. *Euntes docete omnes* *Quivis*
gentes, baptizantes eos in nomine Patris, & *homo est*
Filii, & Spiritūs-Sancti. *capax Ba-*
pismi.

91. Infans in utero Matris adhuc exi- *Non par-*
stens baptizari non potest. Regenerari enim *vulus in*
& renasci nemo potest, nisi primò nascatur. *utero Ma-*
Cum itaque Baptismus sit spiritualis rege- *tris.*
neratio, baptizari nemo potest prius quàm
ex utero nascatur. Principium istud est S.
Augustini Epistolâ 187. aliàs 57. ad Dar-
danum.

92. Præterea, Corpus baptizandi aquâ
perfundi necesse est, cum Baptismus sit ab-
lutio quædam: Corpus autem Infantis ante-
quàm nascatur ex utero, non potest aquâ
perfundi, nisi fortè dicatur ablutionem ba-
ptismatis, quâ corpus matris lavatur, ad fi-
lium in utero existentem pervenire: sed id
verè dici non potest; tum quia anima pueri,
ad cujus sanctificationem ordinatur Baptis-
mus, distincta est ab anima matris; tum quia
corpus pueri animati jam est formatum,
adcoque à corpore matris distinctum: & ideo
Baptismus quo mater baptizatur, non re-

PARS I.

Art. 2.

dundat in prolem in utero matris existentem. Unde *S. Augustinus* ait Libro 6. Contra *Julianum*, Cap. 5. *Si ad matris corpus id quod in ea concipitur, pertinet, ita ut ejus pars imputetur, non baptizaretur infans, cujus mater baptizata est aliquo mortis urgente periculo, cum eum gestaret in utero: nunc verò cum ipse etiam baptizetur, non utique ad maternum corpus, cum esset in utero pertinebat. Quamobrem nullo modo infantes in maternis uteris existentes baptizari possunt. Ita ratiocinatur S. Thomas 3. P. Q. 68. Art. 11. Idem confirmatur ex Canone Qui in maternis, sumpto ex S. Isidoro Hispalensi Lib. 1. Sententiarum c. 24. ex Canone Si ad matris, & Canone Si qua mulier, Dist. 4. De Consecratione.*

*Quid, cū
timetur
de partu.*

93. Expectanda est igitur totalis egres-
sio pueri ex utero, ut baptizetur, nisi mors
immineat: si tamen primò caput egrediatur,
in quo fundantur omnes sensus, debet ba-
ptizari periculo imminente, & non est po-
stea rebaptizandus si perfectè nasci contige-
rit. Idemque faciendum est, quæcumque
alia pars egrediatur; periculo imminente,
& sub conditione re baptizandus, si natus vi-
xerit. *S. Thomas* loco cit. & *S. Carolus* in
Instructionibus.

*Quid mo-
riente
Matre in
partu.*

94. Si quando autem in partu mulier
obierit, hoc fieri admonebit Parochus, ut
uterus aperiat, indeque fœtus eductus, si
vivit, quamprimum baptizetur. Id verò

ma-

magna cautione fiat, ut & is vivus ex utero extrahatur, & tunc in primis cum mater verè mortua est, ne pro salute filii mater occidatur. Ita S. Thomas Quæstione & Articulo supra laudatis, in Responsione ad tertium.

95. *Infantes qui mortui nascuntur, baptizari non debent, etiam si in iis ad pia quædam loca à simplicibus aut superstitiosis mulierculis delatis motus aliquis aut calor ab extrinseco ortus, aliudve signum æquivocum vitæ appareat. Si tamen evidens signum vitæ ipsos ad vitam rediisse probaret, baptizandi essent. Ita Philippus Lingonensis Episcopus in Synodo Anni Millesimi quadringentesimi quinquagesimi quinti.*

Infantes mortui baptizari non debent.

96. *Circa Monstrorum Baptismum cautio maxima est adhibenda. De monstrorum humanorum Baptismo S. Carolus ita decernit in Instructionibus Baptismi: Si quando monstrum humanum Baptismo offertur, videndum est antequam baptizetur, an una persona sit, an verò duæ: tum masculusne sit, an femina, Si que re perspectâ dubium est an sint duo, utpote quia duo capita non habet, nec pectora bene distincta; unus intentione certâ, neque vagâ, simpliciter baptizetur: alter vero, seu alii sub conditione: Si non es baptizatus, &c. Si vero quia duo capita, pectora duo, aut corpora etiam distincta in Monstro apparent, homines duos esse perspicuum est, singuli simpliciter baptiz-*

Quid de Monstris?

PARS I.

Art. 2.

zentur. Quod si mortis periculum in mora erit, numero plurali baptizentur: Ego vos baptizo in Nomine Patris, & Filii, & Spiritus-Sancti. Sin autem una persona est, utpote unum tantum caput habens, tanquam unus baptizetur, etiamsi alia membra plura geminatve habeat. At verò Monstrum quod hominis speciem non præ se fert, non baptizetur, nisi primum Archiepiscopus vel Episcopus consulatur: De cuius etiam consilio agetur, quod supra de Monstro humano dictum est, si tempus dabitur. Si autem dubitetur an sit homo, baptizari debet sub conditione, dicendo: Si tu es homo, ego te baptizo in Nomine Patris, & Filii, & Spiritus-Sancti.

De Pueris Infidelium. Non possunt baptizari invititis parentibus.

97. Pueri Judæorum, & aliorum Infidelium, invititis parentibus baptizari non debent: quamvis collatus ipsis Baptismus sit ratus ac validus. Hanc Propositionem probat S. Thomas *Secunda Secunda*, Quæst. 10. Art. 12. & 3. P. Quæst. 68. Art. 19. Primò ex Ecclesiæ consuetudine in omnibus sequenda, quæ nunquam id probavit: secundò, quia id iustitiæ naturali repugniaret, cum puer quandiu usum rationis non habet, sit sub cura parentum, cui subtrahi non potest sine violatione juris naturalis: aliunde si parentibus Infidelibus relinquerentur baptizati, fides in periculum veniret.

Obicatio.

98. At (inquies) Qui potestate sua abutitur, eâ jure privari potest: & quilibet prohibe-

bere potest ne injuria & vis manifesta inferatur innocenti: parentes porro nolentes baptizari filios suos, abutuntur potestate suâ in illorum perniciem, multò magis quàm si ipsos occiderent: licet itaque ipsos subtrahere parentibus, & illis invitis baptizare.

PARS I.

Art. 2.

99. Respondetur, Eum qui jure suo ac potestate abutitur, eo privari posse ab illis quibus subest: parentes autem infideles qui filios suos baptizari nolunt, abutuntur quidem jure suo contra legem Fidei & Religionis in quâ nemini homini adhuc subduntur, à quo emendari & plecti possint: non abutuntur tamen jure suo contra ordinem justitiæ naturalis aut politicæ, sicut abuterentur parentes qui filios suos occidere vellent. Quamobrem possent illi auctoritate publicâ subtrahi parentibus, ut eorum saluti consuleretur: imò & quilibet ipsis in extremo periculo constitutis posset succurrere, cum vitæ damnum resarciri non possit: sed tamen ipsis eripi, vel eorum curæ subtrahi non possunt ut baptizentur: quia nec in extremo salutis periculo constituti censentur propter solam Baptismi dilationem, nisi mors imminet; & accedere ipsi possunt ad Baptismum, cum ad ætatem adultam pervenerint.

Responsio.

100. Confirmatur ex S. Thomæ Responsione ad primum: *A morte (inquit) corporali non est aliquis eripiendus contra ordinem juris civilis; puta, si aliquis à suo Judice condemnatur ad mortem, nullus debet*

Confirmatur.

PARS I. *cum violenter à morte eripere : unde nec ali-*
Art. 2. *quis debet irrumperè ordinem juris natura,*
quo filius est sub cura Patris, ut eum liberet
à periculo mortis aeternae .

Exceptio . 101. Nihilominus filii infidelium , qui aliquando fidem susceperunt , sed ab ea defecerunt , invitis parentibus possunt baptizari . Cùm enim ex parentibus Christianis , ideòque Ecclesiæ subiectis nascantur , ipsi pariter Ecclesiæ subiecti sunt : cùmque parentes fidem ac legem Christianam in Baptismo professi , ad sacrum & solemne pactum servandum cogi possint , filios etiam illorum baptizare licet , quantumvis parentes repugnent .

Exceptio altera . 102. Pueri quoque Infidelium , qui sunt Christianorum servi , non solum servitute civili , sicut Judæi sunt servi Christianorum Principum , quorum in ditionibus tolerantur ; sed servitute pœnali , sive mancipia , possunt invitis parentibus baptizari . Cùm enim servitus jure gentiũ sit introdueta , jam non sub parentum cura & regimine , sed sub Domini potestate existunt , qui ut ipsos vendere , donare , & quò voluerit mittere potest ; ita & Baptismum inconsultis & invitis parentibus illis procurare .

Exceptio 3. 103. Puerum in extremo vitæ periculo constitutum , & de cujus temporali salute desperatum est , invitis parentibus baptizare licet : tum quia de illius æterna salute pariter desperatum est , nisi baptizetur ; tum quia
 mors

mors ipsum parentibus eripit potius quam Minister Baptismi. Pats I.
Art. 2.

104. Alterutro parentum consentiente, *Exceptio*
puer baptizari potest, quantumvis repugnet ^{4.}
alter. Cum enim hujusmodi consensus ab
eo datus sit qui jus habet, cedatque in favo-
rem Religionis, & spiritalem utilitatem pue-
ri, eo absque hæsitacione utendum est. Ita
Concilium Toletanum 3. sub *Recaredo Rege*,
Canone 14. Toletanum 4. sub *Sisenando Re-*
ge, Canone 63. *Gregorius IX.* Argentinenſi
Episcopo respondens, (ut *Cap. ex Litteris*,
Extra, De Conversione Infidelium, refertur)
de puero quadrienni, quem Pater ex Judaïs-
mo ad Christum conversus, sibi assignari in
judicio postulavit, ad Fidem Catholicam
perducendum, quantumvis uxor in Judaica
perfidia pertinax repugnaret.

105. Pueri à parentibus Infidelibus sive *Exceptio*
jure, sive injuriâ separati, & tanta locorum ^{5.}
intercapedine diffiti, ut parentes eos reci-
pere non possint, nec iis providere, possunt
illis inconsultis baptizari, pro illorum arbi-
trio qui ipsos in clientelam, & curam suam
receperunt.

106. Pueri quoque Infidelium, ut pri- *Exceptio*
mum rationis usum attigerunt, invitis pa- ^{6.}
rentibus baptizari possunt. Tunc enim *Quan-*
tum ad ea quæ sunt juris divini vel natura-
lis, incipiunt suæ potestatis esse: & ideo pro-
pria voluntate, invitis parentibus, possunt
Baptismum suscipere, sicut & Matrimonium
con-

PARS I. *contrahere: & ideo tales licitè moneri possunt & induci ad Baptismum suscipiendum:*
Art. 2. (inquit *S. Thomas 3. P. Quæst. 68. Art. 10.*)

Amentes & furiosi. 107. Amentes & furiosi à nativitate aut à pueritiâ perpetuò his morbis laborantes, baptizari possunt sicut infantes: qui verò amentia, vel furore ex intervallis laborant, non sunt baptizandi, nisi Baptismum ante amentiam vel furorem, aut in lucidis intervallis postulaverint. Ita docet *Innocentius III, Cap. Majores, Extra, De Baptismo & ejus effectu.* Ita etiam *S. Thomas 3. P. Q. 68. Art. 12.* Qui autem lethargico sopore sunt correpti; *Non sunt baptizandi nisi periculum mortis immineat, si tamen prius in eis voluntas apparuit suscipiendi Baptismum:* Sicut *S. Augustinus Libro 6. Confessionum, Cap. 4.* narrat de Amico suo, qui *Baptizatus est nesciens*, propter periculum mortis. Idem docet Concilii Tridentini Catechismus.

Energumeni, Catechumeni. 108. Energumeni, & Catechumeni baptizandi sunt urgente necessitate, aut datâ opportunitate. Ita statuit Concilium Arausicanum l. Capone 15.

Baptizantium consensus. 109. Ad Baptismum adultorum necessarius est baptizantium consensus, seu intentio suscipiendi Baptismum, quæ saltem præcesserit, & per actum contrarium non fuerit revocata. Baptizandum enim interrogat Sacerdos, *Vis baptizari?* Et respondet, *Volo.* Et pueris quidem valet, cum alii pro eis respondent, quia ipsi respondere non possunt:

At

*At si pro eo qui respondere potest, alius respondeat, non itidem valet (inquit S. Augustinus Libro 4. De Baptismo contra Donatistas, Cap. 24.) Si quis tamen minis, terroribus, plagis compulsus, Baptismum postulet, quamvis secundum quid nolens dicatur, non ideo absolute invitus est, sed absolutam habet voluntatem, quamvis minis & terroribus excitatam. Ac de hujusmodi homine S. Augustinus intelligendus est, Tractatu 25. in Joannem: Intrare quisquam Ecclesiam potest nolens, accedere ad Altare potest nolens, accipere Sacramentum potest nolens: credere non potest nisi volens. Quamquam de Eucharistia potius, quam de Baptismo, locus iste fortassis explicandus sit; alia autem ratio est Eucharistiæ, quæ in re permanente consistit: hanc enim recipere potest absolute nolens, quamvis non profit nisi volenti, & ut par est, disposito: alia ratio Baptismi, & aliorum Sacramentorum, quæ consistunt in usu, seu applicatione ad recipientem: hæc enim humano modo recipi non possunt, nisi consentiat is qui recipit. Confirmatur ratione S. Thomæ, 3. Par. Q. 68. Art. 7. Per Baptismum aliquis moritur veteri vitæ peccati, & incipit quamdam vitæ novitatem; secundum illud ad Romanos 6. *Consepulti sumus Christo per Baptismum in mortem, ut quomodo Christus surrexit à mortuis per gloriam Patris, ita & nos in novitate vitæ ambulemus.* Et ideo sicut ad hoc*

PARS I.
Art. 2.

ut homo moriatur veteri vitæ, requiritur, secundum S. *Augustinum*, in habente usum liberi arbitrii voluntas quâ eum veteris vitæ pœniteat; ita requiritur voluntas quæ intendat vitæ novitatem, cujus principium est ipsa susceptio Sacramenti: & ideo ex parte baptizati requiritur voluntas seu intentio suscipiendi Sacramentum. Quæ si defuerit adultæ ætatis homini, rebaptizandus est.

Alienum est ab Ecclesia disciplina ut ad Baptismum suscipiendū infideles cogantur.

110. Quamvis autem ratus sit ac validus Infidelium Baptismus, qui minis, terroribus, ac pœnis compulsi, Baptismum postularunt & tandem consentientes receperunt, illique ad fidem servandam & Christianè vivendum cogi possint: alienum tamen est ab Ecclesiæ ingenio & disciplinâ, ut sic ad Baptismum suscipiendum compellantur. Prædicatione, & suasionibus, non minis & terroribus homines ad Christianam Religionem adduci Christus voluit. Unde *Tertullianus* ait: *Non est Religionis cogere Religionem.* Et S. *Gregorius*, Epistola 3. Libri 2. *Pastores*, inquit, *facti sumus, non percussores*, Et egregius *Prædicator* dicit: *Argue, obsecra, increpa in omni patientia & doctrina. Nova verò atque inaudita est ista Prædicatio, quæ verberibus exigit fidem.* Extra, *De Judæis*, Cap. *Sicut Judæi*, cujus hæc sunt verba: *Statuimus ut nullus invitos vel nolentes Judæos ad Baptismum venire compellat.* Favet S. *Thomas*, Secunda Secundæ, Quæst. 10, Art. 8.

111. Fi-

III. Fides ad consequendam Baptismi gratiam maximè necessaria est adultis. Probatur ex Christi verbis, *Marci ultimo: Qui crediderit, & baptizatus fuerit, salvus erit: qui verò non crediderit, condemnabitur.*

PARS I.
Art. 2.
Necessaria Fides.

II 2. Ad gratiam per Baptismum obtinendam, necessaria adultis est Pœnitentia, seu dolor sincerus de peccatis antea commissis, peccandi voluntatem excludens. Id docet Apostolorum Princeps, cùm magnæ illi hominum multitudini, qui, ut ait Scriptura, compuncti corde, ab eo, & à reliquis Apostolis, quid sibi faciendum esset quælerant, ita respondit Actuum II. 38. *Pœnitentiam agite, & baptizetur unusquisque vestrum.* Peccatoribus voluntatem peccandi & propositum perseverandi in peccato habentibus, Sacramentum Baptismi non esse conferendum probat *S. Thomas 3. P. Quæst. 68. Art. 4.* multiplici ratione: Et in Responsione ad secundum ait, quodd Spiritualis „ Medicus, scilicet Christus, operatur dupliciter: Uno modo interiùs per se ipsum; & „ sic præparat volūtatem hominis, ut bonum „ velit, & malum odio habeat: alio modo operatur per Ministros, exteriùs adhibēdo Sacramenta; & sic operatur perficiendo exteriùs id quod est interiùs inchoatum: & ideo „ Sacramentum Baptismi non est exhibendū „ nisi ei in quo interioris cōversionis aliquod „ signū apparet; sicut nec medicina corporalis adhibetur infirmo, nisi in eo aliquis motus

Pœnitentia.

PARS I. „ tus vitalis naturæ appareat. „ Deinde
 Art. 2. Concil. Trident. Sessio 6. cap. 6. explicans modum præparationis ad justificationem, in adultis necessariæ, docet necesse esse ut *Deum tanquam omnis iustitiæ fontem diligere incipiant; ac propterea moveantur adversus peccata per odium aliquod & detestationem, hoc est, per eam Pœnitentiam, quam ante Baptismum agere oportet: Proponantque suscipere Baptismum, inchoare novam vitam, & servare divina mandata.* Inanis itaque Baptismus, si iustitiæ & salutis gratiam spectamus, in eo futurus est, qui *Secundum carnem ambulare, non secundum spiritum*, cogitat: etsi, quod ad Sacramentum pertinet, perfectam ejus rationem sine ulla dubitatione consequitur, si modò, cùm ritè baptizatur, in animo habeat id accipere, quòd à Sancta Ecclesia administratur. Ad Baptismum non esse admittendos adultos priùsquàm vitam mutaverint, & peccatis renuntiaverint; aut priùsquàm edocti fuerint quid ad bonam vitam moresque pertineat; *S. Augustinus* disertè docet Libro de *Fide & Operibus* Cap. 6.

Effectus 113. Primus ac præcipuus effectus Baptismi, est cujuscumque peccati, sive à primis parentibus origine contracti, sive à nobis commissi, plena & perfecta remissio. Id à Prophetis prænuntiatum est; ed enim spectat illud Ezechielis oraculum Cap. 34. 25. 28. *Effundam super vos aquam mundam, &*

mun-

mundamini ab omnibus iniquitatibus vestris, & ab universis idolis vestris mundabo vos, Et dabo vobis cor novum, & Spiritum novum ponam in medio vestri. Quod de Baptismo & remissione omnium peccatorum per admirabilem illius virtutem datâ explicant S. Cyprianus Epistola 56. S. Hieronymus & Theodoretus in Commentariis. Idem prænuntiavit Zacharias; Cap. 13. 1. In die illa erit Fons patens domui David, & habitantibus Jerusalem in ablutionem peccatoris & menstruata. Item Michæas Cap. 7. 19. Revertetur, & miserebitur nostri: depones iniquitates nostras, & projiciet in profundum maris omnia peccata nostra. Idem probant Novi Testamenti oracula: ait enim Apostolorum Princeps Act. 11. Baptizetur unusquisque vestrum in remissionem peccatorum. Et Ananias ad Saulum Act. 22. Baptizare, & ablue peccata tua. Et ipse S. Paulus Ad Romanos 6. 1. ad Corinthios 6. post longam graviorum peccatorum enumerationem, subjicit: Et hac aliquando fuistis: sed abluti estis, sed sanctificati estis, sed iustificati estis, in nomine Domini nostri Jesu Christi, & in Spiritu Dei nostri. Quibus verbis luculenter & invictè probatur, non solum radi, vel tegi, seu non imputari peccata hominibus baptizatis, sed verè, plenè, ac perfectè remitti, deleri, condonari. Id Ecclesia in Symbolo profitetur: Confiteor unum Baptisma in remissionem peccatorum.

PARSI.

Art 2.

*Hæretico-
rum obje-
ctionibus
responde-
tur.*

*Concupi-
scentia in
baptizatis
non est
peccatum.*

114. Objiciunt Hæretici concupiscen-
tiam manere in hominibus baptizatis : At
concupiscentia peccatum est , secundum
Apostolum Cap. 7. Epistolæ ad Romanos .

115. Respondetur , In baptizatis qui-
dem manere concupiscentiam , sed eam verè
peccati rationem non habere : Peccatum
autem ab Apostolo vocari , quia ex peccato
relicta est , & ad peccatum inclinat . Ita Sy-
nodus Tridentina Sessione 5. Canone 5.
Quod autem concupiscentia non sit verè
peccatum , nisi pravis ejus motibus consen-
tiatur , probant hæc Apostoli verba ad Ro-
manos 6. *Non regnet peccatum in vestro
mortali corpore , ut obediatis concupiscen-
tiis ejus .* Quod præceptum tunc impletur ,
quando concupiscentiæ ad peccatum solli-
citanti consensus non præbetur . Item illa
ad Romanos 8. ubi cum de involuntariis
concupiscentiæ motibus Capite præcedenti
differuisset , ita colligit : *Nihil ergo damna-
tionis est iis qui sunt in Christo Jesu , qui non
secundum carnem ambulant , id est , qui
Christo sunt insiti per Baptismum , & in eo
regenerati , quamvis sentiant pugnam car-
nis perduellis adversus spiritum , ab omni
prorsus peccato mundi sunt , nullique pœnæ
obnoxii , quæ ab aditu regni cælorum illos
remoretur , quamdiu secundum carnem non
ambulant , id est , quamdiu motibus concu-
piscentiæ adversus rationem insurgentibus
non consentiunt . Unde subjungit ; Si spi-*
ritu

ritu facta carnis mortificaveritis, vivetis. PARS I.
 Nam spiritu facta carnis mortificare, est car- Art. 2.

nis motibus & desideriis ad illicita provocantibus non consentire, sed resistere *Manet autem in corpore mortis hujus carnalis concupiscentia.* Manet [inquam] ut materia exercendæ virtutis. In cujus rei figura dictum est *Judicium III. Capite: Hæ sunt gentes quas Dominus dereliquit, ut erudiret in eis Israel, & postea discerent filii eorum certare cum hostibus, & haberent consuetudinem præliandi.* S. Augustinus Lib. 1. De Nuptiis, & Concupiscentia Cap. 25.

116. In Baptismo pœnæ omnes peccatis debitæ à Deo benignè condonantur. Omnis pœnæ condonatio.
 nibus enim in Christum credentibus persuasum esse debet, quod à S. Paulo scriptum est: In Baptismo Christo nos commori [Ad Romanos 6.] *Si mortui sumus cum Christo, credimus quia etiam vivemus cum eo.*

117. Quamquam verò in Baptismo pœnæ peccatorum condonantur; ab eo tamen pœnarum genere, quæ civilibus Judiciis ob grave aliquod scelus luendæ sunt, nemo liberatur. In pœnis scilicet quæ judicio humano inferuntur, non solum attenditur quæ pœnâ sit homo dignus quoad Deum, sed etiam in quo sit obligatus adhuc quoad homines, quos justum est ædificari de pœna, sicut sunt scandalizati de culpa. Pie tamen talibus Princeps posset pœnam indulgere, inquit S. Thomas Quæst. 69. A. 2. in Responsione ad 3.

PARS I.

Art. 2.

*Regene-
ratio &
Virtutum
infusio.*

118. Alter effectus Baptismi est regeneratio seu renovatio, per Gratiam sanctificantem, virtutum infusarum ac donorum comitatu instructam. Quare cum Apostolus ad Titum scribens Cap. 3. ait: *Salvos nos fecit per Lavacrum regenerationis & renovationis Spiritus-Sancti, quem effudit in nos abundè per Jesum Christum Salvatorem nostrum*: His verbis, *effudit in nos abundè*, significat Spiritum-Sanctum in Baptismo dari, non solum ad remissionem peccatorum, sed etiam ad copiam virtutum, ut explicat Concilii Tridentini Catechismus.

Character

*Pœna re-
baptizan-
tium, &
rebapti-
zatorum.*

119. Baptismus imprimit Characterem, ex quo fit ut iterari absque sacrilegio non possit. Hinc pœnam Irregularitatis cum in rebaptizantes, tum in rebaptizatos sacri Canones decernunt. Cap. *Qui bis*, Dist. 4. *De Consecratione*. Cap. *Licet*, Extra, *De Baptismo*, & ejus effectu, quod est Innocentii III. in Concilio Generali Lateranensi, contra Græcos Schismaticos, qui baptizatos à Latinis aliquando rebaptizare auli fuerant, excommunicationis & depositionis ab officio & beneficio pœna decernitur: *Si quis autem tale quid præsumpserit, Excommunicationis muncrone percussus, ab omni Officio & Beneficio Ecclesiastico deponatur*.

*De iis
quorum
Baptismus
incertus
est.*

120. Non iteratur Baptismus, cum baptizantur illi, quorum Baptisma incertum est. Ea semper fuit Ecclesiæ doctrina & usus, ut constat ex Concilio Carthaginensi, quod

quod quintum vocant, cujus Canon 52. est in Codice Ecclesiæ Africanæ,

PARS I.
Art. 2.

121. *De illo qui natus de Christianis parentibus, & inter Christianos est fideliter conversatus, tam violenter presumitur quod fuerit baptizatus, ut hæc præsumptio pro certitudine sit habenda, donec evidentissimis forsitan argumentis contrarium probaretur.* Ita respondet Innocentius III. Cap. *Veniens, Extra, De Presbytero non baptizato.*

De Christianis Parentibus natus presumitur baptizatus.

122. Quamvis eos de quorum Baptismo dubitatur, baptizari voluerint veteres Patres & Synodi, etiam sine apposita conditione, ut constat ex laudatis Concilii Carthaginensis 5. S. Leonis, & Gregorii III. testimoniis; & id diu in usu fuerit; postea tamen consultius visum est illos, quorum Baptismus incertus aut dubius erat, sub conditione baptizare: quam disciplinam primus invexisse nonnullis videtur Alexander III. ut habetur Cap. *De quibus, Extra, De Baptismo, & ejus effectu.* Sed hujus formulæ conditionalis usum antiquiorem esse constat ex Libro 6. Capitularium, Cap. 184.

Sub conditione baptizandi, quorum Baptismus incertus, aut dubius est.

123. Presbyter non baptizatus, baptizari debet, ac deinde ordinari, si velit cum nulla fuerit non baptizati Ordinatio, ut qui nullum jus alia Sacramenta suscipiendi haberet. Si de ejus Baptismate meritò dubitetur, sub conditione baptizandus est, atque simili conditione ordinandus. Si sit Episco-

De Presbytero non baptizato.

PARS I. pus, pariter ordinandi sunt sub conditione
 Art. 3. omnes quos ordinavit; ut habetur Cap. *Si quis*, & Cap. *Veniens*, Extra, De Presbytero non baptizato, quod est Innocentii III.

*Ceremonie
 supplendæ
 in is qui
 domi ur-
 gente ne-
 cessitate
 baptizati
 sunt.*

124. Quamvis ceremoniæ, siue quæ Baptismum præcedunt, siue quæ comitantur, siue quæ subsequuntur, non sint ad substantiam Sacramenti necessariæ, adeoque sine illis possit homo Baptismi effectum consequi, non tamen prætermittendæ sunt, nisi urgente necessitate. *Et tunc cessante periculo debent suppleri, ut servetur uniformitas in Baptismo. Nec frustra supplentur post Baptismum, quia sicut impeditur effectus Baptismi antequam percipiatur, ita potest impediri postquam fuerit perceptus (inquit S. Thomas 3. P. Q. 71. Art. 3.)*

ARTICULUS TERTIUS

D E

SACRAMENTO CONFIRMATIONIS:

*Definitio
 Confirmatio-
 nis.*

125. **C**onfirmatio est Sacramentum novæ Legis, quo Fideles, ad Christi fidem palam & intrepidè proficèdam, Spiritus-Sancti plenitudine roborantur.

*Confirma-
 tionis ma-
 teria.*

126. Impositio manuum cum unctione Chrismatis conjuncta, est Materia Confirmationis. *Chrisma*, quod sacrum unguentum

CONFIRMATIONIS: 73

tum est ex oleo & balsamo confectum, **PARS I.**
 conveniens est Confirmationis materia. **Art. 3.**
 Oleum autem olivarum ad confectiorem
 Chrismatis adhibere necesse est (inquit S.
Thomas 3. P. Q. 72. Art. 2. ad 3.) Neque
 sufficit oleum nucum, amygdalorum, aut
 aliud simile.

127. An verò balsamum sit necessa- *Qua ra-*
 rium necessitate Sacramenti, ita ut Con- *tione sit*
 firmatio cum oleo solo collata irrita sit; an *necessariū*
 præcepti dumtaxat necessitate quemadmo- *Balsamū ?*
 dum admixtio aquæ vino in Sacramento Eu-
 charistiæ, sub iudice lis est, Theologis in
 varias sententias abeuntibus.

128. Chrisma benedictum seu conse- *Chrisma-*
 cratum ab Episcopo esse debet, ut sit Con- *tis conse-*
 firmationis materia. Ita *Eugenius IV.* in *cratio.*
Decreto De Instructione Armenorum. Hinc
 à Concilio Tridentino *Sacrum Chrisma* vo-
 catur. *Quod ex prisco Ecclesiæ More Fieri*
5. in Cæna Domini consecrandum est. Et
quotannis renovandum, & vetus combu-
rendum.

129. Pro Chrysmate, aut Balsamo ad
 illud conficiendum, aliquid à Presbyteris
 Diocesanis exigere, sacri Canones prohi- *Nihil pro*
 bent Episcopis, & ceteris Ecclesiæ Mini- *Chrysmate*
 stris; scilicet Concilii Cabilonensis 2. Ca- *exigendū.*
 non 16. Aquisgranensis 2. Canon 5. Mel-
 densis 45. Toletani 11. Canon 8. Barcino-
 nensis Canon 2. Et *Innocentius III.* Cap. *In*
tantum, Extra, De Simonia.

130. Chri-

PARS I.

Art. 3.

*Cur un-
ctio fiat in
fronte .*

130. Chrismatis inunctio fit in fronte confirmandi , quæ verecundiæ sedes est , ne Christi nomen confiteri erubescat , vel timeat , & præcipuè Crucem ejus , quæ *Judais est scandalum , Gentibus autem stultitia* , secundum Apostolum : propterea signo Crucis signatur , ut miles signo Christi Ducis . Has ritus istius rationes afferunt *Innocentius III. Extra , De Sacra Unctione , Eugenius IV. in Decreto , & S. Thomas 3. P. Q. 71. A. 9.*

Forma ,

131. Forma Sacramenti Confirmationis est Oratio Manuum impositioni adjuncta , & solemnia verba Chrismatis inunctioni respondentia , Prima pars Propositionis probatur ex Actuum 7. *Oraverunt pro ipsis ut acciperent Spiritum-Sanctum , Tunc imponebant manus super illos , & accipiebant Spiritum-Sanctum .* Pars altera Propositionis probatur ex *Eugenii IV. Decreto* , ubi hanc formam Confirmationis esse docet : *Signo te , signo crucis , & confirmo te Chrismate salutis ; In Nomine Patris , & Filii , & Spiritus-Sancti .*

Minister ,

132. Sacramenti Confirmationis Minister ordinarius est solus Episcopus , extraordinarius verò Presbyter à plerisque Theologis probabiliter asseritur , aliis reclamantibus . Probatur ex Actis Apostolorum , Cap. 8. ubi legimus , cum Samaria verbum Dei accepisset , *Petrum , & Joannem* ad eos missos esse , qui *Oraverunt pro ipsis ut acciperent Spiritum-Sanctum ; nondum enim in-*
quem?

quemquam illorum venerat, sed baptizati tantum erant in Nomine Domini Jesu. Tunc PARS I.
Art. 3.

imponebant manus super illos, & accipiebant Spiritum-Sanctum. Quo ex loco, nec non ex Capite 19. constat, penes Apostolos, quorum Successores sunt Episcopi, & non penes alios Ministros Baptismi, fuisse administrandæ Confirmationis potestatem.

133. Sacramentum Confirmationis gratiam conferre, & quidem habitualement & sanctificantem, extra controversiam est apud omnes qui illud Novæ Legis Sacramentum esse credunt, id est, apud omnes Catholicos.

Effectus.

*S.Th. 3.p.
9.72. a.7.
ad 2.*

Gratia singularis & propria hujus Sacramenti est gratia consummationis, gratia perficiens, gratia augmenti & roboris, & Spiritus-Sancti septem donis cumulata, gratia denique quâ perfecti Christiani sumus.

*Gratia
singularis,
& propria
Sacramen-
ti Confir-
mationis.*

134. Confirmationis Sacramentum Characterem imprimit, ideoque iterari non potest. Character autem Confirmationis superponit characterem Baptismi. Ita enim se habet Confirmatio ad Baptismum, sicut augmentum ad generationem: porro manifestum est neminem posse in ætatem perfectam promoveri, nisi primò fuerit natus: & similiter nisi fuerit aliquis baptizatus, non potest Sacramentum Confirmationis accipere. Unde *Si aliquis non baptizatus confirmaretur, nihil acciperet, sed oporteret iteratò ipsum confirmari post Baptismum;* inquit S. Thomas, 3. P. Q. 72. Art. 6.

*Chara-
cter.*

PARS I.

Art. 3.

De neces-
sitate Cō-
firmatio-
nis.

135. Sacramentum Confirmationis non est necessarium homini Christiano necessitate medii: Verumtamen in re vel in voto est adultis necessarium necessitate Præcepti Divini, & Ecclesiastici. *S. Thomas 3. P. Q. 72. A. 8. in corp. & ad 4. Unde lethaliter peccant & in manifestum discrimen salutis se conjiciunt Christiani, qui Confirmationis Sacramentum suscipere contemnunt; vel negligunt. Contemni autem censetur, quando Episcopus est præsens, paratus dare, & persona hoc sciens negligit aut despicit suscipere. Ita Concilium Senonense 1524. & S. Carolus in Instructionibus.*

Ecclesia-
sticū Pra-
ceptum
quando
obliget.

136. Ecclesiasticum Præceptum de Confirmatione suscipienda, obligat opportunitate datâ, cum scilicet Episcopus ad illius Administrationem paratus adiri potest, quamvis non sine labore. Quamobrem Sacra Facultas Parisiensis anno 1631. hanc Propositionem ab Anglicis quibusdam seu Hibernis Theologis assertam censorio stigmate inussit: *Omnes Theologi dicunt Confirmationem non præcipi, nisi cum commodè haberi potest; vel (ut alii dicunt) commodissime, quando sine ullo vel minimo prorsus incommodo. Theologorum Parisiensium Censura his verbis concepta est: Ista Propositio est scandalosa, in maximum Sacramenti Confirmationis contemptum, maligno animo proposita, & in errorem potest inducere.*

Obligatio

137. Parentes tenentur adducere pueros
con-

CONFIRMATIONIS. 77

confirmandos ad Episcopum, cum idoneam PARS I.
ætatem attigerunt, & Episcopus Sacramen- Art. 3.
tum istud administrat: alioquin gravis pec- Parentū.
cati rei sunt. S. Carolus in Instructionibus.

138. Omnis ætas Confirmationi est idonea, sicut & Baptismo: post cujus susceptionem continenter administrabatur ex antiqua Ecclesiæ Disciplina, ubi præsens erat Episcopus, ut ex priorum sæculorum Patribus & Conciliis compertum est. Prisca Disciplina statim administrandi pueris Sacramentum Confirmationis post Baptismum, in Ecclesia Latina rectè mutata est, & rationis usus expectatus. Ut scilicet majori cum reverentia suscipiatur: ut illud suscipiendo meritum apud Deum sibi comparent: ut Fidem per se ipsos profiteri possint: ut denique se Confirmatos meminerint, periculumque removeatur omne hoc Sacramentum iterandi.

139. Secundum hodiernam Disciplinam pueris ante septennium non est conferendum ordinariè Confirmationis Sacramentum: Ita Concilii Tridentini Catechismus: *Si duodecimus annus expectandus non videatur, usque ad septimum certè hoc Sacramentum differre maximè convenit.* Potest tamen Episcopus justis de causis pueros septennio minores confirmare, ut declarat Concilium Mediolanense s. sub S. Carolo. In aliis Instructionibus Italico idiomate conscriptis monet ut *Nemo nisi duodecim annos natus*

*De etate confirmā-
dorum.*

*Prisca
Disciplina.*

*Hodierna
praxis.*

PARS I. *natus* illud Sacramentum postulet, nisi expressam ab Archiepiscopo licentiam ad id habeat.

140. *Infirmis & in vitæ periculo constitutis, qui confirmati non fuerint, Sacramentum istud piè postulantibus, ab Episcopo administrandum est.* Ita Concilium Parisiense 6. Lib. I. Cap. 33.

De dispositionibus confirmationis. 141. Cùm Sacramentum istud ad perfectionem, incrementum, & consummationem Gratiae Baptismalis institutum sit, necesse est ut sint in statu gratiae qui illud suscipiunt. Quamobrem si graviorum peccatorum rei sunt, oportet ut Sacramentali Confessione & Pœnitentia illa expient, si Confessarii copia suppetat; vel, si Confessarius desit, maximo peccatorum dolore, seu perfecta contritione afficiantur, cum proposito quàm primùm confitendi; alioqui Spiritum-Sanctum & gratiam sanctificantem, donaque ejusdem Spiritûs-Sancti non recipient, sed nudum characterem. Secundò, necessaria est Symboli professio ab iis qui adultæ sunt ætate. Tertiò, jejunos esse maximè convenit, si horis matutinis conferatur, secundùm antiquæ Ecclesiæ consuetudinem. Has dispositiones præscribunt *Herardus Turonensis Archiepiscopus, Cap. 75. Canon, Ut jejuni, Dist. 5. De Consecratione.*

Spiritualis cognatio. 142. In Confirmatione spiritualis cognatio contrahitur inter Confirmantem & Confirmatum, illiusque Patrem & Matrem,

& Pa-

& Patrinum aut Matrinarum (Ex Cap. Nodum Tit. De Cognitione spirituali, in Sexto, & ex Concilio Tridentino Sessione 24. De Reformatione Matrimonii, Cap. 2.

143. *Quam ob rem Patrinus is deligatur, qui non solum Doctrinae Christianae instituta praeceptaque teneat; sed etiam qui Vita pia exemplo ita se instituit, ut magister, verèque Patrinus, ac Dux aliis esse possit ad bene agendum progrediendumque in via Domini. (Ita S. Carolus in Instructionibus.)*

Quis Patrinus deligendus.

144. Signum Crucis in fronte imprimatur, ut eo Ritu significetur, Christianum hominem, non verecundiam, quae in fronte maxime elucet; neque metu, nec periculo perterriti unquam debere, quin palam & libere Jesum Christum ignominiose pro peccatis nostris Cruci affixum, & omnem ejus doctrinam confiteatur. Hoc etiam signo, in quo Christus Dominus triumphavit, indicatur, eum qui confirmatur, In numerum fortissimorum ejus Militum adscribi, inquit S. Carolus in Instructionibus. Episcopus confirmatum leviter in maxilla caedit, Ut sciat homo Christianus, se jam Militem esse, cujus pugna & victoria eluceat in patiendis injuriis, non in illis inferendis: deinde se in Christiana Militia constitutum esse, in qua non hujus vitae iucunditates, & commoda querat, sed incommoda potius, atque adeo mala patienter ferat: ac praeterea intelligat

Cur signum Crucis in fronte?

Quid ab ipso levis inflictio significet.

Christiana Militia.

80 DE SACRAMENTO

PARS I. officii sui esse in acie stare, telâque unde veniant observare; ita ut quamvis illis telorum iustibus corpus, honor, opesque laedantur, anima tamen nullo pacto offendatur. ita hanc Ceremoniam explicat S. Carolus in Instructionibus.

Art. 4.

ARTICULUS QUARTUS.

D E

SACRAMENTO EUCHARISTIÆ:

Eucharistia definitio. 145. **E**ucharistia est Sacramentum Corporis & Sanguinis Christi, ad spiritualem Fidelium alimoniam à Christo institutum.

§. I.

De Materia Eucharistiæ.

Materia Eucharistiæ est panis triticeus & vinum de vite. 146. **M**ateria ex qua Eucharistia consecratur, solus est panis triticeus, & vinum de vite. Ratio est, quia Christum pane triticeo usum minime dubium est, qui & se ipsum grano frumenti comparavit, Joannis 2. Usus etiam vino de vite constat, qui cum Discipulis Calicem dedisset, ait: *Non bibam amodo de hoc genimine vitis, donec illud bibam vobiscum novum in regno Patris mei.* Idque

que etiam ex Traditione & perpetuo Ecclesiæ usu constat. Id confirmat *S. Thomas* 3. P. Q. 73. A. 3. *Ad usum*, inquit, *Sacramentorum assumitur talis materia, quæ communius apud homines in talem usum venit. Inter alios autem panes communius homines utuntur pane triticeo: nam alii panes videntur esse introducti in huius panis defectum. Et ideo Christus creditur in huius panis specie hoc Sacramentum instituisse; qui etiam panis magis confortat hominem, & ita convenientius significat effectum huius Sacramenti. Istius igitur Sacramenti materia est solus panis triticeus. Unde etiam præceptum à Domino fuerat Levitici 14. ut Panes Propositionis, qui hoc Sacramentum significabant, ex simila conficerentur. Solum etiam vinum ex fructu vitis expressum materia est huius Sacramenti, ob easdem rationes. Primò scilicet propter institutionem Christi. Secundò, quòd illud tantum propriè vinum sit & dicatur; aliis verò liquoribus ob quamdam cum ipso similitudinem id nominis minùs propriè tribuatur. *Eugenius IV.* In Decreto pro Armenis: *Tertium est*, inquit, *Eucharistiæ Sacramentum, cuius materia est panis triticeus, & vinum de vite.**

147. Tam ex pane fermentato quàm ex azymo consecrari potest Eucharistia. Orientalis Ecclesiæ Ritus panem fermentatum adhibentis innoxius est. Ritus Ecclesiæ Occidentalis azymum consecrantis convenien-

Tam ex pane fermentato, quàm ex azymo consecrari po-

PARS I.

I. rt. 4.

S. 1.
est Eu-
charistia.Orientalis
Ecclesia
ritus in-
noxius.
Occiden-
talis con-
venien-
tior.

tior est, & in Christi Domini exemplo fundatus. Prima Pars Propositionis inde probatur, quodd panis triticeus sit apta consecrationi Eucharistiæ materia: panis autem triticei substantiam non destruit fermentum. Nec ea de re in Ecclesia Catholica fuit unquam dubitatum, quamvis in ea quædam esset consuetudinum ac rituum diversitas. Secunda pars Propositionis probatur autoritate Ecclesiæ, quæ Ritum, & consuetudinem Græcorum fermentatum panem consecrantium semper approbavit. Pars tertia Propositionis facillè probatur, scilicet Ecclesiæ Latine consuetudinem, Azymum Panem ad consecrationem Eucharistiæ adhibentis, melioribus rationibus niti. Primò enim Christi nititur exemplo, qui hoc Sacramentum instituit primo die Azymorum, quo nihil fermenti domi habere Judæis licebat. Matthæi 26. 17. *Prima autem die Azymorum accesserunt Discipuli ad Jesum, dicentes: Ubi vis tibi paremus comedere Pascha?* &c. Marci 14. 12. *Et primo die Azymorum, quando Pascha immolabant, dicunt ei Discipuli: Quò vis eamus & paremus tibi ut manduces Pascha?* &c. Lucæ 22. 7. *Venit autem dies Azymorum, in qua necesse erat occidi Pascha. Et misit Petrum & Joannem, dicens: Euntes parate nobis Pascha, ut manducemus.* Ratio altera sumitur à significatione: quodd panis sit propriè Sacramentum Corporis Christi, quod sine corruptione conceptum est, magis quàm

Divinitatis ipsius . Fermentum autem peccatum & corruptionem plerumque significat , non solum in Veteri Lege , quæ propterea fermentum ab oblationibus suis excluderat , verum etiam apud Apostolum 1. ad *Corinthios* 5. & alibi . Convenit ergo magis Sacramento Corporis Christi panis azymus , quàm fermentatus . Tertia ratio sumitur ab usu istius Sacramenti : Panis enim Azymus magis convenit sinceritati Fidelium significandæ , quæ ad dignam Eucharistiæ manducationem est necessaria , secundum illud 1. ad *Corinthios* 5. *Pascha nostrum immolatus est Christus : itaque epulemur , non in fermento veteri , neque in fermento malitia , & nequitia ; sed in azymis sinceritatis & veritatis .*

PARS I.

Art. 4.

§. 1.

148. Aqua vino consecrando admiscenda est necessitate Præcepti Ecclesiastici , non necessitate Sacramenti .

Aqua vino admiscenda .

149. Si panis absque vino consecraretur , aut è contrario , valida esset consecratio . Statim enim post consecrationem verum Christi Corpus est sub specie panis , & verus ejus Sanguis sub vini specie , vi verborum , ut docet Concilium Tridentinum Sessione 13. Cap. 3. Verba si quidem consecratoria , *Hoc est Corpus meum , Hic est Sanguis meus* : id efficiunt quod significant . Unde consecrato pane , Christi Domini nostri Corpus adorandum Ecclesia proponit , illudque à Fidelibus adoratur ante vini consecrationem . Tamen Christi institutioni ac præcepto repugnat ut

Vna species absque altera valide sed illicitè consecratur .

PARS I. Eucharistiæ Sacramentum in una tantum specie consecratur. Christus enim speciem utramque consecravit, & his verbis, *Hoc facite in meam commemorationem*, Apostolis, eorumque in Sacerdotio successoribus præcepit, ut sub panis & vini symbolis incruentum Sacrificium pariter offerret. Itaque unam speciem sine altera consecrare nunquam licet: nequidem Summi Pontificis dispensatione. Summus enim Pontifex immutare non potest quod à Christo institutum est, & in iure divino dispensare, ut constat ex Cap. *Sunt quidam*, 6. Causâ 25. Q. 1.

Quantitas materia consecranda non est determinata.

150. Panis & vini consecrandi quantitas non est ex institutione Christi determinata, id est, nulla est tam magna quæ consecrari non possit, potestate Ministri, & verborum sacramentalium efficaciam spectatis. Rationem affert S. Thomas, 3. P. Q. 74. A. 2. *In omnibus (inquit) habentibus materiam, ratio determinationis materiae sumitur ex ordine ad finem. Finis autem huius Sacramenti est usus Fidelium: unde oportet quod quantitas materiae huius Sacramenti determinetur per comparisonem ad usum Fidelium, non eorum tantum qui nunc occurrunt; alioquin Sacerdos paucos Parochianos habens non posset multas hostias consecrare. Materia igitur huius Sacramenti determinatur per comparisonem ad usum Fidelium absolute. Numerus autem Fidelium est indeterminatus. Unde non potest dici quod quantitas materiae huius Sacramen-*

menti sit determinata. Quamvis igitur Sacerdos panem omnem qui venalis prostat in foro, & vinum omne quod est in cellario, consecrans, sacrilegii reus esset, & potestate sibi à Christo datâ abuteretur: illud tamen omne consecraret, quod ipsi ante oculos versaretur & moraliter præsens esset, atque consecrare intenderet. Potestas enim Ministrorum Ecclesiæ (inquit S. Thomas) ad duo ordinatur. Primò quidem ad effectum proprium; secundò ad finem effectus: qui etsi malus sit ex prava intentione sacrilegi Ministri, verba tamen sacramentalia super congruam materiam prolata cum intentione faciendi quod facit Ecclesiæ, suum producant effectum. Unde si Sacerdos intendat consecrare Corpus Christi propter aliquem malum finem (putà ut irrideat, vel veneficia faciat) propter intentionem mali finis peccat; nihilominus tamen propter potestatem sibi datam perficit Sacramentum.

151. Materiam consecrandam præsentem esse Sacerdoti necesse est, non solum præsentia physica; sed morali; id est, quæ à Sacerdote consecrante cognoscatur; & quâ more & usu humano, prudentisque viri judicio res ita posita est, ut pronomine demonstrativo possit designari. Ita S. Thomas in 4. Sententiarum Dist. 11. Q. 2. A. 2. Quæstioncula 3. ad 1. *Ipsa forma, inquit, pronomine demonstrativo utens, ostendit quòd materia consecranda debet esse coram Sacerdote: unde Sacerdos existens in domo sua, non posset*

PARS I.

Art. 4.

§. 1.

Materia consecranda debet esse præsens.

Varii casus resolvuntur.

PARS I.

Art. 4.

§. 1.

consecrare panem qui est in Altari: neque etiam panem & vinum à tergo posita, aut trans parietem; quia res sic positæ non censentur hominī præsentes secundum commune & morale iudicium. Valida autem esset consecratio panis in pixide clausa, & vini in calice cooperto; quia talia censentur præsentia: designantes enim plenum vino dolum; dicimus, Hoc est vinum. Tenetur tamen Sacerdos præcepto Ecclesiæ, in Rubricis Missalis Romani expresso, pixidem in qua sunt hostiæ, & calicem in quo est vinum, discooperire, antequam verba consecrationis proferat. Ut autem moraliter censeatur præsens materia, non est necesse ut actu sensu percipiatur, vel ad eam sonus vocis pertingat: sed satis est ut sit sensibili modo præsens, eamque præsentem esse cognoscat Sacerdos, & consecrare velit. Unde Sacerdos cæcus hostias quas testimonio fide digno in Altari coram se positas sciret, proculdubio consecraret, modò voluntatem haberet consecrandi.

*Materia
consecran-
da debet
esse deter-
minata
intentione
Ministri.*

Casus.

152. Materia consecrationis debet esse particularis & determinata intentione Ministri. Si quidem actiones circa determinatum aliquod subiectum, non circa vagum quid & confusum exercentur: idque in præfenti materia postulat vis pronominis demonstrativi *Hoc*, & *Hic*. Unde si quis Sacerdos dimidiam duntaxat Hostiæ partem consecrare vellet, nec eam ullo modo designaret; aut si habens coram se undecim ho-
stias,

fias, intenderet consecrare solum decem, non determinans quas decem intendit: in his casibus non consecraret. Secus si putans quidem esse decem; tamen omnes voluit consecrare quas coram se habebat. Nam tunc omnes erunt consecratæ. Quamobrem quilibet Sacerdos talem semper intentionem habere debet consecrandi eas omnes, quas ante se ad consecrandum positas habet. Ita vulgò Theologi, & Rubricæ Missalis, Tit. *De defectibus in celebratione Missarum occurrentibus.*

153. *Si qua frumenta sunt, quæ ex semine tritici generari possunt (sicut ex grano tritici seminato in malis terris nascitur siligo) ex tali frumento panis confectus, potest esse materia hujus Sacramenti.* Ita docet S. Th. 3. P. Q. 74. A. 3. ad 2. Quia solis accidentibus, non specie differunt à tritico. Siliginis ambigua significatio est, Latinis Scriptoribus est selecta farinæ medulla ex siligine frumenti genere, de quo Plinius Lib. 17. Cap. 7. & S. Isidorus Lib. 17. Cap. 2. *Siligo genus tritici à selecto dictum.* At postremi ævi Autoribus usurpatur pro secali, vulgò *Segle*. Primum duntaxat siliginis genus idoneam esse Eucharistiæ materiam, secundum mentem S. Thomæ: non postremum illud, quod granum genus est tritico inferius, Theologi non ignobiles censent; inter alios *Silvius* Commentario in 3. P. Panem hordeaceum inep-
tam esse Eucharistiæ consecrationi materiam, nemo Theologorum diffitetur. De

Frumenta ex tritico orta sunt congrua materia.

Quid de Siligine?

Hordeo?

PARS I. spelta & farre paulò major difficultas est. Ex
 Art. 4. iis confici posse Eucharistiam *Petrus à Palu-*
 S. 1. *de*, & alii quidam affirmant, inter alios
Spelta & farre? *Estius* in 4. Sentent. Dist. 8. §. 6. dubitant
 alii, ut *Durandus* & *Maïor*: negat *S. Tho-*
mas, quem plerique alii sequuntur. Simili-
 tudo enim figura in talibus, magis videtur
 significare propinquitatem quàm identita-
 tem speciei; sicut ex similitudine figura ma-
 nifestatur quòd canis & lupus sunt propin-
 qua speciei, non autem ejusdem. Unde ex
 talibus frumentis, quæ nullo modo possunt
 ex semine tritici generari, non potest confici
 panis qui sit debita materia hujus Sacra-
 menti. *S. Thomæ* opinionem confirmat *Hon-*
orii III. Romani Pontificis Responsum, de
 quo *Cæsarius* Lib. 9. Cap. 65. Requisitus
Papa Honorius III. per litteras cujusdam
Abbatis nostri, an hostiæ ex spelta confici
 possent, respondit, Speltam magis pertinere
 ad hordeum quàm ad triticum. Idem esto
 de farre judicium, quod *S. Hieronymus* in
 Cap. 4. *Ezechielis*, à spelta non distinguit.
Plinius tamen Lib. 18. Cap. 8. & 21. *Varro*
 Lib. 1. *De Re Rustica*, & *Columella* Lib. 2.
 Cap. 6. speltam à farre, & utrumque à triti-
 co distinguunt. Dubium saltem manet an
 panis siligineus, prout vulgò sumitur, *du*
pain de segle, aut ex spelta vel farre confe-
 ctus, sit apta Eucharistiæ materia: quamob-
 rem hujusmodi panem consecrare illicitum
 est, cùm materiâ dubiâ uti non liceat.

Ex magna

154. Adulterini frumenti modica per-
mix-

mixtio non mutat speciem tritici quicum permiscetur: *Et ideo si sit modica admixtio alterius frumenti, ad multò maiorem quantitatem tritici, poterit exinde confici panis, qui est materia huius Sacramenti. Si verò sit magna permixtio, (putà ex aquo vel quasi); talis permixtio speciem mutat. Unde panis exinde confectus non erit debita materia huius Sacramenti. Verba sunt Sancti Thomæ 3. Par. Quæst. 74. Artic. 3. ad 3.*

PARS I.

Art. 4.

S. 1.

adulterini frumenti permixtio ne sit materia debita, non ex modica.

155. Ex pane penitus corrupto consecrari Eucharistia non potest. Ita porro corruptum esse ut non maneat panis natura, indicant solutio continuitatis, saporis, coloris, aliorum accidentium mutatio. Si verò corrumpi incipiat, rata quidem erit consecratio; sed graviter peccabit consecrans propter irreverentiam erga tantum Sacramentum. Et quia amyllum est ex tritico corrupto, non videtur quòd panis ex eo confectus possit fieri Corpus Christi. Responsio est S. Thomæ loco supra laudato ad 4.

Panis penitus corruptus consecrari nequit.

156. Si farinæ admisceretur aqua rosea, vel quicumque alius liquor ab aqua vera, & elementari, non posset ex huiusmodi materia confici Sacramentum. Non enim esset verus panis. Ad panis enim substantiam constituendam omninò necessaria est aqua, secundum illud S. Cypriani Epistolà 68. *Nec corpus Domini potest esse farina sola, aut aqua sola, nisi utrumque adunatum fue-*

Panis cum aqua rosea confectus non est materia huius Sacramenti.

PARS I.

Art. 4.

§. 1.

*fuerit & copulatum, & panis unius com-
page solidatum. Sic respondet S. Thomas
Articulo 7. Quæstionis ejusdem, ad 3. Glof-
sa Capitis Sic in sanctificando, Dist. 2. De
Consecratione, ex his S. Cypriani verbis con-
flati sic habet: Quid si ex melle vel alio li-
quore fuerit farina aspersa? Nunquid tran-
substantiatur ille panis in Corpus Christi?
Non. Secundum Rubricas Missalis Romani,
& Instructiones S. Caroli, panis ex aqua ro-
facea, vel aliis ab aqua naturali liquoribus
confectus, dubia materia est. Unde Astenfis
& Cajetani sententia, afferentium hujusmo-
di panem aptam esse Eucharistiæ materiam,
minùs probabilis est, ac proinde in praxi non
sequenda; quia in Sacramentorum consecra-
tione & administratione non licet sequi opi-
nionem minùs probabilem relictâ probabi-
liore & tutiore, ut declaravit Innocentius
XI. Pontifex Maximus Decreto edito die se-
cunda Martii 1679.*

*Græci in
fermenta-
to, Latini
in azymo
consecrare
debent.*

157. Græci Sacerdotes cùm in Patria
sua, tum in Monasteriis, & Ecclesiis, quæ
sunt Græcis in Ecclesia Latina destinatæ in
quibus Ritus Græcorum servantur, pane fer-
mentato ad Eucharistiæ consecrationem uti
debent: Latini verò cùm in suis regionibus,
tùm in Ecclesiis quas habent in Græcia, pa-
ne azymo. Ecclesiæ enim suæ Ritus servare
utrique debent, ut à Leone IX. & à Florenti-
no Concilio declaratum est.

Sacerdos

158. Ecclesiæ Latine Sacerdos iter agens
per.

per Græciam, aut Sacerdos Græcus per Occidentem, Ritus Ecclesiæ suæ retinere potest, & ille azymo, hic fermentato pane ad consecrandam Eucharistiam uti, modò absit scandalipericulum. Id ut caveatur, Episcopum adire debet, ab eoque licentiam postulare Sacris operandi secundùm Ecclesiæ suæ ritum ac morem; obtentamque licentiam Parocho, aut Ecclesiæ, in quâ vulc Sacrum facere, Præposito exponere. Ritus tamen Ecclesiæ in qua versatur tutâ conscientiâ sequi potest, secundùm Regulam S. Ambrosii, à S. Augustino Epistolâ 58. olim 118. laudatam: *Cum Romam venio, jejuno Sabbato: cum hic sum, non jejuno. Sic etiam tu, ad quam fortè Ecclesiam veneris, ejus morem serva, si cuiquam non vis esse scandalo, nec quemquam tibi. Ego verò, inquit S. Augustinus, de hac sententia etiam atque etiam cogitans, ita semper habui, tanquam eam cælesti oraculo acceperim.*

159. Panes consecrandi, ad usum Sacrificii & Communionis studiosè parari debent, ac esse integri, nitidi, & modicæ quantitatis, secundùm Ecclesiæ consuetudinem. Concilium Mediolanense 4. vetat *Ne Hostias pro sacra Eucharistia conficienda Laicus homo, aut femina faciat.*

160. *Sicut de pane totaliter corrupto Ex aceto non potest confici hoc Sacramentum; ita non potest nec de aceto. Potest tamen confici de vino acescente, sicut & de pane qui est in via*

PARS.

Act. 4.

S. 1.

sive Græ-

cus, sive

Latinus

iter apens

Ecclesiæ

sue ritum

retinere,

aut illius

in qua

versatur

sequi po-

test.

Panis con-

secrandi

studiosè

parandi.

confici Sa-

guis.

via

PARS I.

Art. 4.

S. 1.

est in via ad corruptionem; licet peccet conficiens. Ita S. Thomas 3. P. Q. 4. A. 5. ad 2.

Sic intelligendus est Innocentius III. Lib. 4. De sacro Altaris Mysterio, Cap. 31. scribens, Vinum acidum, quod appellatur acetum, posse esse materiam hujus Sacramenti. De vino, inquam, acescente, non de vero aceto est intelligendus. Sic etiam explicanda, vel omnino rejicienda est Glossa Canonis Sic in sanctificando, Dist. 2. de Consecratione. Ex agresta non potest consecrari Sanguis Christi: ex musto potest. Non tamen debent uvæ integræ huic Sacramento misceri; quia jam esset ibi aliquid præter vinum. Prohibetur etiam ne mustum statim expressum de uva in Calice offeratur; quia hoc est indecens propter impuritatem musti. Potest tamen in necessitate fieri. Ita S. Thomas, ibidem ad 3. laudatque Canonem, Cum omne, Dist. 2. De Consecratione, Julio I. Pontifici adscriptum.

*Nec in
agresta
In musto
potest, si
est necessitas.*

*De vino
congelato.*

161. De Vino congelato, an sit aptum consecrationi, variæ sunt Autorum sententiæ. Si diu sit congelatum, ita ut vi frigoris virtus simul & species vini perierit, fatentur omnes non esse materiam idoneam Eucharistiæ. At si sit recens congelatio, utpote facta in calice paulò ante consecrationem, aptum consecrationi judicant *Silvester Prietas* in Summa, & *Dominicus Soto*, quòd vini virtutem ac speciem retineat. Negant alii, quòd vinum congelatum non sit potabile,

bile, ideoque tam ineptum censent consecrationi, quàm aquam congelatam Baptismo. Alii materiam dubiam esse censent, ut *Bartholomæus Fumus* in Summa, *Estius* in 4. Sententiarum Dist. 8. §. 9. *Sylvius* in 3. P. Q. 74 A. 5. & alii, quorum sententia probabilior est, & omnino sequenda. Si autem vinum congeletur in Calice ante vel post consecrationem, involvendus est Calix panis calefactis: si id non proficiat, ponendus est in aqua fervente prope Altare (dummodo aqua in Calicem non intret) donec liquefiat. Ita Præscribunt Rubricæ Missalis Romani, Tit. *De defectibus in Missa occurrentibus*.

PARS I.

Art. 4.

§. 1..

162. Quia mixtio aquæ cum vino non est de necessitate Sacramenti, non refert quantum ad substantiam & integritatem Sacramenti, quæcumque aqua vino misceatur, sive naturalis, sive artificialis, ut rosacea. Quamvis quantum ad convenientiam Sacramenti, peccet graviter qui aliam aquam miscet præter naturalem, & elementarem. Ratio est, quia de latere Christi pendens in Cruce aqua vera profluxit (non humor phlegmaticus, ut quidam dixerunt) ad ostendendum quoddam Corpus Christi erat verè compositum ex quatuor elementis; sicut per sanguinem inde manantem ostendebatur esse compositum ex quatuor humoribus, ut docet *Innocentius III. Cap. In quadam*, Extra, *De Celebratione Missarum*. Ita &
S. Tho.

Aque mix-
tio.

PARS I.

Art. 4.

S. 1.

Modica
aqua mi-
scenda.

S. Thomas 3. Part. Quæst. 64. Art. 7. ad 3.

163. Permodicum aquæ vino admiscendum est. Quamvis enim non tanta fuerit apud Antiquos cura ut permodicum aquæ vino admisceretur, ut constat ex Concilio Triburiensi, Canone 19. decernente, *Ut duæ partes sint vini, tertia aqua*; semper tamen in Ecclesia observatum est, ut plus vini quàm aquæ in Calicem infunderetur. Unde Honorius III. Cap. *Perniciosus*, Extra, De Celebratione Missarum, ad Archiepiscopum quemdam scribit; *Perniciosus in tuis partibus inolevit abusus: Videlicet quòd in majori quantitate de aqua ponitur in Sacrificio, quàm de vino; sùm secundum rationabilem consuetudinem Ecclesiæ generalis, plus in ipso sit de vino quàm de aqua ponendum. Ideòque Fraternitati tuæ mandamus, quatenus id non facias, nec in tua Provincia fieri patiaris*. Verùm excitatâ in Scholis Theologorum quæstione de conversione immediatâ vel mediatâ aquæ in Sanguinem Christi, postquam Innocentius III. Cap. *Cum Martha*, Extra, De Celebratione Missarum, S. *Quæsvisti*, declaravit probabiliorem esse opinionem asserentium, aquam cum vino transubstantiari in Sanguinem, *Cum in vinum transeat mixta vino*, majori studio cautum est, ne plus aquæ vino misceatur, quàm facillè possit ante Consecrationem in vinum transmutari. Sic autem habet Innocentius III. *Verùm inter opinio-*
nes

nes prædictas illa probabilior iudicatur, quæ
asserit aquam cum vino in Sanguinem trans-
mutari: ut expressius eluceat proprietas Sa-
cramenti. Nam cum aquæ multæ sint popu-
li multi, juxta quod alibi legitur: Beati qui
feminatis super omnes aquas: ideo vino aqua
unitur, ut Christo populus adunetur: per hoc
enim quod suscepit ipse de nostro, & accepi-
mus ipsi de suo, tam insolubili nexu conjun-
gimur, ut qui est unum cum Patre per ines-
cubilem unitatem, fiat unum nobiscum per
admirabilem unionem; ac per hoc, ipso com-
muniter mediante, unum cum Patre effici-
mur. Eugenius IV. in Decreto pro Arme-
nis statuit ut *Aqua modicissima misceatur*.
Antonius Augustinus in Synodalibus Con-
stitutionibus Tarraconensis Ecclesiæ refert
Constitutionem B. Pii V. Pontificis Maximi
ad illius Civitatis Archiepiscopum datam,
quæ nonnullos arguit, qui non guttam tan-
tummodo aquæ, sicut fieri debet, Calici in-
fundebant; sed plus aquæ quàm vini, quod
omnino corrigi & emendari præcepit. Hunc
autem excessum præcavescentes quædam Ec-
clesiæ, aquam vino miscendam parvo co-
chleari excipere solebant, & ex eo in Cali-
cem fundere: quem morem etiamnum ser-
vant Carthusiani. Denique S. Thomas In-
nocentii III. Decretalem secutus 3. P. Q. 74.
A. 8. probabiliorē opinionem censet, quæ
asserit, *Aquam converti in vinum, & vi-*
num in Sanguinem: Hoc autem, inquit,
fieri

*Aqua
prius in
vinum
quam in
Sanguinem
convertitur.*

PARS I.

Art. 4.

S. 1.

Quando
miscenda.Quid fa-
ciendum
quando
percipitur
vinum
aut aqua
desse in
Calice?Aquam
vino iam
consecrato
miscere
non licet
apud La-
tinos.

fieri non posset, nisi adeo modicum appone-
retur de aqua, quod converteretur in vi-
num. Et ideo semper tutius est parum de
aqua apponere, & precipue si vinum sit de-
bile: quia si tanta fieret appositio aquae, ut
solveretur species vini, non posset perfici Sa-
cramentum. Si aqua apponeretur dolio,
non sufficeret ad significationem huius Sa-
cramenti; sed oportet aquam vino apponi
circa ipsam Sacramenti Celebrationem (in-
quit S. Thomas 3. P. Q. 74. A. 8. ad 3.)

164. Si Sacerdos ante Consecrationem
Sanguinis, & post Consecrationem Corporis
Christi, percipiat aut vinum, aut aquam
non esse in Calice, debet statim apponere, &
consecrare: si vero post Consecrationis verba
cognoverit quod aqua desit; debet nihilomi-
nus procedere, quia impositio aquae non est
de necessitate Sacramenti. Debet tamen
puniri ille ex cuius negligentia hoc contin-
git, Ita S. Thomas 3. Part. Quaest. 83. Art.
6. ad 4.

165. Nullo modo debet aqua vino iam
consecrato misceri, quia sequeretur corrup-
tio Sacramenti pro aliqua parte; (inquit S.
Thomas ibidem) misceri quidem non debet
secundum Ecclesiae Latinae Ritus, & gra-
viter peccaret Latinus Sacerdos qui misce-
ret: & corruptio Sacramenti sequeretur, si
magna infunderetur aquae copia, quâ vini
species solveretur: quod ex coloris & sape-
ris mutatione facile cognosci posset. Atque
ita

ita intelligendus est *S. Thomas*. At misceri debet à Sacerdote Græco secundum Ecclesiæ suæ Ritus celebrante.

PARS I.

Art. 4.

§. 1.

166. Si Sacerdos ante Consecrationem advertat Hostiam esse corruptam, aut non esse ex pane triticeo, ipsâ statim rejectâ summat aliam; & à Canone incipiens, Missam prosequatur. Si verò id advertat post consecrationem, imò etiam post iltius Hostiæ, & ante Sanguinis sumtionem, nihilominus aliam accipiat, & incipiat à Consecratione, scilicet ab illis verbis Canonis, *Qui pridie quàm pateretur*. Si verò id compertum duntaxat habuerit post sumtionem Sanguinis, novam Hostiam accipere debet, & vinum cum aqua in Calicem infundere, & factâ Oblatione, cætera prosequi, incipiendo ab his verbis, *Qui pridie quàm pateretur*, ne Sacrificium remaneat imperfectum, & ut debitus ordo servetur. Similiter si Sacerdos ante Consecrationem Sanguinis, & post Consecrationem Corporis advertat aut vinum aut aquam non esse in Calicè, debet statim apponere & consecrare. Si verò post verba Consecrationis percipiat vinum non esse in Calice, aut nimiam aquæ mixtione corruptum, & Christi Domini nostri Corpus necdum sumserit, debet aquâ aut vino corrupto, seu alio liquore, si fuerit in Calice, in piscinam effusis, aut in aliquo vase sepositis, vinum cum aqua iterum infundere, & Canonem resumere à verbis Consecrationis Sanguinis.

Quid facto opus ubi ante vel post Consecrationem advertit deesse panem?

Aut Vinum?

PARS I. Si verò post sumtionem Corporis id cognoverit, aliam Hostiam apponere debet iterum consecrandam simul cum Sanguine: quia si sola verba Consecrationis Sanguinis proferret, non servaretur debitus ordo consecrandi: *Perfecta autem videri non possunt Sacrificia, nisi perfecto ordine compleantur*; ut ait Concilium Toletanum 7. Canone 2. Si verò inciperet à Consecratione Sanguinis, & Canonem prosequeretur, id conveniens non esset, nisi adesset Hostia consecrata; cum in Canone multa occurrant dicenda & facienda non solum circa Sanguinem, sed etiam circa Corpus. Tandem Hostiam consecratam, & Sanguinem iterum sumere debet, etiamsi prius sumserit aquam quæ erat in Calice: quia præceptum de perfectione vel de perceptione hujus Sacramenti à Sacerdote celebrante, aut altero, qui vices ejus suppleat, si ipsum gravi infirmitate aut morte à perficiendo Sacro impediri contingeret, majoris est momenti, quàm præceptum ut sumatur à jejunis: illa siquidem divini juris est; istud verò juris tantum Ecclesiastici. Ita *S. Thomas 3. P. Q. 83. Art. 6. ad 4. & Rubricæ Missalis Romani*. Si tamen frequens adsit populus, & scandalum timeatur; propter illud vitandum, factâ secretò Oblatione, & prolatâ duntaxat formâ Consecrationis Sanguinis ab illis verbis, *Simili modo*, Sacerdos statim sumet Sanguinem, & Sacrum perficiet, ut iisdem Rubricis præscriptum est,

167. Si musca vel aranea in Calicem ante Consecrationem ceciderit, aut etiam venenum immissum cognoverit Sacerdos, effuso vino, & abluto Calice, aliud vinum infundere debet consecrandum. Si verò aliquid horum post Consecrationem acciderit, debet animal cautè capi, & diligenter lavari, & comburi, & ablutio cum cineribus in piscinam mitti. Si autem venenum immis- sum cognoverit, nec sumere debet, nec al- teri dare, ne Calix vitæ vertatur in mor- tem; sed debet diligenter in aliquo vasculo ad hoc apto cum Reliquiis conservare. Et ne Sacrifcium remaneat imperfectum, aliud vinum infundere debet in Calicem, & inci- piendo à Consecratione Sanguinis, seu ab illis verbis, *Simili modo*, Sacrifcium per- ficere. Ita *S. Thomas* 3. P. Q. 83. A. 6. ad 3. Quod autem ait de Calice in quem vena- num immissum esset, pariter dicendum est de Calice fulmine tacto: nam quæ fulmine tacta sunt, venenata censentur. Casum istum anno M, DC, I, accidisse, & ita responsum fuisse à Doctoribus, refert *Gavantus* in Rq- bricis P. 3. Tit. 10.

168. Si qui defectus accidunt circa ma- teriam consecrandam, etiam absque volun- tate Sacerdotis aut Ministrorum; solà igno- rantia vel negligentia; nihilominus pœniten- tiam hujus errati agere debent. Id constat ex *S. Bernardo* Epistolâ 69. ad *Guidonem* Abbatem *Trium-Fontium*, qui Ministran-

PARSI.

Art. 4.

S. 1.

*Quid si**musca,**vel ara-**nea in**Calicem**ceciderit,**vel vene-**num im-**missum**fuerit?**Defectus**etiam ex**ignorantia**expiari**debent.*

PARS I.

Art. 4.

§. I.

tium incuriâ in Consecratione Calicis erraverat ob vini defectum. Sic etiam Sacerdotibus, quorum negligentia Sacra Hostia in terram ceciderit, aut Christi Sanguis super Altare effusus, aut Sacramentum à muribus aliisque animalibus comestum, aut putrefactum; aut vomitu etiam ex infirmitate ejectum; multi pœnitentiæ dies antiquis Canonibus indicuntur, quibus jejunare, & à Communione abstinere debent. De his legi possunt Cap. *Si per negligentiam* 27. & Cap. *Si quis*, 28. De Consecratione, Dist. 2. & S. Thomas Q. 83. A. 6. ad 7.

§. II.

De Forma Eucharistiæ.

Forma
Eucharistiæ.

169. **F**orma Consecrationis panis sunt hæc verba, *Hoc est Corpus meum*. Forma verò Consecrationis vini sunt ista: *Hic est Calix Sanguinis mei, novi & æterni Testamenti, Mystrium Fidei, qui pro vobis & pro multis effundetur in remissionem peccatorum*. Nec aliæ preces, ad Consecrationem Eucharistiæ sunt necessariae, ut Græci recentiores contendunt. Hæc Propositio Sanctorum Evangelistarum *Matthæi* Cap. 26. *Marci* Cap. 14. *Lucae* Cap. 22. & *Apostoli Pauli* 1. ad *Corinthios* Cap. 11. consentientibus testimoniis probatur.

170. Quam-

170. Quamvis hæc verba Corporis Christi consecrationi præposuerit Evangelista: *Accipite & manducate*: hæc item consecrationi Sanguinis: *Bibite ex hoc omnes*: ad Sacramentum tamen conficiendum omnino necessaria non sunt, quia usum tantummodo Sacramenti, non materiæ consecrationem significant. Ullus autem Eucharistiæ ad illius essentiam non pertinet quatenus Sacramentum est: aliter enim fieret, ut, si hoc Sacramentum nemini esset administrandum, confici non posset, nec deberet; cum tamen dubitare non liceat, quin Sacerdos, prolatis ex more atque instituto Sanctæ Ecclesiæ verbis Domini, aptam panis materiam verè consecret, quamvis deinde contingat ut nulli unquam Sacra Eucharistia administretur. Gravissimè tamen peccaret Sacerdos, qui verba illa prætermitteret. Ita Concilii Tridentini Catechismus.

171. Idem ferendum est iudicium de conjunctione, *Enim*, quæ licet ad Corporis & Sanguinis consecrationem non sit necessaria, sed formæ continuationem cum verbis præcedentibus duntaxat indicet, formæ tamen hujus Sacramenti inseritur *Secundum consuetudinem Romanæ Ecclesiæ à beato Petro Apostolo derivatam* (inquit S. Thomas 3. P. Q. 78. A. 2. ad 6.)

172. Non solùm hæc verba, *Hic est Calix Sanguinis mei*; sed & sequentia, *Novi & æterni Testamenti mysterium fidei*, qui pro

Vti nec particula Enim.

Quæ verba de essentia formæ Calicis.

PARS I.
Art. 4.
§. 2.

vobis, & pro multis effundetur in remissionem peccatorum, (his exceptis, quæ in Græcorum, & Mozarabum Liturgiis non habentur, nec ab illis proferuntur, cum rata tamen sit Eucharistiæ consecratio ab illis facta, *Et æterni Mysterium Fidei*) pertinent ad *substantiam formæ* (inquit S. Thomas 3. P. Q. 78. A. 3.) Nam & Liturgiæ omnes, præter illam quæ S. Petro falsò adscribitur, illa verba habent: & sine illis non exprimitur Sacrificii ritus, in quo mystica effusio sanguinis per *gladium verborum*, ut S. Cyrillus appellat, necessaria est: sicut Sacrificium vetus nunquam sine sanguinis effusione per victimæ materialis occisionem peragebatur. De mente quidem S. Thomæ inter ejus Discipulos ac Interpretes litigatur. *Cajetanus & Dominicus Soto* censent, S. Thomam dixisse, omnia hæc verba esse *de substantia formæ*, non quòd sine his verbis non sit forma, sed quòd omiſſis illis non sit perfecta: sicut digiti possunt dici de substantia, quamvis non sint de essentia corporis, quia pertinent ad ejus integritatem & perfectionem: Unde, inquirunt, S. Thomas, cum præmisset, omnia hæc verba *pertinere ad integritatem ejusdem locutionis*: subjungit: *sed per prima verba, cum dicitur: HIC est Calix Sanguinis mei, significatur ipsa conversio vini in Sanguinem, eo modo quo dictum est in forma consecrationis Panis; per verba autem sequentia de-*

Explicatur S. Thomas.

ſi-

*signatur virtus Sanguinis effusi in Passione, quæ operatur in hoc Sacramento. E contrario verò Petrus Paludanus & Capreolus in 4. Sententiarum Dist. 9. S. Antoninus 3. P. Summæ Tit. 13. Cap. 6. §. 2. Silvester Prieras, & alii, sic intelligi de substantia formæ omnia illa verba volunt, quæ in consecratione Sanguinis proferuntur secundum Ecclesiæ Latinæ Ritum, ut sine illis forma non sit. Ex Cajetani Commentario ea quæ opinionis istius impugnationem spectabant, iussit expungi Pius Quintus Pontifex Sanctissimus. Opinionem contrariam, scilicet ista tantum verba, *Hic est Sanguis meus*, ad essentiam formæ pertinere, censent S. Bonaventura, Scotus, Suarez, Estius, Silvius, & alii. Sed ut ut se habeat speculativa istarum opinionum probabilitas, gravissimè peccaret Sacerdos, qui prolatis verbis illis, *Hic est enim Calix Sanguinis mei*, vel unum ex sequentibus prætermitteret usque ad illa, *Hæc quotiescumque feceritis, in mei memoriam facietis*. Si verò prætermitteret ista, *Qui pro vobis effundetur*, dubium est an consecraret, propter varias Theologorum ea de re opiniones, & præsertim S. Thomæ in negantem sententiam inclinantis in Cap. 11. Epistolæ 1. ad Corinthios Lectione 6. Unde hoc in casu repetenda sub conditione viderentur omnia consecrationis verba, prout in Canone Missæ habentur. Speciem tamen super quam prolata essent hæc verba,*

PARS I.
Art. 4.
§. 2.

*Quæ in
praxi pro-
babilior
& tutior.*

PARSI. *Hic est Sanguis meus*, religiosa cum veneratione pariter sumendam à Sacerdote arbitraretur: quia majus periculum est in contemptu & abiectione speciei consecratae, quam in veneratione non consecratae, quæ tamen bona fide consecrata existimatur. In hoc autem casu dubium esset an vinum esset consecratum, ob dissidentes Theologorum ea de re sententias. Ita censet S. Bonaventura in 4. Sententiarum, Dist. 8. Q. 3.

Præter-
misso ver-
bo Est, pe-
ragitur
nihilomi-
nus Con-
secratio. 173. Si verbum, *est*, prætermitteretur, dicendo, *Hoc Corpus meum: hic Sanguis meus*, &c. Sacrilegii quidem reus esset Sacerdos illud omittens: sed tamen perageretur consecratio: quia verbum, *est*, subintelligitur, eademque vis est propositionis illo tacito ac expresso. Familiare est enim non solum Latinis, sed etiam Hebræis & Syris, illud in enuntiatione subticere. Unde nec liquet Christum Hebraicè aut Syriacè loquentem addidisse; præsertim cum nec in Græco sit expressum *Lucæ* 22. in consecratione Calicis. Ita *Silvius* in 3. P. Q. 78. A. 2. Quæsito 2.

Quid de
sequensi-
bus for-
mulis?
Istud est
Corpus
meum.
Illud est
Corpus
meum. 174. Si quis loco pronominis, *Hoc*, diceret, *Istud est Corpus meum*: graviter quidem peccaret, sed rata esset consecratio: non verò si diceret, *Illud est Corpus meum*: quia, *Istud*, demonstrat rem præsentem, non autem, *Illud*. Si diceret, *Hic est Corpus meum*, sumendo, *Hic*, ut adverbium, nulla fieret consecratio: quia non significaretur mu-

mutatio substantialis. Si autem ignorantia Grammaticæ, aut lapsu linguæ, diceret, *Hic est Corpus meum*, vocem istam usurpando ut pronomen; vel, *Hoc est Calix Sanguinis mei*: ratam fore consecrationem videtur: quia etiamsi esset incongrua locutio, juxta communem tamen morem loquendi idem esset sensus: quemadmodum si diceret eadem Grammaticæ imperitiâ, sed bonâ fide & rectâ intentione: *Hoc est Corpus meus*. Si pronomini, *Hoc*, adderetur aliquid sensum non mutans, verbi gratiâ si diceretur: *Hic cibus est Corpus meum*: *Hæc res est Corpus meum*: *Hoc contentum sub his speciebus est Corpus meum*: rata esset consecratio. Graviter nihilominus peccaret Sacerdos, qui Christi verbis aliquid addere præsumeret. Si quis diceret, *Ecce Corpus meum*: probabilius videtur non consecraturum; quia mutationem substantialem hæc verba non significant, adeoque nec illam operantur: aut certè dubia foret consecratio, ut ait *Silvius* loco supra laudato, *Quæsitio 1.*

175. Si Sacerdos demonstrato pane diceret, *Hoc est Caro mea*, verisimile est quòd Sacramentum non conficeret. Quia Caro & Corpus non æquivalent, cum Corpus aliquid ampliùs significet quàm Caro. Si quis verò diceret: *Hoc est Corpus Christi*; non consecraret: tum quia Christus his verbis panem non consecravat, aut ab Apostolis & eorum Successoribus consecrari instituit: tum quia

PARS I.

Art. 4.

§. 2.

*Hic est**Corpus**meum.**Hic est**Corpus**meum.**Hoc est**Calix Sanguinis**mei.**Hoc est**Corpus**meus.**Hic cibus**est Corpus**meum.**Hæc res**est Corpus**meum.**Hoc con-**tentum**sub his**speciebus**est Corpus**meum.**Ecce Cor-**pus meum**Hoc est**Caro mea.**Hoc est**Corpus**Christi.*

PARS I. quia modus loquendi longè diversus est. Ex
 Art. 4. Christi enim persona hæc verba non profe-
 §. 2. runtur, sicut illa; *Hoc est Corpus meum*. Ita
 Silvius loco supra laudato, Quæsito 3.

Fiat hoc 176. Si diceret Sacerdos, *Fiat hoc Cor-*
Corpus *pus meum*, non consecraret, quia Christi
meum. Domini verbis non uteretur; neque idem ef-
 set sensus: non enim significaretur admi-
 rabilis conversio substantiæ panis in substan-
 tiam Corporis Christi facta vi verborum,
 nullâ interpositâ morâ.

Sacerdos 177. Si Sacerdos non meminerit se ver-
oblitus ec- ba Consecrationis pronuntiasse, propterea
rum quæ perturbari non debet, sed Sacrum prosequi
dixit, an & perficere. Qui enim multa dicit, non re-
teneatur cordatur semper omnium quæ dixit, maximè
repetere cùm ita attendit ad illa quæ dixit, ut ea se
 dicere minimè cogitet. Si Sacerdoti proba-
 biliter constet, se aliqua omisisse, quæ non
 sunt de necessitate Sacramenti, ulteriùs pro-
 cedere debet, non ea repetere, quæ fortè
 prætermisit: Ordo enim Sacrificii absque
 necessitate non est immutandus. Si verò
 certus sit se omisisse formam Consecratio-
 nis, aut aliquod verborum formæ essentia-
 lium, vel de quibus dubium est an essentia-
 lia sint, Consecratio repetenda est, & reli-
 qua prosequenda, ne mutetur Ordo Sacrifi-
 cii: Ita S. Thomas 3. P. Q. 83. A. 6. ad 5.

§. III.

De necessitate Eucharistiæ.

178. **E**ucharistia non est ad salutem necessaria necessitate medii : ita ut sine Eucharistiæ Sacramento actu suscepto vitam æternam consequi nemo possit. Dogma namque fidei est, hominem statim post Baptismum à vita exeuntem, vel ad Deum sincerè conversum, vitam æternam consequi, dicente Christo : *Qui crediderit, & baptizatus fuerit, salvus erit.* Idem probatur ex Ecclesiæ sententiâ, quæ cum olim pueris Eucharistiam statim post Baptismum administraret, hujusmodi nutare disciplinam & consuetudinem convenientius judicavit, cum tamen Fidei ipsius *Regula sit immobilis, & irreformabilis*, ut loquitur *Tertullianus*.

Non est necessariâ necessitate medii ut actu recipiatur.

Eucharistia pueris olim administrata.

179. Res sive effectus Sacramenti Eucharistiæ, qui est conjunctio cum Christo, & insitio Corpori ejus mystico, seu votum saltem implicitum suscipiendi hoc Sacramentum, est necessaria ad salutem. Sic intelligenda sunt *S. Augustini* testimonia, quibus Eucharistiam parvulis necessariam esse ad salutem asserere videtur, *Lib. 1. De Peccatorum meritis & Remissione*, Cap. 20. quia per Baptismum Corpori Mystico Christi Domini inseruntur, & sunt membra ejus, atque

Necessarium est votû ejus saltem implicitû.

PARS I.

Art. 4.

§. 3.

atque ad Sacramentum Eucharistiæ jus habent, illius per Baptismum candidati, *Quò nemo nisi rite baptizatus accedit*. Verùm tantùm abest ut Sacramentum ipsum Eucharistiæ actu susceptum censeat esse medium ad salutem necessarium, ut è contrariò ibidem asserat, parvulos suscepto Baptismate ex hac vita migrantes æternam salutem consequi.

*Diluitur
objectio.*

180. Nec obstat quod objici solet, Christum eodem modo loqui de necessitate Eucharistiæ, & de necessitate Baptismi: Responsio enim in promptu est, priorem sententiam, quæ Baptismum spectat, nullam in parvulis exceptionem pati, excepto Martyrii casu, quod & in ipsis vicem Baptismatis supplèt; quia nullum aliud medium est à Christo institutum, quo peccati originalis remissionem, & gratiam sanctificantem consequi possint, Deique filii & heredes fieri: at præter Eucharistiam, aliud medium est, quo hæc ipsis beneficia procurantur, scilicet Baptismus. Quamobrem Eucharistia non est ipsis ad salutem æquo jure necessaria. Id verò non gratis confectum, sed Scripturæ Sacræ testimonio, Traditionis suffragio, Ecclesiæ Catholicæ judicio firmatum est. Deinde hæc verba, *Nisi manducaveritis Carnem Filii Hominis, & biberitis ejus Sanguinem, non habebitis vitam in vobis*, disjunctivè sunt intelligenda, vel de manducatione corporali, vel de manducatione spiritali; de

man-

manducatione in re, vel in voto; de ipsius Sacramenti perceptione, vel de participatione effectus, quem producere in iis qui dignè illud recipiunt, solitum est.

PARS I.
Art. 4.
§. 3.

181. Eucharistia necessaria est adultis necessitate Præcepti, cum Divini, tum Ecclesiastici. Prima pars Propositionis inde probatur, quod Christus istud Sacramentum instituens, illius quoque sumtionem præcepit, dicens: *Hoc facite in meam commemorationem*: Iis enim verbis non solum præcepit consecrationem & oblationem Eucharistiæ Apostolis & eorum Successoribus, verum etiam omnibus Fidelibus usum ejus seu sumtionem præceptam esse voluit, ut ex verbis Apostoli sequentibus perspicuum est: *Quotiescumque enim manducabitis Panem hunc, & Calicem bibetis, mortem Domini annuntiabitis donec veniat.*

Quomodo adultis necessaria?

182. Confirmatur ex Concilio Tridentino, Sessione 13. Cap. 2. *Salvator noster*, inquit, *discessurus ex hoc mundo ad Patrem, Sacramentum hoc instituit, in quo divitiis divini sui erga homines amoris velut effudit, memoriam faciens mirabilium suorum; & in illius sumtione colere nos sui memoriam præcepit, suamque annuntiare Mortem, donec ipse ad iudicandum mundum veniat.*

Concil.
Trid.

183. Confirmatur secundò ex S. Thoma 3. P. Q. 80. A. 11. *Duplex*, inquit, *est modus percipiendi hoc Sacramentum, scilicet*

S. Thom.

PARS I.
Art. 2.
§. 3.

licet spiritualis, & sacramentalis. Manifestum est autem quod omnes tenentur saltem spiritualiter manducare; quia hoc est Christo incorporari. Spiritualis autem manducatio includit votum seu desiderium percipiendi hoc Sacramentum, Et ideo sine voto percipiendi hoc Sacramentum non potest homini esse s. i. l. u. s. Frustra autem esset votum, nisi impleretur, quando opportunitas adesset. Et ideo manifestum est quod homo tenetur hoc Sacramentum sumere, non solum ex statuto Ecclesiae, sed ex mandato Domini dicentis Lucae 22. Hoc facite in meam commemorationem. Ex statuto autem Ecclesiae sunt determinata tempora exequendi Christi preceptum. Et primis quidem temporibus, quando fervente adhuc Religione, Christiani sponte sua satis frequentabant hoc Sacramentum, legem ferendam non judicavit Ecclesia, quā certum tempus percipiendae Eucharistiae eis praescriberetur. Verum postquam tepescere coepit devotio Fidelium, statuit ut saltem ter quotannis Christiani omnes adultae aetatis Eucharistiam sumerent, iis nimirum diebus, quibus praecipua nostrae Religionis Mysteria solemni ritu recoluntur, id est, Paschatis, Pentecostes, & Nativitatis Domini; ut constat ex Cap. Et si non frequentius, quod S. Fabiano Romano Pontifici tribuitur, Dist. 3. De Consecratione.

In Cœna Domini.

184. In Cœna Domini, qua die hoc Sacramentum à Christo institutum est, percipi so-

pi solitam ab omnibus Fidelibus Communionem, in Ecclesia saltem Gallicana, constat ex Concilio Cabilonensi Canone 47.

PARS I.

Art: 4.

§. 3.

185. Singulis Dominicis præceptam fuisse Sacram Communionem in Ecclesia Gallicana, nono Sæculo, constat ex Concilio Aquilgranensi 2. anno 836. Canone 22.

Dominicis diebus.

186. Tandem frigescente in dies magis ac magis Fidelium pietate, Ecclesia in Concilio Oecumenico Lateranensi 4. sub Innocentio III. congregata statuit ut adulti omnes semel saltem in anno, videlicet Dominicæ Passionis ac Resurrectionis tempore, Eucharistiam in ejusdem Passionis memoriam sumerent. Sic enim habetur Canone 21.

Ecclesie præceptum de Communione Paschali.

Omnis utriusque sexus Fidelis, postquam ad annos discretionis pervenerit, omnia sua solus peccata confiteatur fideliter, saltem semel in anno, propria Sacerdoti Suscipiens reverenter ad minus in Pascha, Eucharistiæ Sacramentum; nisi fortè de consilio proprii Sacerdotis, ob aliquam rationabilem causam, ad tempus, ab ejus perceptione duxerit abstinendum. Alioquin & vivens ab Ecclesiæ ingressu arceatur, & moriens Christianâ careat sepulturâ. Quæ lex Ecclesiæ prorsus consentanea est illi Mosai-cæ: Si quis non fecit Phase, exterminabitur anima illa de populis suis, quia sacrificium Domino non obtulit tempore suo. Ista divini præcepti quoad tempus determinatio confirmata est à sacra Synodo Tridentina Sessio-

PARSI. *Hic est Sanguis meus*, religiosa cum veneratione pariter sumendam à Sacerdote arbitraretur: quia majus periculum est in contemptu & abjectione speciei consecratae, quam in veneratione non consecratae, quæ tamen bona fide consecrata existimatur. In hoc autem casu dubium esset an vinum esset consecratum, ob dissidentes Theologorum ea de re sententias. Ita censet S. Bonaventura in 4. Sententiarum, Dist. 8. Q. 3.

Præter-
misso ver-
bo Est, pe-
ragitur
nihilomi-
nus Con-
secratio. 173. Si verbum, *est*, prætermitteretur, dicendo, *Hoc Corpus meum: hic Sanguis meus*, &c. Sacrilegii quidem reus esset Sacerdos illud omittens: sed tamen perageretur consecratio: quia verbum, *est*, subintelligitur, eademque vis est propositionis illo tacito ac expresso. Familiare est enim non solum Latinis, sed etiam Hebræis & Syris, illud in enuntiatione subticere. Unde nec liquet Christum Hebraicè aut Syriacè loquentem addidisse; præsertim cum nec in Græco sit expressum *Luca 22.* in consecratione Calicis. Ita *Silvius* in 3. P. Q. 78. A. 2. Quæsito 2.

Quid de
sequens
bus for-
mulis? 174. Si quis loco pronominis, *Hoc*, diceret, *Istud est Corpus meum*: graviter quidem peccaret, sed rata esset consecratio: non verò si diceret, *Illud est Corpus meum*: quia, *Istud*, demonstrat rem præsentem, non autem, *Illud*. Si diceret, *Hic est Corpus meum*, sumendo, *Hic*, ut adverbium, nulla fieret consecratio: quia non significaretur

mu-

mutatio substantialis. Si autem ignorantia Grammaticæ, aut lapsu linguæ, diceret, *Hic est Corpus meum*, vocem istam usurpando ut pronomen; vel, *Hoc est Calix Sanguinis mei*: ratam fore consecrationem videtur: quia etiam si esset incongrua locutio, juxta communem tamen morem loquendi idem esset sensus: quemadmodum si diceret eadem Grammaticæ imperitiâ, sed bonâ fide & rectâ intentione: *Hoc est Corpus meus*. Si pronomini, *Hoc*, adderetur aliquid sensum non mutans, verbi gratiâ si diceretur: *Hic cibus est Corpus meum*: *Hæc res est Corpus meum*: *Hoc contentum sub his speciebus est Corpus meum*: rata esset consecratio. Graviter nihilominus peccaret Sacerdos, qui Christi verbis aliquid addere præsumeret. Si quis diceret, *Ecce Corpus meum*: probabilius videtur non consecraturum; quia mutationem substantialem hæc verba non significant, adeoque nec illam operantur: aut certè dubia foret consecratio, ut ait *Silvius* loco supra laudato, *Quæsito 1.*

175. Si Sacerdos demonstrato pane diceret, *Hoc est Caro mea*, verisimile est quod Sacramentum non conficeret. Quia Caro & Corpus non æquivalent, cum Corpus aliquid ampliùs significet quàm Caro. Si quis verò diceret: *Hoc est Corpus Christi*; non consecraret: tum quia Christus his verbis panem non consecravit, aut ab Apostolis & eorum Successoribus consecrari instituit: tum

PARSI.

Art. 4.

§. 2.

*Hic est**Corpus**meum.**Hic est**Corpus**meum.**Hoc est**Calix Sâ-**guinis**mei.**Hoc est**Corpus**meus.**Hic cibus**est Corpus**meum.**Hæc res**est Corpus**meum.**Hoc con-**tentum**sub his**speciebus**est Corpus**meum.**Ecce Cor-**pus meum**Hoc est**Caro mea.**Hoc est**Corpus**Christi.*

quia

PARS I. quia modus loquendi longè diversus est. Ex
 Art. 4. Christi enim persona hæc verba non profe-
 § 2. runtur, sicut illa; *Hoc est Corpus meum*. Ita
 Silvius loco supra laudato, Quæsito 3.

Fiat hoc 176. Si diceret Sacerdos, *Fiat hoc Cor-*
pus meum. non consecraret, quia Christi
 Corpus Domini verbis non uteretur; neque idem es-
 set sensus: non enim significaretur admira-
 bilis conversio substantiæ panis in substan-
 tiam Corporis Christi facta vi verborum,
 nullâ interpositâ morâ.

Sacerdos 177. Si Sacerdos non meminerit se ver-
oblitus ec- ba Consecrationis pronuntiasse, propterea
rum quæ perturbari non debet, sed Sacrum prosequi
dixit, an & perficere. Qui enim multa dicit, non re-
teneatur cordatur semper omnium quæ dixit, maximè
repetere cùm ita attendit ad illa quæ dixit, ut ea se
 dicere minimè cogitet. Si Sacerdoti proba-
 biliter constet, se aliqua omisisse, quæ non
 sunt de necessitate Sacramenti, ulteriùs pro-
 cedere debet, non ea repetere, quæ fortè
 prætermisit: Ordo enim Sacrificii absque
 necessitate non est immutandus. Si verò
 certus sit se omisisse formam Consecratio-
 nis, aut aliquod verborum formæ essentia-
 lium, vel de quibus dubium est an essentia-
 lia sint, Consecratio repetenda est, & reli-
 qua prosequenda, ne mutetur Ordo Sacrifi-
 cii: Ita S. Thomas 3. P. Q. 83. A. 6. ad 5.

§. III.

De necessitate Eucharistiae.

178. **E**ucharistia non est ad salutem necessaria necessitate medii : *Non est necessaria necessitate medii ut actu recipiatur.*
 ita ut sine Eucharistiae Sacramento actu suscepto vitam æternam consequi nemo possit. Dogma namque fidei est, hominem statim post Baptismum à vita exeuntem, vel ad Deum sincerè conversum, vitam æternam consequi, dicente Christo: *Qui crediderit, & baptizatus fuerit, salvus erit.* Idem probatur ex Ecclesiae sententia, quæ cum olim pueris Eucharistiam statim post Baptismum administraret, hujusmodi mutare disciplinam & consuetudinem convenientius judicavit, cum tamen Fidei ipsius *Regula sit immobilis, & irreformabilis*, ut loquitur *Tertullianus*.

179. Res sive effectus Sacramenti Eucharistiae, qui est conjunctio cum Christo, & insitio Corpori ejus mystico, seu votum salutem implicitum suscipiendi hoc Sacramentum, est necessaria ad salutem : Sic intelligenda sunt *S. Augustini* testimonia, quibus Eucharistiam parvulis necessariam esse ad salutem asserere videtur, *Lib. 1. De Peccatorum meritis & Remissione*, Cap. 20. quia per Baptismum Corpori Mystico Christi Domini inferuntur, & fiunt membra ejus, atque

Eucharistia pueris olim administrata.

Necessarium est votum eius saltem implicitum.

PARS I.
Art. 4.
§. 3.

atque ad Sacramentum Eucharistiæ jus habent, illius per Baptismum candidati, *Quò nemo nisi rite baptizatus accedit.* Verùm tantùm abest ut Sacramentum ipsum Eucharistiæ actu susceptum censeat esse medium ad salutem necessarium, ut è contrariò ibidem asserat, parvulos suscepto Baptismate ex hac vita migrantes æternam salutem consequi.

*Diluitur
objectio.*

180. Nec obstat quod objici solet, Christum eodem modo loqui de necessitate Eucharistiæ, & de necessitate Baptismi: Responsio enim in promptu est, priorem sententiam, quæ Baptismum spectat, nullam in parvulis exceptionem pati, excepto Martyrii casu, quod & in ipsis vicem Baptismatis supplèt; quia nullum aliud medium est à Christo institutum, quo peccati originalis remissionem, & gratiam sanctificantem consequi possint, Deique filii & heredes fieri: at præter Eucharistiam, aliud medium est, quo hæc ipsis beneficia procurantur, scilicet Baptismus. Quamobrem Eucharistia non est ipsis ad salutem æquo jure necessaria. Id verò non gratis confectum, sed Scripturæ Sacræ testimonio, Traditionis suffragio, Ecclesiæ Catholicæ judicio firmatum est. Deinde hæc verba, *Nisi manducaveritis Carnem Filii Hominis, & biberitis ejus Sanguinem, non habebitis vitam in vobis*, disjunctivè sunt intelligenda, vel de manducatione corporali, vel de manducatione spiritali; de

man-

manducatione in re, vel in voto; de ipsius PARS I.
 Sacramenti perceptione, vel de participa- Art. 4.
 tione effectûs, quem producere in iis qui di- §. 3.
 gnè illud recipiunt, solitum est.

181. Eucharistia necessaria est adultis necessitate Præcepti, cum Divini, tum Ecclesiastici. Prima pars Propositionis inde probatur, quod Christus istud Sacramentum instituens, illius quoque functionem præceperit, dicens: *Hoc facite in meam commemorationem*: Iis enim verbis non solum præcepit consecrationem & oblationem Eucharistiæ Apostolis & eorum Successoribus, verum etiam omnibus Fidelibus usum ejus seu functionem præceptam esse voluit, ut ex verbis Apostoli sequentibus perspicuum est: *Quotiescumque enim manducabitis Panem hunc, & Calicem bibetis, mortem Domini annuntiabitis donec veniat.*

Quomodo adultis necessaria?

182. Confirmatur ex Concilio Tridentino, Sessione 13. Cap. 2. *Salvator noster*, Concil. Trid.
 inquit, *discessurus ex hoc mundo ad Patrem, Sacramentum hoc instituit, in quo divitias divini sui erga homines amoris velut effudit, memoriam faciens mirabilium suorum; & in illius sumptione colere nos sui memoriam præcepit, suamque annuntiare Mortem, donec ipse ad iudicandum mundum veniat.*

183. Confirmatur secundò ex S. Thoma 3. P. Q. 80. A. 11. *Duplex*, inquit, est S. Thom.
 modus percipiendi hoc Sacramentum, scilicet

PARS I. *licet spiritualis, & sacramentalis. Manifestum est autem quod omnes tenentur saltem spiritualiter manducare; quia hoc est Christo incorporari. Spiritualis autem manducatio includit votum seu desiderium percipiendi hoc Sacramentum, Et ideò sine voto percipiendi hoc Sacramentum non potest homini esse salus. Frustra autem esset votum, nisi impleretur, quando opportunitas adesset. Et ideò manifestum est quod homo tenetur hoc Sacramentum sumere, non solum ex statuto Ecclesiæ, sed ex mandato Domini dicentis Lucæ 22, Hoc facite in meam commemorationem. Ex statuto autem Ecclesiæ sunt determinata tempora exequendi Christi præceptum. Et primis quidem temporibus, quando fervente adhuc Religione, Christiani sponte sua satis frequentabant hoc Sacramentum, legem ferendam non judicavit Ecclesia, quâ certum tempus percipiendæ Eucharistiæ eis præscriberetur. Verum postquam tepescere cœpit devotio Fidelium, statuit ut saltem ter quotannis Christiani omnes adultæ ætatis Eucharistiam sumerent, iis nimirum diebus, quibus præcipua nostræ Religionis Mysteria solemniter recoluntur, id est, Paschatis, Pentecostes, & Nativitatis Domini; ut constet ex Cap. *Et si non frequentius*, quod S. Fabiano Romano Pontifici tribuitur, Dist. 3, *De Consecratione*.*

184. *In Cœna Domini.* Sacramentum à Christo institutum est, percipi so-

pi solitam ab omnibus Fidelibus Communionem, in Ecclesia saltem Gallicana, constat ex Concilio Cabilonensi Canone 47.

PARS I.

Art: 4.

§. 3^a

185. Singulis Dominicis præceptam fuisse Sacram Communionem in Ecclesia Gallicana, nono Sæculo, constat ex Concilio Aquisgranensi 2. anno 836. Canone 22.

Dominicis diebus.

186. Tandem frigescente in dies magis ac magis Fidelium pietate, Ecclesia in Concilio Oecumenico Lateranensi 4. sub Innocentio III. congregata statuit ut adulti omnes semel saltem in anno, videlicet Dominicæ Passionis ac Resurrectionis tempore, Eucharistiam in ejusdem Passionis memoriam sumerent. Sic enim habetur Canone 21.

Ecclesiæ præceptū de Communione Paschali.

Omnis utriusque sexus Fidelis, postquam ad annos discretionis pervenerit, omnia sua solus peccata confiteatur fideliter, saltem semel in anno, propria Sacerdoti Suscipiens reverenter ad minus in Pascha, Eucharistiæ Sacramentum; nisi fortè de consilio proprii Sacerdotis, ob aliquam rationabilem causam, ad tempus, ab ejus perceptione duxerit abstinendum. Alioquin & vivens ab Ecclesiæ ingressu arceatur, & moriens Christianâ careat sepulturâ. Quæ lex Ecclesiæ prorsus consentanea est illi Moysi: Si quis non fecit Phase, exterminabitur anima illa de populis suis, quia sacrificium Domino non obtulit tempore suo. Ista divini præcepti quoad tempus determinatio confirmata est à sacra Synodo Tridentina Sessione 13.

Pats I.
Art. 4.
S. 3.

ne 13. Canone 9. *cujus hæc sunt verba: Si quis negaverit, omnes & singulos Fideles utriusque sexûs, cum ad annos discretionis pervenerint, teneri singulis annis, saltem in Paschate, ad communicandum, juxta præceptum Sanctæ Matris Ecclesiæ; Anathema sit.*

Commu-
nio infir-
morum.

187. Præter hoc autem Ecclesiæ præceptum, est perpetua Ecclesiæ ejusdem consuetudo alterius præcepti vim obtinens, ut infirmi antequàm ex hac vita discedant, hoc Sacramentum tanquàm Viaticum sibi administrari curent. Unde magna cautione semper provisum est ne quis absque hoc saluberrimo Viatico à vita migraret, ut constat ex Concilii Nicœni Canone 13. ex Concilii Carthaginensis 4. Canone 70. ex Vasensis Canone 2. ex S. Joanne Chrysostomo Lib. 6. De Sacerdotio, S. Hironymo ad Cap. 15. S. Matthæi, aliisque Veterum testimoniis.

Præceptum
de Eucha-
ristiæ sum-
ptione, par-
vulos non
spectat.

188. Itaque Divinum & Ecclesiasticum Præceptum de Eucharistiæ sumptione, parvulos non spectat: qui præcepti per ætatem sunt incapaces, & qui se ipsos ante Communionem probare non possunt, secundum præceptum divinum ab Apostolo promulgatum 1. ad Corinthios 11. *Probet autem se ipsum homo, & sic de pane illo edat, & de calice bibat*: nullôque devotionis sensu erga hoc Sacramentum possunt affici; neque Christum in eo præsentem adorare, cujus Carnem nemo sumere debet, nisi prius adoraverit,

189. At Mortale peccatum committit, quicumq; Fidelis Eucharistiam tempore Paschatis non sumit : atque Excommunicatio-
ne plecti debet ; Christianàque sepulturâ privari, nisi præceptum illud Ecclesiæ impleverit. Ita quippe statuit Canon *Omnis utriusque sexûs*, & Concilium Tridentinum. Tempus autem Paschali Communioni præfinitum est quindena intercurrentes à Dominica Palmarum ad Dominicam in Albis inclusivè.

PARS I.

Art. 4.

S. 3.

*Obligat
adultos
tempore
Paschali.*

*Quid tẽ-
pus Pas-
chale ?*

190. Præceptum Communis Paschalis extra propriam Parochiam non impletur. Eàque à proprio Sacerdote, vel ab eo cui vices suas commiserit, suscipienda est. Ita statuit Canon *Omnis utriusque sexûs*.

*Non im-
pletur ex-
tra pro-
priam Pa-
rochiam ?*

191. Paschalis Communio de consilio proprii Sacerdotis, ob rationabilem causam, ad tempus differri potest. Ita statuit Concilium Lateranense, Canone *Omnis utriusque sexûs*. Sanè sicut immundi à faciendo Phase cum reliquo cœtu filiorum Israël exclusi sunt, & in secundum mensem dilati

*An differ-
ri possit
Commu-
nio Pas-
chalis, &
cuius con-
silio ?*

(Num. 9.) Ita si qui, ut par est, parati non sunt ad Eucharistiam suscipiendam : utpote quia in proximis peccandi occasionibus, vel in affectu peccati adhuc versantur, vel quorum dubia conversio est propter inveteratum peccati lethalis, publici maximè, & cum aliorum scandalo committi habitum, ac frequentes in eadem crimina relapsus ; vel anno solido à Confessione Sacramentali ab-

H finue-

PARS I.

Art. 4.

S. 3.

stinuerunt, & postremis Paschalis quindenæ diebus se sistunt Sacerdoti, nullâ aut exiguâ præparatione, eorum Communio ad tempus differenda est, secundum prudens iudicium Proprii Sacerdotis; penes quem, & non penes alium (salvo Episcopi jure) potestas est Communionis Paschalis tempus prorogandi. Unde si quis alteri à Parocho, de illius, aut Episcopi licentiâ peccata confessus fuerit, ipsique Absolutionis beneficium distulerit Confessarius, aut illius Communionem ultra quindenam Paschalem differendam judicaverit, debet nihilominus Pœnitens proprium Parochum adire, ipsique exponere conscientie suæ statum; aut certè Sacerdotis, apud quem peccata deposuit, iudicium, ut illius consilio & licentiâ Paschalem Communionem ad tempus differat. Alioqui Parochus jure suo utetur, & pœnas Constitutionis, *Omnis utriusque sexus*, ipsum incurrisse declarabit. Quamobrem consultius erit, si Confessarii hujusmodi homines ad proprium Sacerdotem remittant.

An anticipari?

192. Quemadmodum autem de proprii Sacerdotis consilio ob rationabilem causam differri potest Communio Paschalis, ita anticipari potest & debet, si quis prævideat se & in Paschate, & multis post Pascha mensibus impotentem futurum ad Eucharistiam sumendam propter impedimentum extrinsecum. Ecclesia enim sic jubet Communionem in Paschate, ut velit *ad minus* tunc fieri, &

ri, & non ultra differri: si autem differretur ad plures menses post Pascha, non fieret *ad minus semel in anno*. Sicut si cui injunctum esset solvere centum nummos ad minus semel in anno, idque in Paschate; is si prævideret se solvendo non futurum in Paschate, solutionem anticipare deberet, si posset.

193. Qui apud Privilegiatos, sive in Ecclesiis Regularium Eucharistiam sumserit in Hebdomada Sancta, debet nihilominus intra quindenam Paschalem semel in Ecclesia Parochiali sumere, ut satisfaciatur præcepto Communionis Paschalis. Ita respondit Congregatio Cardinalium Concilii Tridentini Interpretum.

Communionis Paschalis in propria Parochia.

194. Qui Præcepto Communionis Paschalis satisfecit, Eucharistiam in propria Parochia sumendo, die ipso Paschatis Eucharistiam sumere non potest in Ecclesiis Regularium, aut quorumvis Privilegiatorum sive Exemptorum. Leo enim *Decimus* Pontifex Maximus concedens ut Privilegiati Eucharistiam quovis anni die ministrare possint, excipit diem Paschatis. Privilegia autem quæ Juri communi derogant, restringi debent, non ampliari. Idem confirmat Responsum Congregationis Cardinalium, datum die 23. Januarii 1586. Eamque sententiam *Navarrus, Azorius, & Sylvius* probabiliorē censent.

In ipso Paschatis die extra propriam Parochiam, etiam pro sola devotione, communicare non licet.

195. Qui Communionem Paschalem prætermisit, tenetur ad satisfaciendum Ecclesie

Qui Communionem

PARS I.

Art. 4.

S. 3.

præter-
misit ia-
Paschate
teneatur
equidem
pro illo
anno cō-
municare.

clesiæ præcepto pro illo anno communicare. Ita censent *Joannes Major, Petrus à Palude, Navarrus & Sylvius*. Duplex affertur hujus obligationis ratio. Primò, quia non conceditur terminus annuus ut tunc cesset obligatio, sed ut adimpletio præcepti ulterius differri non possit: sicut in contractibus, quando statuitur tempus ultra quod non possit differri solutio; si tunc non fiat, debitum non extinguitur, sed perseverat. Secundò, quia Communio est id quod Ecclesia præcipuè præcipere intendit: temporis autem determinatio est aliquid secundarium. Cum ergo possit adhuc impleri Ecclesiæ præceptum secundum substantiam, & quantum ad id quod in eo præcipuum est, obligatio perseverat. At (inquiunt alii magni etiam nominis Theologi, *S. Antoninus, Sylvester Prieras, Dominicus Soto, Toletus*;) Dum aliquid præcipitur cum determinatione temporis, eo elapso cessat obligatio, ut patet in Missa Festi, Jejunio Vigiliæ, &c. Id verum esse respondent alii, cum opus quod præcipitur annexum est tempori, & quasi pensum & onus diei præcipitur, ita ut ratio obligationis sit talis dies, qualia sunt auditio Missæ in die Festo, Jejunium in Quadragesima, Quatuor Temporibus, statisque Vigiliis, & Breviarii recitatio. At Confessio & Communio annua non præcipiuntur ut annexæ tempori, utque certæ diei pensa & onera; nec ratio obligationis earum est Paschale tem-

tempus, sed jus divinum, cui ut satisfiat, **PARS I.**
 Ecclesia Paschatis tempus ita determinavit, **Art. 4.**
 ut obligationem faciendi satis divino illi juri **§. 3.**
 ac præcepto de cœlesti cibo animabus nostris procurando, quo spiritualis vita sustentetur, propterea non remiserit. Atque hæc longè probabilior & tutior videtur sententia, quamvis magna nomina contrariam opinionem defendant.

196. Mortale peccatum incurrit, quisquis gravi morbo correptus, & in mortis periculo constitutus, Eucharistiæ Viaticum recipere renuit, aut negligit. Ecclesiæ scilicet præceptum in re gravi violare non metuit. Ejusdem peccati rei sunt illi ad quos infirmi cura pertinet, præcipuèque Medicus, si ipsum ea de re monere, utque isto Christiani hominis officio defungatur, urgere negligent. Ad Parochum autem spectat Viaticum ministrare, vel ad alium de ejus facultate. Si porro Regularis Sacerdos id facere præsumat, non habitâ super hoc Parochialis Presbyteri licentia speciali, Excommunicationem Sanctæ Sedi Apostolicæ reservatam ipsò factò incurrit. *Clement. 1. Religiosi. Tit. De Privilegiis & excessibus Privilegiatorum*; nisi fortè ab Episcopo, vel ab ejus Vicario Generali eam habuerit facultatem.

*Sacra
Communionis per
modum
Viatici
præceptum.*

197. Præcepto Communionis annuæ non fit satis per sacrilegam Domini manducationem. Præceptum enim Ecclesiæ est de-

*Ecclesiæ
præceptum
non im-
pletur in-*

PARS I.

Art. 4.

§. 3.
digna Cō-
munionē .

terminatio divini præcepti ad certum tempus, adeoque illud non implet, qui divinum de sumptione Eucharistiæ præceptum violant, Corpus Domini non dijudicantes, secundum illud Apostoli 1. ad Corinthios 11. *Probet autem se ipsum homo, & sic de pane illo edat, & de calice bibat. Qui enim manducat & bibit indigne, iudicium sibi manducat & bibit, non dijudicans Corpus Domini.* Præterea, Concilium Oecumenicum Lateranense 4. Canone, *Omnis utriusque sexus, præcipit omnibus & singulis Fidelibus, ut Suscipiant reverenter, ad minus in Pascha, Eucharistiæ Sacramentum.* At suscipi quâ par est reverentiâ nemo dixerit per Communionem sacrilegam.

Propositio
damnata.

198. Denique inter Propositiones, quas *Innocentius Undecimus* Pontifex Maximus damnavit *Ut minimum tanquam scandalosas, & in praxi perniciosas*, Decreto edito die Jovis 2. Martii 1679. quinquagesima quinta his verbis expressa est: *Præcepto Communionis annua satisfit per sacrilegam Domini manducationem.* Quæ doctrina Cleri Gallicani iudicio in generali conventu anni 1700. *temeraria est, scandalosa, erronea, impietati & sacrilegio favens, & præceptis Ecclesiæ illudens.* Quamobrem qui Eucharistiam in statu & affectu peccati mortalis recepit in Paschate, pœnitentiam agere & confiteri quamprimùm debet cùm immane illud sacrilegium, tum reliqua peccata Sacerdoti,

doti, & Christi Corpus cum debita reverentia & pietate suscipere, ut præcepto Communionis Paschalis satisfaciat. Idem esto judicium de illo qui Viaticum in statu aut affectu peccati mortalis recepisset: iterum enim actû sacrilegii pœnitentiâ sacram Communionem percipere deberet, cum ad Ecclesiæ præceptum implendum, tum ad refarciendam injuriam & vim illatam Corpori Domini.

PARS I.
Art. 2.
S. 3.

199. Frustra verò quis objiciat, Ecclesiam actus internos præcipere non posse. Esto enim ipsos præcipere non possit directè, ut nec de iis in exteriori foro judicare; indirectè tamen ipsos præcipere potest, quatenus externi religiosè fieri non possunt, nisi cum internis sint conjuncti. Præterea, non ex vi Præcepti Ecclesiastici, sed ex vi Præcepti Divini tenemur ad orandum cum attentione, reverentiâ, & religione debitis; ad sumendam Eucharistiam purâ & integrâ conscientia, quoties ipsam sumimus: ne de illorum simus numero, de quibus Deus per Prophetam ait: *Populus hic labiis me honorat, cor autem eorum longè est à me*: ne simus hypocritæ, quibus *Va* toties imprecatus est Christus; ne *Veri adoratores* non simus, qui *Deum adorant in spiritu & veritate*: ne indignè manducando & non dijudicando Corpus Domini, judicium nobis manducemus & bibamus; animæque nostræ mortem consciscamus Panem vitæ sumendo, &

Objectione diluitur.

PARS I.
Art. 4.
S. 4.

recipiendo Sacramentum quod Christus instituit ut aeternum vivamus : ne denique falsò profiteamur sumendo Corpus Christi, nos ad Corpus Christi mysticum pertinere, & esse membra illius Spiritu vegetata :

S. IV.

De Effectibus Eucharistiæ.

Eucharistia non confert primam gratiam per se.

200. **S**acramentum Eucharistiæ non confert primam gratiam, adeòque nec remissionem peccatorum mortaliū per se operatur. Quemadmodum enim mortuis corporibus naturale alimentum nihil prodest; ita etiam animæ, quæ Spiritu non vivit, sacra Mysteria non prodesse constat: ac propterea panis & vini speciem habent, ut significetur, non quidem revocandæ ad vitam animæ, sed in vitâ conservandæ causâ, instituta esse (inquit Concilii Tridentini Catechismus.)

Sed per accidens.

201. Eucharistiæ igitur Sacramentum remissionem peccati non operatur in eo qui ipsum percipit cum peccati mortalis conscientia. *Potest tamen operari remissionem peccati dupliciter: uno modo non perceptum actu, sed voto; sicut cum quis primò justificatur à peccato. (Prima enim gratia nemini tribuitur, nisi Eucharistiam desiderio & voto percipiat.) Alio modo etiam perceptum*

tum

tum ab eo qui est in peccato mortali, cujus **PARSI.**
 conscientiam & affectum non habet. Fortè **Art. 4.**
 enim primò non fuit sufficienter contritus; **S. 4.**
 sed devotè & reverenter accedens, consequetur per hoc Sacramentum gratiam caritatis, qua contritionem perficiet, & remissionem peccati; inquit S. Thomas 3. P. Q. 79. A. 3.) Hoc sensu Ecclesia in Postcommunionem pro vivis & defunctis orat: *Præsta ut hoc tuum Sacramentum non sit nobis reatus ad pœnam, sed intercessio salutaris ad veniam, sit ablutio scelerum, &c.*

202. Per Eucharistiam peccata venialia condonantur. Istud enim Sacramentum sumitur sub specie alimenti: porrò alimentum naturale corpori necessarium est ad restaurandum id quod innati caloris vi quotidie detrahitur ac deperit. Unde quicquid etiam ardore cupiditatis indies amittit anima, dum levi aliqua in re parum offendit, totum Eucharistia, eas ipsas veniales culpas, quæ minuunt fervorem caritatis, abstergens, restituit. Unde S. Ambrosius Lib. 4. Cap. 4. De Sacramentis, Cap. 6. Si quotiescumque effunditur Sanguis, in remissionem peccatorum funditur; debeo illum semper accipere, ut semper mihi peccata dimittantur. Qui semper pecco, semper debeo habere medicinam. „ Res autem sive effectus hujus Sacramenti, ut S. Thomas loquitur, est caritas, non solum quantum ad habitum, „ sed etiam quantum ad actum, qui excita-

Effectus Eucharistiae peccatorum venialium condonatio, quibus non adhæret cõmunicatum affectus.

tur

PARS I.
Art. 4.
§. 4.

tur in hoc Sacramento : quo fit ut per illud venialia peccata solvantur . Ita S. Doctor Q. 79. 3. P. A. 4. Cujus doctrinam suam fecit Concilii Tridentini Catechismus. *Verum hæc de iis peccatis intelligenda esse monet, quorum sensu & delectatione animus non permovetur.*

203. Meritò itaque Innocentius III. Lib. 4. De Missa, Cap. 44. De Eucharistia ait : *Venialia delet, & cavet mortalia.* Meritò Concilium Tridentinum hoc Sacramentum vocat *Antidotum quo liberemur à culpis quotidianis, & à peccatis mortalibus præservemur.* Idem profitetur Ecclesia Græca, quæ in suis Euchologiis hunc Ritus præscribit Eucharistiam administrandi : *Sumis Serve Dei N. pretiosum & sanctum Corpus & Sanguinem Domini & Salvatoris nostri Jesu-Christi in remissionem peccatorum, & vitam æternam.*

Effectus
Eucharistia quatenus Sacramentum est, & quatenus Sacrificium.

204. Eucharistia sumentibus prodest, non solum quatenus est Sacramentum, sed etiam ut Sacrificium : non sumentibus verò, ut Sacrificium duntaxat, spirituales utilitates affert. Prima pars Propositionis liquet : Sacrificium enim Eucharistiæ pro omnibus sumentibus offertur. Unde dicitur in Canone Missæ : *Ut quotquot ex hac Altaris participatione Sacrosanctum Filii tui Corpus & Sanguinem sumserimus, omni benedictione cælesti, & gratiâ repleamur.* Pars altera Propositionis patet ex aliis verbis ejusdem

Canone.

Canonis : *Memento , Domine , famulorum ,* PARS I.
famularumque tuarum . . . Pro quibus tibi Art. 4.
offerimus , vel qui tibi offerunt hoc Sacri- §. 4.

*ficium laudis , pro se , suisque omnibus ,
 pro redemptione animarum suarum , pro spe
 salutis & incolumitatis suæ . Utroque
 porro proficiendi modum Christus expref-
 sit Matth. 26. & Luc. 22. dicens : Qui pro
 vobis (scilicet sumentibus) & pro mul-
 tis (scilicet aliis) effundetur in remissio-
 nem peccatorum . Non æquè tamen om-
 nibus prodest . Sicut enim Passio Christi pro-
 dest quidem omnibus quantum ad sufficien-
 tiam , & ad remissionem culpæ , & adeptio-
 nem gratiæ & gloriæ ; sed effectum non ha-
 bet nisi in illis qui Passioni Christi conjun-
 guntur per fidem & caritatem : ita & hoc
 Sacrificium , quod est memoriale Dominicæ
 Passionis , non habet effectum nisi in illis qui
 conjunguntur huic Sacramento per fidem &
 caritatem . Unde S. Augustinus ait : Quis
 offerat Corpus Christi , nisi pro his qui sunt
 membra Christi ? Et in Canone Missæ non
 oratur pro his qui sunt extra Ecclesiam . Illis
 autem , pro quibus offertur , Prodest plus vel
 minus , secundum modum devotionis eorum
 (inquit S. Thomas 3. P. Q. 79. A. 7.)*

205. Eucharistiam pro aliis sumere , de-
 votio recens , nec autoritate , nec ratione
 fulta . Id enim priscis Patribus , & Vitæ Spi-
 ritualis Magistris incognitum . Præterea ,
 Christus hoc Sacramentum instituit per mo-
 dum

*Devotio
 recens , nec
 probata .*

PARS I.
Art. 4.
§. 4.

dum cibi & potûs : cibus autem & potus alteri non prodest à fumente . Quis enim alterum rogat ut pro se manducet & bibat ? Tertio, *Sumtio pertinet ad rationem Sacramenti, sed Oblatio pertinet ad rationem Sacrificii : & ideo ex hoc quòd aliquis sumit Corpus Christi, vel etiam plures, non accrescit aliis aliquod iuvamentum ;* inquit S. Thomas Quæstione & Articulo mox laudatis, in Responsione ad 3. Objectionem . Nec dici potest, Communionem ab uno factam alteri prodesse per modum satisfactionis : quia hoc Sacramentum *Non est institutum ad satisfaciendum, sed ad spiritualiter nutriendum per unionem ad Christum & ad membra ejus, sicut & nutrimentum unitur nutrito ;* ut loquitur S. Thomas Articulo 5. ejusdem Quæstionis .

206. Fatendum est tamen ; cùm hujus Sacramenti virtute gratia & caritas in iis, qui Corpus Domini dignè manducant, augeatur, preces ipso Communionis die factas, aliâque opera satisfactoria, ut jejunia, elemosynas, &c. præcipuam quamdam vim habere ex Communionem præcedente impetrandi divina beneficia, & satisfaciendi cùm pro ipsis, tum pro aliis. Hoc solum sensu Communio unius alteri prodest . Hoc enim commune est Eucharistiæ cum aliis Sacramentis, ut sub ratione Sacramenti non profit nisi fumentibus . Unde sicut Baptismi, Confirmationis, Pœnitentiæ, Extremæ-Un-

ctio -

tionis fructus ad eos duntaxat pertinent qui hæc Sacramenta suscipiunt; ita ut unum pro alio Baptismum, Confirmationem, Ordinem, Extremam-Unctionem suscipere, peccata confiteri & absolvi, res sit planè inaudita, & Christi institutioni, Ecclesiæ moribus, ac rectæ rationi repugnans: ita & Communionis fructus ad eum duntaxat pertinet qui Christi Corpus dignè recipit, non ad alios. Hoc ratiocinium autoritate *S. Thomæ* confirmatur. Articulo enim 7. supra laudato hanc sibi primo loco proponit objectionem: *Hoc Sacramentum est unius generis cum aliis Sacramentis: sed alia Sacramenta non prosunt nisi sumentibus; sicut effectum Baptismi non suscipit nisi baptizatus: ergo nec hoc Sacramentum prodest nisi sumenti.* Ad eam autem Objectionem sic respondet: *Dicendum, quod hoc Sacramentum præ aliis habet quod est Sacrificium: & ideo non est similis ratio.* Constans igitur *S. Thomæ* doctrina est, Eucharistiam aliis à sumentibus non prodesse ut Sacramentum, sicut nec alia Sacramenta prosunt aliis quàm suscipientibus; sed tantum ut Sacrificium. Quamvis indirectè, ut loquuntur, aliis cum Vivis tum Defunctis profit, quia fervorem caritatis excitat, ratione cujus orationes & elemosynæ ab homine Christiano & justo pro aliis Deo oblatae, illis impensius suffragantur.

PARS I.

Art. 4.

S. 4.

207. Præpostera devotio est, plures Ho-
lias

Devotio

PARS I.

Art. 4.

§. 4.

prapostera

stias consecratas in Sacra Communione sumere: nec Sacerdotes huic superstitioni devotarum quarundam muliercularum connivere debent. *Nam ex hoc quod Sacerdos plures Hostias consecrat in una Missa, non multiplicatur effectus huius Sacramenti; quia non est nisi unum Sacrificium: nihil enim plus est virtutis in multis hostiis consecratis, quam in una, cum sub omnibus & sub una non sit nisi totus Christus. Unde nec si aliquis simul in una Missa multas Hostias consecratas sumat, participabit maiorem effectum Sacramenti; inquit S. Thomas A. 7. supra laudato, in Responsione ad 3. Objectionem. Quæ doctrina confirmatur Cap. Ubi pars, Dist. 2. De Consecratione, cujus hæc sunt verba: Ubi pars est Corporis, est & totum; eadem ratio est in Corpore Domini, quæ in Manna, quod in eius figura præcessit: de quo dicitur, „ Qui plus colle-
 „ gerat, non habuit ampliùs, neque qui mi-
 „ nus parayerat, invenit minùs. „ Non est omninò quantitas visibilis in hoc astimanda Mysterio; sed virtus Sacramenti spiritalis. Idem confirmat Decretum Congregationis Cardinalium Concilii Tridentini Interpretum Innocentii XI. Pontificis Auctoritate probatum & roboratum die 12. Februarii 1679, Episcopi, inquit, Parochos, seu Confessarios insuper admoneant, nulli tradendas plures Eucharistiæ formas, seu particulas, neque grandiores, sed consuetas.*

208. Peccata venialia effectum omnem Sacramenti Eucharistiæ non impediunt. Spectari namque possunt vel ut præterita, vel ut actu commissa. Si spectentur quatenus transierunt actu, manent autem habitu & reatu, id est, secundum maculam & debitum pœnæ, *Nulla modo impediunt effectum huius Sacramenti; potest enim contingere, quod aliquis post multa peccata venialia commissa, devotè accedat ad hoc Sacramentum, & plenariè huius Sacramenti consequatur effectum*, inquit S. Thomas 3. P. Q. 79. A. 8. Cum enim Eucharistia vim habeat peccata venialia remittendi, ut supra ostensum est, neque pugnent cum habitu caritatis; huius Sacramenti effectum omnem, scilicet incrementum gratiæ & caritatis impedire non possunt. Unde Concilium Tridentinum Sessione 13. Cap. 7. significat eum *Qui nullius sibi conscius est mortalis peccati*, paratum esse, quantum necesse est, ut Sacram Eucharistiam dignè percipiat. Et Cap. 8. declarat, *Illos sacramentaliter simul & spiritaliter Eucharistiam sumere, Qui ita se priùs probant & instruunt, ut vestem nuptialem induti ad divinam hanc Mensam accedant*. Quicumque verò lethalis peccati purus est, vestem nuptialem est indutus: quam ob rem ipsi salutaris est Corporis Domini manducatio, etiamsi peccatis venialibus sit implicatus. Si verò secundo modo spectentur peccata venialia, ut nimirum actu com-

PARS I.

Art. 4.

S. 4.

An peccata venialia effectum Eucharistiæ impediunt?

mit-

PARS I.

Art. 4.

§. 5.

mittuntur, vel placent, *Non ex toto quidem impediunt hujus Sacramenti effectum, propter easdem rationes; sed ex parte. Dictum est enim, quod effectus hujus Sacramenti non solum est adeptio habitualis gratiæ vel caritatis, sed etiam quadam actualis refectio spiritualis dulcedinis. Quæ quidem impeditur, si aliquis accedat ad hoc Sacramentum per peccata venialia mente distractus: non autem tollit augmentum habitualis gratiæ vel caritatis (inquit S. Thomas 3. Part. Q. 79. A. 8.)*

§. V.

De Eucharistiæ consecrandæ Ministro.

*Eucharistia consecrandæ
Minister.*

209. **S**olus Sacerdos Eucharistiæ consecrandæ Minister est. Solis enim Apostolis, & in eorum persona Sacerdotibus collata est à Christo Domino potestas faciendi quod ipse fecerat, consecrandi scilicet, simul & manducandi bibendique Corpus & Sanguinem suum sub hoc Sanctissimo Sacramento, ut constat ex *Luc. 22. Cap. Et accepto pane, gratias egit, & fregit, & dedit eis dicens: Hoc est Corpus meum quod pro vobis datur: Hoc facite in meam commemorationem. Quæ nisi ad actionem Consecrationis referantur, nullum de consecrandæ Eucharistia divinum mandatum in Scriptura sacra expressum erit: quod ne Lutherani quidem & Calvinistæ admittent,*

210. Con-

210. Quamvis Eucharistiæ dispensatio ad Sacerdotes jure pertineat, Diaconis tamen, urgente necessitate, ab Episcopo committi posset ut Ministris extraordinariis. Prima pars Propositionis probatur ex *S. Paulo* 1. ad Corinthios 4. Apostolos, & eorum Successores vocante *Ministros Christi, & dispensatores Mysteriorum Dei*. Pars altera Propositionis, scilicet quod Diaconis Eucharistiæ dispensatio ab Episcopo urgente necessitate committi possit, probatur Veterum testimoniis, & antiqua Ecclesiæ consuetudine.

211. Cum plures Sacerdotes unam & eandem Hostiam simul consecrant, ut fit in Sacra Ordinatione, verba consecrationis ita proferre debent, ut ea cum Episcopo ordinante, qui in celebratione Sacrificii primas habet, simul absolvant; eaque debet esse ipsorum intentio ut simul cum illo consecrent, nihil confecturi, si prius vel posterius prolationem verborum absolverent. Nisi enim intentionem ita dirigerent suam, & recens Ordinatum aliquis Episcopum præveniret, solus ille consecraret, atque ita contingeret Episcopum qui principaliter celebrat, non consecrare; quod Ecclesiæ intentioni omnino repugnat. Id colligitur ex *Innocentio III. Lib. 4. De Mysteriorum Missæ*, Cap. 25. Hanc doctrinam sequitur *S. Thomas 3. P. Q. 82. A. 2.*

De Eucharistiæ consecratione a pluribus Sacerdotibus.

212. Sacerdos consecrans Eucharistiam, *De sumptibus*
I. hoc

PARSI.

Art 4.

S. 5.
tione Eu-
charistia
à Sacer-
dote con-
secrata.

hoc Sacramentum integrè sumere tenetur ; quotiescunque consecrat. Unde Canone 5. Concilii Toletani 12. dicitur : *Quale est Sacrificium , cui nec ipse Sacrificans particeps esse dignoscitur ?* Per hoc autem fit particeps , quòd de Sacrificio sumit , secundum illud Apostoli 1. ad Corinthios 10. *Nonne qui edunt hostias , partipes sunt Altaris ?* Et idèd necesse est ut Sacerdos , quotiescunque consecrat , sumat integrè hoc Sacramentum.

Ita differit S. Thomas 3. P. Q. 82. Art. 4. Si tamen miraculosè Corpus Christi in Altari sub specie carnis appareret , aut Sanguis sub specie sanguinis , non esset sumendum : Ita S. Thomas , in Responsione ad tertiam objectionem . Nec propter hoc Sacerdos transgressor efficitur (inquit S. Thomas) *Quia ea quæ miraculosè fiunt , legibus non subduntur . Consulendum tamen esset Sacerdoti ut iteratò Corpus & Sanguinem Domini consecraret & sumeret ,* Quod autem sub specie carnis aut sanguinis appareret , in Sacratio Reliquiarum instar includendum ac reservandum esset , si talis species ab omnibus , diùque videretur . Verùm si quibusdam sub specie carnis & sanguinis , aliis verò , & ipsi in primis Sacerdoti sub specie panis & vini Sacramentum ut priùs videatur , vel eidem per aliquod temporis intervallum appareat sub specie carnis & sanguinis , & postmodum sub specie panis ante Communionem à Sacerdote celebrante sumi debet : siquidem nul-

*Quid si
Corpus
Christi
appareat
in Altari.*

nulla immutatio facta est in Sacramento, sed solum in oculis videntium; in quibus species illa divinitus formata est ad ostendendam manifestè Corporis & Sanguinis Christi sub hoc Sacramento veritatem. Ita docet *S. Thomas* 3. P. Q. 76. A. 8.

213. Sacerdoti non licet à consecratione Eucharistiæ, sive à celebratione Sacrosancti Missæ Sacrificii omnino cessare, etiam si curam nō habeat Animarum. Ita *S. Thomas* 3. P. Q. 82. A. 10. *Quidam* (inquit) *dixerunt*, quod Sacerdos potest omnino à consecratione licitè abstinere; nisi teneatur ex cura sibi commissa celebrare, & populo Sacramenta præbere: sed hoc irrationabiliter dicitur, quia unusquisque tenetur uti gratiâ sibi datâ, cum fuerit opportunum, secundum illud 2. ad Corinthios 6. Exhortamur, ne in vacuum gratiam Dei recipiatis. Opportunitas autem Sacrificium offerendi, non solum attenditur per comparisonem ad Fideles Christi, quibus oportet Sacramenta ministrari, sed principaliter per comparisonem ad Deum, cui consecratione huius Sacramenti Sacrificium offertur: unde Sacerdoti, etiamsi non habeat curam animarum, non licet omnino à celebratione cessare; sed saltem videtur quod celebrare teneatur in principis Festis, & maximè illis diebus, quibus Fideles communicare consueverunt. Quamvis ergo non teneatur Sacer-

Sacerdotum obligatio respectu celebrationis S. Missæ Sacrificii.

PARS I.

Art. 4.

S. 5.

dos alia Sacramenta administrare nisi propter curam Animarum susceptam, non eadem est Eucharistiæ consecrandæ ratio. *Alia enim Sacramenta perficiuntur in usu Fidelium: & ideo in illis ministrare non tenetur nisi ille qui super Fideles suscipit curam: sed hoc Sacramentum perficitur in consecratione Eucharistiæ, in qua Sacrificium Deo offertur: ad quod Sacerdos obligatur Deo ex Ordine iam suscepto (inquit S. Thomas in Responsione ad primum.)* Hinc Tridentinum Concilium Sessione 23. Cap. 14. De Presbyterorum dotibus & munere statuens, hæc habet: *Curet Episcopus, ut ii saltem diebus Dominicis, & Festis solemnibus; si autem curam habuerint animarum, tam frequenter ut suo muneri satisfaciant, Missas celebrent.* Concilium Mediolanense 1.

Sacerdotes
qui non
celebrant
diebus Do-
minicis, &
Festivis
solemnio-
ribus.

sub S. Carolo, P. 2. Tit. De frequenti divini Sacrificii oblatione, ita statuit: *Cum Pontifices, ut inquit Apostolus, ex hominibus assumpti, pro hominibus constituentur in iis que sunt ad Deum, ut offerant dona & Sacrificia pro peccatis; Episcopus Dominicis, & reliquis Festis diebus, nisi iure impediatur, Missam celebret.* Tridentini etiam Concilii auctoritatem secuti, præcipimus Sacerdotibus reliquis, cujuscunque gradus, conditionis, & dignitatis illi sint, ut iisdem diebus Missam celebrare ne omittant. Curatis verò, ut prætereà ter in hebdomada, aut etiam sæpius,

quo

quò vel loci consuetudo, vel necessitas cre-
briorem divini Sacrificii usum postulabit.
Concilium Remense anno 1583. Sacerdotes,
inquit, non diebus tantum solemnibus, sed
etiam Dominicis, sapiusque, si fieri potest, sa-
crificent. Denique nota est illa, quæ sub Ve-
nerabilis Bedæ nomine circumfertur, Sen-
tentia: Sacerdos non legitime impeditus, ce-
lebrare omittens, quantum in eo est, privat
Sanctam Trinitatem laude & gloriâ, Ange-
los latitiâ, peccatores veniâ, Justos subsidio &
gratiâ, in Purgatorio existentes refrigerio Ec-
clesiam speciali Christi beneficio, seipsum
medicina & remedio.

214. Rei sunt mortalis peccati, qui nun-
quã aut raro Missam celebrant. Nam Etiam si
nulli homini teneantur, tamen tenentur Deo,
ut reddant ei Sacrificium acceptum: Sacer-
dotibus enim præceptum est: HOC FACITE
IN MEAM COMMEMORATIONEM (in-
quit S. Thomas in 4. Sententiarum, Dist. 13. Q.
1. A. 2. Quæstiunc. 1.) Et rursus: Quia, inquit,
secundum Gregorium, cum crescunt sive au-
gentur dona, rationes crescunt donorum; cum
Sacerdoti data sit nobilissima potestas, reus
negligentia erit, nisi illâ utatur ad honorem
Dei, & salutem suam, & aliorum vivo-
rum & mortuorum, secundum illud 1. Pe-
tri Cap. 3. Unusquisque gratiam accepit,
in alterutrum illam ministrantes, &c. Nisi
forte aliquis ex familiari Spiritus-Sancti

Qui nun-
quam aut
raro Missam cele-
brant.

PARS I.

Art. 4.

§. 5.

instinctu dimittat : sicut legitur de quodam Sancto Patre in Vitis Patrum , qui ordinatus , nunquam postea celebravit . Et in ipso Quæstionis lumine ita ratiocinatur S. Thomas : Sed contra est , quod Ambrosius dicit : „ GRAVE est quodd ad Mensam tuam munda corde , & manibus innocentibus non venimus ; sed gravius est , si dum peccatum metuimus , etiam Sacrificium non reddamus ; Sed primum est mortale : ergo & secundum . Quam ob rem Caietani Sententiam à peccato mortali excusantem Sacerdotes nusquam aut raro celebrantes , ex ejus Commentariis expungi jussit Pius V. Pontifex Sanctissimus .

S. Eucharistiam in Missa post Communionem celebrantibus Fidelibus administrari magis decet.

215. Eucharistiam extra Missam , aut initio , vel post finem Missæ , citra necessitatem administrari minus decet . Ut enim S. Dionysius Lib. De Ecclesiastica Hierarchia , §. 15. ait : *Ipsa Mysteriorum perceptio mysticam eorumdem distributionem antecedit . Hic enim rerum divinarum ordo est , ut prius ipse sacer Antistes communice , ac iis Donis , quæ per ipsum cæteris divinitus distribuenda sunt , satietur ; ac deinde aliis ea tradat . Veterem hanc fuisse Ecclesiæ Disciplinam , ut post Sacerdotis celebrantis Communionem , Eucharistia Clericis primum , secundum Ordinum gradus , deinde Monachis , Diaconis , sacris Virginibus ; novissimè iis ex populo , qui parati erant , ad-*

administraretur, constat ex Ordine Romano, & ex Veteribus Sacramentariis ac Liturgicis Libris, ubi Oratio quæ post Communionem dicitur, pro iis nominatim funditur, qui in Missa communicarunt. Optaret autem Ecclesia, ut Fideles omnes ac singuli qui Missæ Sacrificio interfunt, *Non solum spirituali affectu, sed sacramentali etiam Eucharistia perceptione communicarent, quod ad eos sanctissimi hujus Sacrificii fructus uberius proveniret* (inquit Synodus Tridentina Sess. 22. Cap. 6. Et Rituale Romanum Pauli V. Titulo De Sacramento Eucharistia, hæc præscribit: *Communio autem populi intra Missam statim post Communionem Sacerdotis fieri debet (nisi quando ex rationabili causa post Missam sit accipienda) cum Orationes quæ in Missa post Communionem dicuntur non solum ad Sacerdotem, sed etiam ad alios communicantes spectent. Ut igitur Ecclesiæ spiritui se accommodent Sacerdotes, sacram Communionem, citra necessitatem, populo administrare non debent ante Missam, aut post finem Missæ; sed in Missa ipsa, postquam Christi Corpus & Sanguinem ipsi sumserunt.*

PARS I.

Art. 4.

§. 6.

§. VI.

De usu Eucharistiæ sive Communionis.

Conscius
peccati
mortalis
sumens
Eucharis-
tiam pec-
cat mor-
taliter.

216. **N**ullus sibi conscius peccati
mortalis Eucharistiam su-
mere debet, aut potest absque novo pecca-
to lethali, gravissimoque sacrilegio. Eu-
charistia enim à Christo instituta est ut cibus
fidelis animæ, & panis filiorum Dei; Joannis
6. *Caro mea verè est cibus, & Sanguis meus
verè est potus*. Cibus autem non mortuo-
rum est, sed viventium. Merito itaque sa-
cra Synodus Tridentina Sessione 13. Canone
11. Hæreticorum errorem confixit, qui so-
lam fidem sufficientem dispositionem esse ad
sumtionem Eucharistiæ asserunt. *Si quis di-
xerit, solam fidem esse sufficientem prapa-
rationem ad sumendum Sanctissimæ Eucha-
ristiæ Sacramentum; Anathema sit.* Et, ne
tantum Sacramentum indignè, atque ideo
in mortem & condemnationem sumatur;
statuit atque declarat ipsa Sancta Synodus,
illis quos conscientia peccati mortalis gra-
vat, quantuncumque etiam se contritos exi-
stiment, habitâ copiâ Confessoris, necessariò
præmittendam esse Confessionem Sacramen-
talem. Si quis autem contrarium docere,
prædicare, vel pertinaciter asserere, seu
etiam publicè disputando defendere præsum-
se.

ferit; eo ipso excommunicatus existat.

PARS I.

Art. 4.

§. 6.

Quid si
peccator
non habet
peccati
conscientiam?

217. Obijcitur; contingit ut peccator non habeat peccati conscientiam, qui si peccaret sumendo Eucharistiam, nemini non periculosum esset ad sacram Communionem accedere; quia meritò quisque metuit etiam post accuratum examen conscientie, ne aliquid adhuc lateat in corde suo propter quod Deo displiceat, secundum illud Apostoli 1. ad Corinthios 4. *Nihil mihi conscius sum; sed non in hoc justificatus sum.*

Resp.

218. Respondet S. Thomas Bifariam contingere ut aliquis non habeat conscientiam peccati: primò ex ejus culpa, vel quia per ignorantiam juris, quæ non excusat, censet non esse peccatum quod reverà peccatum est (ut si fornicator existimet simplicem fornicationem non esse peccatum mortale;) Vel quia negligenter conscientiam examinavit, contra mandatum Christi ab Apostolo promulgatum 1. ad Corinthios 11. *Probet autem se ipsum homo, & sic de Pane illo edat, & de Calice bibat.* Et qui hoc modo non habens conscientiam peccati sumit Corpus Christi, nihilominus peccat, *Quia ipsa ignorantia est ei peccatum.* Alio modo potest contingere sine culpa ipsius; sicut cum doluit de peccato, sed non est sufficienter contritus. Et in tali casu non peccat sumendo Corpus Christi: quia homo certò scire non potest utrum sit verè contritus. Sufficit enim si in se signa contritionis inveniat, nempe si doleat de præ-

PARS I.

Art. 4.

S. 6.

præteritis, & proponat cavere de futuris. Si verò ignorat id quod fecit esse peccatum, Ignorantiâ facti, quæ excusat; verbi gratiâ, si ad alienam conjugem accessit, quam credebatur esse suam, non ex hoc dicendus est peccator. Similiter si peccatum omnino ex memoria excidit, sufficit ad ejus remissionem obtinendam generalis contritio.

*Quibus
admini-
strare Eu-
charisti-
am non licet.*

219. Pueris, aliisque rationis usu penitus destitutis hominibus Eucharistiam administrare non licet. Hi enim neque Sacramentum Eucharistiam à communi & profano pane discernere valent, neque ad eam accipiendam pietatem animi & religionem asserre possunt. Atque id etiam à Christi Domini institutione alienissimum videtur; ait enim: *Accipite, & comedite.* Infantes autem idoneos non esse qui accipiant & comedant, satis constat (inquit Tridentini Concilii Catechismus.) Cum verò pueri hujus admirabilis Sacramenti cognitionem & gustum habent, quod ex parentum, & Parochi, vel Sacerdotis cui eorum in Doctrina Christiana institutio commissa est, & cui peccata confitentur, judicio pendet, ad Communionem possunt admitti, circa decimum vel undecimum annum, *Si in eis signa discretionis appareant, & devotionis, ut docet S. Thomas in 4. Sententiarum Dist. 9. Quæst. 1. A. 5. Quæstiuncula 4. id ut ritè fiat: Parochus in Quadragesima per singulas Parochiales familias delectum habeat puerorum &*

*Prima
Commu-
nio.*

addo.

*adoleſcentum, qui primū in Paſchali Ce-
lebritate proxima ſacram Communionem
ſumturi ſunt. Ac præterea hiſ iſſis omnibus
in ſingulas Quadrageſimæ hebdomadas cer-
tos præſtituat ſcrutiniſ dies, quibus illos non
ſolū accuratè examinet, ſed inſtruat quā
diligentiſſimè. Ita S. Carolus in Inſtructio-
nibus.*

220. Adultæ verò ætatis hominibus,
qui nullū unquam rationis uſum habue-
runt, & nullo pietatis ſenſu erga divinum
illud Sacramentum affecti ſunt, Euchariſtia
porrigi non debet. Si verò aliquem uſum
rationis habeant, ſed debilem, & aliquo pie-
tatis & reverentiæ ſenſu erga iſtud Sacra-
mentum afficiantur, illis non eſt denegan-
dum. Iſ verò qui rationis uſu non fuere
ſemper à nativitate deſtituti, ſi, quando
mentis ſuæ compotes fuerunt, piam & reli-
gioſam animi voluntatem, atque devotio-
nem erga Sanctiſſimum Sacramentum præ-
ſe tulerint, debet eis in articulo mortis Eu-
chariſtia adminiſtrari, niſi fortè peticulum
vomitūs, exſpuitionis, vel alterius incom-
modi timendum ſit. Ita ſtatuit Concilium
Carthaginenſe 4. Canone 74. & refertur
Cauſa 26. Quæſt. 6. Cap. *Qui per Pœnitentiam,*
cujus hæc ſunt verba: Is qui in in-
firmitate Pœnitentiam petit, ſi caſu, dum
ad eum Sacerdos invitatus venit, oppreſſus
infirmirate obmutuerit, vel in phreneſim
converſus fuerit, dent teſtimonium qui eum

*Quid de
rationis
uſu debi-
libus?*

*De non
perpetuo
amentibus.*

PARSI.

Art. 4.

S. 6.

audierunt & accipiat Pœnitentiam; & si continuo creditur moriturus, reconcilietur per manûs impositionem, & infundatur ori ejus Eucharistia. Et Concilium Arausicanum I. Canone 13. ex quo sumtum est Cap. *Qui recedunt*, ibidem: *Amentibus*, inquit, *quæcumque pietatis sunt, conferenda.* Ita etiam S. Thomas 3. P. Q. 80. A. 9. S. Carolus in Instructionibus, & Catechismus Concilii Tridentini.

De Energumenis.

221. Energumenis baptizatis administrari potest Eucharistia, eo temporis intervallo quò à dæmone non vexantur, si id Episcopus vel Sacerdos eorum purgationi ab Episcopo præpositus congruum judicaverit. Ea fuit veteris Ecclesiæ disciplina, ut constat ex Concilio Arausicano I. Canone 14. S. Thomas hanc difficultatem ita solvit: *De baptizatis; qui corporaliter ab immundis Spiritibus vexantur, est eadem ratio & de aliis amentibus.*

De peccatoribus manifestis.

222. Peccatoribus manifestis, sive per evidentiam facti, ut publicis concubinariis, adulteris, usurariis, raptoribus, meretricibus, histrionibus, aleatoribus; vel aliquo Judicio Ecclesiastico aut sæculari convictis atque damnatis, sacra Communio dari non debet, quantumvis illam enixè petant. Præceptum enim Christi est Matth. 7. *Nolite sanctum dare canibus;* & Matth. 15. *Non est bonum sumere panem filiorum, & mittere canibus;* quo nomine manifesti præsertim

pec-

peccatores designantur , propter impudentiam , quâ in omnium oculis , & cum gravi Ecclesiæ scandalo peccare non verentur .

PARS I.

Art. 4.

§. 6.

223. Peccatoribus occultis, sacram Communionem publicè petentibus, non debet denegari. *Cum enim quilibet Christianus, hoc ipso quòd baptizatus est, sit admis- sus ad Dominicam Mensam, non potest ei jus suum tolli, nisi pro aliqua causa manife- sta* (inquit S. Thomas 3. P. Q. 80. Art. 6. *Ideo Christus Judam non repulit à Commu- nione; ut daret exemplum, tales peccatores occultos non esse ab aliis Sacerdotibus expel- lendos,* ait idem S. Doctor 3. P. Q. 81. A. 2. ad 2. Denique caritas jubet, ut famæ proximi consulatur, & scandalum aliis non creetur: at proximi fama læderetur, & scandalum aliis crearetur, si proderetur crimen occul- tum: quamobrem illi, cujus crimen occul- tum est, negari communio non debet, cum publicè petit. Ita denuò S. Thomas in 4. Sententiarum, Dist. 9. Q. 1. A. 5.

224. „ Licet porro pejus sit peccatori „ occulto peccare mortaliter sumendo Cor- „ pus Christi, quàm infamari; tamen Sa- „ cerdoti ministranti Corpus Christi pejus „ est peccare mortaliter, infamando in- „ justè peccatorem occultum, quàm quòd „ ille mortaliter peccet; inquit S. Thomas „ Quæstione 80. & Articulo 6. laudatis, ad „ 2. Quia nullus debet peccatum mortale „ committere, ut alium liberet à peccato.

Occurri-
tur obje-
ctioni.

Non

PARS I.

Art. 4.

S. 6.

Non sunt enim facienda mala, ut eveniant bona: & Periculosissimè admittitur compensatio flagitiorum, vel quorumcumque peccatorum, ut nos faciamus mali aliquid ne alius gravius malum faciat; inquit S. Augustinus Quæstione 42. in Genesim.

Alteri ob-
iectioni
occurri-
tur.

225. Nec verò par est ratio pharmaci mortiferi quodd Mediciis ægroto, etiam volenti & petenti dare non debet, & Sacramenti Eucharistiæ, ex cujus indigna sumptione Sacerdos novit mortem inferendam homini peccatori. Nam pharmacum per se & naturaliter operatur; hoc autem Sacramentum non per se, sed culpâ indignè summentis, ipsi mors est. Deinde jus non habet æger ad pharmacum sibi nociturum; imò verò jus habet ad vitam, quæ hoc pharmaco extinguitur; at peccator occultus jus habet ad summptionem Eucharistiæ, cum in facie Ecclesiæ non constet ipsum amisisse jus suum. Adde, quodd Potius deberet eligere Medicus medicinam esse mortiferam infirmo, quàm sibi, si alterutrum oporteret; & similiter Sacerdos potius deberet eligere quodd peccator summat ad perditionem suam, quàm ipse denegat in perditionem propriam, scandalizando, & peccatum occultum revelando. Et præterea non est certum utrum sit ei mortifera, quia Spiritus ubi vult spirat. Unde subito potest esse compunctus, & divinitus à peccato purgatus, & divina inspiratione ad Sacramentum accedere; inquit S. Thomas

in 4.

in 4. *Sententiarum*, Dist. 9. Quæst. 1. A. 5.

226. Nec etiam par est ratio gladii, qui reddi non debet homini furioso petenti, ut sibi vel alteri mortem inferat. Primò, quia subtractione gladii vitatur homicidium: subtractione autem Sacramenti non vitatur peccatum illud indignè sumere volentis, sed solum actus exterior: *Ipsa siquidem petitione peccavit mortaliter, in peccatum mortale consentiens*, ut ait S. Thomas. Secundò, quia negando gladium, nullà infamiæ labe aspergitur proximus: at negando Sacramentum grave vulnus infertur famæ proximi. Tertio, quia vita corporis reparari non potest: at damnum animæ resarciri potest à Deo peccatoris voluntatem mutante: ut ejus misericordiâ sæpe contingit. Quartò, quia Sacerdos agit ut publicus bonorum communium dispensator: ille autem apud quem alter gladium deposuit, privata persona est, cuius proinde actio scientiâ privatâ dirigi debet. Sicut autem parère teneretur homo sententiæ Judicis gladium homini reddere jubentis, quem furiosum quidem nosset ille, sed certis documentis probare non posset: ita peccatori, quem talem esse publicis testimoniis, aut Judicis sententiâ, vel propria confessione in aliquo Judicio sive sæculari, sive Ecclesiastico factâ, non constat, jus suum reddendum est circa sumtionem Sacramenti, quod ei in foro exteriori debetur.

227. Si peccator occultus, cujus crimen *Peccatori*
Sacer-

PARS I. Sacerdoti notum est, Eucharistiam in occulto petat, *Debet ei denegare, & monere ne*

§. 6. publice petat. Ita S. Thomas in 4. Sententiarum, Dist. 9. Quæst. 1. A. 5. Nullum enim est scandalum vel infamiae periculum, si eo in casu negetur.

est Eucharistia. 228. Peccatori vehementissima suspicionem criminis ex fama publica laboranti, deneganda quoque negari debet Eucharistia. Ita docet S. Thomas in 4. Sententiarum, Dist. 9. Quæst. 1. Art. 5. Quæstiuncula 2. Si autem sit singularis ipsius criminis Sacerdotis suspicio; quantumvis violenta, ex fama laboranti. *Debet dari in publico, sed non in occulto.*

Publicis peccatoribus post reconciliationem communio non neganda. 229. Post pœnitentiam & reconciliationem, etiam publicis peccatoribus non est Communio deneganda, præcipue in articulo mortis: inquit S. Thomas 3. P. Q. 80. A. 6.

330. Hostiam non consecratam loco consecratae dare peccatori non licet. In Sacramento enim veritatis nulla fictio esse debet. Præterea, cum nemo Carnem Christi manducet, nisi prius adoraverit, ut ait S. Augustinus exponens versum illum Psalmi 21. Manducaverunt & adoraverunt: necnon illum Psalmi 48. Adorate scabellum pedum ejus, quoniam sanctum est: Sacerdos occasionem idololatriæ daret tum sumentibus, cum aliis præsentibus. Unde Innocentius III. Cap. De homine, Extra, De Celebratione Missarum, ait: Cum ergo falsa sint abjicienda remedia, quæ veris sunt periculis graviora, licet is qui pro sui criminis conscientia

tia reputat se indignum, peccet graviter si se ingerat irreverenter ad illud: gravius tamen videtur offendere, qui sic fraudulenter illud præsumerit simulare: cum ille in solius misericordis Dei manum incidat, iste verò non solum Deo, cui non veretur illudere, sed populo quem decipit, se adstringat. Ita & S. Thomas 3. P. Q. 80. A. 6. ad secundum, & Quodlibeto 5. Quæst. 6. A. 2. ubi & ad 3. ait: Stultus esset Medicus, qui cum majori suo periculo minus periculum infirmi vellet impedire; putà si vellet ipse venenum bibere, ne infirmus biberet vinum: multò autem magis peccat Sacerdos fictionem faciens in Sacramento Christi, quàm peccator indignè sumens: undè stultus esset Sacerdos, si, ut vitaret peccatum subditi, ipse gravius peccaret, fictionem faciens in Sacramento veritatis.

231. Corpus Christi suspectis de crimine dare non licet ad illius manifestationem. Non enim is est divini Sacramenti finis, neque ideo institutum est à Christo, ut alicujus peccatum manifestetur. Deinde, id fieri non potest sine tentatione Dei, adeoque nec sine peccato: *Et gravius videretur* (inquit S. Thomas in Responsione ad 3.) *si in hoc Sacramento quod est institutum ad remedium salutis, aliquis incurreret judicium mortis.* Tertiò, daretur occasio indignæ Communionis, dum ille qui crimen commisisset, nolens se prodere, cum alijs ad sacram Com-

*Ad manifesta-
tionem
criminis
corpus
Christi da-
re non li-
cet.*

PARS I.

Art. 4.

§. 7.

munionem accederet. Nec verò ulla est id faciendi necessitas, cùm occulta peccata sint Dei iudicio reservanda. Et quamvis nonnulli Canones huiusmodi probationem per Corpus Christi permiserint, ut Concilii Vvornatiensis Canon 15. relatus Causâ 2. Quæst. 4. Cap. *Sape contingit*, qui hoc medio furta in Monasteriis commissa jubet explorari: hi tamen Canones sunt abrogati contrariis Romanorum Pontificum Decretis, ut constat ex Cap. *Consuluitis*, Dist. 2. *De Consecratione*, & Cap. *Ex tuarum*, Extra, *De Purgatione Canonica*.

Peccatoribus re-lapsis non facile concedenda Communio.

232. Si publici peccatores, manifestòque infames, ad Pœnitentiam & Communionem admissi, postea in eisdem peccatorum sordibus versabuntur; ad hujus Sacramenti perceptionem rursus ne facile admittantur, quoad ipse Parochus, qui illorum curam gerit, eos vitam & mores reipsa emendasse perspexerit. Ita S. Carolus, in *Instructionibus*.

§. VII.

De Præparatione Animi ad sacram Communionem.

Dispositiones animi requiritæ ad Sacram Cõ-

233. **D**E Animi præparatione hæc potissimum populo Christiano tradenda & explicanda docent Concilii Tridentini Catechismus, & S. Carolus in *In-*
stru-

structionibus . Primùm itaque præparandus ad sacram Communionem animus est per fidei plenitudinem , secundùm illud ad Hebræos 10. *Accedamus cum vero corde in Fidei plenitudine* . Cum vero corde, id est, cum vero intellectu sine errore . In plenitudine fidei , id est , plena fide credentes quæ non videmus, scilicet sub specie panis esse totum Christum, verum hominem & verum Deum. Propter hujus fidei meritum dicitur 1. Petri 1. *Credentes in Christum quem non videtis, exultabitis lætitiâ inenarrabili & glorificatâ, reportantes finem fidei vestræ, salutem animarum* .

234. Secundò conscientiam nostram scrutari diligenter debemus, ne fortè exitiali aliquo peccato contaminati simus, ut priùs Contritionis & Confessionis medicamento illud eluatur, secundùm divinum illud Præceptum, ab Apostolo promulgatum: *Probet autem se ipsum homo, & sic de pane illo edat, & de Calice bibat* . ECCLESIASTICA AUTEM CONSUETUDO declaratur, eam probationem necessariam esse, ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad sacram Eucharistiam accedere debeat: inquit Synodus Tridentina Sessione 13. Cap. 7. *Quod à Christianis omnibus, etiam ab iis Sacerdotibus, quibus ex officio incumberet celebrare, hæc sancta Synodus perpetuò servandam*

Conscien-
tiæ puri-
tas .

Confessio
præmit-
tenda ab
iis qui cō-
scii sibi
sunt pec-
cati mor-
talis .

PARS I.

Art. 4.

S. 7.

*Nisi ne-
cessitas ur-
geat &
desit copia
Confesso-
ris.*

*Quid per
necessita-
tem Ur-
gentem
intelliga-
tur?*

*esse decrevit, modò non desit illis copia Con-
fessoris: quòd si, necessitate urgente, Sacer-
dos absque prævía Confessione celebraverit,
quamprimum consteatur. Idem statuit Sy-
nodus Rothomagensis anni 1581. Burdigala-
ensis 1583. Cap. 5. Bituricensis 1584. A-
quensis 1585. Necessitatem urgentem intel-
lige, cùm Parocho ratione sui officii neces-
sariò celebrandum est, ut populus Ecclesiæ
præcepto de Missa diebus Dominicis & Fe-
stis audienda satisfaciat: vel ut Hostias ad
infirmorum Communionem consecret: vel
cùm Missam celebrans alicujus peccati
mortalis meminit post Consecrationem, aut
etiam ante, nec Sacerdotem à quo absolva-
tur, absque scandalo vocare potest. Deesse
etiam censetur Confessarius, cùm ex Con-
fessione alicujus peccati, vel circumstantiæ
necessariæ, probabiliter timet Pœnitens si-
bi, vel Confessario, vel alteri, grave dam-
num animæ, vitæ vel famæ, ut docet S. Tho-
mas in 4. Sententiarum, Dist. 17. Q. 3. A. 3.
Quæstiuncula 4. ad quintum.*

*Quamvis
necessitas
de qua
Concilium
Trident. sess.
13. cap. 7.
pertinere
possit ad
reliquos
fideles ca-*

*235. Quamvis porrò casum illum ne-
cessitatis urgentis, & defectûs Confessarii,
in quo Tridentinum Concilium Sacerdotem
absque prævía Confessione licitè celebrare
posse significat, Theologi plerique ad alios
Fideles ad sacram Communionem accedere
volentes etiam pertinere afferant: ut pari
jure absque prævía Confessione Eucharis-
tiam sumere possint in similibus angustiis*

constituti : cavendum est nihilominus ne facultas illa nimium extendatur . Nam si desit copia Confessarii Laïco ultimo die Quindenæ Paschalis, potiùs abstinendum est à sacra Communione , quàm ad eam accedendum absque Confessione lethalis alicujus peccati . Ab observatione enim Ecclesiastici præcepti excusat impotentia , vel necessitas : nec propter illius observantiam præceptum divinum violare usquam licet . Præceptum autem de Communione Paschali Ecclesiasticum est, quoad temporis determinationem : ab ejus igitur observatione statò tempore excusat impotentia vel necessitas : cum autem aliquis mortali peccato contaminatus est, nec præsentem habet Confessarium , nec absentem adire potest , censetur impotens in illis angustiis ad satisfaciendum Ecclesiæ præcepto de Communione Paschali : potest ergo illam differre donec habeat copiam Confessarii, vel absentem adire possit . Cum vero divinum sit præceptum de peccato mortali eluendo iis mediis , quæ Christus instituit , antequam Eucharistiæ Sacramentum sumamus : non est illud prætermittendum ac violandum ut Communio percipiatur intra Quindenam Paschalem . Metus etiam imminutionis famæ non est sufficiens ratio ut Clericus , Monachus , vel Monialis , absque Confessione prævia communicent iis diebus , quibus generalis Communio Clericis , Monachis , vel Monialibus

PARSI.

Art. 4.

S. 7.

*vendum
tamen ne
nimium
extenda-
tur .*

PARS I.

Art. 4.

S. 7.

secundum Ordinis, vel Seminarii Statuta, aut consuetudinem indicta est, si mortalis peccati conscientiam habeant, quod tunc confiteri non possint: Quia, (ut ait Innocentius III. Lib. 4. De Mysteriis Missae, Cap. 13.) *Peccator debet potius eligere ut abstinendo reddatur suspectus, quam ut communicando manducet indignus.* Et, (ut ait S. Thomas, 3. P. Q. 80. A. 6.) *Peius est peccatori occulto peccare mortaliter sumendo Corpus Christi, quam infamari.* Unde *Peccator occultus potius deberet eligere infamari, quam indignè ad Mensam Domini accedere.* Nec satis est ut actum contritionis elicere conetur: cum enim in Eucharistia contineatur Sanctus Sanctorum, qui ad eam accedit curare debet ut sit sanctificatus: unde Diaconus olim ante Communionem clamabat, *Sancta Sanctis.* At quamvis per contritionem aliquando contingat hominem Deo reconciliari & peccatorum remissionem obtinere ante Sacramentalem Absolutionem, id tamen semper non accidit, cum non omnis contritio sit *Caritate perfecta.* Quæ autem caritate perfecta non est, *Sine Sacramento Pœnitentiæ per se ad justificationem perducere peccatorem nequit;* (ut docet Conciliū Tridentinum Sessio 14. Cap. 4.)

Solutio
dubiorum
aliquot
circa Con-

236. Rogabis primò, Quæ dispositio necessaria sit Sacerdoti absque prævia Confessione celebranti, cum urget necessitas, & copia Confessarii deest, si peccati mortalis

con-

conscientiam habeat ? Respondeo , Necessariam esse veram contritionem , sincerum scilicet de peccatis dolorem ob Deum offensum , & ex Dei super omnia dilectione conceptum . Cum enim Eucharistia non sit Sacramentum mortuorum , sicut Baptismus , & Pœnitentia , sed viventium ; per se exigit , ut suscipiens sit in statu gratiæ constitutus .

237. Rogabis secundò , Utrùm ille cuius memoriæ occurrit mortale peccatum , cuius in Confessione oblitus est , illud ante Communionem confiteri teneatur , cum *Peccata , quæ diligenter cogitanti non occurrunt , in universum eadem Confessione inclusa esse intelligantur* , eademque Absolutione Sacramentali condonata ? ut docet Concil. Trident. Sess. 14. Cap. 5. Respondeo ; (Præcisò scandalò) ad illius peccati Confessionem teneri prius quam Eucharistiam suscipiat ; quia non solum præcipitur Confessio ante sacram Communionem , sed ut fiat integrè de omnibus quorum habetur memoria . Peccata verò , quæ diligenter cogitanti non occurrunt , in universum eadem Confessione inclusa esse intelliguntur , & generali contritione delentur ; ea tamen lege ut paratus sit Pœnitens , ad ea quæ subinde in memoriam revocata fuerint , sigillatim confitenda Sacerdoti .

238. Rogabis tertio ; Quid facto sit opus ei qui solam opinionem vel probabile dubium habet de peccato mortali non confes-

PARS I.

Art. 4.

S. 7.

secundum Ordinis, vel Seminarii Statuta, aut consuetudinem indicta est, si mortalis peccati conscientiam habeant, quod tunc confiteri non possint: Quia, (ut ait Innocentius III. Lib. 4. De Mysteriis Missæ, Cap. 13.) Peccator debet potius eligere ut abstinendo reddatur suspectus, quam ut communicando manducet indignus. Et, (ut ait S. Thomas, 3. P. Q. 80. A. 6.) Pejus est peccatori occulto peccare mortaliter sumendo Corpus Christi, quam infamari. Unde Peccator occultus potius deberet eligere infamari, quam indignè ad Mensam Domini accedere. Nec satis est ut actum contritionis elicere conetur: cum enim in Eucharistia contineatur Sanctus Sanctorum, qui ad eam accedit curare debet ut sit sanctificatus: unde Diaconus olim ante Communionem clamabat, *Sancta Sanctis*. At quamvis per contritionem aliquando contingat hominem Deo reconciliari & peccatorum remissionem obtinere ante Sacramentalem Absolutionem, id tamen semper non accidit, cum non omnis contritio sit *Caritate perfecta*. Quæ autem caritate perfecta non est, *Sine Sacramento Pœnitentiæ per se ad justificationem perducere peccatorem nequit*; (ut docet Conciliū Tridentinum Sessione 14. Cap. 4.)

236. Rogabis primò, Quæ dispositio necessaria sit Sacerdoti absque prævia Confessione celebranti, cum urget necessitas, & copia Confessarii deest, si peccati mortalis

con-

Solutio
dubiorum
aliquot
circa Con-

conscientiam habeat? Respondeo, Necessariam esse veram contritionem, sincerum scilicet de peccatis dolorem ob Deum offensum, & ex Dei super omnia dilectione conceptum. Cum enim Eucharistia non sit Sacramentum mortuorum, sicut Baptismus, & Pœnitentia, sed viventium; per se exigit, ut suscipiens sit in statu gratiæ constitutus.

PARS I.

Art. 4.

S. 7.

fessionem

sacra Cõ-

munioni

præmit-

tendam.

Dubium 1.

Solutio.

Dubium 2.

237. Rogabis secundo, Utrum ille cuius memoriæ occurrit mortale peccatum, cuius in Confessione oblitus est, illud ante Communionem confiteri teneatur, cum *Peccata, quæ diligenter cogitanti non occurrunt, in universum eadem Confessione inclusa esse intelligantur*, eademque Absolutione Sacramentali condonata? ut docet Concil.

Trident. Sess. 14. Cap. 5. Respondeo; (Præcisò scandalò) ad illius peccati Confessionem teneri prius quam Eucharistiam suscipiat: quia non solum præcipitur Confessio ante sacram Communionem, sed ut fiat integrè de omnibus quorum habetur memoria. Peccata verò, quæ diligenter cogitanti non occurrunt, in universum eadem Confessione inclusa esse intelliguntur, & generali contritione delentur: ea tamen lege ut paratus sit Pœnitens, ad ea quæ subinde in memoriam revocata fuerint, sigillatim confitenda Sacerdoti.

Solutio.

238. Rogabis tertio; Quid factò sit opus ei qui solam opinionem vel probabile dubium habet de peccato mortali non confes-

Dubium

3.

PARS I.

Art. 4.

§. 7.

Solutio.

so? Respondeo; Peccati illius Confessionem Sacramentalem ab ipso præmitti oportere sacrae Communioni; alioqui sacrilegæ Communionis periculo se exponit.

Dubium

4.

Solutio.

239. Rogabis quartò, Utrùm Sacerdos, qui absque prævia Confessione in casu necessitatis celebravit cum peccati mortalis conscientia, quamprimùm confiteri debeat ex præcepto; an solùm congruat ipsum confiteri, ex consilio; nec debeat quærere Confessarium & adire; sed expectare satis sit oportunitatem? Respondeo; Præceptum esse quantociùs implendum, ut probant Concilii Tridentini verba; *Quamprimùm confiteatur*. Accedit Decretum Concilii Burdigalensis anno 1583. celebrati, Cap. 5. *Celebraturi Sacerdotes, conscientiam suam priùs diligenter excutiant atque examinent, & piam aliquam meditationem præmittant: Peccatorum verò Confessionem octavo quoque die, aut sæpius faciant, quoties aliqua se peccato gravatos senserint. Sibi autem conscii mortalis peccati, quantumvis sibi contriti videantur, absque præmissa Sacramentali Confessione ad sacrum Altaris Mysterium non accedant, etiamsi ex officio incumbat celebrare, modò non desit illis copia Confessoris. Quòd si necessitate urgente Sacerdos aliquis absque prævia Confessione celebraverit, quamprimùm confiteatur. Idem constat ex Decreto Alexandri VII. Pontificis Maximi, qui inter plures Articulos*

los

los Moralis corruptæ, duos istos damnavit die decima-octava Martiij anno Domini millesimo sexcentesimo sexagesimo-sexto. *Mandatum Tridentini factum Sacerdoti Sacrificanti ex necessitate, cum peccato mortali, confitendi quamprimum, est consilium, non præceptum. Illa particula, QUAMPRIMUM, intelligitur, cum Sacerdos suo tempore confitebitur.*

240. Communicaturus exquirat præterea *Amor Dei* tacitus à se ipso cum timore, an illud S. Petri sibi usurpare liceat: Domine, tu scis quia amo te. Nihil enim æquius est, quam ut eximio Christi in nos amor, qui se totum nobis dedit, nascens socium, convescens in edulium, moriens in pretium, regnans in præmium, nos ipsos totos rependamus. Ergo Si amare pigebat, saltem redamare non pigeat eum, qui Cum dilexisset suos qui erant in mundo, in finem dilexit eos: Eisque incomparabile dedit amoris pignus, Corpus & Sanguinem suum, se ipsum, totum quantus est. Quærat, num pacem cum aliis habeat, num proximos vere atque ex animo diligat. Si ergo offers munus tuum ad Altare, & ibi recordatus fueris, quia frater tuus habet aliquid adversum te: relinque ibi munus tuum ante Altare, & vade prius reconciliari fratri tuo: & tunc veniens offeres munus tuum. Verba sunt Christi, Matth. 5. 23. 24. Ab omni desiderio, delectatione, omnique sensu amore, quo divinæ caritatis studium languet.

*Concordia,
cum proximo.*

Pii desiderii fervor.

PARS I.

Art. 4.

§. 8.

*Humilis
sua indi-
gnitatis
agnitio.*

guescit, purum integrumque animum con-
servare studeat Christianus Eucharistiam
sumpturus; sensusque omnes severitate qua-
dam moderata cohibere, etiam in rebus li-
citis. Præterea tacitus cogitet quàm indi-
gnus sit cui divinum hoc beneficium à Do-
mino tribuatur, Quare illud Centurionis,
de quo idem ipse Salvator testatus est, se non
invenisse tantam fidem in Israël, ex animo
dicendum est; *Domine non sum dignus ut
intres sub tectum meum*; Et cum summa
humilitate ad sacram Mensam hujus pabuli
cœlestis accedendum,

§. VIII.

De præparatione Corporis.

*Disposi-
tiones Cor-
poris.
Jejunium;
circa quod
varii can-
sues resol-
vantur.*

241. **N**Eque verò animi solum, sed
etiam corporis præparatio-
ne opus est. Primò necesse est ut Fide-
les ad sacram Mensam jejuni accedant;
ita ut saltem à media antecedentis diei
nocte, usque ad illud temporis punctum,
quo Eucharistiam accipiunt, nihil come-
derint aut biberint. Id Divino quidem Ju-
re non est præceptum, sed Ecclesiastico,
cujus triplicem rationem affert *S. Thomas*
3, P. Q. 80. A. 8. Prima petitur ex reveren-
tia Sacramenti; ut scilicet Corpus Domini
in os hominis intret nondum aliquo cibo aut
potu infectum, & *Virgine adhuc salivâ* (ut

loquitur *Tertullianus*) in stomachum trajiciatur . Altera petitur ex significatione ; ut intelligamus, Christum & caritatem ejus debere primò fundari in cordibus nostris , secundùm illud *Matthæi* 6. *Quærite primum Regnum Dei* . Tertia , ex periculo vomitûs & ebrietatis , quæ quandoque contingunt ex inordinato cibi & potûs appetitu , sicut & *Apostolus* ait *1. ad Corinthios* 11. *Alius quidem esurit , alius autem ebrius est* .

242. Concilium Constantiense Sessione 13. decrevit ut secundùm antiquam Ecclesiæ disciplinam & consuetudinem Eucharistia non nisi à jejunis sumeretur , solo infirmitatis , aut alterius necessitatis ab Ecclesia probatæ casu excepto . Verbi gratiâ , cùm Sacerdotem mori contingit post Consecrationem , & ante Communionem : tunc enim ab alio Sacerdote , etiam non jejunò , perfici debet Sacrificium , si nemo inveniatur jejunus ; ut sancitum est in Concilio Toletano 7. Canone 2. ex quo refertur 7. *Quæst. 1. Cap. Nihil contra* . Item cùm aquam pro vino infusam fuisse in calice animadvertit in ipsa Communione : vinum enim infundere , consecrare , & sumere debet , quamvis aquam illam hiberit : quia præceptum divinum de integritate Sacrificii , legi Ecclesiæ de Communione à jejunis duntaxat sumenda præponderat .

Casus 1.

243. Si quis ergo non est jejunus post mediam noctem , etiam post sumtionem solius

Casus 2.

lius

PARS I. lius aquæ, vel alterius potûs aut cibi, etiam
Art. 4. per modum medicinæ, & in quantumcûm-
§. 8. que parva quantitate, Missam celebrare, aut
 sacram Communionem percipere non po-
 test: alioquin lethalis peccati reus erit.

Casus 3. 244. Si ante mediam noctem cibum vel
 potum sumserit, etiamsi postmodum non
 dormierit, nec sit digestus, non peccat; sed
 ob perturbationem mentis, ex qua devotio
 tollitur, aliquando abstinere conveniens est.

Casus 4. 245. Si reliquiæ cibi in ore remanentes
 casu transglutiantur, non impediunt Com-
 munionem, cûm non trajiciantur in stoma-
 chum per modum cibi, sed per modum sali-
 væ. Idem esto judicium de guttulis aquæ
 vel vini, quibus os abluitur, si præter in-
 tentionem deglutiantur, secundum *S. Tho-*
man, & Rubricas Missalis Romani. At si
 saccarum aut bellaria in ore posita fuerint,
 nec ante somnum sint consumta, dubiûm-
 que sit an post mediam noctem trajecta fue-
 rint in stomachum, à Celebratione & Com-
 munionem abstinendum est.

Casus 5. 246. Sacerdos celebrans, Hostiæ à se
 consecratæ particulas, seu grandiores, seu
 minimas, in calice vel corporali, etiam post
 haustam ablutionem repertas, statim sumere
 potest: quia illarum sumtio ad unius & ejus-
 dem Sacrificii consummationem pertinet.
 Imò & hostiam integram, vel plures sumere
 potest, si absque irreverentiæ periculo con-
 servari non possint, si verbi gratiâ illas ab

In-

Infidelibus, aut Hæreticis conculcandas, aut **PARS I.**
comburendas prævideat, vel meritò vereatur. **Art. 4.**
S. 3.

247. Sacerdos qui inter ipsa Missæ initia se aliquid per modum cibi vel potûs in stomachum post mediam noctem trajecisse meminit, debet ab Altari discedere, & à Missæ celebratione ea die abstinere, si id absque scandalo fieri potest: si verò post consecrationem se jejunum non esse meminit, perficere nihilominus Sacrificium, & Christi Corpus ac Sanguinem sumere debet. Ita docet *S. Thomas 3. P. Q. 83. A. 6. ad secundum.* Ubi, inquit, *difficultas occurrit, semper est accipiendum illud quod habet minus de periculo. Maxime autem periculosum circa hoc Sacramentum est, quod est contra perfectionem hujus Sacramenti, quia hoc est immane sacrilegium. Minus autem est illud quod pertinet ad qualitatem sumentis: & ideo si Sacerdos post consecrationem incertam recordetur se aliquid comedissee, vel bibisse, nihilominus debet perficere Sacrificium, & sumere Sacramentum. Similiter, si recordetur se peccatum aliquod commississe, debet pœnitere cum proposito confitendi, & satisfaciendi; & sic non indigne, sed fructuose sumet Sacramentum. Et eadem ratio est, si meminert se Excommunicationi subjacere: debet enim assumere propositum humiliter Absolutionem petendi; & sic per invisibilem Pontificem Jesum Christum Ab-*

solutionem consequitur, quantum ad hunc actum quod peragat divina Mysteria. Si vero ante consecrationem alicujus prædictorum sit memor, tutius reputarem (maximè in casu manducationis & excommunicationis) quod Missam inceptam defereret, nisi grave scandalum timeretur.

Communionio per modum Viatici infirmo non ieiuno multoties administrari potest.

248. Infirmus periculosè laborans communicare potest non jejunos, per modum Viatici, secundum Constantiensis Concilii declarationem & Ecclesiæ consuetudinem. Unde non tenetur cum gravi incommodo differre medicinæ aut communis cibi sumptionem, ut jejunos communicet. Nec tenetur curare ut sibi prima aut altera hora noctis Eucharistia deferatur, eam ut jejunos sumere possit. Cum enim illam ad infirmos honorificè deferendam Tridentina Synodus sanxerit, non est conveniens ut horis intempestivis deferatur, nisi gravis & improvisa id postulet necessitas. Nec semel tantum, sed multoties potest infirmo non jejuno sacra Communio administrari, perseverante ad plures dies, vel ingravescente mortis periculo, modò inter utramque Communionem octo vel decem dies interfluxerint: etiamsi Extrema-unctione fuerit procuratus. Idem dicendum si ex imminente mortis periculo emerferit, & in illud denuo post dies etiam pauciores inciderit. Ita vulgò Theologi. Decem dies inter utramque Communionem per modum Viatici Rituale Parisiense præscribit.

249. Præstantissimi hujus Sacramenti **PARS I.**
 dignitas postulat, maximèque conveniens **Art. 4.**
 est, ut Fideles pridie illius diei quo ad Sa- **S. 3.**
 cram Communionem accedere decreverunt, **Præpara-**
 jejunium celebrent, aut saltem parcius coe- **ti pridie-**
 nent: & quod pii homines aliquando facere
 consueverunt, in orationibus, piisque medi-
 tationibus partem noctis vigilent, aut sal-
 tem prolixiùs & ferventiùs orent, quàm aliàs
 soliti sunt. Ita *S. Carolus in Instructioni-*
bus.

250. Dispositio altera ex parte corporis **Puritas**
 ad sacram Communionem afferenda, est pu- **& casti-**
 ritas & castimonia. In hujus rei figuram **monia.**
 Israelitæ Agnum Paschalem accinctis renibus
 manducare jubebantur. Hinc Achitmelech
 Sacerdos Panes Propositionis *Davidi* & ejus
 comitatus manducandos dare noluit, priùs-
 quam de illorum continentia certior factus
 esset. 1. Regum 21. Si talis castimonia ser-
 vata est propter figuram, quantò magis prop-
 ter Corporis Christi Veritatem?

251. Idem confirmatur ex *Cati. Vir cum*
propria, Causà 33. Quæst. 4. & Can. *Omnis*
homo, Dist. 2. *De Consecratione*. Item ex
 Concilii Tridentini Catechismo, & *S. Ca-*
roli Instructionibus, necnon ex Concilio
 Bituricensi anni 1584. Titulo *De Eucharis-*
tia.

252. Coitus conjugalis, si sit sine pec- **Quid de**
 cato, si fiat nempe causâ prolis generandæ, **actu con-**
 vel causâ reddendi debitum, non impedit **jugalit?**
 Com-

PARS I. Communio ex necessitate, sed solum ex
 Art. 3. congruitate, & decore, propter immunditiam
 §. 8. corporalem, & mentis distractionem. Ita *S. Thomas* Tertia Parte *Quæstione* 80. *Articulo* 7.

*Quæ ratio-
 ne pollutio
 nocturna
 Communionem
 impedit?*

253. Pollutio nocturna, quæ mortale peccatum est propter consensum, vel ratione suæ causæ, ex necessitate impedit Eucharistiæ sumtionem, nisi peccatum Pœnitentiâ eluatur: postquam autem sincera Contritione & Sacramentali Confessione expiatum est, impedit nihilominus eadem die ex congruitate & decore, propter fœditatem corporis, & evagationem mentis, cum quibus ad sacram Communionem ne accedamus, postulat reverentia tanto Sacramento debita. Idem dicendum, si pollutionis causa, vel pollutio ipsa cum peccato veniali conjuncta sit, verbi gratiâ, si ex superfluitate cibi aut potûs leviuscula, aut ex turpibus cogitationibus, quibus plenus consensus datus non fuerit, immunditia illa contigerit. Si autem ex naturæ debilitate, vel humoris redundantia; vel ex cogitationibus de rebus obscœnis, sed ob finem honestum, scilicet necessariæ lectionis vel disputationis causâ, absque delectatione carnali contigerit, ad Communionem accedere potest qui illam passus est. Decet quidem quàm maximè ut à sacra Mensa abstineat, si pollutio illa ex turpibus phantasmatis provenerit; sed tamen accedere potest ad Altare, & Sacris

cris operari, vel communicare, si Solemnitas occurrat, aut necessitas urgeat. Idem esto iudicium de illo cui venialis crapula subrepsit, ex qua pollutio præter voluntatem procurata est. Ita *S. Thomas 3. P. Q. 80. A. 7.*

254. Probari diutiùs, Pœnitentiæ operibus expiari, & salutari continentia exerceri debent, qui in peccata carnis prolapsi sunt, antequam ad sacram Communionem admittantur. Hinc *Algerus Lib. 1. De Sacramento Corporis & Sanguinis Domini, Cap. 22. Sciendum, quia Agnum Dei sine macula, qui Virginis est filius luxuriosi & incesti sumunt periculosius: quia cum in Sacramento Christi ei uniri debeamus conformatate passionis & munditiæ, nihil sic ad-versatur passioni crucis, ut voluptas; nihil sic munditiæ, ut fœditas; nihil sic ejus unitati, ut fornicariæ societatis unitas. Libido enim appetititu suo allicit & incendit, actu suo fœdat & exervat, usu lubricat & illaqueat: adeò ut placendo displicens, displicendo placens, difficilem aut nullam sui pœnitudinem admittat.*

Probari & expiari diutiùs debent, qui in peccata carnis prolapsi sunt, priùs quàm ad sacram Mensam accedere permittantur.

„ 255. Quod ad corporis habitum pertinet, Parochus Fideles curæ suæ commissos moneat, satagátque, ut summa reverentiâ, omnique humilitate ad sacram Communionem accedant, & sustineant. Oculis non vagis, sed in Christi Corpus piè conjectis: barbæ pilis circa os bene præcisus: ore supra pannum li-

Quo habitu corporis ad sacram Communionem accedendum?

L

„ nequa

PARS I.^a

Art. 4.

§. 8.

neum suppositum modestè porrecto : capite non demisso : linguâ paululum labrum inferius intus attingente , non tamen extra os prominente ; in qua particulam suscipiant : neque linguam ipsam retrahant , priùsq̃uam Presbyter manum removerit : tum verò caput humiliter demittant . Ita etiam ut suspiriis abstineant , quibus particulæ possint excuti . Manibus pectori admotis , instar crucis , ex veteri Fidelium disciplina , aut supplicibus , iisdemque nudis : pallio , quantum fieri poterit adhibito : non birretis , pileisve plumâ inaniter ornatis : armis depositis : toto denique corporis habitu decenti , humili , & modesto , non sordido . Mulieres non sumtuosis , non caudatis vestibus , non crinibus inaniter intortis ; non fuco aut pigmentis vultu illito ; non pectore nudo , aut tenui velo obtecto ; sed ita vestitæ , ut ne præter faciem quicquam nudum cernatur : velo denso bene super faciem demisso . Omnes autem genibus flexis : non pectore , brachiisve scabello innixi . Nichil præterea dabunt . Omni modestia surgent , & à Mensa discedent . Ita S. Carolus in Instructionibus . Videat autem Sacerdos Eucharistiam administrans , ut cum dixit , *Corpus Domini nostri Jesu Christi custodiat Animam tuam in vitam æternam* : antequam Sacramentum præbeat , ei qui accepturus est , satis spatii relinquat

ad

EUCCHARISTIÆ :

ad respondendum, *Amen*, secundum Eccle-
siæ primævæ Ritus: ut rursus monet S. Ca-
rolus.

163

PARS I.

Art. 4.

§. 9.

§. IX.

De frequenti Communione.

256. **Q**uæstionem de frequenti Cō-

*De fre-
quenti
Commu-
nionē.*

munionē ita dirimit S. Tho-
mas 3. P. Q. 80. A. 10. Circa usum hujus
Sacramenti duo possunt considerari: Unum
quidem ex parte ipsius Sacramenti, cuius
virtus est hominibus salutaris: & ideo utile
est quotidie ipsum sumere, ut homo quoti-
die ejus fructum percipiat. Unde S. Ambro-
sius dicit Lib. 4. De Sacramentis, Cap. 6.
„ Si quotiescumque effunditur Sanguis Chri-
„ sti in remissionem peccatorum effundi-
„ tur, debeo semper accipere, ut semper
„ mihi peccata dimittantur: qui semper
„ pecco, debeo semper habere medicinam.
Alio modo potest considerari ex parte sumen-
tis, in quo requiritur ut cum magna devotio-
ne & reverentia ad hoc Sacramentum acce-
dat: & ideo si aliquis se quotidie ad hoc pa-
ratum inveniat, laudabile est quod quotidie
sumat... Sed quia multoties in pluribus ho-
minum multa impedimenta hujus devotio-
nis occurrunt, propter corporis indispositio-
nem, vel animæ; non est utile omnibus ho-
minibus quotidie ad hoc Sacramentum ac-
cedere: sed quotiescumque se ad illud homo

PARS I.

Art. 4.

§. 9.

invenerit præparatum. Et in Responsione ad tertium: Reverentia, inquit, huius Sacramenti habet timorem amori conjunctum: unde timor reverentiæ ad Deum, dicitur timor filialis: ex amore enim provocatur desiderium sumendi, ex timore autem consurgit humilitas reverendi: & idè utrumque pertinet ad reverentiam huius Sacramenti, & quod quotidie sumatur, & quod aliquando abstineatur. Amor tamen & spes, ad quæ semper Scriptura nos provocat, præferuntur timori. Unde cum Petrus dixisset, Exi à me Domine, quia homo peccator sum: respondit Jesus NOLI TIMERE.

Frequens Communio quibus permittenda, vel non?

257. Frequens Communio non est iis permittenda, qui vel in peccata mortalia sæpe labuntur, vel ab affectu venialium peccatorum non sunt liberi & immunes. Id colligitur ex Cap. *Quotidie*, Dist. 2. De Consecratione, quod ex libro Gennadii De Ecclesiasticis Dogmatibus, Cap. 23. excerptum est, cujus hæc sunt verba: *Quotidie Eucharistia Communionem percipere, nec laudo, nec vitupero: omnibus tamen Dominicis diebus communicandum suadeo & hortor: si tamen mens sine affectu peccandi sit. Nam habentem adhuc voluntatem peccandi, gravari magis dico Eucharistia perceptione quam purificari.*

Non manentibus in affectu peccati.

258. Quod spectat, alteram partem, observandum aliud esse veniale peccatum, aliud ejus affectum non habere, Absque veniali pec-

ca-

cato ne ipsi quidem viri iusti & perfecti vivunt; sed absque peccati venialis affectu esse possunt, & plerique felicem illum statum attigerunt, dum ipsis ex animo displicent quotidiana illa fragilitatis humanæ peccata; dum illa pro virili cavent atque emendare nituntur; dum ex iis humiliores & ferventiores evadunt, quia dolent de superbia naturæ corruptæ veluti congenita, & de concupiscentiæ motibus non regnantibus quidem in mortali illorum corpore, sed tamen tumultum moventibus, & caritatis fervorem minuentibus cordisque sabbatum turbantibus; dum ad Deum jugiter ingemiscunt, & per gratiam Domini nostri Jesu Christi liberari supplices postulant; dum peccato & mundo mortui, non sibi ipsis vivunt, sed Christo, & quotidie proficere satagunt de virtute in virtutem, novos ex iterata sæpius Communione spirituales fructus referentes. His duntaxat frequens Communio permittenda est, ut scilicet vel singulis diebus, aut pluries in hebdomada, aut singulis etiam Dominicis Eucharistiam sumant: alioqui parum fructuosa est Communio frequens, valdeque timendum est ne Deus hujusmodi hominibus non quidem indignè omnino, sed otiosè & inutiliter (ut ita loquamur) Corpus Christi sumentibus, gratiam suam tandem subtrahat potius, quam augeat. Ut ait *S. Basilii* Lib. 1. *De Baptismo*, Cap. 3.

PARS I.

Art. 4.

S. 9.

Non commo-
tis ad-
versus
proximū.

159. Commotio quævis adversus proximum vel leviuscula, quâ sabbatum cordis turbatur, impedimentum est ex decentiâ & decoro Sacerdotem à sacrosancti Sacrificii oblatione, Fideles reliquos à sacra Communionem prohibens, quô die id ipsis contigit, nisi gravis urgeat necessitas. Id exemplo suo docuit *S. Joannes Chrysostomus*, qui in quodam Episcoporum Conventu nonnihil commotus, justa licet de causa, *Pansophium* Pisidiæ Episcopum rogavit, ut ipsius vice Sacrificium offerret, ipse verò cum Episcopis reliquis exiit, *Cavebat enim animo turbido, juxta Evangelium, Sacrificium offerre* (inquit *Palladius* in ejus Vita.)

An iis qui
vehementi
desiderio
communi-
candi sunt
incensi?

260. Communio frequens iis tantum permittenda est, qui vehementi desiderio Corpus Christi percipiendi, & eo quidem ex caritate profecto, sunt incensi. Ita docet *S. Franciscus Salesius*, *Philothæ* Cap. 20. Sed ne quis hac in parte decipiatur, duplicem esse animadvertit esuriem sive famem; unam ex optima ciborum concoctione, rectaque stomachi dispositione, ac naturalis caloris temperamento; alteram ex stomachi malè affecti vitio, & facultatis attractricis immoderatione: ita Eucharistiæ sumendæ desiderium, seu divini illius cibi esuriem vel ex divini amoris ardore vehementi proficisci, vel ex adventitiâ quapiam causa, seu vitiosa quadam habitudine oriri. Primum
dun-

duntaxat desiderium legitimum, & sanctum; Pats I.
 secundum, fallax, insidiosum, & pravum est: Art. 4.
 primum à Spiritu-Sancto; secundum à Dæ- S. 9.
 monio meridiano. Dignosci autem potest
 quali desiderio feratur aliquis ad frequentem
 Communionem, ex illius vita, & ex fru-
 ctibus quos ex Communionem percipit.

261. Quamvis actualis devotio ad Com- *Actualis*
 munionem plenè fructuosam sit necessaria, *devotio*
 non tamen ad frequentem Communionem *an neces-*
 opus est devotione sensibili. Hinc *S. Thomas*
in 4. Sententiarum, Dist. 12. Quæst. 2. A. 1.
Quæstiunculâ 3. Cum hoc, inquit, Sacra-
mentum perficiat conjungendo fini: ad hoc
quod effectum suum plenè habeat in sumen-
te, oportet quod adsit actualis devotio. Actua-
 lis autem illa devotio & pius affectus in acti-
 bus Fidei, Spei, & Caritatis potissimum
 consistit,

262. Quod autem sensibilis devotio ad *Sensibilis*
 frequentem Communionem non sit necessa- *devotio*
 ria, & quod absque devotione hujusmodi *ad frequen-*
 sensibili fructuosa esse possit, immò sit sæpe *tem Com-*
 fructuosior, docet *S. Antoninus 3. P. Tit. 13.*
 „ Cap. 6. Aliud est enim desiderium, aliud *minimè*
 „ sensibilis desiderii perceptio... Sine de- *necessaria.*
 „ siderio nemo debet accedere. Cum au-
 „ tem Christianum sic vivere deceat, ut
 „ semper mereatur accipere, nunquam esse
 „ debet sine desiderio tunc & toties sumen-
 „ di, quando & quoties convenienter pote-
 „ rit, & crediderit expedire, Si quis au-
 „ tem

PARS I.

Art. 4.

S. 9.

„ tem illam dispositionem in se judicare vo-
 „ luerit ex sensibili cordis compunctione
 „ fervore mentis, profusione lachrymarum,
 „ ita quodd tunc credat se dispositum quan-
 „ do tale quid sentit; & quando non perci-
 „ pit, indispositum, incautè valde ambu-
 „ lat & sapiissimè decipitur. Multoties qui
 „ nihil talium habent, sunt in magno statu
 „ gratiæ, & qui habent, sunt omnino ex-
 „ tra gratiam. Deinde sensibilis hujus sua-
 „ vitatis privationem ad multa utilem esse
 „ docet: Primò, ut tribulatione gaudium
 „ temperetur. Secundò, ut tam delectabi-
 „ li bono privari timeat homo, & arden-
 „ tiùs ad æternam patriam suspiret, ubi
 „ Deo semper adhærendum est, & de tor-
 „ rente voluptatis ejus bibendum. Tertiò,
 „ ut per fidem ambulantes magis merea-
 „ mur. Quartò, ad humilitatem confer-
 „ vandam. Quintò, ut gratiæ Dei, non
 „ viribus nostris adscribere discamus, quo-
 „ ties ad serviendum Deo promptam & fer-
 „ vidam voluntatem sentimus. Idem do-
 „ cet insignis Vitæ Spiritualis Magister
 „ Joannes Thaulerus, Institutionum Cap. 38.

*Munda-
 nis curis
 occupati
 rariùs ac-
 cedere de-
 bent.*

263. Mundanis curis occupati, rariùs
 ad sacram Communionem accedere debent,
 quàm illi qui tantùm spiritualibus studiis
 sunt intenti. Rariùs enim se ad divinum il-
 lud Sacramentum recipiendum expedire,
 atque ut par est præparare possunt, inquit
 S. Bonaventura, Lib. 2. De Profectu Reli-
 gioforum, Cap. 70.

264. Qui-

264. Qui in mortale aliquod peccatum lapsi sunt, statim ad sacram Communionem accedere non debent, quamvis contriti & confessi: sed per aliquod tempus Pœnitentiam agere, antequam ad sacram Mensam accedant, & cibari pane lachrymarum prius quàm Panem degustent Angelorum. Ita S. Thomas in 4. Sententiarum, Dist. 9. Quæst. 1. Art. 4. Quæstiunculâ 2. ad secundum. Idemque colligitur ex Cap. Nonnulli, Dist. 1. De Pœnitentia, quod ex S. Ambrosio sumtum est. Nonnulli, inquit, ideo poscunt Pœnitentiam, ut statim sibi reddi Communionem velint. Hi non tam se solvere cupiunt, quàm Sacerdotem ligare: suam enim conscientiam non exuunt, Sacerdotis induunt. Ut enim ait S. Augustinus Epistola 54. aliàs 118. ad Januarium: Hoc est indignè accipere, si eo tempore quis accipiat, quo debet agere Pœnitentiam. Maximè verò qui lapsi sunt in peccata carnis, diuturnis Pœnitentiæ operibus, & continentia salutari expiandi ac probandi sunt, prius quàm Sacram Communionem accipiant, ut confirmat Venerabilis Algerus Libro 1. De Sacramento Corporis & Sanguinis Domini, Cap. 22.

265. Frequens Communio in iis qui meliores propterea non evadunt, & nullum ex ea referunt fructum spirituales: & in iis qui sæculariter vivunt, & Mundi pompas, voluptates, & spectacula consecretantur, non est signum Prædestinationis. Illi enim indignè

PARS I.

Art. 4.

S. 9.

An peccatoribus omnibus verè contritis & confessis licet sit permittenda Communio?

Quid de iis qui nullum fructum ex Communionem percipiunt,

man-

PARS I.

Art. 4.

§. 9.

sed seculariter vivunt, &c.

manducant & bibunt Corpus & Sanguinem Domini, verèque ipsis convenit illud S. Joannis Chrysostomi, Homiliâ 7. in Matthæum: Cave ne Herodi efficiaris similis, & dicas: Ut & ego veniens adorem eum; cùmque veneris, interimere coneris. Hujus etenim similes sunt, qui indignè abutuntur Communionè Mysterii. Reus est enim, inquit, iste Corporis & Sanguinis Domini. Qui enim ejusmodi sunt, habent in se Tyrannum, & Regno Christi jugiter invidentem, longè sanè Herodè illo nequiorem, Mammonam scilicet. Hic enim in homines tenere imperium gestit, suosque cultores simulat & mittit ad Christum, ut specie quidem adorare vi deantur: quantum verò in ipsis est, interimunt eum, quem adorare se simulant. Timeamus igitur ne quando speciem supplicum atque adorantium geramus, opere verò existamus inimici.

Propositio
damnata.

266. Quamobrem hanc Propositionem inter alias Moralis Christianæ puritati adversas meritò damnavit Innocentius XI. Pontifex Maximus die secunda Martii 1659. Frequens Confessio & Communio, etiam in his qui gentilibus vivunt, est nota Prædestinationis.

§. X.

PARSI.

Art. 4.

§. 10.

Pro quibus hoc Sacrificium offerri possit, & de Missarum reductione.

267. **E**ucharistiæ sacrificium non solum pro omnibus omninò hominibus mortalem vitam agentibus, sed etiam pro Fidelibus in Domino mortuis, nondum tamen plenè expiatis, sed in Purgatorio detentis, ritè juxta Apostolorum Traditionem offertur.

268. Ita Concil. Trident. Sess. 22. Cap. 2. ejusdémque Concilii Catechismus. Quod Fidei Catholicæ dogma probant inprimis *Machabæorum libri, quos non Judæi, sed Ecclesia pro Canonicis habet, teste S. Augustino Lib. 18. De Civit. Dei, Cap. 27. Quod Innocent. I. in Epist. ad Exuper. Cōcil. Carthag. 3. Canone 47. &c. tandemq; Concil. Trident. confirmant. Sic enim Machab. 22. Cap. 12. legitur: Fortissimus Judas facta collatione duodecim millia drachmas argenti misit Hierosolyumam offerri pro peccatis mortuorum Sacrificium, benè & religiosè de Resurrectione cogitans. Nisi enim eas qui ceciderant, resurrecturos speraret, superfluum videretur & vanū orare pro mortuis. Et quia considerabat quòd hi qui cum pietate dormitionem acceperant, optimam haberent repositam gratiam. Sancta ergo & salubris est cogitatio*

Offerri potest tam pro vivis quam pro defunctis.

Probatur Scriptura S. auctoritate.

PARS I. *tatio pro defunctis exorare, ut à peccatis sol-*
 Art. 4. *vantur.*

S. 10.

269. Ad quem locum attendens S. Au-

Et Tradi-
 tion.

Cap. 1. In Machabæorum Libris, inquit, le-
 gimus oblatum pro Mortuis Sacrificium: sed
 etsi nusquam in Scripturis veteribus omni-
 no legeretur, non parva est universæ Eccle-
 siæ, quæ in hac consuetudine claret Auctori-
 tas, ubi in precibus Sacerdotis, quæ Domi-
 no Deo ad ejus Altare funduntur, locum
 suum habet etiam commendatio Mortuo-
 rum. Ejusdem consuetudinis in Ecclesia ab
 Apostolicis temporibus religiosè observatæ,
 meminerunt Tertullianus Lib. De Corona
 Militis, Cap. 3. S. Cyprianus Epist. 66. Eu-
 sebius, & alii.

Sana de
 Purgato-
 rio doctri-
 na Chri-
 stianæ ple-
 bi expo-
 nenda.

270. „ Porro Episcopi sanam de Purgato-
 „ rio doctrinam, à Sanctis Patribus, & sacris
 „ Conciliis traditam, à Christi Fidelibus
 „ credi, teneri, doceri, & ubique prædica-
 „ ri diligenter studeant; (ex Concilii Tri-
 „ dentini Mandato, Sessione 25.)

Miracula
 Ecclesiæ
 auctorita-
 te non pro-
 bata haud
 evulgan-
 da.

271. „ Apud rudem plebem difficilio-
 „ res ac subtiliores Quæstiones, quæque ad
 „ ædificationem non faciunt, & ex quibus
 „ plerumque nulla sit pietatis accessio, à
 „ popularibus Concionibus secludantur.
 „ Incerta item, vel quæ specie falsi labo-
 „ rant, qualia sunt pleræque Visiones &
 „ Miracula Ecclesiæ auctoritate non proba-
 „ ta, evulgari ac tractari non permittant.

Ea

„ Ea verò quæ ad curiositatem quamdam **PARSI.**
 „ aut superstitionem spectant, vel turpe lu- **Art. 4.**
 „ crum sapiunt, tanquam scandala, & Fi- **§. 10.**
 „ delium offendicula prohibeant. Ita de-
 „ cernit Tridentina Synodus, ibidem.

272. „ Curent Episcopi ut Fidelium vi- *De pote-*
 „ vorum suffragia, Missarum Sacrificia, *state an-*
 „ orationes, eleemosynæ, aliæque pietatis *niversa-*
 „ opera, quæ à Fidelibus pro aliis Fidelibus *ria &*
 „ defunctis fieri consueverunt, secundum *Missas ad*
 „ Ecclesiæ Instituta piè & devotè fiant; & *minorem*
 „ quæ pro illis ex testatorum foundationi- *numerum*
 „ bus, vel alia ratione debentur, non per- *reducen-*
 „ functoriè; sed à Sacerdotibus, & Eccle- *di.*
 „ siæ Ministris, & aliis qui hoc præstare te-
 „ nentur, diligenter & accuratè observen-
 „ tur. Ita jubet eadem Synodus.

273. „ Episcopi & Generales Ordinum *Quando*
 „ onera Missarum celebrandarum post Con- *ob id ad*
 „ cilium Tridentinum imposita, aut in Ec- *Sedem*
 „ clesiæ, Capellæ, vel Beneficii fundatio- *Apostoli-*
 „ ne, moderari non possunt; sed pro his re- *cam re-*
 „ ducendis, moderandis, vel commutan- *currendâ*
 „ dis, ad Sedem Apostolicam recurrendum
 „ est: alioqui reductiones illæ nullæ & ina-
 „ nes erunt. „ Ita sanxit Congregatio Car-
 „ dinalium Concilii Tridentini Interpretum,
 „ auctoritate *Urbani VIII.* anno 1635.

274. „ Ne in Ecclesiis, in quibus one- *De pe-*
 „ ra Missarum in perpetuum imposita sunt, *nis a cœ-*
 „ Sacerdotes in eis, ut par est, adimplendis *nis rec ho-*
 „ eò tepidiores & segniores reddantur, quod *pro listis*
 „ *dati fun-*
 „ *one*

PARS I.

Art. 2.

§. 10.

*Missarum
quomodo
disponen-
dum?*

„ onera hujusmodi cum nulla aut parva sint
 „ utilitate conjuncta, eadem Congregatio
 „ decrevit, ut pecuniæ ac bona mobilia
 „ Ecclesiæ, Capitulis, Collegiis, Hospi-
 „ talibus, Societatibus, Congregationibus,
 „ Monasteriis, Conventibus, ac locis om-
 „ nibus tam Sæcularibus quàm Regulari-
 „ bus, atque illorum personis in futurum
 „ simpliciter acquirenda cum onere perpe-
 „ tuo Missarum celebrandarum, ab iis, ad
 „ quos pertinet, sub pœna Interdicti ab in-
 „ gressu Ecclesiæ ipso facto incurrenda, à
 „ die realis acquisitionis, statim deponan-
 „ tur penes Ædem sacram, vel personam
 „ fide & facultatibus idoneam, ad effectum
 „ illa, seu illorum pretium quamprimùm
 „ investiendi in bonis immobilibus fructi-
 „ feris, cum expressa & individua mentio-
 „ ne oneris quod illis annexum reperitur:
 „ ac si eadem bona immobilia Autoritate
 „ Apostolica deinceps alienari contigerit,
 „ eorundem pretium sub eadem pœna, pa-
 „ riter deponatur, atque in aliis bonis sta-
 „ bilibus itidem fructiferis, cum ejusdem
 „ oneris repetitione atque annexione con-
 „ vertatur.

*Missarum
onera qui-
bus exsol-
vendis
impares
sint Sacer-
dotes, non*

275. „ Eadem Congregatio quibusvis
 „ Capitulis Collegiis, Societatibus, ac
 „ Congregationibus, nec-non omnibus &
 „ singulis Ecclesiarum, ac piorum locorum,
 „ tam Sæcularium, quàm Regularium Su-
 „ perioribus, vel aliis ad quos pertinet, pro-
 „ hibuit,

„ hibuit, ne in posterum Onera perpetua
 „ Missarum celebrandarum susciperent; Se-
 „ culares quidem sine Episcopi, vel ejus Vi-
 „ carii Generalis; Regulares verò sine Ge-
 „ neralis vel Provincialis consensu & licen-
 „ tia in scriptis & gratis concedenda: alio-
 „ quin Sæcularis, qui hujus prohibitionis
 „ transgressor extiterit, ab ingressu Eccle-
 „ siæ interdictus sit eo ipso: Regularis verò
 „ pœnam privationis omnium Officiorum,
 „ quæ tunc obtinebit, ac perpetuæ inhabi-
 „ litatis ad alia de cætero obtinenda, vocif-
 „ que activæ ac passivæ, absque alia decla-
 „ ratione incurrat. Eleemosynas verò ma-
 „ nuales & quotidianas pro Missis cele-
 „ brandis ita demum iidem accipere pos-
 „ sint, si oneribus antea impositis ita satis-
 „ fecerint, ut nova quoque onera suscipere
 „ valeant: aut certè infra modicum tempus
 „ possint omnibus satisfacere: aut tribuens
 „ eleemosynam sciat & consentiat, ut illæ
 „ tunc demum celebrentur, cum susceptis
 „ oneribus satisfactum fuerit. Alioquin om-
 „ nino abstineant ab hujusmodi eleemosy-
 „ nis, etiam sponte oblatis, in futurum re-
 „ cipiendis, & capsulas auferant ab Eccle-
 „ siis cum inscriptione illa, *Eleemosyna pro*
 „ *Missis*, vel alia simili, sub eisdem pœnis
 „ ipso facto incurrendis, ne Fideles hac ra-
 „ tione frustrentur. Episcopus verò, seu
 „ ejus Vicarius, aut Generalis vel Provin-
 „ cialis, ubi de licentia pro perpetuis oneribus

ribus

PARS I.

Art. 4.

§. 10.

„ ribus fuerint requisiti , in singulis casibus
 „ diligenter inquirant de singulis Missarum
 „ celebrandarum obligationibus cuique Ec-
 „ clesiæ , Monasterio , aut loco pio incum-
 „ bentibus , nec ante , assensum huiusmodi
 „ aut licentiam præbeant , quàm eis legiti-
 „ mè constiterit , illius Sacerdotes tam no-
 „ vo oneri suscipiendo , quàm antiquis jam
 „ susceptis satisfacere posse; præcipuamque
 „ rationem habeant , ut redditus qui Eccle-
 „ siis , & locis piis relinquuntur , omnino
 „ respondeant oneribus adjunctis , secun-
 „ dùm morem cuiusque Civitatis , vel Pro-
 „ vinciæ ; intelligantque si in re tanti mo-
 „ menti desides aut negligentes fuerint , in
 „ novissimo die hujus prætermissi muneris
 „ rationem esse reddituros . „ Istud sacrae
 Congregationis Decretum refert *Barbosa* ,
 Lib. *De Officio & Potestate Episcopi* , P. 2.
 Allegatione 29. Habetur & Tom. 4. Bullarii
 Romani p. 88.

*De Missis
 quæ die-
 tim pe-
 untur .*

276. Numerum Missarum Votivarum ,
 vel pro Defunctis , quæ justis stipendiis sigil-
 latim à particularibus personis petuntur ,
 Episcopi , & Prælati Regulares moderari &
 reducere non possunt absque consensu eo-
 rum , quibus illæ debentur . Id enim est con-
 tra Regulam Juris : *Id , quod nostrum est ,*
sine facto nostro ad alium transferri non
potest .

*Fructuo-
 sius Sacri-*

277. „ Intelligendum est , fructuosiores
 „ esse magisque prodesse preces & orationes
 ab

„ ab Ecclesia pro Defunctis institutas, cum **PARS I.**
 „ applicatione Sacrificii, quàm applicatio- **Art. 4.**
 „ nem solam; licet compensari possit per **§. 10.**
 „ majorem devotionem Celebrantis, aut *sacriū cum*
 „ ejus qui celebrari curat, vel per interces- *precibus,*
 „ sionem Sancti, cujus suffragium in Missa *quam Sa-*
 „ imploratur. „ Ita docet *S. Thomas* in 4. *cristium*
Sententiarum Dist. 45. Quæst. 2. Art. 2. Quæ- *solum.*
 stiuncula 1. ad 5.

278. Illud planè reprobandum est, si **Repre-**
 qui certo numero, præscriptaque Missarum **bandus**
 formâ aliquâ, aut precum affirmant certas **error.**
 designatâsque Animas è Purgatorio semper
 liberari. Ita Concilium Cameracense anno
 1565. Tit. *De Sanctis*, Cap. 6.

279. Si Fundatoris aut Testatoris vo- **Quoad**
 luntate constitutum sit ut Missa pro Defun- **locus &**
 ctis, aut in honorem alicujus Sancti, in cer- **Altare in**
 to quodam Altari & in tali Ecclesia celebretur, **qua cele-**
 tenetur Sacerdos cui hoc onus imposi- **bretur,**
 tum est, in Ecclesia & Altari ab illis desi- **servanda**
 gnatis celebrare, graviter alioqui peccatu- **Fundato-**
 rus, nisi ex legitima justâque causa alibi ce- **ris Volun-**
 lebret: quia aliter non adimplet volunta- **tas.**
 tem & intentionem Fundatoris aut Testato-
 ris, nec obligationi suæ satisfacit in re gra-
 vi. Nec ea solvitur obligatione, etsi con-
 sentiant heredes ut alibi celebret: potior
 enim esse debet voluntas Testatoris, cui non
 possunt heredes derogare, quàm ipsorum he-
 redum. Hinc Mediolanense Concilium 4.
 statuit ut *Quicumque Sacerdos in Altari*

PARS I. certo Missam celebrare debet, si in alio celebravit, ne quod debet, præstitisse censeatur; nisi Episcopi, alteriusve, cui ille id cura commiserit, iussu, concessu, permissuve aliquando fecerit.

Art. 4.

§. 11.

§. XI.

De Missæ Ministris, & de loco in quo celebrandum.

Celebranti Ministri adesse debet.

280. **M**issam nemine adstante & respondente celebrare non licet, sed unus saltem Minister adesse debet, qui Sacerdoti respondeat. Missas enim huiusmodi Concilia prohibuerunt, scilicet Concilium Moguntinum sub Leone III. Canone 43. Synodus Parisiensis sub Gregorio IV. Lib. I. Cap. 48. Concilium Nannetenſe, apud Juonem Carnotensem P. 3. Cap. 70.

Plures adesse minimè necesse est.

281. Præter Clericum, aut idoneum Laicum ministrantem, plures adesse Sacrificio minimè necesse est. Fuerunt aliqui plus æquo meticulosi, qui ne mendacii rei fierent, si ad unum solum præsentem plurales salutationes dirigerent, à Sacrificii Oblatione abſtinebant, nisi præter Clericum ministrantem unus saltem præſens adſeſſet, ut verè poſſet Celebrans duobus adſtantibus dicere, *Dominus vobiſcum, & , Orate fratres.* Extat ea de re Canon apud Gratianum Dist. 1. De Conſecratione Cap. 61. sub Soteris Pa-

pæ

pæ nomine , qui ab aliis *Anacleto* tribuitur. Hoc quoque statutum est , inquit , ut nullus Presbyterorum Missarum solemnia celebrare præsumat , nisi duobus præsentibus , sibi-que respondentibus ipse tertius babeatur : quia cum pluraliter ab eo dicitur , Dominus vobiscum , & illud in Secretis , Orate pro me , aptissimè convenit ut illius respondeatur salutationi . Idem sancitum fuit in Concilio Colonienfi, P.2. Cap.18. Verùm hi Canones , quid sit conveniens declarant , non quid necessarium : & nullius roboris est Cap. Hoc quoque , ex supposita *Soteris* vel *Anacleti* Epistola compactum .

282. Eremitis perpetuò inclusis per-
mitti potest ut soli sine respondente Missam celebrent . Id aliquando concessum à Romano Pontifice , refert doctissimus Cardinalis Bona , Lib.1. *Rerum Liturgicarum*, Cap. 13. idque confirmat Glossa ad laudatum *Gratiani* Caput . Id apud Monachos olim toleratum , vel ipsis ex indulgentia concessum , scribunt *Odo Cameracensis* in Expositione Canonis , & *Stephanus Eduensis* Lib. De Sacramento Altaris , Cap. 13. Nec id à ratione videbatur alienum , ut quis solus diceret , Dominus vobiscum : Nam his verbis se Ecclesiam salutare aiebant , quæ est una in multis , & tota in singulis , ut ostendit etiam *Petrus Damiani* in Opusculo ad *Leonem Inclusum* , quod inscripsit , Dominus vobiscum . Quòd si Sacerdos , cum solus recitat noctur-

Absque Ministro celebrare non licet , nisi ex Summi Pontificis dispensatione .

PARS I.

Art. 4.

§. 11.

nas & diurnas preces, omnia pluraliter profert, quæ plurali numero enuntiantur in Divinis Officiis; dicit enim, *Venite adoremus, Oremus, Benedicamus*, cum nemo illic sit qui cum ipso adoret, precetur, benedicat: non repugnat rationi ut Sacerdos absque Ministro & circumstantibus celebrans dicat, *Dominus vobiscum*, aut omnes circumstantes Deo commendet, quia hæc verba Fideles omnes spectant, *Qui adsistunt quasi præsentés, fide & caritate Sacramentis communicantes*, ut loquitur *Stephanus Eduensis*. Verumtamen id ne Inclusis quidem Eremitis licet absque Sedis Apostolicæ licentiâ. Ut enim decrevit *Alexander III. Cap. Proposuit*. Extra *De Filiis Presbyterorum*, solus Presbyter Missarum solemnia sine Ministri suffragio celebrare non potest.

*Minister
Vir esse
debet, non
fœmina,
etiam Mo-
nialis.*

283. Missæ Minister vir esse debet, non fœmina, etiam Sanctimonialis. Id enim Canonibus vetitum est. Ita *Laodicenum Concilium*, Canone 44. *Non oportet mulierem ad Altare ingredi*. Ita *Gelasius I. Epistola 9. ad Episcopos Lucaniæ*, Cap. 26. *Impatienter audivimus tantum divinarum rerum subisse despectum, ut fœminæ sacris Altaribus ministrare ferantur: & cuncta quæ non nisi virorum famulatui deputata sunt, sexum, cui non competit, exhibere*.

*Decet esse
Clericum
Talarj*

284. Maximè decet, omninoque servandum est, cum fieri potest, ut Missæ Minister Clericus sit, superpelliceo indutus,

tus, & talari veste. Ita decreverunt Con-
cilium Mediolanense 4. Aquense anni 1585.
Tolosanum 1590. Cap. 6. Avenionense an-
ni 1594. Cap. 22. Narbonense anni 1609.
Cap. 29. S. Carolus in Concilio Mediola-
nensi sexto, Titulo, *Quæ ad Missam perti-
nent*, addit: *Clericus qui in Missæ Sacrificio
ministrat, dum eam functionem obit, ne
preces horarias, neque aliud quidquam de
libro, aliòve Officio recitet, sed toto intima
pietatis studio ad ministerium attentus sit,
quod tunc piè religiosèque exequi debet.*
Synodus Tridentina non vult à Sacerdote
Missam celebrari, Nisi prius qui intersint,
decenter composito corporis habitu declara-
verint se mente ac devoto cordis affectu,
non solum corpore adesse. S. Carolus in Con-
cilio Mediolanensi quarto parte 2. Cap. 10.
statuit ut *Cum Sacerdos ad Altare accesserit,
sacrificium Missæ factururus, Clericus qui tunc
illi ministraturus est, ubi alius non sit qui
tunc hoc officium præstare possit, circumspiciat
adstantes, & si quempiam animadver-
terit mærem vel feminam incomposito cor-
poris habitu, vel aliàs cum injuria vel irre-
verentia sanctissimi illius sacrificii interesse,
moneat graviter ... Missâ verò inchoatâ, si
quid hujusmodi fiat, hoc idem officium ad-
monendi itidem ille Minister Clericus præ-
stet modestè & graviter.* Ex his patet quan-
ta emendatione indigeat ille abusus, quo ad
Missæ Ministerium passim admitti solent.

PARS I.

Art. 4.

S. II.

pueri, aut viliores homines, qui sine ullo pietatis sensu, aut cordis affectu, sine ulla tam sublimis & sanctæ functionis intelligentia, non attendentes ad ea quæ dicunt aut agunt, & quæ à Sacerdote dicuntur & aguntur, velut psittaci Missæ respondent, velut simiæ ministrant. Sanè cùm Minister sacrificii Sacerdoti respondens, vices totius populi suppleat, & publici Ecclesiæ Ministri partes agat, indecens & indignum est tanti Mysterii sanctitate, ut pueri, aut vilissimi homines, habitu sordido & incomposito, in illius functione ministerii non satis instructi, immodesti & immorigeri, ad illam admittantur: & quod, ubi Clerici deficiunt, honestiores Laici Missæ celebrationi, quod totius Ecclesiæ summum & sacerrimum negotium est, ministrare, & sacerdoti respondere refugiant & erubescant; quasi ea functio puerorum tantum aut fervorum esset.

285. Missarum siccarum celebratio, quamvis aliquando tolerata, permitti tamen non debet. Missa sicca dicta est, quæ à Sacerdote sacris vestibus induto, absque Oblatione, Secretis, Canone, Consecratione, & Communionem, absque Calice & hostia celebrabatur. *Nautica* etiam vocata est, quodd in mari & fluminibus celebrari solet, in quibus propter motum & agitationem fluctuum vix potest Sacrificium offerri absque periculo effusionis. In usu erat tempore

*Missæ sic-
cæ impro-
bantur*

S. LII.

S. Ludovici Regis, quem, cùm è trasmarina Expeditione in Galliam rediret, Corpus Christi in navi decentissimè collocari, atque ibi Officia divina, & Missam, excepto Canone, quotidie celebrari iussisse, refert *Guillelmus de Nangiaco* in ejus Vita. Eiusdem Missæ Ritum describit *Durandus* in Rationali Divinorum Officiorum, Lib. 4. Cap. 1. Hanc revera siccam esse, sine gratia & humore confectionis Eucharistiæ, & nihil Fidelibus prodesse, ait *Petrus Cantor* in Verbo Abbreviato, Cap. 29. Adversus illam acriter declamat *Estius* magni nominis Theologus. *Joannes Eckius* vocat irrisionem Dei & illusionem Christi, Illius usum esse prorsus illicitum, quia continet falsitatem in facto & in verbo, scribit *Silvius*; in facto, quia Sacerdos simulat omnia quæ sunt celebrantis, nec tamen celebrat aut Sacrificium offert; in verbo, quia recitantur Orationes quæ promittunt Sacrificium, & aguntur postea gratiæ, quasi illud oblatum ac sumtum esset. De ipsa scribit pius & eruditus Cardinalis *Bona* Lib. 1. *Rerum Liturgicarum*, Cap. 15. *Missæ sicca ab indiscreta & privata quorundam devotione duxit originem, cui nimium indulgentes fuerunt Sacerdotes. Larva est & simulatio quadam veræ Missæ, sicca procul dubio & jejuna, ut pote carens non solum Consecratione, sed etiam sumptione Corporis Christi, similis cænæ ligneæ & lapideæ, quam Lampridius & alii referunt*

PARS I.

Art. 4.

§. 11.

convivis suis Heliogabalum exhibuisse. Ha: in Belgio abrogavit Synodus Cameracensis 2. Tit. 3. Cap. 7. & Synodus Yprensis *Martini Rythovii* Tit. 15. Cap. 10. alibi Episcoporum vigilantia. Sed multò ante vetitæ fuerant à Concilio Parisiensi anno 1212. Canone 11.

*Missæ ubi
celebranda?*

286. Missæ Sacrificium privatis in domibus, atque omnino extra Ecclesiam, & ad divinum tantum cultum dedicata Oratoria, ab Ordinariis designanda & visitanda, à sæcularibus aut Regularibus Sacerdotibus quibuscunque peragi non debet. Ita statuit Concilium Tridentinum Sessione 22.

287. A *Constantini* tamen temporibus obtinuit consuetudo, ut in Castris ritè ac licitè celebretur in Altari portatili.

288. In Concessionibus celebrandi Missam in Capellis vel Oratoriis domus privatae, excipiuntur majores solemnitates, & hæc conditio apponitur, ut alii, præter quàm servitio personæ, cujus intuitu Oratorium conceditur, necessarii, ibidem audientes Missam, ab obligatione audiendi eam in Ecclesia per hoc non liberentur. Quod in his facultatibus construendi Oratoria, ex stylo Romanæ Curiae apponi consuevit (inquit *Barbosa*) vel his verbis exprimi solet; *Salvo jure Parochiali*.

*Missis celebrandis
ordo ab*

289. Missis privatis celebrandis hic modus & ordo ab Episcopis, Ecclesiarum Rectoribus, aliisque Superioribus statui debet dic-

diebus Dominicis Festisque Majoribus, ut
 earum celebratione & auditione Populus
 Christianus à Missa Parochiali audienda
 non distrahatur . Ita sanxerunt Synodus Lin-
 gonensis sub Joanne d' Amboise anno millesi-
 mo quadringentesimo nonagesimo primo ;
 Senonensis , anno millesimo quingentesimo
 vigesimo-quarto ; Carnotensis anno mille-
 simo quingentesimo vigesimo-sexto .

PARS I.

Art. 4.

§. 12.

Episcopis
servan-
dus.

§. XII.

De Missa Parochiali .

290. **F**ideles diebus Dominicis &
 Majoribus Festis Parochiam
 frequentare , Solemne Sacrum , & verbum
 Dei in ea audire tenentur . Sic enim statuit
 Concilium Tridentinum Sessione 22. in De-
 creto de observandis & evitandis in cele-
 bratione Missæ : *Ordinarii locorum Episcopi*
moneant populum , ut frequenter ad suas
Parochias, saltem Diebus Dominicis & Ma-
ioribus Festis accedant .

Obligatio
Fidelium
ad frequen-
tandam
Parochiā.

291. Et Sessione 24. De Reformatio-
 ne , Cap. 4. *Moneant Episcopus Populum*
diligenter , teneri unumquemque Paro-
chiæ suæ interesse , ubi commodè id fieri
poteat , ad audiendum verbum Dei . Et Cap.
7. Episcopi curabunt ut Parochi inter Mis-
sarum solemnias , aut Divinorum Celebra-
tionem , sacra Eloquia , & salutis Monita

ver.

PARS I.

Art. 4.

S. 12.

vernaculâ linguâ, singulis diebus festis vel solemnibus explanent, eademque in omnium cordibus postpositis inutilibus quæstionibus, inferere, atque eos in Lege Domini erudire studeant.

292. *Sixtus IV, Cap, Vices illius, Tit. De Treuga & Pace, Extravag. Commun. Lib. 1. vetat Ne Fratres Mendicantes prædicent, Populos Parochianos non teneri audire Missam in eorum Parochiis diebus Festivis & Dominicis, cum Jure sit cautum illis diebus Parochianos teneri audire Missam in eorum Parochiali Ecclesia, nisi forsan ex honesta causa ab ipsa Ecclesia se absentarent.*

*Præcepto
audiendi
M. ssam
fit satis il-
lam au-
diendo in
Ecclesiis.
Regula-
rium.*

293. *Nihilominus Fideles audientes Missam Dominicis Festisque diebus in Ecclesiis Regularium, Ecclesiæ præcepto de audienda Missa satisfaciunt. Ita declaravit Leo X, Pontifex Maximus Diplomate dato Romæ die 13. Novembris, anno 1517. Intelleximus, inquit, quosdam in dubium revocare, & perinde timoratis conscientiis scrupulum injicere, si Christi Fideles, qui Dominicis & Festivis diebus extra Ecclesias suas Parochiales, Missas audiunt in Ecclesiis Fratrum Ordinum Mendicantium, Ecclesiæ præcepto de Missa audienda satisfaciant. Nos enim ambiguitatem hujusmodi penitus tollere volentes, ut cum sinceriori conscientia Fideles quique Deo Creatori suo serviant, Auctoritate Apostolica, tenore præsentium notum facimus, omnes Christi Fideles utrius-*

que

que sexus, qui (non contempto proprio Sa-
cerdote Parochiali) in Ecclesiis Fratrum Or-
dinum Mendicantium, Dominicis & Festis
diebus Missas audiunt, satisfacere præcepto
Ecclesiæ de Missa audienda, nec in aliquam
labem peccati mortalis, pœnæve incurre-
re. Hanc Declarationem confirmavit San-
ctus Pontifex Pius V. Diplomate dato Romæ
17. Kal. Septemb. anno 1567. Christi Fide-
les, inquit, audiendo Missas & alia Divina
Officia in Ecclesia Fratrum hujusmodi die-
bus Dominicis aut Festivis, præcepto Eccle-
siæ de illis audiendis satisfecisse censeantur.

294. Potest tamen fieri aliunde ut quis
peccet, etiam lethaliter, non audiendo Mis-
sam in propria Parochia, ut si quis nolit eam
audire ex contemptu, aut quando Parochus
declarat ea quæ Parochiani scire tenentur
(inquit Barbosa Lib. De Potestate & Officio
Episcopi, P. 2. Allegatione 24. Navarrum,
aliósque secutus.)

295. Parochi cujusquam gratiâ, aut me-
tu, Missam Parochialem anticipare non de-
bent, aut differre; sed eâ horâ celebrare,
quæ populo magis commoda sit. Ita decre-
vit Concilium Mediolanense 1. Cap. De his
quæ pertinent ad celebrationem Missæ.

PARS I.

Art. 4.

§. 12.

Peccaret
tamen
mortaliter
qui ex cõ-
temptu Mis-
sam Pa-
rochialem
non audi-
ret.

Missam Pa-
rochialis
hora siata
populo ma-
gis com-
moda dici
debet.

PARS I.

Art. 4.

§. 13.

§. XIII.

*De valore Sacrificii Missæ, & obligatione Sacerdotum pro aliis celebrantium.**Vis & applicatio Sacrificii Missæ.*

296. **V** Alor Sacrificii Missæ, seu vis illius & dignitas, ratione rei oblatæ & principalis offerentis, infinita est. Eadem enim victima est, quæ in Cruce pro nostris & totius Mundi peccatis est oblata; idem Sacerdos: unum & idem proinde Sacrificium, solâ offerendi ratione diversum, ut docet sacra Synodus Tridentina. Cum itaque Christus idem sui Sacrificii Sacerdos & victima, sit infinitæ dignitatis & virtutis, Missæ Sacrificium ea ratione spectatum infiniti pretii ac virtutis est. At Sacrificium Missæ spectatum ratione effectus, quem ex Christi institutione habet, quatenus per Ecclesiæ Ministros offertur, finiti valoris & virtutis est: Oblatio enim, quatenus est actio Sacerdotis, finita est.

An æquè profit singulis ac si pro uno solum offerretur.

297. Hinc Sacrificium Missæ, quatenus intentione & orationibus Sacerdotis aliis applicatur, non æquè prodest singulis ac si pro uno solum offerretur. Virtus enim illius secundum hanc rationem spectata, finita est: quod autem est finitum, si dividatur inter plures, non æquè prodest singulis, ac si divideretur inter paucos, aut uni tantum

ap-

applicaretur. Præterea, inter Joannis *Viv-
clefi* Articulos, ex quibus plures notoriè ha-
reticos, & à SS. Patribus dudum reprobato-
s; alios non Catholicas, sed erroneos; alios
scandalosos & blasphemos; quosdam pia-
rum aurium offensivos, nonnullos temera-
rios & seditiosos, Concilium Constantiense
declaravit, & ut tales damnavit, decimus-
nonus his verbis conceptus est: *Speciales
orationes applicatæ uni personæ per Præla-
tos, vel Religiosos, non plus prosunt eidem
quàm generales, ceteris paribus. Cùm ita-
que Missæ Sacrificium intentione & oratio-
ne Sacerdotis celebrantis applicetur illis pro
quibus offertur, non ita prodest singulis, ac
si pro uno solùm offerretur. Atque hæc est
S. Thomæ doctrina in 4. Sententiarum, Dist.
45. Quæst. 2. A. 4. Quæstiuncula 1. Et in
Responsione ad primum, & Quæstiuncula 2.
in Responsione ad secundum: Quamvis vir-
tus Christi, quæ continetur sub Sacramento
Eucharistiæ sit infinita, tamen determina-
tus est effectus, ad quem illud Sacramentum
ordinatur. Unde non oportet quòd per unum
Altaris Sacrificium tota pœna eorum qui
sunt in Purgatorio, expietur; sicut etiam
nec per unum Sacrificium quod aliquis ho-
mo offert, liberatur à tota satisfactione de-
bita pro peccatis. Unde & quandoque plu-
res Missæ in satisfactionem unius peccati in-
iunguntur. Credibile tamen est, quòd per
divinam misericordiam, si aliquid de spe-*
cia-

PARS I.

Art. 4.

S. 13.

Propositio
damnata.

PARS I. *cialibus suffragiis supersit his pro quibus*
 Art. 4. *fiunt (ut scilicet eis non indigeant) aliis*
 S. 13. *dispensetur , pro quibus non fiunt , si eis in-*
digeant . Denique si Missa pro multis cele-
brata tantum prodesset singulis ac si pro uno
tantum celebraretur , non instituisset Eccle-
sia ut pro aliquo singulatim Missa celebrare-
tur : & pro omnibus Fidelibus defunctis sem-
per offerendum esset Sacrificium , nusquam
uni speciatim applicandum : siquidem plures
juvare melius est , quam unum .

Fideles 298. Cum plures pari affectu & devo-
omnes qui tione cooperantur Sacerdoti ad Sacrificium
Sacerdoti offerendum , non minor est Sacrificii fructus
Missam uniuscujusque Oblationi respondens, quam si
celebran- unus tantum cum Celebrante offerret. Cum
ti pium enim tot sint oblationes , seu actiones offe-
devotionis rentium , quot personæ ; fructus Sacrificii ,
adiungūt quatenus per hujusmodi oblationes unicui-
affectum , que singulatim applicatum , non minor est
Sacrificiū quam si ab uno tantum , Sacerdoti per affe-
suo modo ctum & devotionem cooperante, offerretur .
offerunt . Ecclesia itaque , & Fideles omnes sive præ-
 sentes , sive absentes , qui pium devotionis
 affectum Sacerdoti Missam celebranti adjun-
 gunt , Sacrificium suo modo offerunt . Hinc
 Sacerdos in Canone Missæ ait : *Memento*
Domine , famulorum , famularumque tua-
rum , & omnium circumstantium , pro qui-
bus tibi offerimus , vel qui tibi offerunt hoc
Sacrificium laudis . Ex quibus verbis , in-
 quit *Petrus Damiani , in libro quem inscri-*
 ptus,

psit, *Dominus vobiscum*, Cap. 7. manifestè ostenditur, quòd *A cunctis Fidelibus*, non solum viris, sed & mulieribus Sacrificium illud offertur, licet ab uno specialiter offerri Sacerdote videatur: quia quod ille Deo offerendo manibus tractat, hoc multitudo Fidelium intentà devotione commendat. Quod, illic quoque declaratur, ubi dicitur. Hanc, igitur oblationem servitutis nostræ, sed & cunctæ familiæ tuæ, quæsumus Domine, ut placatus accipias: Quibus verbis luce clariùs constat, quia Sacrificium quod à Sacerdote sacris Altaribus superponitur, à cuncta Dei familia generaliter offeratur. Idem asserit Innocentius III. Lib. 3. De Mysteriis Missæ, Cap. 5. Non solum, inquit, offerunt Sacerdotes, sed & universi Fideles. Nam quod specialiter adimpletur Ministerio Sacerdotum, hoc universaliter agitur voto Fidelium. Sicut igitur Sacerdos intentione quidem generali Sacrificium offerens pro Ecclesia, pro Summo Pontifice, pro Episcopo, pro Rege, pro se ipso, pro vivis & defunctis, illius virtutem applicat Ecclesiæ universæ, insignioribus illis Ecclesiæ membris, omnibusque Fidelibus, & præsertim circumstantibus; intentione verò singulari fructum ejusdem Sacrificii illis applicat, pro quibus singulatim offerre decrevit; ita singuli cum Sacerdote offerentes sibi ipsis applicant pro sua virili Sacrificium; nec minorem ex eo fructum capiunt, si pari pietatis

PARS I. tis studio offerant, paritèrque sint ad illum
 Art. 4. capeffendum dispositi.

S. 13.

*Qui pro
 pluribus
 celebrare
 debet, non
 satisfacit
 celebrando
 unam
 Missam
 pro omni-
 bus.*

299. Qui pro pluribus celebrare debet, eumque in finem eleemosynam sive honorarium accepit, Officio suo non satisfacit celebrando unam Missam pro omnibus: quin imò graviter peccat, & ad restitutionem tenetur. Illi enim sibi applicari volunt fructum respondentem obligationi Sacerdotis, ut pro aliquo singulatim offerentis: fructus autem ille Sacrificii, ea ratione spectatus, quò in plures dividitur, eò minor ad singulos pervenit: iustà igitur petitione suà, suoque jure fraudantur Fideles, qui Sacerdoti stipendium seu eleemosynam contulerunt ut Missa pro ipsis singulatim celebraretur, si una & eadem aliis applicetur, qui eleemosynà pariter datâ, seu stipendio (ut ita loquar) soluto, Sacrificium pro se offerri pariter postularunt.

*Missæ ho-
 norarium.*

300. Nec obstat quòd stipendia sint incongrua ad alendum una saltem die Sacerdotem, qui Altari ministrans, de Altari vivere debet. Qui enim à Sacerdotibus Missas postulant, diurnam illis sustentationem ex toto non debent, cùm Sacerdotes non ad Missæ tantum celebrationem teneantur, sed etiam ad alia Officia obligentur, pro Ecclesiæ membris omnibus persolvenda. Unde sacra Synodus Tridentina Sessione 21. Cap. 2. De Reformatione, statuit ne quis deinceps Clericus secularis ad Sacros Ordines pro-

mo-

moveatur, nisi prius legitimè constet, eum **PARS I.**
Beneficium Ecclesiasticum, vel certè *Patri-* **Art. 4.**
monium aut *Pensionem* habere, *qua ipsi ad* **S. 13.**
vitam sustentandam satis sint. Totale ita-
 que diurnæ sustentationis stipendium ex Mis-
 sarum celebratione Sacerdotibus expectan-
 dum non esse existimavit.

301. Confirmatur ex Decreto Sacrae **Decretum**
 Congregationis Cardinalium Concilii Tri- **Urbani**
 dentini interpretum, *Urbani VIII.* Pontifi- **VIII.**
 cis Maximi autoritate edito die 21. Junii
 1625. Ubi, inquit, pro pluribus Missis, etiam
 ejusdem qualitatis, celebrandis stipendia,
 quantumcunque incongrua & exigua, siue
 ab una, siue à pluribus personis collata fue-
 runt, aut conferentur in futurum Sacerdo-
 tibus, Ecclesiis, Capitulis, Collegiis, Hospi-
 talibus, Societatibus, Monasteriis, Conven-
 tibus, Congregationibus, Domibus, ac locis
 piis quibuscumque, tam Sacularibus quam
 Regularibus, Sacra Congregatio sub obtesta-
 tione divini Judicii mandat, ac precipit, ut
 absolute tot Missæ celebrentur, quot ad ra-
 tionem attributæ eleemosyna præscriptæ
 fuerint; ita ut alioquin ii, ad quos pertinet,
 suæ obligationi non satisfaciant, quinimò
 graviter peccent, & ad restitutionem tenean-
 tur. Id verò ut deinceps observetur exa-
 ctius, Sacra Congregatio eadem auctoritate
 revocat Privilegia & Indulta omnia qui-
 busvis personis, Ecclesiis ac locis piis tam
 Sacularibus quam Regularibus cujuscumque

PARS I.

ART. 4.

§. 13.

Ordinis, Congregationis & Instituti, quamcumque ob causam concessa, quibus indulgetur, ut certarum Missarum vel Anniversariorum celebratione, aut aliquibus Collectis, seu Orationibus, plurium Missarum oneribus in futurum suscipiendis satisfiat.

302. Confirmatur secundò Propositio superior ex Decreto *Alexandri VII.* Pontificis Maximi dato Romæ, die 24. Septembris anni millesimi sexcentissimi sexagesimi quinti, quo inter alias corruptæ Moralis Propositiones, quas *ut minimum tanquam scandalosas* damnavit ac prohibuit, docerique, ac defendi, aut de eis etiam disputando tractari, publicè vel privatim, nisi forsan impugnando, penitus vetuit sub pœna Excommunicationis ipso facto incurrenda, hæc ordine decima proscribitur: *Non est contra iustitiam pro pluribus Sacrificiis stipendium accipere, & Sacrificium unum offerre. Neque etiam est contra fidelitatem, etiam si promittam promissione, etiam iuramento firmata, danti stipendium, quòd pro nullo alio offeram.*

*Propositio
damnata,
in materia
bono-
tarii.*

*De anticipa-
tione
Missarum*

303. Celebrationem Missæ anticipare non licet pro incertis Missas postulaturis, ac eleemosynas in eum finem collaturis. Sic enim pia Fidelium intentio defraudaretur, qui Sacrificium offerri volunt ad gratiam aliquam, vel auxilium, urgente necessitate, sibi vel suis à Deo impetrandum. Quamobrem Sacra Congregatio Cardinalium
Con-

Concillii Tridentini Interpretum autoritate **PARS I.**

Pauli V. Pontificis Maximi anticipatam il- **Art. 4.**

S. 13.

lam Celebrationem prohibuit ac damnavit die 15. Novembris anni millesimi sexcentissimi quinti, *tanquam pluribus nominibus periculofam, Fidelium scandalis & offensionibus obnoxiam, atque a vetusto Ecclesiæ more nimium abhorrentem*; illumque abusum aboleri jussit ab Episcopis & Superioribus Regularibus, pœnâ Excommunicationis, aliisque propositis, Decretum illud refert *Barbosa, Lib. De Officio & Potestate Episcopi*, P. 2. Allegatione 24. Tum quia redolet nimiam lucri cupiditatem: tum quia par est ut qui tradit eleemosynam, sciat Missam pro se celebrandam, ut melius se disponat ad recipiendum Sacrificii fructum: tum quia homines retrahi possent ab eleemosynis in futurum tradendis pro Celebratione Missarum, si Sacerdos offerenti eleemosynam responderet: *Applico tibi Sacrificium quod aliàs celebravi*. Facile enim sibi persuaderent Sacerdotein accipere stipendium, & non persolvere onus pro quo stipendium accepit. Casum tamen unum excipiunt Casuum Arbitri, in quo Missarum Celebrationem anticipare Sacerdoti licitum est, quando scilicet ex obligatione alicujus Capellæ tenetur aliquis tot Missas singulis hebdomadibus celebrare, vel in posterum certa quadam intentione; tunc enim huic oneri satisfacere potest, illas antecedente hebdomada

PARS I. celebrando : nisi fortè in litteris foundationis
Art. 4. aliud expressum esset, quo prætermisso, Funda-
 §. 13. toris voluntas eludi videretur .

Qui Missam cele-
brandam suscepit ,
non potest
alteri illam com-
mittere ,
eleemosyna parte
sibi retenta .

304. Sacerdos qui Missam celebrandam cum certa eleemosyna suscepit, Missam alteri celebrandam committere non potest parte ejusdem Eleemosynæ sibi retentâ, etiamsi justum & consuetum honorarium persolvat Celebranti. Nullus enim justus titulus est illi qui Missam cum certa eleemosyna suscepit, alterique celebrandam committit, retinendi sibi partem eleemosynæ : illa siquidem tota quanta est, ob Missam celebrandam est erogata, adeoque illi indebita qui non celebrat. Ab ipso proinde non solum absque turpis lucri nota, sed absque furti crimine retineri pars ejus non potest, & si retineat, ad restitutionem tenebitur. Eique legi non solum privati Sacerdotes, sed Æditui sive Sacristæ, quarumvis Ecclesiarum subjacent. Non possunt enim absque turpi lucro & furto, partem eleemosynæ ipsi collatæ, ad celebrationem Missæ, verbi gratia ex assibus decem sibi quinque retinere, & quinque reliquos dare Sacerdoti iis in Provinciis degenti in quibus consueta pro celebratione Missæ eleemosyna est quinque assium duntaxat. Quamvis enim id cedat in commodum Ecclesiæ vel Conventus alicujus Parisiensis, nec provinciali Sacerdoti fieri videatur injuria, cui stipendium illud gratum est: nihilominus peccatur contra justitiam, quia

ele-

eleemosyna ob Celebrationem Missarum **PARS I.**
 erogata illi tota debetur, qui Missas cele- **Art. 4.**
 brat. Quamobrem Sacra Congregatio Car- **S. 13.**
 dinalium Concilii Tridentini Interpretum **Decretum**
 autoritate Urbani VIII. edito ea de re De- **S. Congre-**
 creto anno 1625. *Omne damnabile lucrum* **gationis**
Concilii.

ab Ecclesia removeere volens, prohibet Sa-
cerdoti, qui Missam suscepit celebrandam
cum certa eleemosyna, ne eandem Missam
alteri, parte ejusdem eleemosyna sibi reten-
tâ celebrandam committat. Cùmque ab
eadem Congregatione postea quæsitum es-
set, An Sacerdotes, quibus aliquando of-
fertur eleemosyna major solitâ pro Celebra-
tione Missæ, debeant dare eandem integram
eleemosynam iis, quibus Missas celebra-
das committunt: an verò satis sit, ut dent
Celebrantibus eleemosynam consuetam? Sa-
cra Congregatio respondit: Debere absolute
integram eleemosynam tribuere Sacerdoti
celebranti, nec illam illius partem sibi reti-
nere posse. Rector tamen Beneficii, qui Mis-
sarum celebrandarum onus Beneficii ipsius
ratione sibi impositum ad alterum potest
transmittere, non tenetur Sacerdoti cele-
branti dare stipendium ad rationem redi-
tuum Beneficii, Sed satis est ut ei tribuat
eleemosynam congruam, secundum morem
Civitatis vel Provincia, nisi in fundatione
ipsius Beneficii aliud cautum fuerit, ut (re-
spondit eadem Congregatio.) Denique hanc
Propositionem inter alias etiam dampnavit

Propositio
dampnata.

PARS I. *Alexander VII. Pont. Maximus: Post Decre-*
 Art. 4. *tum Urbani VIII. potest Sacerdos, cui Missæ*
 S. 43. *celebrandæ traduntur, per alium satisfacere, collato illi minori stipendio, alia parte sti-*

pendii retentâ. Nihil etiam retineri debet ab
Ædituis aut administratoribus Ecclesiarum,
ex Missarum celebrandarum eleemosynis,
pro expensis ornamentorum, cereorum, ho-
stiarum, vini, &c. nisi cum Ecclesiæ alios
reditus non habent, quos eum in usum ex-
pendere possint. Id enim omnino vetat lau-
datæ Congregationis Decretum.

Vna e'
eadem
Missæ
duabus
obligatio-
nibus sa-
tisferi ne-
quit.
Quoties
Parochi
celebrare
tenentur
ratione
Beneficii?

305. Sacerdotes, quibus diebus tenentur Missas celebrare ratione Beneficii, seu Capellæ, legati, aut stipendii, si eleemosynas pro aliis etiam Missis celebrandis susceperint, non possunt eâdem Missâ utrique obligationi satisfacere. Ita declaravit eadem Congregatio Cardinalium Concilii Tridentini Interpretum. Unde cum Parochi Dominicis & Festis diebus ratione Beneficii sui Missam celebrare teneantur, imò ter in hebdomada, ex Decreto Concilii Mediolanensis

1. sub S. *Carolo*, eleemosynas pro aliis etiam Missis diebus iisdem celebrandis suscipere non possunt, aut eâdem Missâ utrique obligationi satisfacere.

Sacerdos
fructum
Sacrificii
sibi desti-
natum al-
teri com-

306. Sacerdoti pro alio Missam receptâ Eleemosynâ, celebranti, non licet aliam quoque Eleemosynam accipere ab altero, cui partem illam fructus seu valoris ejusdem Sacrificii, ipsimet Celebranti debitam applicet

cet. Quamvis enim specialis ille Sacrificii fructus Sacerdoti à Deo destinatus, beneficium personale non esset, alterique incommunicabile, tamen Sacerdoti non liceret esse ita salutis suæ, & spiritualis profectus incurioso ac negligenti, ita turpis lucri cupido, ut propter decem asses augmento gratiæ, remissioni pœnæ, novis gratiarum auxiliis, quæ per Sacrificium Corporis & Sanguinis Christi obtinere à Deo potest, renuntiaret. Quamobrem Sacra Congregatio Cardinalium Tridentini Concilii Interpretum *Alexandri VII.* auctoritate, Assertionem quorundam, qui id licitum asseruerant, post maturum examen reprobata, die 25. Januarii anni millesimi sexcentissimi quinquagesimi-noni declaravit: *Nulli Sacerdoti licitum esse præfata ratione, sive pretextu, aliam eleemosynam accipere, præter illam quam accepit ab eo, pro quo Missam offerre tenetur: ac proinde casum hunc esse comprehensum in Decretis aliis per eandem Sacram Congregationem Concilii editis, quibus prohibetur ne duplex stipendium pro unica Missa recipiatur.* Quam Declarationem Summus Pontifex confirmavit, & Decretum in praxi sequendum ad Episcopos & Summos Ordinum Moderatores transmitti iussit.

307. Ubi nullam certam eleemosynam Testator reliquit, ab Episcopo præscribenda est eleemosyna congrua, quæ respondeat oneribus Missarum celebrandarum, secun-

*Quando
ab Episco-
po præ-
scribenda
Missæ E-*

PARS I. dùm morem Civitatis, vel Provinciæ . Item,
Art. 4. si tribuens eleemosynam numerum Missarum celebrandarum non præscripserit, tunc tot Missæ celebrari debent, quot præscripserit Ordinarius secundùm morem Civitatis, vel Provinciæ . Cùm verò Ordinarius præscripserit eleemosynam congruam juxta qualitatem loci , personarum , ac temporum , Sacerdotes accipientes stipendium minus congruum tenentur Missas illis ab offerente præscriptas celebrare . Ita declaravit Sacra Congregatio Cardinalium Concilii Tridentini Interpretum , iisdemque verbis ad dubia sibi proposita respondit , cujus responsa *Urbani VIII.* Auctoritate approbata , Tom. 4. Bullarii Romani p. 90. edita sunt .

Pacta vitanda in celebratione Missarum atque turpes quasus .

308. Cujusvis generis mercedum conditiones , & pacta pro celebratione Missarum , & quicquid pro Missis novis celebrandis datur ; necnon importunas atque illiberales eleemosynarum exactiones potiùs quàm postulationes , aliæque hujusmodi quæ à simoniaca labe , vel certe à turpi quæstu non longè absunt , omnino prohibere debent Episcopi . Ita jubet sacra Synodus Tridentina , Sessione 22. in Decreto de observandis & vitandis in celebratione Missæ ; & meritò quidem : nam *Facere pactiorem de Missa celebranda est simoniacum semper . Si tamen Sacerdos non habet alios sumtus , & non tenetur ex Officio Missam cantare , potest accipere denarios (sicut conducti Sacerdotes faciunt)*

ciunt) non quasi pretium Missæ, sed quasi PARS I.
sustentamentum vitæ. Verba sunt S. Thomæ Art. 4.
in 4. Sententiarum, Dist. 25. Quæst. 3. Art. 2. S. 13.

Quæstiuncula 1. ad 4. Sanè turpis quæstus,
qui in quosdam Viros Ecclesiasticos irrepsit,
qui de Missarum celebratione artem facere
lucrandi panem, ut loquitur alicubi Caieta-
nus, dat locum Ecclesiæ gemitui, quæ hæc
S. Bernardi verba usurpare potest: Ipsa quo-
que Ecclesiastica Dignitatis officia in tur-
pem quæstum, & tenebrarum negotium
transiere, nec in his salus animarum, sed
luxuria quæritur divitiarum: propter hoc
tondentur, propter hoc frequentant Eccle-
sias, Missas celebrant, Psalmos decantant.

309. „ Qui Capellas obtinent, ipsi per *Capellani*
 „ se, non alii eorum nomine, Missæ Sacri- *munia,*
 „ ficiū, divinæque Officia, quæ illarum *sua per se*
 „ Rectores præstare debent, in illis cele- *obire de-*
 „ brent, si modò vel aliud Ecclesiasticum *bent, nisi*
 „ Beneficiū, quod Residentiæ personale *legitimè*
 „ munus requirat, non habeant; eoque im- *impedian-*
 „ pediti, debita iis Capellis Officia gerere *tur.*
 „ non queant; vel earumdem institutione,
 „ donationeve aut legato, aut donatione,
 „ aut facultate ab Episcopo impetrata, in
 „ illis obeundis Capellani Officiis alienæ
 „ operæ ministeriove uti possint, vel aliâ
 „ quavis ratione causâve impediti sint.
 „ Singula verò ob quæ Capellanus aliquis
 „ se à debito Capellani Officii munere im-
 „ munem putet, asserâtve quominus per se

„ ip-

PARS I.

Art. 4.

§. 14.

„ ipsum præstet, ab Episcopo cognoscantur, ac probentur. Ita statuit Concilium
 „ Mediolanense 4. sub S. Carolo.

§. XIV.

*De Ceremoniis Missæ locum
 spectantibus.*

In Ecclesia seu loco sacro Missa debet celebrari.

310.

Quamvis Mundus universus templum sit Dei, & in omni loco puras manus ad ipsum attollere liceat, ut docet Apostolus 1. ad *Timotheum* 2. Sacrificium tamen in loco ritè consecrato decet offerri, scilicet in Ecclesia & Altari divino cultui dedicatis. Quamobrem rectè Canonibus constitutum est, ut Sacrificium Eucharistiæ extra loca ab Episcopo consecrata, vel Dei cultui designata non celebretur.

Ad celebrationem Missæ Altare necessarium est.

Atque Altari consecrato Missam celebrare nefas.

311.

Non solum in Æde sacra, sive Ecclesia, sed in Altari Missæ Sacrificium offerendum, Scriptura Sacra, & Apostolica Traditio docent. Altare, sive fixum, sive portatile ab Episcopo consecratum esse necesse est, ita ut absque Altari sic consecrato Missam celebrare sit nefas, graviterque peccet quisquis aliter celebrat. Id constat ex Cap. *Nullus*, & ex Cap. *Altaria*, 2. Dist. 1. De *Consecratione*. Quamvis autem propter necessitatem Missa possit in domibus non consecratis, cum Episcopi licentia celebrari, ut.

ut habetur Cap. *Missarum*, Dist. i. De Con-
secratione, non tamen sine Altari portatili,
ut habetur Cap. *Concedimus* : PARS I.
Art. 4.
§. 14.

312. Altaria sive fixa, sive portatilia, sine Sanctorum Reliquiis, quorum vita abscondita est cum Christo in Deo, consecrari non possunt. Sic enim ab Ecclesia statutum est, usque veteri frequentatum. Caput, *Placuit*, Dist. i. De Consecratione, quod sumptum est ex Concilii Africani Canone quinquagesimo, qui in Codice Canonum Ecclesiæ Africanæ octogesimus-tertius est, Altaria sine Reliquiis Martyrum erecta jubet everti. *Placuit ut Altaria, quæ passim per agros & per vias, tanquam Memoria Martyrum constituuntur, in quibus nullum corpus, aut Reliquia Martyrum condita probantur, ab Episcopis, qui locis eisdem præsumunt, si fieri potest, evertantur.* Pontificale Romanum in Altaribus tam fixis quam portatilibus Reliquias condi jubet, quando consecrantur. Unde Sacerdos ad Altare accedens ante Introitum Missæ orat, secundum Romanæ Ecclesiæ Ritum, *Per merita Sanctorum, quorum Reliquia hæc sunt*, ut Communio Militantis Ecclesiæ cum Triumphante significetur, & ad Sacrificium dignè celebrandum implorentur Martyrum suffragia, quorum Animas sub Altari Dei S. Joannes in cælis vidit. (*Apocal. 6.*)

313. Ecclesia consecrari non potest, nisi ab Episcopo, qui Consecrationis hujus Offici-
cium *Ecclesiæ
consecrari*

PARS I.

Art. 4.

S. 14.

*non potest
nisi ab E-
piscopo ,
nec debet
sine dolet.*

cium alteri committere non potest, qui non sit Episcopus, ut colligitur ex Cap. *Nemo*, Dist. 1. *De Consecratione*, quod ex Concilio Aurelianensi 3. sumtum est. Nec sine dote competenti consecrari debet, imò nec ædificari. (Ad Ecclesiam porro dotandam tenetur Fundator, vel ejus hæres, qui dotis instrumentum in manibus Episcopi deponere debent) ut statuit Concilium Bracarense 2. Canone 5. qui refertur Cap. *Placuit*, *Causa* 1. *Quæst.* 2. & *Honorius III.* Extra, *De Consecratione Ecclesiæ, vel Altaris*, Cap. *Cum sicut*. Tam *Dominicis diebus*, quam *privatis*, consecrari possunt Ecclesiæ, ut respondet *Innocentius III.* Tornacensi Episcopo, Cap. *Tua*, eodem titulo: quamvis decentius fiat hujusmodi Consecratio *Dominicis diebus*, vel in *Sanctorum Solemnitatibus*, ut habent Pontificalis Romani Rubricæ. Idque Concilii Cæsaraugustani 3. Canone 1. olim statutum est. Non tamen sine Celebratione Missæ, ut statuit *Vigilius Pontifex Maximus* Epistola ad *Eutherium*, & refertur *Distinct.* 1. *De Consecratione*, Cap. *De Fabrica*.

*Quibus
diebus
an sine
Missæ ce-
lebratio-
ne?*

*Quibus
casibus
iterum con-
secrari de-
bet Eccle-
sia?*

314. Censetur Ecclesia consecrata, cum aliquâ scripturâ vel dotis instrumento probatur consecratio, sive in libro Ecclesiæ, sive in columnâ, sive in tabula marmorea, aut simili monumento, fidem faciente, memoria illius habeatur: vel unius etiam testis oculati, aut qui à fide dignis consecratam

au-

audierit, assertione. Si autem de Ecclesiæ Consecratione dubitatur, & nec certa scriptura, nec certi testes Consecrationis existunt, absque ulla hæsitatione consecranda est: quia *Non monstratur iteratum, quod nescitur factum*; ut habet Cap. *Solemnitates*, Distinct. 1. *De Consecratione*.

315. Duo præterea sunt casus, in quibus Ecclesia consecrata debet iterum consecrari. Primus est, si combusta fuerit, & parietes incendio consumti, vel diruti, vel omnino, seu ex majori parte decrustati sint, ut constat ex Cap. *Ecclesiis*, Dist. 1. *De Consecratione*, & ex *S. Antonino*, 3. P. Tit. 10. Cap. 5. Si autem solum tectum combustum fuerit, iterum consecrari non debet, ut respondet *Innocentius III.* Cap. *Ligneis*, Extra, *De Consecratione Ecclesiæ*. Alter casus est, si tota Ecclesia, vel major pars destructa fuerit: secus si solum tectum, & parietes integri manserint, qui Chrismate delibuti sunt: ut ex eodem Capite colligitur. Si vero parietes successivè fuerint restaurati, eadem Ecclesia censetur, ideòque sufficit ut Aquâ benedictâ reconcilietur, & Celebratione Missæ; ut habetur Cap. *De Fabrica*, Dist. 1. *De Consecratione*.

*Duo alii
Casus.*

316. In Ecclesia violata, sive polluta, celebrare non licet: id qui fecerit, gravis peccati reus est, quamvis Irregularitatem, aliâmvē Censuram non incurrat, ut respondet *Bonifacius Septimus* Cap.

In Ecclesia violata celebrare non licet.

PARS I.

Art: 4.

5. 14.

Is qui, in Sexto: Id verò discriminis Glossa constituit inter eos qui celebrant in loco interdicto, & qui in loco polluto, quòd primi contrahant Irregularitatem, non secundi; puniri tamen debeant ad arbitrium Superioris.

*Quibus
Casibus
violata
censetur
Ecclesia?*
1. Propter
Homici-
dium in
ea perpe-
tratū vel
enormem
sanguinis
effusio-
nem.
Varii cir-
ca hoc ca-
sus resol-
vuntur.

317. Quatuor porrò in casibus polluitur seu violatur Ecclesia. Primò propter *Homicidium* in ea perpetratum, vel enormem *sanguinis effusionem*, ex percussione gravi & injuriosa ortam, ut constat ex Cap. *Ecclesiis*, Dist. 1. De *Consecratione*, & ex Cap. *Proposuisti*, quod est *Innocentii III.* Compostellano Archiepiscopo respondentis. Si verò ex levi percussione elicitur sanguis, quamvis magnâ copiâ, ut in rixis puerorum contingit, non polluitur Ecclesia; nec etiam violatur, cum aliquis lapide fortuitò cadente occiditur, vel ex amentiae furore seipsum occidit, vel aggressorem ob necessariam & justam suæ vitæ defensionem necat, quia mors illata non est per contentionem & malam voluntatem. Item si quis vulnere extra Ecclesiam accepto, in Ecclesiam fugiens moriatur, nulla sit Ecclesiæ contaminatio, quia injuria in ea non est illata: contra verò, si quis in Ecclesia vulneretur, & extra moriatur: aut si quis ex jaculo aut glande ab homicida foras existente missis occidit. Si verò in Ecclesiæ tecto, aut sub Ecclesia, in cellis vel cubiculis subterraneis occidatur, Ecclesia propterea non violatur. At si quis gra-
viter

viter percutitur in Ecclesia, nec mors sequitur, aut sanguinis effusio, pollutane censenda est? Pollutam esse negant *Panormitanus*, alique non obscuri nominis Autores; quamvis (inquiunt) aliquorum consuetudo non improbanda Ecclesiam in hoc etiam casu reconciliet ob aliorum terrorem. Si sententiam roger, violari non dubitanter asseram, si vulnus illatum est, quamvis nulla sanguinis effusio contigerit. Nitor Cap. *Proposui*, Extra, *De Consecratione Ecclesie*.

318. Secundò, violatur Ecclesia propter *Adulterium*, & qualemcunque *seminis* emissionem sponte procuratam, ut respondet *Alexander III.* Cap. *Significasti*, Extra, *De Adulteriis & stupro*, idemque constat ex Cap. *Ecclesiis*, Dist. 1. *De Consecratione*. Conjugalis etiam debiti redditionem casus iste complectitur: per hanc enim etsi nulla proximo, gravis loco sacro fit injuria. Si tamen hæc tacinora sint occulta, nulla reconciliatione opus est, cum Ecclesia de occultis non judicet, sed solum cum per se ipsa evidentia & nota sunt, vel reorum confessione, aut probatione juridica.

2. Propter

Adulterium, & qualemcunque *seminis* effusionem voluntarie procuratam.

Quid de actu conjugali?

Quid si hæc sint occulta?

319. Tertiò, violatur Ecclesia, cum in ea sepelitur *Infidelis* vel *Excommunicatus*, ut habetur Cap. *Ecclesiam*, 27. & 28. Dist. 1. *De Consecratione*, quorum primum ex Concilio Aurelianensi 3. alterum ex Concilio Agrippinensi sumtum est, & Cap. *Consuluit*, Extra, *De Consecratione Ecclesie*, quod est

3. Propter sepulcrum Infidelis vel Excommunicati.

PARS I.

Art. 4.

S. 14.

Quid de
Pueris
mortuis
sine Bap-
tismo?

Quis hic
Excom-
munica-
tus?

4. Propter
dedicationem
factam ab
Episcopo
excommu-
nicato.

Excom-
municati
corpus ex-
human-
dum.

est *Innocentii III.* ad Senonensem Episcopum rescribentis. Infidelium numero & loco hinc censentur infantes non baptizati: quamobrem si extra matris uterum positi sint, & seorsim ab ea sepeliantur, Ecclesia vel Cœmeterium violatur: secus, si in utero matris mortui, simul cum ea sepeliantur, quia non sepeliuntur ut personæ distinctæ, sed ut partes matrum. Excommunicatum intellige, qui vel sit notorius percussor Clerici, vel nominatim denunciatus: illos enim duntaxat vitandos esse docet Extravagans, *Ad evitanda*.

320. Quartò violari Ecclesiam censent Canonici Juris Interpretes, & Theologi plerique omnes, (*Suarezio*, nonnullisque aliis exceptis) cum ab Episcopo excommunicato dedicatur aut benedicatur. Si enim hominis excommunicati cadaver Ecclesiam polluit, multò magis ipsam contaminat Ministri excommunicati non Consecratio, sed Exsecratio, ut ex Juris analogia colligunt *Hosiensis*, *Panormitanus*, *S. Antoninus*, *Paludanus*, *Silvester*, *Tabiena*, *Navarrus*, &c.

321. Infidelis, & Excommunicati corpus in Ecclesia sepultum *exhumari debet*, torasque projici, cum ab aliorum corporibus discerni potest, secundum Cap. *Ecclesiam*, Dist. 1. *De Consecratione*, & Cap. *Sacris*, Extra, *De Sepulturis*, quod est *Innocentii III.* Nidrosiensi Archiepiscopo respon-

pondentis . Quod si excommunicatorum corpora discerni ab aliis non possunt , ibi relinquenda sunt , *Ne cum eorum ossibus corpora extumulentur Fidelium : & nihilominus Ecclesia reconcilianda est .*

322. Pollutâ Ecclesiâ , Cœmeterium pollutum censetur , si sit Ecclesiæ contiguum , non verò si ab ea remotum . Antequàm autem reconciliatum fuerit , nemo in eo sepeliri debet . At Polluto Cœmeterio , quamvis Ecclesiæ contiguo , non propterea polluta censi debet Ecclesia , *Ne minus dignum , majus ; aut accessorium , principale ad se trahere videatur .* Non unum porrò , sed plura Cœmeteria esse noscuntur , quæ quamvis sibi cohærentia , pariete tamen medio se junguntur : *Ideoque violato eorum altero , alterum (licet de uno ad aliud per portam intermediam habeatur accessus) non propter hoc reputabitur violatum .* Hæ regulæ traduntur Cap. *Si Ecclesiam , Tit. De Consecratione Ecclesiæ vel Altaris , in Sexto .*

323. Cùm Ecclesiam consecratam violari contingit , *Per Episcopum reconciliari debet , non per Sacerdotes simplices ,* ut respondet Gregorius IX. Asturicensi Episcopo , Cap. *Aqua , Extra , De Consecratione Ecclesiæ vel Altaris ,* qui id deinceps fieri prohibet . Si autem Ecclesia consecrata non fuerit , à simplici Sacerdote , de mandato Episcopi reconciliari potest per Aquæ communi ritu benedictæ asperisionem , ut ex Cap. *Si*

PARS I.

Art. 4.

§. 14.

An polluta Ecclesia , polluta sit cœmeterium , & è contrario ?

A quo reconciliari debet Ecclesia violata ?

PARS I. *Ecclesia*, colligitur eodem Tit. De Cœmete-
 Art. 4. rii reconciliatione idem esto iudicium.

§. 14.
Quibus
casibus Al-
tare Con-
secratio-
nem suam
amittit?
Altare fi-
xum.

324. Quamvis alia sit Consecratio Ec-
 clesiæ & Altaris, ideoque una sine altera fie-
 ri possit, violatâ tamen Ecclesiâ, Altare fi-
 xum, quod est pars illius, pollutum est: &
 polluto vicissim Altari violata est Ecclesia.
 Altare tamen Consecrationem suam amitte-
 re potest, Ecclesiâ Consecrationem suam
 servante: Primò, si Mensa frangatur enor-
 miter, præsertim in angulis ubi sit Conse-
 cratio, non autem si modicam fracturam pas-
 sa fuerit. Secundò, si Mensa mota fuerit,
 id est, à stipite Altaris, seu lapidibus aut co-
 lumnis eam sustentantibus avulsa, vel si ali-
 quis de lapidibus stipitis tangens ipsam mē-
 sam sit motus, ut ait S. *Raymundus* Lib. 3.
 Summæ, Tertiò, si moveatur aut franga-
 tur sigillum sepulcri, in quo reconditæ sunt
 Sanctorum Reliquiæ, ubicumque sigillum
 istud constitutum sit, sive in superiori parte
 in ipsa mensa lapidea Altaris; sive ante Al-
 tare, vel in latere dextro Altaris; sive in ip-
 so Altari sub mensa. Hæc traduntur Cap.
Ad hæc, Extra, *De Consecratione Ecclesiæ*
vel Altaris. Et Cap. *Quod in dubiis*, quod
 est Innocentii III. Tornacensi Episcopo re-
 scribentis. Et Cap. *Ligneis*, eodem Tit.
 Quartò Consecrationem suam amittit Alta-
 re, si fiat in eo tantum augmentum, ut amit-
 tat formam; *Quia forma rei est esse rei*. Ita
 S. *Raymundus* & S. *Antoninus*.

325. Al-

325. Altare portatile Consecrationem amittit, cum lapis à ligno avellitur, si sepulcrum seu conditorium Reliquiarum sit in ligno. Secundò, cum sigillum sepulcri in lapide constituti movetur, sive lapis sit insertus ligno, sive non; salvò enim & integrò sigillò, Consecratione non excidit, quamvis à ligno separetur, quia Consecratio non fit in unione lapidis cum ligno, sed solius lapidis est. Additur autem lignum, ut commodiùs Calicem & Hostiam capiat, Tertiò, ex enormi lapidis fractione, ut colligitur ex Cap. *Ligneis*, & ex Cap. *Quod dubiis*, utque assenserunt *Joannes Andreas*, *Panormitanus*, *Silvester*, & alii.

XV.

De Ceremoniis, Altarium ornamenta, Vasàque, &c. spectantibus.

326. **A**ltaria singula mappis tribus mundis, unâ oblongâ, quæ ad imam eorum partem pertingat, duabusque reliquis brevioribus vestita esse debent, & palliò item coloris, pro festi diei, feriæve ratione decenter ornata. In unoquoque Altari in quo Missa celebranda est, Crux debet collocari.

*Palla seu
mappa
Altaris.*

*Crux in
Altari col-
locanda.*

327. Duo etiam Candelabra cum totidem cereis ardentibus, in Altari esse debent, unum in cornu Epistolæ, alterum in cornu

Duo cerei.

O 2

Evan-

PARS I.

Art. 4.

§. 15.

Evangelii, dum Missa celebratur, ex *S. Carolo* in Instructionibus. Quos ea exiguitate adhiberi, quæ in tanto Mysterio dedecet, & adstantibus offensionem afferre possit, vetat Concilium Mediolanense 1. Qui sine lumine Missam celebraret, gravis peccati reus esset, ut constat ex *Cap. Litteras, Extra, De Celebratione Missarum*, quo *Honorius III.* Presbyterum qui sine lumine sacrificabat, Officio & Beneficio privandum statuit. Usus Ecclesiæ postulat ut sit ex cera, tum quia Deo optima quæque offerenda sunt, tum quia Acolythi quibus luminum cura demandata est, Ceroferarii dicuntur. Unde qui cum alio quàm cereorum lumine, citra summam celebrandi necessitatem, Sacrum faceret, gravis peccati reus esset.

*Calix ex
qua materia
esse
debeat.*

328. Aurei, vel argentei Calices esse debent, aut saltem habere cupam argenteam, intus inauratam, simul cum Patena pariter inaurata, ut docet *S. Carolus* in Instructionibus *De Celebratione Missæ*, & Missalis Romani Rubricæ præscribunt. Quamobrem sicut vitreorum calicum usum abrogavit Ecclesia, quamvis olim toleraverit, vel ob inopiam Ecclesiarum, vel quia vasa aurea & argentea, ipsique Calices ad redemptionem captivorum, & alimoniam pauperum conflati fuerant: ita nunc stanneorum Calicum usum tollit quantum potest, quamvis huius metalli usum jus antiquum aliquo modo

do toleret, Cap. *Ut Calix*, Dist. 1. De Consecratione. Cujus hæc sunt verba: *Calix Domini, cum Patena, si non ex auro omnino, ex argento fiat. Si quis autem tam pauper, saltem vel stanneum Calicem habeat. De are & aurichalco non fiat Calix, quia ob vini virtutem æruginem parit, quæ vomitum provocat. Nullus autem in ligneo vel vitreo Calice præsumat Missam cantare. Ex Concilio Remensi nescio quo hoc Decretum referunt Ivo Carnotensis P. 2. Cap. 81. & Gratianus.*

PARS I.

Art. 4.

§. 15.

Calicum
mundities

329. At *Richardus Cantauriensis* Archiepiscopus, *S. Thomæ* Martyris immediatus Successor, in Synodo à *Rogero De Hoveden* relatâ, statuit ne consecraretur Eucharistia nisi in Calice aureo vel argenteo; & ne stanneum Calicem Episcopus benediceret. Et *S. Petrus Damiani* Opusculo 23. Cap. 1. acerrimè invehitur in Sacerdotes, qui stanneos vel etiam supparis cujuscunque metalli Calices sordibus inhorrescere patienter aspiciebant: *Et quod, inquit, non dignaretur Potens quilibet propriis adhibere labiis, in hoc isti Corpus non verentur imponere Salvatoris.*

330 Calicis & Patenæ Consecratio ad Episcopos jure spectat, ut colligitur ex Cap. *Cum venisset*, Extra, De Sacra Unctione, §. *Ungitur*, ex Pontificali Romano, & Ecclesiæ usu. Potestatem consecrandi Calices simplici Sacerdoti à Summo Pontifice com-

Calicis
Consecra-
tio.

PARS I.

Art. 4.

S. 19.

*Quando
Calix Con-
secratio-
nem suam
amittit.*

mitti posse, plerique scribunt Canonici Ju-
ris Interpretes, & Casuum Arbitri.

331. Consecrationem suam Calix amit-
tit, cum ita frangitur, ut ad usum Sacrificii
sit inutilis, nimirum si cupa frangatur, vel à
pede avellatur: si tamen calix esset tornati-
lis, ita per artem fabrefactus ut pes à cyathò
absque ulla vi separari posset, consecratio-
nem non amitteret separatione facta, siqui-
dem nulla fractio fieret, ut *Barbosa*, alique
censent, licet quidam contrarium teneant.
Quamvis enim in cyathò à pede separato fie-
ri consecratio non possit, quia figura calicis
non manet: si tamen à sacro Ministro cya-
thus tornatilis pedi ante Missæ Consecratio-
nem rursus inferatur, non videtur opus esse
nova consecratione, cum eadem figura ma-
neat, nihilque detractum, nihil additum sit.
Secundò, nova consecratione pariter indi-
get Calix argenteus, cum post consecratio-
nem deauratur, vel cum tota deauratio in-
terior deteritur: quia consecratio fit in su-
perficiè illa interiori, quæ non manet eadem.
Si verò ab aurificibus ita percutitur Calix,
ut tamen integer maneat, nec interior cu-
pæ superficies mutetur, novâ consecratione
non eget.

Corporale.

332. Ad celebrationem Missæ omnino
etiam necessarium est Corporale, seu Palla
linea, in qua Christi Corpus consecratur.
Constituissè dicitur *S. Sylvester* ut Sacrifi-
cium Altaris non in serico, neque in panno
tin-

tincto, sed tantum in lineo ex terra procreato consecraretur, sicut Corpus Domini in sindone lineo, & munda sepultum est.

PARS I.
Art. 4.
§. 15.

333. Corporalia debent abluī à Clerico in sacris Ordinibus constituto, tertio quoque mense, & crebrius, si opus fuerit, ut jubent *S. Carolus* in Instructionibus, Concilium Rothomagense, 1581. Aquisense 1581. Synodus Carnotensis 1576. Turonensis 1583. Concilium Mediolanense 1. statuit, *Ut Ornamenta & instrumenta Altarium pro celebratione Missæ, pura ac munda sint, præsertim Corporalia, & Purificatoria; quamobrem etiam vino albo, ubi possit, tantummodo ad Missæ Sacrificium Sacerdotes utantur.*

*A quo
abluī de-
bent Cor-
poralia?*

334. Absque Libro Missali non licet Missam celebrare: si desit, à celebratione Missæ abstinendum est, quæcumque necessitas urgeat. Qui sine Missali celebraret, graviter peccaret: tum quia se exponeret periculo errandi in verbis Canonis, imò & Consecrationis, cum, & optimæ memoriæ viros aliquando fallat memoria: tum quia violaret generalem Ecclesiæ consuetudinem. Idem esto iudicium de illo qui sine Calice & Patena consecratis, sine Corporali, sine Pallis Altare vestientibus, sine lumine, sine aliqua denique sacrarum vestium celebraret. Hunc, inquam, mortalis peccati reum censent *S. Antonius*, & alii post ipsum Casuum Arbitri. *In his enim rebus, de quibus*

Missale.

Pars I.
Art. 4.
§. 16.

nihil certi statuit divina Scriptura, mos populi Dei, & instituta Majorum pro lege tenenda sunt. Et sicut prævaricatores divinarum Legum, ita contemtores Ecclesiasticarum consuetudinum coercendi sunt: ut habetur Cap. In his, Dist. 11. cujus prima pars ex Epistola S. Augustini ad Casulanum sumpta est.

§. XVI.

De Ceremoniis Sacra Sacerdotum Indumenta spectantibus.

*Sex vestes
necessariæ.*

*Benedi-
ctæ.*

*A quo be-
nedicti pos-
sint Orna-
menta Ec-
clesiastica?*

*Adver-
sant Præ-
lati Regu-
lares.*

335. **S**acerdoti porrò Missam celebraturo sex vestes sunt necessariæ, *Amictus, Alba, Cingulum, Manipulus, Stola, Planeta seu Casula*. Quæ omnes benedictæ esse debent, ut statuitur Cap. *Vestimenta*, Dist. 1. *De Consecratione*. Ab Episcopo, vel aliquo Summi Pontificis Privilegium habente Sacerdote, benedictæ esse oportet. Id autem Privilegium Prælati Regularibus à Leone X. concessum est, ita tamen ut pro suarum dumtaxat Ecclesiarum usu Ornamenta Ecclesiastica benedicere valeant, ut respondit Sacra Congregatio Rituum 25. Augusti 1609. cujus Decretum commemorat *Gavantus* in Commentario ad Rubricas Missalis Tom. 1. Part. 4. Tit. 19. Num 21. & *Barbosa* Lib. *De Officio & Potestate Episcopi*, P. 2. Allegatione 27. Num.

44. Episcopum hujus benedictionis officium committere non posse simplici Sacerdoti, respondit Sacra Rituum Congregatio, ut referunt *Possevinus Lib. De Officio Curati, Cap. 2. Num. 37. & Barbosa loco mox laudato, Num. 42.*

PARS I.

Art. 4.

§. 16.

„ 336. Cùm Casula duplicata est, cùm
 „ possit esse simpla (inquit *S. Antoninus Tit. Casula
 „ 13. Cap. 6.*) super quamlibet partem fit duplicata.
 „ benedictio : unde in celebrando vesti po-
 „ test ex utraque parte. Et si una pars amo-
 „ veatur ab alia, remanet benedicta, & po-
 „ test cum ea celebrari. Idem esto judicium
 de Stola duplici. E longo manipulo licet
 facere stolam, & contra de brevi stola ma-
 nipulum vel cingulum, quia omnia hæc ve-
 ra benedictione consecrantur.

*E mani-
 pulo fieri
 potest sto-
 la, & stola
 cingulum.*

337. Cùm sacra vestimenta refarciun-
 tur propter paupertatem, si ita franguntur
 ut apta non sint ad usum ad quem fuerant
 destinata, aut priorem figuram ampliùs non
 retineant, verbi gratia, si ex Alba abscin-
 datur manica, nova benedictione indi-
 gent.

*Quando
 vestimen-
 ta nova
 egent be-
 nedictio-
 ne.*

338. Vestes sacræ ad profanos usus adhi-
 beri, absque sacrilegio non possunt, ut ha-
 betur Cap. *Ad Nuptiarum, Dist. 1. De Con-
 secratione*, nec ab aliis nisi à sacratis homi-
 nibus in Ecclesiasticis Officiis ferri debent,
 ex Cap. *Vestimenta*, ibidem. Quamobrem
 quæ ita detritæ ac laceræ sunt, ut sacris Mi-
 nisteriis ampliùs servire non possint, combu-

*Vestes Sa-
 cras ad
 usus pro-
 fanos ad-
 bibere
 nefas.*

PARS I.

Art. 4.

§. 17.

*Vestes
profane
in sacros
usus con-
verti pos-
sunt.*

ri debent, eorūque cineres in piscinam, vel in locum mundum ab hominum vestigiis remotum inferri, ex Cap. *Altaris*, ibidem.

339. Vestes profanas virorum aut mulierum nobilium in sacros usus converti posse, quamvis neget Glosa Capitis, *Ad Nuptiarum*, censent Theologi insignes, *Angelus de Clavasio*, *Silvester*, *Silvius*, &c. Quæ probabilior sententia est, cum ad Tabernaculi Veteris ornatum, cultūque, & ad vestes sanctas conficiendas, viri cum mulieribus præbuerint armillas & inaures, annulos & dextralia, hyacinthum & purpuram, &c. ut refertur *Exodi* 34. Ex vestibus itaque pretiosis mulierum illustrium Casulas, aut Altaris ornamenta fieri posse, cum eas Ecclesiæ offerunt, nemo dubitet.

§. XVII.

De Ceremoniis tempus spectantibus.

*Qui quo-
tidie cele-
brare te-
neantur.*

340. **S**acerdotem quemlibet quotidie celebrare posse, debita præparatione præmissa, certum est. Nemo tamen quotidie celebrare tenetur, nisi fortè ratione Capellanæ vel alterius Beneficii. Quo casu, is cui onus istud incumbit, à celebratione interdum abstinere potest, vel ex causa infirmitatis, vel ex alia legitima, reverentiam præsertim Sacramenti spectante. Nec propterea tenetur ad aliquid restituendum, vel
ad

ad celebrandum per substitutum, si Chartâ PARSI.
 foundationis simpliciter cautum sit ut Benefi- Art. 4.
 ciarius Missam quotidie celebret. Id enim S. 17.
 ita intelligendum, ut teneatur assidue, &
 quando frequentius potest, celebrare, salvâ
 reverentiâ Sacramento debitâ, salva item
 Sacerdotis honestate & devotione. Ita cen-
 sent *Angelus De Clavasio, Silvester Prieras,*
Tabiena, Navarrus, Silvius, & alii: Quia
(inquiunt) aliter obligare Sacerdotem ut
quotidie celebret, onus esset gravius, quàm
ut ferri posset.

341. Quapropter si Beneficiarius il-
 le ægritudine detineatur minimè diuturna, *Quando-*
 octo verbi gratia aut quindecim diebus, non *nam Be-*
 tenetur alium substituere Sacerdotem, qui *neficiarius*
 Missas dierum illorum celebret, nisi fortè *autem su-*
 ad hoc fundatæ essent aut institutæ, ut Po- *bstituere*
 pulus Dominicis ac Festis diebus Missam *teneatur;*
 audiret. Et si absque ægritudine, ex legit- *qui ipsius*
 ima causa, quandoque à Missarum celebra- *loco cele-*
 tione abstinere, non peccaret, neque resti- *bret?*
 tutionis lege teneretur. Secus verò si prop-
 ter ludum, ebrietatem, venationem, aliâs-
 ve similes causas, secundum se, vel compa-
 ratè ad Statum Clericalem & Sacerdotalem
 minimè honestas, aut legitimas. Hæc res-
 ponsio firmatur autoritate *Alexandri III.*
Cap. Significatum, Extra, De Præbendis
& Dignitatibus. At si Foundationis tabulis
 cautum sit ut quotidie celebretur, nullo Sa-
 cerdotis habito delectu, Beneficiarius absti-
 nere

PARS I. nere legitimè non potest, nisi substituat
 Art. 4. alium, qui vice ipsius celebret; quia tunc
 §. 17. onus impositum non ita grave est quin fieri possit.

Hora celebrandi.

342. Quod spectat horam celebrandi Missam; olim quidem, etiam *S. Thomæ* temporibus, celebrabatur ab hora tertia usque ad nonam, sive ab ea quæ nobis est nona ante meridiem, usque ad tertiam pomeridianam: interdum verò noctu, ut in Festo Nativitatis Domini, & Sabbato Sancto. Postea tamen tempus ad celebrandum statutum est ab Aurora usque ad Meridiem. Per auro-ram autem intelligitur primum diei crepusculum, ita ut Missam inchoare liceat unâ, imo hyemali tempestate, duabus horis ante Solis ortum. Si necessitas Eucharistiæ infirmo administrandæ urgeat, nec habeatur Hostia consecrata, ampliùs anticipare licebit: necnon ex Privilegio, quod ab Episcopo concedi posse iustâ de causâ, extra dubium est (inquit *Silvius*.) Post Meridiem verò celebrare non licet, nisi ad modicum tempus inchoatio Missæ prorogetur, ita ut ante mediam horam post Meridiem Sacerdos Missam incœperit. Denique Sacra Synodus Tridentina Sessione 22. in Decreto De observandis & evitandis in celebratione Missæ: *Episcopi*, inquit, *edicto & pœnis propositis caveant, ne Sacerdotes aliis quàm debitis horis celebrent.*

An Sacra

343. Quamvis multi dies fuerint in Eccle-

clesia veteri, quibus ab uno Sacerdote plures Missæ celebrabantur, ut probat Doctissimus Cardinalis Bona Lib. 1. *Rerum Liturgicarum*, Cap. 18. ex præsentis tamen temporis disciplina plures quàm unam celebrare non licet, excepto die Natalis Domini, vel casu necessitatis urgentis, & Episcopi iudicio probandæ, & cum ejus concessione. Id probat *Alexandri III. Decretum*, Cap. *Sufficit*, Dist. 1. *De Consecratione*. Item Responsum *Innocentii III. Cap. Consulisti*, Extra, *De Celebratione Missarum*.

344. Qui Missam inchoavit, illam absolvere debet, nec imperfectam, sine gravissima causa, relinquere potest: alioqui gravissimi peccati reus erit, & suspensione ab Ordinis executione plectendus, ut constat ex Cap. *Nihil*, Causa 7. Quæst. 1. & ex Decreto *Zachariæ*, Cap. *Nullus*, Dist. 1. *De Consecratione*. In quibusdam tamen casibus Sacerdos Missam non absolvens, à peccato excusatur.

345. Primus est impotentia facti subito superveniens, ut deliquium, mentis alienatio, gravis infirmitas, quæ volentem & conantem Sacerdotem absolvere non finit Sacrificium.

346. Secundus est, memoria impotentia juris, ad quam ante non advertit Sacerdos, ut si meminerit se non esse jejunum, vel se esse alicujus lethalis peccati reum; aut aliqua Censura Ecclesiastica irretitum: si enim

PARSI.

Art. 4.

S. 17.
dos plures
Missas
una die
celebrare
possit?

An Missam imperfectam relinquere, vel intermittere liceat?

Primus
Casus.

Secundus.

PARS I.

Art. 4.

§. 17:

enim ante Consecrationem aliquod huiusmodi impedimentorum occurrat memoriæ, nullumque scandalum timeatur, cessare debet: si absque scandalo cessare non possit, contritus, cum proposito quam primum confitendi, petendi absolutionem, & satisfaciendi, Sacrum perficiat, autore *S. Thoma*, & secundum Rubricas Romani Missalis.

Tertius.

347. Tertius est, si Sacerdote celebrante violetur Ecclesia ante inchoationem Canonis: cœpto enim Canone Missa in eodem Altari absolvenda est. Idem esto iudicium, si Sacerdote celebrante Interdictum aut Cessatio à Divinis denuntietur: aut notorius Clerici percussor, vel alius Excommunicatus nominatim denunciatus Ecclesiam ingrediatur, nec iubente Sacerdote egredi velit.

Quartus.

348. Quartus, si hostilis incursus, aluvionis, incendii, vel ruinæ loci ubi celebratur, proximum periculum immineat. Si enim peracta nondum sit Consecratio, Missa dimittenda est: si peracta, potest accelerari sumtio Sacramenti, omnibus aliis prætermiſſis, si extremum periculum urgeat: vel auferri Sacramentum cum Corporali, si solâ fugâ periculum evadi possit.

Exceptio.

349. Si tamen viri infideles aut impii in Religionis contemptum Sacerdoti minas mortis intentarent, eumque occidere, aut ignem Ecclesiæ admovere vellent, nisi Sacrificium imperfectum relinqueret, victimam

mam se Christo devovere, & Martyrium subire potius teneretur, quàm à Sacra Actione cessare.

PARSI.

Art. 4.

§. 17.

350. Missæ notabilis interruptio, grave peccatum est, nisi legitima causa subsit, ut Baptismi, aut Sacramenti Pœnitentiæ, infanti, vel adulto in mortis periculo constitutis administratio, Ordinum Collatio, Concio, vel promulgatio Edictorum Ecclesiæ, susceptio votorum solemnum, quæ intra Missarum solemnia fieri solent.

*Missæ interruptio
an & quā
do liceat?*

351. An verò Missa possit interrompi, si Episcopus, aut eò Major, vel Princeps aliquis adveniat, qui Missam die festo audire non poterit, nisi Sacerdos qui eam incœpit, & Evangelium fortè ac Symbolum recitavit, illam ab Introitu incipiat, Casuum Arbitri dissentiant. Quamvis non incelebre sit asserentium nomen, sententiæ neganti libentiùs subscribo: quia ordo Sacrificii potior esse debet, quàm hominum quavis dignitate conspicuorum commoda: tum quia via pateret abusui, & Sacerdotes lucri cupiditate, reverentiæ vel amicitiae causâ, sive etiam metu alicujus incommodi, pro Nobilium aut Potentum quorumvis hominum voluntate, Missam interromperent, & ab Introitu resumerent: tum quia vix id fieri posset absque Christianæ plebis offensione: tum quia Episcopus, aut Vir Princeps, modò necessariam diligentiam adhibuerit ut Missam integram audiat,

*An ob adventum
Principis*

PARS I. diat, Ecclesiæ præcepto satisfaciet audien-
 Art. 4. do quod reliquum est, præsertim si nondum
 §. 17. facta sit Oblatio. Denique Concilium Me-
 diolanense 1. vetat ne Sacerdotes, cum ad
 Altare accesserint, *Ibi in mora sint Sacrifi-*
cio cuiusvis expectandi gratiâ: neve ob eam-
dem causam Missâ inchoatâ subsistant, aut
eius initium repetant. Non licet etiam ra-
 tione solennis Supplicationis, Missam in
 una Ecclesia inchoare, & intermittere in alia
 Ecclesia absolvendum, ad quam Parochus
 cum Clero & Plebe solemnî Ritu supplica-
 turus procedit.

Missæ Of-
ficio dici
congruere
debet.

Missæ vo-
tivæ quâ-
do possunt
celebrari.

352. Ex Ecclesiæ Disciplina est ut Mis-
 sa congruat Officio diei, quamvis privatas
 Missas votivas certis diebus interdum cele-
 brari probet ex devotione, aut pro variis
 vivorum Fidelium necessitatibus, aut pro
 Defunctis. Diebus certè Dominicis & festis
 duplicis illas celebrari vetat, nisi pro præ-
 senti Defuncto, ut Missalis Romani Rubricis & S. Congregationis Rituum Decreto
 præscriptum est: Contrarium usum repre-
 hensione & emendatione dignum S. Antoni-
 nus judicat 2. P. Tit. 9. Cap. 10. §. 1. *Re-*
prehensibile utique multum videtur etsi non
damnabile, dimittere proprias occurrentes
propter Missas Defunctorum vel alias ad in-
stantiam Laicorum sine causa multum ur-
gente. Docendus est enim populus, non se-
quendus. Nos quoque, si nesciunt, eos quid
liceat, quidve non liceat, commovere, non

his

his consensum præbere debemus. (inquit Cœlestinus Dist. 62. Can. *Docendus.*) Quamobrem Hæteroclitæ (ut sincerè loquar) devotionis mihi videtur singulis diebus Missam de Rosario celebrare quodcumque festum occurrat. In Cathedralibus autem Collegiatis & Conventualibus Ecclesiis, cùm contingit Anniversarium, vel dies Depositionis Defuncti cani debent duæ Missæ, una scilicet pro Defunctis, & alia de feria vel de festo, si sit festus dies. Ita enim Rubricis Romani Missalis & Decreto S. Congregationis Rituum sancitum est.

PARS I.

Art. 5.

§. 1.

ARTICULUS QUINTUS.

D E

SACRAMENTO POENITENTIÆ.

§. I.

De Pœnitentiæ Divisione, & Definitione.

353. **P**œnitentia in interiorem & exteriorem dividitur. Interior propriè virtus est: exterior à Christo provecta est ad Sacramenti dignitatem. Pœnitentia quatenus virtus, est sincera hominis ad Deum conversio, quâ peccata commissa detestatur & odio habet, propter Deum,

Pœnitentia Divisio.

Definitio Pœnitentiæ virtutis.

P cum

PARS I.

Art. 5.

S. 1.

Definitio
Pœnitent-
iæ Sacra-
menti .

cum gravi animi dolore , & cum firmo proposito deinceps non peccandi , sed malam vitam consuetudinem , corruptosque mores emendandi ; & spe veniæ à Dei misericordia consequendæ . Pœnitentia secundum rationem Sacramenti spectata , est Sacramentum in quo relapsis verè pœnitentibus & confessis , saltem cum proposito satisfaciendi , Sacerdotalis Absolutio impenditur . Sive , Signum sensibile ad reconciliationem eorum , qui post Baptismum lapsi sunt , à Deo institutum .

Varia
Pœnitent-
iæ nomi-
na .

354. *Varia sunt hujus Sacramenti nomina . Pœnitentia enim vocatur , quia necesse est ad justificationis gratiam post lapsum consequendam , ut peccatum homini displiceat ; utque per veram Contritionem , & alia media à Deo præscripta & in Nova Lege à Christo instituta , suum homo peccatum destruat . Sacramentum Reconciliationis ab effectu vocatur : Sacramentum Confessionis , à parte conspicua , & ante remissionem peccati necessariâ : Sacramentum Absolutionis , ab actu Sacerdotis formam Sacramenti proferentis , cum ait , Ego te absolvo ; sicut Baptismus dicitur ab actu baptizantis , & dicentis , Ego te baptizo . Ita vocatur à Concilio Tridentino Sessione 14. Canone 10. & passim à S. Leone . Dicitur interdum Manuum impositio , à ceremonia externa , quæ tamen ut non est necessaria Sacramenti necessitate , ita nec huic Sacramento propria ; siquidem Confirmatio & Ordinatio eodem*

nomine designantur. Ab antiquis, *Tertul-* PARS I.
iano maximè & *S. Cypriano*, vocatur *Exo-* Art. 5.
mologesis, Græco nomine, id est, *Confessio*: S. 1.
item *Communicatio*, seu *Communio* & *Pax*,
eò quòd *Lapsi* per *Pœnitentiæ* actionem, &
Abolutionem *Sacerdotis*, restituerentur
Communioni, & *Eucharistiæ* percipiendæ
jus haberent, ad eamque dignè sumendam
præparentur. *Secunda post naufragium ta-*
bula sæpe vocatur à *Patribus*. Denique ab
iisdem vocatur *Laboriosus Baptismus*. Ita
Clemens Alexandrinus apud *Eusebium* Lib.
3. *Historiæ*, Cap. 17. Ita *S. Gregorius Na-*
zianzenus *Oratione* 40, in *Sancta Lumina*.
Ita *S. Joannes Chrysostomus*, *Homiliâ* 4. De
Pœnitentia. Ita *S. Isidorus Pelusiota*, Lib. 1.
Epistola 408. Ita *S. Joannes Damascenus* Lib.
3, De *Fide Orthodoxa*, Cap. 10. Ita *S. Isido-*
rus Hispalensis, Lib. 2. De *Officiis*, Cap. 24.
Ita denique *Concilium Tridentinum*, *Ses-*
sione 14. Cap. 2.

355. *Pœnitentia* non est *Virtus* acqui- *Pœnitentia*
sita, sed infusa. *Fidei* namque dogma est, *virtus*
nos veram *Pœnitentiam* concipere non pos- *infusa nō*
se, quin cordibus nostris per *Spiritum San-* *acquisita.*
ctum infundatur. Unde *Jeremiæ* 31. 18. di-
citur: *Converte me, & convertar: quia tu*
Dominus Deus meus. Postquam enim con-
vertisti me, egi *Pœnitentiam*. Et *Actuum*
5. 31. dicitur: *Hunc Principem & Salvato-*
rem Deus exaltavit dexterâ suâ, ad dandam
Pœnitentiam Israël, & Remissionem pecca-

PARS I.

Art. 5.

§. 1.

torum. Et cap. 11. 18. Ergo & Gentibus Pœnitentiam dedit Deus ad vitam. Denique Concilium Tridentinum, Sessione 6. Canone 3. id ad fidem pertinere declarat. Si quis dixerit, sine præveniente Spiritûs Sancti inspiratione, atque ejus adjutorio, hominem credere, sperare, diligere, aut pœnitere posse sicut oportet, ut ei justificationis gratia conferatur; Anathema sit.

Illius necessitas.

356. Pœnitentiæ Virtus lapsis in mortale aliquod peccatum quovis tempore fuit necessaria. Ita docet Concilium Tridentinum, Sessione 14. Cap. 1. *Fuit quidem Pœnitentia universis hominibus, qui se mortali aliquo peccato inquinassent, quovis tempore ad gratiam & justitiam assequendam necessaria, illis etiam qui Baptismi Sacramento ablui petivissent, ut perversitate abjecti & emendati, tantam Dei offensionem cum peccati odio & pio animi dolore detestarentur.*

Quibus gradibus ad eam pervenitur.

357. S. Thomas, & ex eo Concilii Tridentini Catechismus sex gradus distinxerunt, & ordine quodam disposuerunt, quibus veluti gradibus ad Pœnitentiæ virtutem pervenitur.

Gratia præveniens.

358. Primum illorum principium est Dei misericordia nos præveniens, & corda nostra ad se convertens, secundum illud Jeremia Lamentat. 15. 21. *Converte nos, Domine, ad te, & convertemur.* Ut enim explicat Sacra Synodus Sessione 6. Cap. 5. *Justi-*

ificationis exordium in adultis à Dei per Christum Jesum præveniente gratia sumendum est, hoc est, ab ejus vocatione, quâ, nullis eorum existentibus meritis vocantur: ut qui per peccata à Deo averſi erant, per ejus excitantem atque adjuvantem gratiam ad convertendum se ad suam ipsorum justificationem, eidem gratiæ liberè assentiendo & cooperando disponantur: ita ut tangente Deo cor hominis per Spiritûs-Sancti illuminationem, neque homo ipse nihil omnino agat: quippe qui illam & abjicere potest; neque tamen sine gratia Dei movere se ad justitiam coram illo liberâ suâ voluntate possit. Unde in sacris Litteris cùm dicitur: Convertimini ad me, & ego convertar ad vos, libertatis nostræ admonemur: cùm respondemus: Converte nos, Domine, ad te, & convertemur: Dei nos gratiâ præveniri confitemur. Primus itaque gradus ad Pœnitentiam est gratia præveniens.

359. Secundus gradus est motus fidei; quo ad Deum tendimus. *Credere enim oportet accedentem ad Deum quia est, & inquerentibus se remunerator sit* (inquit Apostolus ad Hebræos 11. 6.) Atque illud in primis, *A Deo justificari impium per gratiam ejus, per redemptionem quæ est in Christo Jesu*, (ut loquitur Cōcil. Trident. Sess. 6. Cap. 6.) Ex quo sequitur, Fidem non esse Pœnitentiæ partem (quod commenti sunt Hæretici) cùm necessario Pœnitentiam antecedit.

*Motus
Fidei.*

PARS I.

Art. 5.

§. 1.

Timor
servilis.

360. Tertius gradus est motus timoris servilis, quo concussus peccator timore suppliciorum à peccatis revocatur. Atque huc spectare videtur illud *Isaiæ* oraculum, Cap. 26. 17. *Sicut quæ concipit, cum appropinquaverit ad partum, dolens clamat in doloribus suis: sic facti sumus à facie tua, Domine.* Et illud Ecclesiastici I. *Timor Domini expellit peccatum: nam qui sine timore est, non poterit justificari.* Ad hunc proinde timorem adhortatur Christus, Matth. 10. 28. *Timete eum, qui potest & animam, & corpus perdere in gehennam.*

Spes.

361. Quartus gradus est motus spei, quam ex divinæ misericordiæ intuitu concipimus, fidentes Deum nobis propter Christum propitium fore: quâ spe erecti, vitam & mores emendare constituimus.

Caritas.

362. Quintus gradus est motus caritatis, quo peccatum displicet Poenitenti secundum seipsum, & quatenus Dei summæ Boni offensa est, vel propter suam turpitudinem, non jam propter supplicia. Sicque Deum tanquam omnis iustitiæ fontem diligere incipit; ut loquitur Concilium Tridentinum Sessione 6. *Nam peccatum prius incipit homini displicere, maxime peccatori, propter supplicia, quæ respicit timor servilis, quàm propter Dei offensam, vel peccati turpitudinem, quod pertinet ad caritatem;* (inquit S. Thomas 3. P. Quæst. 85. Art. 5. ad 1.)

363. Sex-

363. Sextus gradus est motus timoris filialis, quo propter Dei reverentiam pœnitens sponte satisfactionem offert, & peccatum in seipso vice divinæ justitiæ punire constituit. Quo timore animatus Filius prodigus ait: *Pater, peccavi in cælum, & coram te: jam non sum dignus vocari filius tuus: fac me sicut unum ex mercenariis tuis.*

PARS I.

Art. 5.

S. 1.

Timor filialis.

364. Pœnitentiæ Sacramentum non est absolutè necessarium ad salutem; sed iis dumtaxat qui post Baptismum in mortale peccatum lapsi sunt. Doctrina est Trident. Concil. Sess. 14. Cap. 1. His verò necessarium est ad salutem, cum necessitate præcepti, tum necessitate medii: ita ut si facultas adsit, in re suscipi debeat: si desit facultas, & Sacerdos Sacramenti Minister, sufficiat ejus votum, ex Concilio Tridentino Sessione 14. Cap. 4. Votum, inquam, implicitum, quod in contritione includitur (ut docet S. Thomas in 4. Sententiarum, Dist. 17. Quæst. 3. Art. 5. Quæstiuncula 1.)

Pœnitentiæ Sacramentum quibus & quomodo necessarium?

365. Pœnitentia, sive interior, quæ virtus est; sive exterior, quæ Sacramentum est, sæpius iterari potest. Dogma istud fidei, Canone primo Sessionis 14. Concilii Tridentini confirmatum, probant Christi verba, Matthæi 16. & 18. & Joannis 20. quibus potestas solvendi peccatores, & peccata remittendi tribuitur Apostolis, & eorum Successoribus, nullâ restrictione factâ gravitatis,

Pœnitentia sive Virtus sive Sacramentum iterari potest.

PARS I. *tis*, numeri, aut iterationis peccatorum:
 Art. 5. 366. Quæres forsan, cur Pœnitentia

S. 1.
Cur Pœ-
nitentia
potius ite-
retur,
quàm Ba-
ptismus?

potius iteretur quam Baptismus, cum utrum-
 que Sacramentum virtutem omnem hau-
 riat ex Passione Christi, quæ una est, nec
 iteratur?

367. Respondetur, Id intercedere di-
 scriminis, quod Baptismus virtutem habeat
 ex Passione Christi, sicut spiritualis quæ-
 dam generatio, cum spiritali morte præce-
 dentis vitæ conjuncta: statutum est autem
 omnibus hominibus semel mori, & semel
 nasci: & ideo semel tantum debet homo ba-
 ptizari. Sed Pœnitentia virtutem habet, ex
 Passione Christi, sicut spiritualis Medicina,
 quæ frequenter iterari potest. Sic respondet
 S. Thomas 3.P. Q. 84. A. 10. & in 4. Senten-
 tiarum, Dist. 14. Q. 1. A. 4. Quæstiunc. 3. ubi
 & alias discriminis rationes affert. *Erro-*
neum est dicere, inquit, quod Pœnitentia
non possit iterari, & misericordiæ divinæ
contrarium. Causa autem quare iteratur,
cum Baptismus non iteretur, est quadruplex.
Prima est, quia Pœnitentia non imprimit
Charactere sicut Baptismus; Character enim
indelebilis est. Secunda, quia Baptisma est
contra morbum non iterabilem, scilicet ori-
ginale peccatum; Pœnitentia autem contra
actuale peccatum, quod iteratur. Tertia
causa est, quia Baptismus habet totam effi-
caciam à Passione Christi, sine actu nostro;
& ideo quia Passio est una tantum, & Bap-
tismus

Quadru-
plex cau-
sa.

tismus est unus: sed Pœnitentia etiam requirit actum nostrum; & ideo ratione ejus iterationem suscipit. Quarta, quia Baptismus est generatio spiritualis; sed Pœnitentia est quadam sanatio spiritualis: semel autem aliquis generatur, sed pluries curari sive sanari potest, quamdiu in hac vitâ vivit.

PARS I.
Art. 5.
§. 2.

368. Spectari potest iterum Pœnitentia secundum actum, & secundum habitum. Priori quidem modo spectatam necesse est somno saltem, & aliis quæ ad corporis necessitates pertinent, interpellari. Posteriori modo, continua esse debet [inquit S. Thomas, Art. 9. ejusdem Quæst. 84.] & quantum ad hoc quod homo nunquam aliquid contrarium Pœnitentiæ faciat, per quod habitualis dispositio Pœnitentis tollatur; & quantum ad hoc quod homo debet in proposito gerere, quod semper sibi præterita peccata displiceant.

Pœnitentia actualis & habitualis.

§. II.

De Pœnitentiæ Effectibus.

369. **E**ffectus Pœnitentiæ est omnium: Remissio peccatorum & reatus pœnæ æternæ, quamvis debitum pœnæ temporalis non semper tollat. Prima pars Propositionis ex Scriptura Sacra perspicua est, Ezechielis 18. 21. Si impius egerit Pœnitentiam ab omnibus peccatis suis, quæ operatus est, & custodierit omnia præcepta mea, & fecerit.

Effectus Pœnitentiæ Remissio omnium peccatorum, & reatus pœnæ æternæ.

PARS I.

Art. 5.

S. 2.

*Non vero
tempora-
lis.*

fecit iudicium & iustitiam: vitâ vivet, & non morietur. Omnium iniquitatum eius, quas operatus est, non recordabor. Quod quidem de æterna & beata vita intelligendū esse, planè constat. Unde Christus ipse Dominus Regnum Cælorum Pœnitentiæ pollicetur Præcursoris sui voce, Pœnitentiam agite: appropinquavit enim Regnum Cælorum. Et certè cū peccator per Pœnitentiam ex injusto fiat iustus, ex inimico amicus, ex servo peccati filius adoptivus Dei, fit Hæres secundum spem vitæ æternæ, ut loquitur Concilium Tridentinum, Sessione 6. Cap. 7. Qui autem jus habet ad vitam æternam, non remanet reus æternæ damnationis: siquidem Nihil damnationis est iis, qui sunt in Christo Jesu; (ex Apostolo ad Romanos 8.) Pars altera Propositionis non minùs certa est. Quamvis enim contritio & caritas Pœnitentis tanta & tam fervens esse possit, ut non solum pœna æterna, sed & temporalis ipsi statim remittatur; id tamen semper non fieri, sed post suam reconciliationem cum Deo, & acceptam justificationis gratiam, ipsum frequenter pœnæ temporalis debitorem manere, probat exemplum Davidis Regis, cui homicidii & adulterii crimina propter Pœnitentiam condonata sunt, pœna tamen temporalis irrogata est. II. Regum 12. 13. Dixitque Nathân ad David; Dominus quoque transtulit peccatum tuum, non morieris. Verumtamen quoniam blasphemare fecisti in-

*inimicos Domini, propter verbum hoc, fili-
lius, qui natus est tibi, morte morietur.*

PARS I.

Art. 5.

§. 2.

Cur pœna
peccatiper Pœni-
tentiamnon sem-
per totacondone-
tur, sicutper Bap-
tismum?

370. Quamvis autem Baptismô non so-
lùm pœna æterna, sed etiam temporalis pe-
nitus condonetur, quia Passio Christi homi-
ni applicatur ut in ipso renascenti, & in ejus
familiam per ipsum Baptismi Sacramentum
cooptato: non tamen tota semper condona-
tur pœna per Pœnitentiam; quia Passio
Christi Pœnitentibus applicatur tanquàm
ingratis, & ab innocentia Baptismali lapsis.
Unde misericordiam justitiâ temperatam in
ipso exercere Deus statuit, ut scilicet con-
cessâ veniâ peccatorum, & soluto pœnæ æter-
næ reatu, nihilominus pœnam temporalem
exigeret, vel in hoc sæculo, vel in altero
luendam. Quod Satisfactionum, Indulgen-
tiarum, & Purgatorii fundamentum est.
Quamobrem Sacra Synodus Tridentina Ses-
sione 14. Cap. 8. declarat. *Falsum omnino
esse, & à verbo Dei alienum, culpam à Do-
mino nunquam remitti, quin universa
etiam pœna condonetur: perspicua enim &
illustra in sacris Litteris exempla reperiun-
tur, quibus, præter divinam Traditionem,
hic error quàm manifestissimè revincitur.
Sanè & divinæ justitiæ ratio exigere vide-
tur, ut aliter ab eo in gratiam recipiantur,
qui ante Baptismum per ignorantiam deli-
querint, aliter verò qui semel à peccati &
demonis servitute liberati, & accepto Spi-
ritus-Sancti dono, scientes templum Dei vio-
lare;*

PARS I. *lare, & Spiritum-Sanctum contristare non*
 Art. 5. *dubitaverint,*

§. 2.

*Homo per
 Pœnitentiam, gratiam, &
 Virtutes
 recuperat*

371. Homo per Pœnitentiam, gratiam & virtutes recuperat. Id significatur Parabolâ Filii Prodigii, cui Pater iussit restitui *Stolam primam, & annulum, & calceamenta*, ut habetur *Luc. XV.*

*Pœnitens
 interdum
 gratiam
 recipit u-
 beriore.*

372. Quamvis autem innocentiam baptismalem Pœnitens recuperare non possit, interdum tamen gratiam recipit uberiolem, ut docet *S. Gregorius*, Homiliâ 34. in Evangelia, ubi in eum sensum dominica illa verba interpretatur: *Dico vobis, quod ita gaudium erit in cœlo super uno peccatore Pœnitentiam agente, quàm super nonaginta novem Justis, qui non indigent Pœnitentia.* Quia, inquit, plerumque experimur, quod *Hi qui nullis se oppressos peccatorum molibus sciunt, stant quidem in via iustitia, nulla illicita perpetrant, sed tamen ad cœlestem Patriam anxie non anhelant, tantòque sibi in rebus licitis usum præbent, quantò se perpetrasse nulla illicita meminerunt. Et plerumque pigri remanent ad exercenda bona præcipua: quia valde sibi securi sunt quod nulla commiserint mala graviora. At contra nonnunquam hi qui se aliqua illicita egisse meminerunt, ex ipso suo dolore compuncti, inardescunt in amorem Dei; seseque in magnis virtutibus exercent, cuncta difficilia sancti certaminis appetunt, omnia mundi derelinquunt, honores fugiunt, ac-*
 cep-

ceptis contumeliis latantur, flagrant desiderio, ad celestem Patriam anhelant; & quia se errasse à Deo considerant, damna precedentia lucris sequentibus recompensant. Majus ergo de peccatore converso, quam de stante justo gaudium fit in celo: quia & Dux in praelio plus eum Militem diligit, qui post fugam reversus, hostem fortiter premit, quam illum qui nunquam terga praeiit, & nunquam aliquid fortiter gessit. Sic agricola illam amplius terram amat, quae post spinas, uberes fruges profert, quam eam quae nunquam spinas habuit, & nunquam fertilem messem producit.

373. Quamvis porro Deus Peccatorem Pœnitentem in primariam & præcipuam dignitatem restituat, ut divinae consors fiat naturæ & inter filios Dei per gratiam censeatur; jure tamen ab Ecclesia constitutum est, ne graviorum quorundam criminum reis Ecclesiasticæ Dignitates, vel Ordinum Ministeria restituerentur, vitandi scandali, & sancientiæ disciplinæ causâ, ut explicat S. *Augustinus*, Epistolâ 185. aliâs 50. *Ad Bonifacium Comitem*. Hinc certis criminibus annexa Irregularitas, quæ Pœnitentiâ non solvitur.

374. Certum est opera ex genere sua bona, sed nihilominus mortua, quia edita sunt ab homine gratiâ & caritate, quæ spiritalis vitæ principia sunt, destituto; nusquam per Pœnitentiam reviviscere: quia

PARS I.

Art. 5.

§. 2.

Iure ab Ecclesia sancitum est ne graviorum criminum reis, tamen si Pœnitentibus, Ecclesiasticæ Dignitates, vel sacrorum Ordinum Ministeria restituerentur. Opera mortua nunquam per Pœni-

fieri

PARS I.

Art. 5.

§ 2.
*penitentiam
revivif-
cunt.*

fieri non potest ut revivifcat, quod nunquam vixit, & omnino periit. Opera autem illa nunquam ex principio vitæ, ſcilicet ex caritate procefferunt: quamobrem per Pœnitentiam non revivifcunt. Nec Deus rationem eorum habet ullam, ut ea remuneret in vita æterna, quæ ſolis operibus vivis, id eſt, ex caritate factis promiſſa eſt: quamvis illa interdum præmio aliquo temporali remuneret.

*Opera bona, ſubſe-
quente peccato
mortifica-
ta, revivif-
cunt per Pœni-
tentiam.*

375. Verùm bona opera ſubſequenti peccato mortificata, per Pœnitentiam revivifcunt, id eſt, recuperant efficaciam perducendi hominem, à quo ſunt edita, in vitam æternam, *Secundum quod remanent in acceptatione divina*, ut loquitur *S. Thomas*. Hanc enim efficaciam amiſerant vaſtante peccato, quo indignus factus fuerat vitæ æternæ. Iſtud autem impedimentum Pœnitentiæ removetur. Hinc *Ezechielis* 18. de Peccatore Pœnitente dicit Dominus: *Omnium iniquitatum ejus non recordabor: in juſtitia ſua, quam operatus eſt, vivet*. Antiquorum autem peccatorum Dominus recordaretur, ſi opera olim in caritate & ex caritate facta nullo numero & loco haberet, & ſine præmio vitæ æternæ dimitteret, ob huiusmodi peccata, de quibus acta Pœnitentia eſt.

§. III.

PARS I.

Art. 5.

§. 3.

*De Materia Pœnitentiæ.*376. **D**uplicem Pœnitentiæ mate-

riam distinguere Theologi solent, remotam nimirum, & proximam. *Materia Pœnitentiæ duplex remota & proxima.* Materia remota Pœnitentiæ sunt peccata detestanda & destruenda. Ut enim ignis materiam ligna esse dicimus, quæ vi ignis consumuntur; ita peccata, quæ Pœnitentiâ delectur, rectè hujus Sacramenti materia vocari possunt. *Materia remota peccata destruenda.*

377. Cùm autem plura sint peccatorum genera, scilicet originale, & actuale; idque aut mortale, aut veniale: peccatum originale non est Pœnitentiæ materia; cùm illud Baptismi Sacramento, ad id speciatim instituto, non Pœnitentiâ deleatur, quæ versatur duntaxat circa peccata propriâ voluntate commissa. Si tamen Pœnitentiæ vocabulum magis extensâ significatione sumatur, prout est displicentia & detestatio mali præteriti, peccatum originale Pœnitentiæ virtutis objectum quadantenus dici potest. *Quæ peccata? Non propriè peccatū originale, nisi quatenus pœnitentia est displicentia mali præteriti.* Quis enim Fidelium non detestetur malum illud quod ab Adamo primo generis humani parente & capite, in quo omnes homines unus homo fuerunt, carnali generatione propagatum, omnes peccatores constituit, & tot malorum scaturigo fuit, ignorantie, malicie,

PARS I.

Art. 5.

§. 3.

*Peccatum
actuale
mortale
materia
propria,
& præci-
pua.*

*Veniale
sufficiens,
& non
necessaria.*

*Media
quibus re-
stituuntur
peccata
venialia.
1. Fervor*

litæ, concupiscentiæ, & infirmitatis; quibus omnes animæ vires vulneratæ sunt & infectæ: mortis insuper, quæ per peccatum in Mundum intravit? Dicente Apostolo ad Romanos 5. 12. *Per unum hominem peccatum in hunc mundum intravit, & per peccatum mors; & ita in omnes homines mors pertransiit, in quo omnes peccaverunt.* Cui peccatum illud non displiceat, quod iustitiæ originalis privatio est; & legis illius origo, quam in membris nostris sentimus legi mentis nostræ repugnantem, & captivantem nos in lege peccati? Peccatum verò actuale mortale est propria & præcipua materia circa quam Pœnitentia versatur: propria quidem, quia propriè nos pœnitet eorum quæ nostrâ voluntate commisimus: præcipua verò, quia hoc Sacramentum ad deletionem peccati mortalis principaliter institutum est. Peccatum denique veniale propria quidem est & sufficiens, sed non præcipua & necessaria Pœnitentiæ Sacramenti materia: cum absque Confessione Sacramentali aut ejus voto, atque Sacerdotis Absolutione remitti possit, aliis mediis ad ejus remissionem & expiationem institutis.

378. Media porro quibus remissio peccatorum venialium confertur, sunt, primò fervor caritatis, virtualementem quamdam illorum displicentiam includens, ut loquitur S. Thomas, cum scilicet homo ita in Deum, resque divinas affectus est, ut quicquid illi occur-

occurreret , quo motus ejus in Deum retar-
daretur , displiceret ei , & doleret se id com-
misisse , etiamsi actu de illo non cogitaret .
Secundò , remittuntur peccata venialia per
Eucharistiam , Unctionem-Extremam , &
omnia generatim Sacramenta Novæ Legis ,
in quibus gratia infunditur . Quamvis enim
novæ gratiæ infusione ad remissionem pec-
cati venialis non sit opus , sed motus aliquis
& fervor caritatis sufficiat: quia tamen infu-
sio gratiæ non fit in adultæ ætatis hominibus
absque actuali motu liberi arbitrii in Deum,
& in peccatum ; ita ut in illum se convertat,
istud verò detestetur ; ideo quoties nova gra-
tia infunditur , peccata venialia remittuntur .
Tertiò , ad remissionem peccatorum venia-
lium valent Sacramentalia , quatenus vel cum
motu detestationis peccatorum conjuncta
sunt , ut Confessio generalis , unctio pecto-
ris , & Oratio Dominica : vel cum motu re-
verentiæ in Deum , résque divinas , ut Be-
nedictio Episcopalis , aspersio Aquæ Benedi-
ctæ , Oratio in Ecclesia consecrata , & alia
hujusmodi .

379. Nunquam tamen peccata venialia
remittuntur sine Pœnitentia virtute : remit-
ti namque non possunt , quamdiu voluntas
illis adhæret . Unde nec Martyrium venia-
lia peccata delet , *Si actualiter voluntatem
peccato inveniit inhaerentem* ; (inquit S.
Thomas .) Nec Sacramentalia quæcumque
ad remissionem peccatorum venialium con-
ducunt ,

PARS I.

Art. 5.

S. 3.

ducunt, nisi quatenus *Inclinant animam ad motum Pœnitentiæ, qui est detestatio peccatorum, vel implicite, vel explicitè*; [ut loquitur idem Doctor Angelicus.] Sicut ergo fictio impedit effectum Baptismi; sic actualis ad peccatum veniale adhæsiō, Sacramentalium, imò & Sacramentorum effectum impedit, quoad illius deletionem. Hæc autem remedia peccatorum venialium maculas abstergunt, *tum virtute alicujus satisfactionis, cum etiam virtute caritatis, cujus motus per illa excitatur*. At pœnæ debitum non expungunt, nisi secundum mensuram fervoris in Deum, quandoque magis, quandoque minus (inquit S. Thomas.)

Pœnitentia perfectior ad mortalis peccati quam ad venialis remissionem requiritur.

380. Ad remissionem peccati mortalis perfectior Pœnitentia requiritur, quam ad remissionem venialium. Necessè quippe est, *Ut homo actualiter peccatum mortale commissum detestetur, quantum in ipso est: adeoque ut diligentiam adhibeat ad rememorandum singula peccata mortalia, ut singula detestetur*. Id autem minimè necessarium est ad remissionem peccatorum venialium; sed sufficit Pœnitentia virtualis. Ita docet S. Thomas, 3. P. Q. 87. A. 1.

Quæ Pœnitentia ad remissionem peccatorum mortaliū requiritur.

381. Virtualis Pœnitentia non sufficit ad remissionem peccatorum mortaliū, nisi eorum quæ è memoriâ exciderunt, nec illi occurrunt *Post diligentem inquisitionem*. Ita S. Thomas ibidem.

382. *Sicut peccatum mortale remitti non*

non potest, quamdiu voluntas peccato adhaeret; ita etiam nec peccatum veniale. Manet enim veniale peccatum, quamdiu manet voluntas ad creaturam præter modum conversa, & ea conversione retardata, ne promptè in Deum feratur. Amor enim rerum terrenarum, spiritualium viscum est pennarum; (inquit S. Augustinus, Sermone 112, aliàs 33. De Verbis Domini.)

383. Pœnitentia de peccatis mortalibus includit necessariò propositum abstinendi ab omnibus & singulis hujusmodi peccatis: sed ad Pœnitentiam venialium necessarium quidem est propositum abstinendi à singulis, non tamen ab omnibus: *Quia hoc infirmitas hujus vitæ non patitur. Omnia enim peccata venialia vitare impossibile est. Si dixerimus, quoniam peccatum non habemus; ipsi nos seducimus, & veritas in nobis non est.* Nemòque Justorum est, Deiparrâ Virgine exceptâ, qui Oratione Dominica remissionem peccatorum precari non indigeat his verbis, *Dimitte nobis debita nostra.* Ad venialium peccatorum Pœnitentiam, homo *Debet habere propositum se præparandi ad peccata venialia minuenda: alioquin esset ei periculum deficiendi, cum desereret appetitum proficiendi, seu tollendi impedimenta spiritualis profectus, quæ sunt peccata venialia.* Ita S. Thomas. Ad venialia porrò peccata minuenda ille duntaxat paratus est, qui contra concupiscentiam pugnat,

Quodnam ad utramque Pœnitentiam peccata vitandi propositum.

PARS I. qui toto studio collaborat ut in se *Destruatur Corpus peccati*, qui *Spiritu ambulat*, & *desideria carnis non perficit*, qui *Spiritu facta carnis mortificat*, qui *Carnem suam cum vitiis & concupiscentiis crucifigit*.

Materia proxima Contritio, Confessio, & Satisfactio.

384. Tres actus Pœnitentis, scilicet Contritio, Confessio, & Satisfactio, sunt quasi materia proxima Sacramenti Pœnitentiæ, ejusdemque Sacramenti partes. Actus enim illi qui ad integritatem Sacramenti Pœnitentiæ, & plenam ac perfectam peccatorum remissionem, ex Christi institutione sunt necessarii, hac ratione sunt partes Pœnitentiæ: tres porro isti Pœnitentis actus ad integritatem Sacramenti Pœnitentiæ, & plenam ac perfectam peccatorum remissionem ex Christi institutione sunt necessarii: sunt igitur partes Pœnitentiæ. *Eugenius IV.* in Decreto pro Instructione Armenorum, & Sacra Synodus Tridentina Sessione 14. Cap. 3. & Canone 4. tres partes Pœnitentiæ assignant, Contritionem, Confessionem, & Satisfactionem. Tridentinus Canon his verbis conceptus est: *Si quis negaverit, ad integram & perfectam peccatorum remissionem requiri tres actus in Pœnitente, quasi materiam Sacramenti Pœnitentiæ, videlicet Contritionem, Confessionem, & Satisfactionem, quæ tres Pœnitentiæ partes dicuntur; aut dixerit, duas tantum esse Pœnitentiæ partes, terrores scilicet incussos conscientia agnito peccato, & fidem conceptam ex Evangelio,*
vel

vel Absolutione , qua credit quis sibi per Christum remissa peccata ; Anathema sit.

PARS I.

Art. 5.

§. 3.

Fides non est pars Pœnitentiæ, sed dispositio ad illam necessariam.

385. Fides quidem ad Pœnitentiam consideratur, ut dispositio necessaria, sicut superius diximus. Unde *Marc. I.* dicitur: *Pœnitementini, & credite Evangelio*: sed non est pars Pœnitentiæ. Quod si de fide quæ virtus est theologica certum est; multò certius est de fide speciali, seu certa fiducia remissionis peccatorum, ex promulgatione Evangelii conceptâ, quam Lutherus Pœnitentiæ partem esse voluit. Cujus errorem configit Canon Tridentinus. Quamvis etiam peccatores ad agendam Pœnitentiam sæpe divinitus incussis terroribus utiliter concutiantur, sicut Ninivitæ, qui ad Jonæ prædicationem *Plenam terroribus Pœnitentiam egerunt*: illi tamen terrores non sunt partes Pœnitentiæ, quæ posterior illis est. Nec verò sunt necessarii vel ad Sacramenti perfectionem, vel ad peccatorum remissionem: siquidem absque hujusmodi terroribus integrum est Sacramentum, & remissio peccatorum obtinetur, cum peccator ex mero & sincero Dei amore compunctus, peccata confitetur, & impositam sibi satisfactionem implet, vel implendi propositum habet.

386. Dicuntur porro tres illi Pœnitentis actus supra recensiti, *Quasi materia* Sacramenti Pœnitentiæ, non quòd veræ materiæ rationem non habeant, sed quia ejus generis materia non sunt, quæ extrinsecus

Cur tres actus Pœnitentis quasi materia Sacramenti

PARS 1. adhibeatur, ut aqua in Baptismo, & Chrisma in Confirmatione (inquit Concilii Catechismus:) & quia Contritio, Confessio, atque interdum Satisfactio, semper verò Satisfactionis adimplendæ propositum, formæ, id est, Absolutionis sacramentalis pronuntiationem præcedunt; cùm in ceterorum Sacramentorum administratione forma proferri debeat simul atque materiæ fit applicatio.

Sola Contritio nunquam suppleri potest.

387. Observandum nihilominus est, Confessionem & Satisfactionem ad integritatem Sacramenti Pœnitentiæ non esse ita necessarias ac Contritionem. Hæc enim ita necessaria est, ut suppleri nunquàm possit: illæ verò in extremo vitæ discrimine suppleri possunt, cùm homo vi morbi oppressus, linguæ aut mentis etiam usum subitò amiserit, postquam externa quædam signa veræ Pœnitentiæ prodidisset. Tunc enim Sacerdos infirmum absolvere potest, adstantium testimonio, aut vitæ antea actæ & secundum Legem Christianam institutæ suffragio, vicem Confessionis quodammodo supplentibus, cujus, uti & Satisfactionis propositum habuisse piè creditur homo qui Christianè vixit, & qui signa Pœnitentiæ edidit, ac Sacerdotem vocari iussit, apud quem peccata deponeret, antequam vox eum deficeret. Ita docet S. Leo, Epist. 82. alias 91. ad Theodorum Forojulensem Episcopum.

§. IV.

De Contritione .

388. **C**ontritio duplex est, ut docet *Contritio*
 Concilium Tridentinum, *duplex*
 Sessione 14. Cap. 4. perfecta scilicet, & im- *perfecta*
 perfecta. *Contritio perfecta est dolor de pec-*
cato commisso, ex amore Dei super omnia *perfecta.*
conceptus & caritate perfectus, cum pro- *Quid per-*
posito non peccandi in posterum, & voto su- *fecta?*
sciendi Sacramentum Pœnitentiæ. Con- *Quid im-*
tritio imperfecta, quæ Attritio dicitur, est *perfecta?*
dolor ac detestatio de peccato commisso, vel
ex turpitudinis peccati consideratione, vel ex
gehennæ & pœnarum metu conceptus, peccā-
dique voluntatem excludens, cum spe veniæ.

389. Contritio perfecta hominem Deo
 non reconciliat sine voto Sacramenti Pœni-
 tentiæ, quamvis ante Sacramentum actu su-
 scepthum peccatorem justificet. Doctrina est
 Concilii Tridentini loco citato. *Qua ra-*
tione Con-
tritio per-
fecta pec-
cato-
catorem
iustificet?

390. Contritio perfecta non est neces-
 saria ad justificationem peccatoris in Sacra-
 mento Pœnitentiæ; sed imperfecta, quæ vo-
 catur Attritio, cum Sacramento sufficit. *Contritio*
perfecta;
non est ne-
cessaria,
cum Sa-
cramento
Pœnitea-
tia.
Attritio

391. Attritio naturalis, id est, quam ratio-
 nes merè naturales excitant, & quæ solis na-
 turæ viribus concipitur; cum scilicet quis

PARS I.
Art. 5.

§. 4.
*naturalis
non suffi-
cit.*

*Propositio
damnata.*

*Nec inef-
ficax, qua-
lem pas-
sim habent
usurarii,
Concubi-
narii, alii-
que huius-
modi.*

dolet de peccato commissio propter infamiam ex eo consecutam, aut aliud quodcumque motivum temporale non sufficit, etiam cum Sacramento, ad hominem Deo reconciliandum. Unde *Innocentius XI.* hanc Propositionem damnavit: *Probabile est sufficere Attritionem naturalem, modo honestam.*

392. Attritio quâ quis dolet de peccato quatenus Dei offensa est, non tamen absolutâ & efficaci voluntate, non sufficit, etiam cum Sacramento, ad justificationem peccatoris. Hæc enim Attritio peccandi voluntatem & affectum non excludit, adeoque non est verus *Dolor & detestatio de peccato commissio, cum proposito non peccandi de cetero, nec Vita veteris odium, & vita novæ propositum & inchoationem* continet: quæ necessaria sunt omnino ad Contritionem tam perfectam, quàm imperfectam quæ dicitur Attritio. Unde & usurarii, & concubinarij, aliique peccati mortalis habitu, consuetudine, & occasionibus implicati, dolent interdum de peccato quatenus Dei offensa est, non tamen absolutâ, sed inefficaci dumtaxat & suspensa voluntate, quæ velleitas nuncupari solet: quibus tamen inutilis est huiusmodi dolor, quia in peccatis nihilominus perseverant, & cum Dei vocem interiùs loquentis audierint, corda sua sinunt obdurari fallaciâ peccati.

*Attritio
ex turpi-*

393. Attritio ex turpitudinis peccati consideratione, vel ex gehennæ & pœnarum

rum metu concepta, utilis est, & ad justificationem disponit. Gehennæ sive pœnæ æternæ timorem ex fide conceptum, utilem esse, & ad justificationem disponere, probat illud Scripturæ Sacræ oraculum, *Timor Domini expellit peccatum: nam qui sine timore est, non poterit justificari*. Unde Christus ad timorem Dei, pœnas æternas justo judicio peccatoribus infligentis, homines adhortatur, Matth. 10. *Timeate eum qui potest & animam & corpus perdere in gehennam*.

PARS I.

Art. 5.

S. 4.

tudinis
peccati cō-
sideratio-
ne utilis,
& ad ius-
tificationem dis-
ponens.

394. Attritionem sine Dei amore, saltem inchoato, ad justificationem peccatoris in Sacramento non sufficere, probabilius est. Id probatur primò ex illis Domini nostri verbis, Joannis 14. *Qui diligit me, diligetur à Patre meo*. Nemo porro Dei gratiam impetrat per Sacramentum, nisi à Deo diligatur: nemo itaque justificatur etiam in Sacramento, nisi Deum diligat. Confirmatur & Apostolorum testimoniis 1. ad Corinthios ultimo: *Si quis non amat Dominum nostrum Jesum Christum, sit Anathema*. Et 1. Joannis 3. *Qui non diligit, manet in morte*. Quomodo autem justus quis censerì potest, qui coram Domino est anathema, & in morte peccati manet? Nemo ergo justus esse potest, nisi amet Dominum Jesum.

Amoris
Dei ne-
cessitas ad
iustifica-
tionem,
etiam in
Sacramen-
to, proba-
tur ex
Scriptura
Sacra.

395. Probatur secundò Propositio luculentissimo Sancti Augustini principio. Sincera conversio nulla est, nisi pec-

Probatur
ex S. Au-
gustino &
can-

PARS I.

Art. 5.

§. 4.
alii Pa-
tribus.

candi voluntas deponatur, & nova secundum Christum vita inchoetur. Voluntas porro peccandi non deponitur, nisi quis iustitiam, id est, Deum ipsum amet: neque novam vitam auspicatur quandiu solo timore pœnæ abstinere à peccato: siquidem timor ille ab opere quidem peccati revocat, sed affectionem animi à peccato non avertit: Iustus itaque nemo homo esse potest, nisi Dei amore à peccato absterneatur. Præclarum illud principium tradit S. Augustinus, Libro De Spiritu & Littera Cap. 8. ubi de Judæis sic loquitur: *Illis Lex iram operabatur, abundante peccato, quod à scientibus perpetrabatur: quia & quicumque faciebant quod Lex jubebat, non adjuvante Spiritu gratiæ, timore pœnæ faciebant, non amore iustitiæ: ac per hoc coram Deo non erat in voluntate, quod coram hominibus apparebat in opere: potiusque ex illo rei tenebantur, quod eos noverat malle, si fieri posset, impune committere. Et Cap. 14. Mandatum si fit timore pœnæ, non amore iustitiæ, serviliter fit, non liberaliter; & ideo nec fit: non enim fructus est bonus, qui de caritatis radice non surgit.*

396. Illud ipsum inculcat Libro De Natura & Gratia, Cap. 57. *Sub Lege est, inquit, qui timore supplicii, quod Lex minatur, non amore iustitiæ, se sentit abstinere ab opere peccati, nondum liber nec alienus à voluntate peccati. In ipsa enim voluntate*

rens

reus est , qua mallet , si fieri posset , non esse quod timeat , ut libere faciat quod occultè desiderat .

PARS I.

Art. 5.

S. 4.

397. Idem confirmat disertissimis verbis Epistolâ 145. aliâs 144. ad Anastasium: *Inaniter , inquit , putat victorem se esse peccati , qui pœna timore non peccat , quia etsi non impletur foris negotium malæ cupiditatis , ipsa tamen mala cupiditas intus est hostis , Inimicus ergo iustitiæ est , qui pœna timore non peccat : amicus autem erit , si ejus amore non peccet . Tunc enim verè timebit peccare . Nam qui gehennas metuit , non peccare metuit , sed ardere . Ille autem peccare metuit , qui peccatum ipsum sicut gehennas odit Tantum porrò quisque peccatum odit , quantum iustitiam diligit , quod non poterit Lege terrente per litteram , sed Spiritu sanante per gratiam .*

398. S. Petrus Chrysologus , Sermone nonagesimo-quarto: *Audistis , inquit , quemadmodum cœlestis Creditor totum debitum caritate compensat , & ad incrementum totius fœnoris Amoris solius exigit & requirit usuram . Plectendus debitor , qui dilectione solâ suam negligit redimere cautionem . Vis scire , homo , quid Deo debeas ? Quod factus es , Dei creditum est : quod es rationis capax , Dei fœnus est : quod discretionem boni malive possides , accepisti : & quod vivendi normam acceperis , per chirographum legis stipulanti Deo spondidisse te , non*

S. Petrus
Chrysolo-
gus .

PARS I.

Art. .

S. 4.

potes diffiteri . Sed dum te per vitia carnis in lutum instar suis demergis , & quadrupedum more vivens , quâ præditus es ratione privaris , & in gurgite criminum , boni malive perditâ discretione , confundis , & divinæ legis substantiam dissipas , mundana voluptate captivus , factus es gloriosi fœnoris debitor luctuosus : cui deficientibus virtutum lucris , criminum multiplicatur usura . Sed licet in hac re cecideris , licet fueris in ista devolutus , vide ne desperes : homo , remansit tibi unde piissimo satisfacias Creditori . ABSOLVI VIS ? AMA . Caritas cooperiet multitudinem peccatorum Ama ergo homo Deum , & ama totus , ut possis omnia sine labore vincere peccata .

S. Thomas

399. Accedit S. Thomas , in 4. Sententiarum Dist. 20. Quæst. 1. A. 1. Quæstioncula 1. in Responsione ad primum . Antiochus , inquit , veniam consecutus fuisset , si verè pœnituisset : sed non habuit veram Pœnitentiam , quia non ex amore iustitiæ de peccatis commissis dolebat ; sed timore pœnæ quam expectabat , vel dolore pœnæ quam sustinebat . Et hoc etiam in multis in fine Pœnitentibus contingit ; quia non est facile ut affectus quem homo toto tempore vitæ suæ inclinavit in aliquid , subitò ad contrarium retrahatur .

400. Item in Quæstionibus Disputatis , Quæst. 7. A. 11. in Responsione ad tertium . Eiusdem , inquit , rationis est , quod volun-

tas feratur in appetitum contrarii, & in detestationem alterius. Nullus autem usum habens liberi arbitrii potest inchoare novam vitam, quæ est per gratiæ infusionem, nisi amet & appetat gratiæ bonum: & ideo oportet quod detestetur omne malum repugnans.

401. Et 3. P. Quæst. 85. A. 6. *Actus*, inquit, *virtutis Pœnitentiæ est contra peccatum ex amore Dei.* Articulo 3. ejusdem Quæstionis docet, Pœnitentiam virtutem specialem non esse eo solùm nomine quod sit dolor de malo perpetrato, (ad hoc enim sufficeret caritas) Sed ex eo quod Pœnitens dolet de peccato commisso, in quantum est offensa Dei, cum emendationis proposito. Dolor porro de peccato quatenus est offensa Dei, oritur ex caritate.

402. Idem confirmat Quæstione 86. A. 3. *Peccatum mortale*, inquit, *non potest sine verâ Pœnitentiâ remitti, ad quam pertinet deferere peccatum, in quantum est contra Deum.* Quod quidem est commune omnibus peccatis mortalibus. Unde non potest esse verè Pœnitens, qui de uno peccato pœnitet, & non de alio. Si enim displiceret ei illud peccatum, quia est contra Deum super omnia dilectum (quod requiritur ad rationem veræ Pœnitentiæ) sequeretur quod de omnibus peccatis pœniteret. Veræ igitur Pœnitentiæ character est, secundum S. Thomam, ut sit dolor de peccato, quatenus est con-

PARS I. contra Deum super omnia dilectum.

Art. 5. 403. His, ut opinor, momentis addu-

S. 4. *Concilii Tridentini* Si Sacra Synodi Tridentinae Patres,) quam-
vis Quaestionem, quam tractamus, finire
noluerint) Sententiae tamen amoris divini,

saltem inchoati necessitatem ad justificationem peccatoris, etiam in Sacramento Poenitentiae, asserenti, & Attritionem ex solo poenae timore conceptam, vel cum ipso Sacramento sufficere neganti, non obscurè faverunt. Docet nimirum Sacra Synodus Sessione sexta, Cap. sexto, Homines adultos justificari, *Dum peccatores se esse intelligentes à divinae iustitiae timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore: illumque tanquam omnis iustitiae fontem diligere incipiunt: ac propterea moventur adversus peccata per odium aliquod & detestationem, hoc est, per eam Poenitentiam, quam ante Baptismum agi oportet.* Ex quibus colligitur, inter dispositiones ad justificationem necessarias à Concilio Tridentino inchoatum Dei amorem postulari. Qui quidem non est merus amor spei, sed benevolentiae, quo Deus super omnia diligitur. Præter spem enim in quam peccatores eriguntur, fidentes Deum sibi propter Christum propitium fore, Sacra Synodus postulat amorem, quo ipsum *Tanquam fontem omnis iustitiae diligere incipiant.* At

AUTOR

amor à spe distinctus est amor benevolentia: Concilium igitur postulat amorem benevolentia: ceu dispositionem omnino necessariam ad justificationem primam, quæ fit per Baptismum .

PARS I.

Art. 5.

§ . 4.

404. Confirmatur ex Canone tertio ita sanciente: *Si quis dixerit, sine præveniente Spiritus-Sancti inspiratione, atque ejus adjutorio, hominem credere, sperare, diligere, aut pœnitere posse sicut oportet, ut ei justificationis gratia conferatur, Anathema sit.* Quo ex Canone liquet, non solum fidem & spem, sed & dilectionem, quâ Deum sicut oportet, id est, super omnia diligamus, à Concilio statui inter dispositiones necessarias ad justificationem: adeoque non de solo amore spei, qui à spe ipsa indistinctus est, sed de amore benevolentia: esse intelligendum. Ex quibus rursus colligitur, multò magis amorem Dei ad justificationem in Sacramento Pœnitentia: necessarium esse, cum longè major dispositio desideretur ad justificationem peccatoris post Baptisma, quàm ante Pœnitentis. Quocirca Tridentinum Concilium Sessione 14. Cap. secundo, ait: *Ad quam tamen novitatem & integritatem per Sacramentum Pœnitentia: sine* *Amor Dei multò magis ad justificationem requiritur in Sacramento Pœnitentia: quàm Baptismi.* *magnis nostris fletibus & laboribus, divinâ id exigente justitiâ, pervenire nequaquam possumus: ut meritò Pœnitentia laboriosus quidam Baptismi à SS. Patribus dictus fuerit.*

PARS I.

Art. 5.

§. 4.

405. Id evidentiùs colligitur ex Cap. 4. ejusdem Sessionis, ubi *Contritionis motum quovis tempore ad impetrandam veniam peccatorum necessarium fuisse docet*. Declarat secundò, *Hanc Contritionem non solum cessationem à peccato, & vitæ novæ propositum & inchoationem; sed veteris etiam odium continere, juxta illud: Projicite à vobis omnes iniquitates vestras, in quibus prævaricati estis; & facite vobis cor novum, & spiritum novum*. Tertio docet, *Contritionem hanc aliquando caritate perfectam esse, hominèque Deo reconciliare, priusquam hoc Sacramentum actu suscipiatur*. Quo tamen casu justificatio ipsi Contritioni sine Sacramenti voto, quod in illa includitur, non est adscribenda. Postremò docet, *Illam Contritionem imperfectam, quæ Attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, si voluntatem peccandi excludat, cum spe veniæ, non solum non facere hominem hypocritam, & magis peccatorem, verum etiam donum Dei esse, & Spiritus-Sancti impulsus, nondum quidem inhabitantis, sed tantum moventis; quo Pœnitens adjutus, viam sibi ad justitiam parat. Et quamvis sine Sacramento Pœnitentiæ per se ad justificationem perducere peccatorem nequeat; tamen eum ad gratiam in Sacramento Pœnitentiæ impetrandam disponit*. Hoc enim ti-

more utiliter concussi Ninivita, ad Jonæ prædicationem plenam terroribus, Pœnitentiam egerunt, & misericordiam à Domino impetrarunt. Ex quibus colligo, Concilii Tridentini Patres in eam propensos fuisse Sententiam, quæ Attritionem ex solo gehennæ metu conceptam, etiam cum Sacramento non sufficere ad justificationem asserit, sed necessarium esse Dei amorem, saltem inchoatum & imperfectum, propugnat: primò, quia eum dolorem Sacra Synodus postulat, qui peccandi voluntatem excludat. Peccandi porrò voluntas non excluditur nisi contrariâ voluntate, scilicet amore justitiæ, sive amore Dei super omnia. Timor enim pœnæ voluntatem nō mutat. Qui enim metuit, reprimitur, non emendatur; (inquit S. Ambrosius, Lib. 8. in Lucam.)

406. Secundò, quovis tempore Contritionis motum ad impetrandam veniam peccatorum necessarium fuisse docet Sacra Synodus. Si quovis tempore, non igitur extra Sacramentum duntaxat, sed etiam in Sacramento. Cùm igitur Contritio sit dolor de peccato, quatenus Dei offensa est, ex amore ipsius super omnia conceptus; & Contritio perfecta & imperfecta, quam Attritionem vocamus, differant tantum ut perfectum & imperfectum sub eodem Contritionis genere, ut innuit Sacra Synodus his verbis: *Illam verò Contritionem imperfectam, quæ Attritio dicitur, &c. Sequitur*

Attritio d. Contriti-

R

At-

PARS I.

Art. 5.

S. 4.

*tionem non
differt nisi
ut imper-
fectum à
perfecto
in eodem
genere.*

Attritionem non ex solo pœnarum timore conceptam esse debere, ut sit dispositio ad justificationem sufficiens cum Sacramento; sed adinixtum habere Dei amorem super omnia, saltem inchoatum & imperfectum. Quod autem dixi, Attritionem à Contritione non differre, nisi ut imperfectum à perfecto intra idem genus, veterum Theologorum Sententia est, imprimis *Guillelmi Parisiensis*, Tractatu De Sacramento Pœnitentiæ, Cap. 6. *Attritio*, inquit, *ad Contritionem sic est, sicut vulneratio non lethalis ad occisionem, & gratia præveniens ac præparans ad gratiam gratum facientem, sicut calefactio ad arersionem, & sicut illuminatio quæ est umbra ad irradiationem, hoc est, sicut umbra crepusculi ad radium.* Et paulò post; *Amor quo iste amat Deum, sunt unius & ejusdem, videlicet Dei; & secundum idem, & propter idem: sunt ergo unius & ejusdem speciei, & non differunt nisi secundum magis & minus.* Et infrà: *Amore autem præparatorio amatur Deus secundum quod Deus, & propter id quod Deus, quemadmodum amore qui caritas dicitur.* Amorem præparatorium Attritionem vocat: caritatem verò amorem qui in Contritione perfecta continetur.

407. Ita *S. Thomas*, in quartum Sententiarum, Dist. 15. Quæst. 2. Articulo 1. Quæstiuncula secunda ad tertium: *Attritio*, inquit, *dicit accessum ad perfectam Contritionem.*

tionem: unde in corporalibus dicuntur attrita, quæ aliquo modo sunt comminuta, sed non perfectæ: sed Contritio dicitur, quando omnes partes tritæ sunt simul per divisionem ad minima: & ideo significat Attritio in spiritualibus quamdam displicentiam de peccatis commissis, sed non perfectam; Contritio autem perfectam. Et Articulo 5. Quæstiuncula 3. Contritio, inquit, habet duplicem dolorem: unum rationis, qui est displicentia peccati commissi; & hic potest esse adeo parvus quod non sufficiet ad rationem Contritionis, ut si minus displiceret ei peccatum, quàm debeat displicere separatio à fine, sicut etiam amor potest esse remissus, quod non sufficit ad rationem caritatis. Alium dolorem habet in sensu, &c.

PARS I.

Art. 5.

S. 4.

408. Tertiò declarat Sacra Synodus, hanc Contritionem non solum cessationem à peccato, & vitæ novæ propositum & inchoationem, sed veteris etiam odium continere, juxta illud: Projicite à vobis omnes iniquitates vestras, & facite vobis cor novum. Atqui cor novum fieri non potest sine Dei amore. Ut enim ait S. Augustinus, Libro contra Adimantum Manichæum, Cap. 17. Hæc est brevissima & apertissima differentia duorum Testamentorum, timor & amor: illud ad hominem veterem, hoc ad novum pertinet. In illam ergo sententiam propensa fuit Sacra Synodus Tridentina, quæ Dei amorem ceu dispositionem necessariam ad

PARS I.

Art. 5.

S. 4.

justificationem postulat.

409. Quartò, in exemplum affert Sacra Synodos Pœnitentiam Ninivitarum, qui timore utiliter concussi, ad Jonæ prædicationem plenam terroribus, Pœnitentiam egerunt. Atqui Pœnitentia Ninivitarum aliquem caritatis actum admixtum habuit. Nam *Vidit Deus opera eorum, quia conversi sunt de via sua mala, &c.* Deus porrò nullam rationem habet operum in ordine ad justificationem, nisi procedant ex fide quæ per dilectionem operatur. Ut enim ait S. *Augustinus*, Sermone 88. aliàs 50. *De Verbis Domini*, Cap. 2. *Adde caritatem, profunt omnia: detrabe caritatem, nihil profunt cetera.*

410. Et Tractatu V. in Joannem: *Per hanc dilectionem peccata solvuntur. Hac se non teneatur, & grave peccatum est, & radix omnium peccatorum.* Synodus itaque Tridentina in eam propensa fuit. Sententiam, quæ Contritionem imperfectam aliquem gradum amoris Dei includere necessariò debere asserit, ut cum Sacramento justificet.

Obiectio.

411. Objicitur, Si amorem Dei super omnia necessariò continere debet Attritio cum Sacramento Pœnitentiæ conjuncta, ut peccator justificetur, sequitur inutiles esse Ecclesiæ claves, inane & otiosum Sacramentum: siquidem Amor Dei super omnia justificat peccatorem ante Sacramentum, & absque Sacramento.

412. Re-

412 Respondetur, Id non sequi quod obijciunt. Optimè enim conciliatur & Contritionis saltem imperfectæ, & Sacramenti necessitas. Hunc inter alios *Vviclesi* Articulum damnavit Synodus Constantiensis: *Si homo fuerit debitè contritus, omnis Confessio exterior seu Sacramentalis, est sibi superflua & inutilis*. Et redeuntes ex illa Secta ad Ecclesiam Hæreticos *Martinus Quintus* interrogari jubet, *Utrum credant quòd Christianus ultra Contritionem cordis, habitâ copiâ Sacerdotis idonei, de necessitate salutis ei confiteri teneatur*. Idem docet Sacra Synodus Tridentina Sessione 13. Cap. 7. statuens *Ut nullus sibi conscius mortalis peccati, quantumvis sibi contritus videatur, absque præmissa sacramentali Confessione ad sacram Eucharistiam accedere debeat, &c.* Et Canone undecimo Statuit atque declarat, *illis quos conscientia mortalis peccati gravat, quantumcumque etiam se contritos existiment, habitâ copiâ Confessoris, necessariò præmittendam esse Confessionem Sacramentalem antequam Sanctissimæ Eucharistiæ Sacramentum sumant. Si quis autem contrarium docere, prædicare, vel pertinaciter asserere, seu etiam publicè disputando defendere præsumpserit, eo ipso excommunicatus existat*. Inutiles itaque Ecclesiæ claves, otiosum & inane Sacramentum Sacra Synodus non existimavit, etiamsi Contritio perfecta necessaria censeretur; multò minùs

PARS I.

Art. 5.

S. 4.

si Contritio dumtaxat imperfecta Amorem Dei super omnia inchoatum includens necessaria cum Sacramento asseratur. Nec verò inutile fore Sacramentum judicarunt ipsi Theologi, qui Contritionem perfectam ad remissionem peccati etiam in Sacramento velut necessariam postularunt: quia non remitti peccatum per Contritionem nisi in ordine ad Claves Ecclesiæ agnovere; adeoque non uni Contritioni, sed Sacramento Pœnitentiæ, cujus illa votum includit, peccatorum remissionem tribuendam. Absolutionem enim Sacramentalem in iis operari qui ad ipsam votis ferventissimis inhiant, sicut Christi Passio in iis operabatur qui in Christum venturum credebant, antequam re ipsa consummata esset. Verùm opinionem illam; quæ sine Contritione perfecta peccatorem etiam in Sacramenti susceptione non justificari asserit, meritò rejicimus & improbamus. Nam & Pius Quintus Sanctissimus Pontifex Propositiones illas Michaelis Baii anno millesimo quingentesimo sexagesimo-septimo damnavit: *Caritas perfecta & sincera, quæ est ex corde puro, & conscientia bona, & fide non ficta, in Cathecumenis & Pœnitentibus potest esse sine remissione peccatorum. Caritas illa quæ est plenitudo legis, non semper est conjuncta cum remissione peccatorum. Quod autem obijcitur, Amorem Dei super omnia justificare peccatorem absque Sacramento, id concedimus de amore*

per-

*Merito
reijcitur
opinio Cō-
tritionem
perfectam
etiam in
Sacramē-
to, ad iu-
stificatio-
nem esse
necessa-
riam asse-
rens.*

perfecto, non de amore inchoato: Quæ responsio ex Tridentino Concilio colligitur.

Et si, inquit Contritionem hanc aliquando caritate perfectam esse contingat, hominemque Deo reconciliare prius quam hoc Sacramentum actu suscipiatur, ipsam nihilominus reconciliationem ipsi Contritioni sine Sacramenti voto quod in illa includitur, non esse adscribendam. Idemque confirmat Concilii Catechismus P. 2. De Pœnitentia §. 46.

Ut enim hoc concedamus, inquit, Contritione peccata deleri, quis ignorat illam adeo vehementem, acrem, intensam esse oportere, ut doloris acerbitas cum scelerum magnitudine æquari conferrique possit. Hæc est Contritio caritate perfecta, qua justificatur peccator absque actuali Sacramenti susceptione cum solo illius voto. De imperfecta verò subdit: At quoniam pauci admodum ad hunc gradum pervenirent, fiebat etiam ut à paucissimis hæc viâ peccatorum venia speranda esset. Quare necesse fuit, ut clementissimus Dominus faciliori ratione communi hominum saluti consuleret, quod quidem admirabili consilio effecit, cum claves Regni cœlestis Ecclesiæ tradidit. Etenim ex Fidei Catholica doctrina, omnibus credendum & constanter affirmandum est: si quis ita animo affectus sit, ut peccata admissa doleat, simulque in posterum non peccare constituat: & si huiusmodi dolore non afficiatur, qui ad impetrandam veniam satis esse

PARS I. *possit : ei tamen , cum peccata Sacerdoti rite confessus fuerit , vi clavium scelera omnia remitti ac condonari : ut meritò à sanctissimis viris Patribus nostris celebratum sit , Ecclesia clavibus aditum in cælum aperiri : de quo nemini dubitare fas est , cum à Florentino Concilio Decretum legamus , Pœnitentia effectum esse Absolutionem à peccatis .*

Obiectio altera . 413. Verùm (inquires) spiritualiter vivit qui Deum amat : quid igitur præstabit Sacramentum , si Amor Dei super omnia necessariò præcedere debet Absolutionem Sacramentalem ? Et quomodo Pœnitentia verè dici poterit Sacramentum mortuorum ?

Solutio . 414. Respondetur , Varios esse vitæ spiritualis gradus . Habet illa exordium suum , progressum , perfectionem . Amor vita cordis est . Amor inchoatus est initium vitæ spiritualis : amor provectus est progressus vitæ spiritualis : amor perfectus est perfectio vitæ spiritualis ; secundùm illud S. Augustini : *Inchoata caritas , inchoata iustitia est : provecta caritas , provecta iustitia est : perfecta caritas perfecta iustitia est .* Peccator itaque imperfectè contritus , sive attritus , Deumque ut omnis iustitiæ fontem diligere incipiens , vivit vitâ inchoatâ , quæ dispositio est ad vitam perfectam ex caritate perfectâ , & à Sacramento ipsam conferente procedentem . Duplicis hujus vitæ distinctionem approbavit *Pius Quintus* Sanctissimus

Pon-

Pontifex, cum *Michaëlis Baii* Propositio- nem sexagesimam-tertiam his verbis con- ceptam inter alias damnavit: *Illā distinctio duplicis vivificationis, alterius quā vivifi- catur peccator dum ei Pœnitenti & vitæ no- vae propositum, & inchoatio per gratiam inspiratur: alterius, quā vivificatur qui verè iustificatur, & palmes vivus in Christo vite efficitur, commentitia est, & Scriptu- ris minimè conveniens iudicatur.* Et quam- vis ante susceptionem Sacramenti seu ante Absolutionem Sacramentalem vivat Pœni- tens, seu vitā inchoatā & imperfectā, cum imperfectè contritus est, seu vitā perfectā, cum perfectam Contritionem habet; Pœ- nitentia nihilominus Sacramentum est mor- tuorum, quia peccatores vivificat per dispo- sitiones vel partes sibi prævias, sibi que con- nexas, quæ etiam efficaciam ab ipsa mu- tuantur.

415. Ceterū, qui nihil timet magis quàm à Deo separari, ejusque Visione beatifica pri- vari, sufficienter cōtritus censendus est ut Sa- cramentali Absolutione donetur. Hic enim Deum tanquam omnis justitiæ fontem, gra- tīs amore casto diligit, ut docet *S. Augusti- nus* Sermone 78. aliàs 19. *De Verbis Aposto- li*, Cap. 10. *Aliud est, inquit, timere pœnam; aliud est amare justitiam. Amor castus in te esse debet, quo amore desideres videre, non calum & terram, non campos liquidos ma- ris,*

Qui ti- met à Deo separari est suffi- cienter contritus ad Abso- lutionem accipien- dam.

- PARS I.** *ris, non spectacula nugatoria, non fulgores
nitoresque gemmarum: sed desidera videre
Deum tuum, amare Deum tuum: quia dictum est: „Dilectissimi, filii Dei sumus, &
1. Ioan. 3. „ nondum apparuit quod erimus. Scimus
„ autem quia cum apparuerit, similes ei eri-
„ mus, quoniam videbimus eum sicuti est.
Ecce propter quam visionem fac bonum, ecce
propter quam noli facere malum. Si enim
amas videre Deum tuum, si in hac peregrinatione illo amore suspiras; ecce probat te
Dominus Deus tuus, quasi dicat tibi: Ecce
fac quod vis, imple cupiditates tuas, exten-
de nequitiam, dilata luxuriam; quicquid
libuerit licitum puta; non hinc te punio, non
te in gehennas mitto, faciem meam tantum
tibi negabo. Si expavisti, amasti; si hoc quod
dictum est, Faciem suam tibi negabit Deus
tuus, coneremuit cor tuum, in non viden-
do Deum tuum magnam pœnam putasti; gra-
tis amasti.*

Qui dili- 416. Quicumque ergo Deum ut bonum
git Deum suum ac æternam suam beatitudinem dili-
ut bonum git, illum amicitiae, non concupiscentiae de-
suum, il- siderio expetit. Non enim illum ad commo-
lum dili- dum suum deprimat, verum diligit ut se illi
git amare omnino subdat, illi obtemperet, in illoque
amicitiæ, tanquam in fine suo ultimo requiescat. Ca-
stus quidem non est amor, quo Deus ut ori-
go & autor bonorum externorum, fonsque
terrenæ felicitatis tantum diligitur. Qui
Deum

Deum hoc modo diligunt, illum non tam propter ipsum, quàm propter ista, quæ ab ipso accipiunt, ut sperant bona, diligunt. Hinc S. *Augustinus* Enarratione in Psalmum 43. ait: *Exigitur à te ut tu eum gratis colas, non quia dat temporalia; sed quia præstat æterna*. Sed castus est amor, quo quis Deum diligit tanquam suum & omnis creaturæ rationalis beatificum bonum.

417. Id confirmat S. *Bernardus*, Sermone 8. De Diversis: *Numquid, inquit, mercenarium eum quis æstimet, qui paternæ inhiat hereditati, eamque toto affectu expectat & expectat, quam nimirum filii mercedem esse, non mercenarii, Propheta testatur? Cum dederit, inquit, dilectis suis somnum, ecce hæreditas Domini, filii merces fructus ventris. Invenitur tamen alter gradus sublimior, & affectus dignior isto, cum penitus castificato corde nihil aliud desiderat anima, nihil aliud à Deo querit, quàm ipsum Deum. Crebro siquidem didicit experimento, quoniam bonus Dominus sperantibus in se, animæ quærenti ipsum, ita ut jam ex affectu cordis atque ex sententia clamet illud in Psalmo: „ Quid enim mihi in cælo, & à te „ quid volui sui super terram? Defecit caro „ mea & cor meum, Deus cordis mei, & „ pars mea Deus in æternum. „ Neque enim suum aliquid, non felicitatem, non gloriam, non aliud quidquam tanquam pri-*

Qui Deū diligit ut finem suæ beatitudinis, non est mercenarius.

PARS I.

Art. 5.

§. 4.

vato sui ipsius amore desiderat anima quæ ejusmodi est: sed tota pergit in Deum, unicūque ei ac perfectum desiderium est, ut introducat eam Rex in cubiculum suum, ut ipsi adhæreat, ipso fruatur.

418. Id etiam confirmat Hugo à S. Vi-
 tore, Lib. 2. De Sacramentis, Cap. 8. Sed
 forte, inquit, mercenarius eris, si diligis
 Deum, & servis ei, ut præmium ab illo ac-
 cipias. Dicunt hoc stulti quidam, & tam
 stulti ut se ipsos non intelligant: Diligimus
 Deum, & servimus illi: sed non quærimus
 præmium, ut mercenarii simus: etiam ip-
 sum non quærimus. Dabit si voluerit, sed
 nos non quærimus. In tantum enim excu-
 timus manus ab omni munere, ut etiam ip-
 sum non quæramus, quem diligimus. Purâ
 enim & gratuitâ, & finali dilectione dili-
 gimus, nihil quærimus. Ipse cogitet si quid
 dare voluerit, nos nihil requirimus. Dili-
 gimus ipsum, sed non quærimus aliquid,
 etiam ipsum non quærimus quem diligimus.
 Audite, homines sapientes. Diligimus, in-
 quiunt, ipsum; sed non quærimus ipsum.
 Hoc est dicere, Diligimus ipsum; sed non
 curamus de ipso. Ego homo sic diligere nollens
 à vobis, Si me sic diligeretis, ut de me non
 curaretis, ego de vestra dilectione non cura-
 rem. Vos videritis, si dignum est ut Deo of-
 feratis, quod homo dignè respueret. Quo-
 modo, inquit, mercenarii non sumus, si
 Deum propter hoc diligimus, ut præmium
 ab

ab ipso accipiamus, Non est gratis hoc amare, neque amor iste filialis, sed mercenarii & servi, qui pretium querit pro servitute sua. Qui hoc dicunt, virtutem dilectionis non intelligunt. Quid est enim diligere, nisi ipsum velle habere? Non aliud ab ipso, sed ipsum hoc est gratis: si aliud queres ab ipso, gratis non amares. Nunc autem non aliud queres pro eo, quod amas, & tamen aliquid queres & desideras in eo ipso quod amas. Alioquin non amares, si non desiderares. Sed aliud est pro ipso, aliud in ipso. Si pro ipso aliquid amas, mercenarius. Si in ipso amas, & ipsum amas, filius es.

419. Similiter, qui dolet quòd Deum, ut par est, non diligit, ipsúmque magis diligere desiderat, Deum ut omnis justitiæ fontem diligere incipit: ac proinde sufficienter contritus censendus est ad Absolutionem Sacramentalem recipiendam. Desiderium enim amoris, initium amoris est. Siquidem, aut ait *Guillelmus Parisiensis*, Lib. De Sacramento Pœnitentiæ, Cap. 6. Qui querit amare Deum, utique jam amat Deum, licet nondum ex amore quem querit. Cum enim querat amare Deum, utique desiderat amare Deum: qui autem desiderat, amat. Amat ergo amare Deum, & non amat illud nisi propter Deum. Hinc à *S. Augustino* Epistolâ 127. aliàs 45. scriptum est: *Iusta vita, cum volumus, adest, quia eam ipsam plenè velle, iustitia est; nec plus aliquid perficienda iustitia,*

Qui desiderat amare Deum, Deum amat.

- PARS I. *stitia, quàm perfectam voluntatem requirit.*
 Art. 5. *Vide si labor est, ubi velle satis est Sed*
 §. 4. *hac voluntas ut plena sit, oportet ut sana sit.*
Erit autem sana, si Medicum non refugiat,
cujus solius gratiâ sanari potest à morbo de-
sideriorum noxiorum. Igitur & qui Deum
vera & sincera voluntate vult amare, ipsum
amare incipit. Quicumque enim actus ita
à voluntate dependent, ut ad eos producen-
dos externis membris aut instrumentis mi-
nimè indigeat, illi hoc ipso producuntur,
quo eos ipsa verè & sincerè, fortiter & inte-
grè vult esse productos. Potest quis verè &
sincerè velle ambulare, scribere, ædificare,
qui tamen nec ambulet, nec scribat, nec
ædificet, quòd vires corporis, instrumenta,
& facultates voluntatem deficiant. Verùm
nemo sincerè vult amare, qui reverà amare
non incipiat. Hunc enim actum si voluntas
omnino & sincerè velit, statim adesse neces-
se est, cùm eum producere nihil aliud sit,
quàm illum velle. Qui autem firmum pro-
positum habet non peccandi de cetero, quod
necessarium est ad fructum Absolutionis
consequendum, is certè Dum amare firmo
proposito decrevit. Habet enim proposi-
tum servandi mandata Dei, ac proinde ser-
vandi primum & maximum mandatum, hoc
est, amandi Dominum Deum suum ex toto
corde. Illum igitur amare incipit. Nonnè
enim vero fur est, quisquis gerit turandi pro-
positum? Nonnè adulter est, quisquis fir-
mm

num adulterandi propositum concepit? PARS I.
 Nonne avarus, sive amator pecuniæ est, quis-
 Art. 5.
 quis firmo proposito decrevit pecuniam
 S. 4.
 amare? Eadem igitur ratione Dei amator est,
 quisquis firmo proposito decrevit Deum
 amare. Quisquis autem peccatum sincerè
 detestatur, & deinceps non peccare decrevit,
 Deum amare sincerè desiderat ac firmiter de-
 cernit. Quomodo enim illum veteris amo-
 ris pœniteret, qui novo amore succendi non
 inciperet? Quomodo creaturarum cupidita-
 tem detestaretur, qui cor suum non devove-
 ret Creatori? Quomodo diceret, *Iniquita-
 tem odio habui & abominatus sum*, qui unà
 non diceret, *Legem autem tuam dilexi*?

420. Propositionem nostram confirmat
 S. Fulgentius, Epistolâ ad Eugypium, osten-
 ditque sine Caritate fieri non posse ut quis
 Deum diligere velit. *Dilectio*, inquit, *nul-
 latenus diligitur, nisi dilectio habeatur, quâ
 ipsa dilectio diligitur. A se ipsa igitur dile-
 ctio diligitur, quia tunc diligitur, cum ha-
 betur, nec diligitur nisi habeatur. Equidem
 potest diligere à nobis, etiam cum petimus ut
 augeatur in nobis: sed non diligit ejus aug-
 mentum, qui non habet initium. Non ergo
 sic caritas diligitur sicut nummus, aut ali-
 quid ejusmodi. Potest enim quisque unum
 non habere nummum, & multitudinem di-
 ligere ac desiderare nummorum. Diligit ergo
 iste nummorum multitudinem, cum ne unius
 quidam nummi habeat facultatem...*

*Dilectio
 non dili-
 gitur, nisi
 habeatur.*

PARS I.

Att. 5.

S. 4.

*Penitentis
animus
exploran-
dus, non
tentandus*

*tat tamen non habetur, si non diligatur; nec
diligitur, si non habeatur.*

421. Quamvis Confessarius explorare
debeat animum Pœnitentis, an sit verè con-
tritus, ipsum tamen interrogare non debet,
an hæc & illa supplicia, verbi gratiâ rotas,
ignes, pellis detractionem, &c. uxoris, filio-
rum, bonorum omnium amissionem, pœnas
iplas inferni, seclusâ Dei offensâ, pati mal-
let, quàm vel unum peccatum mortale per-
petrare. *S. Thomas, Quæst. 3. Supplementi,
Art. 1. ad quartum. Sciendum est, inquit,
quod quamvis talis debeat esse contriti dis-
positio, non tamen de eis tentandus est, quia
affectus suos homo non de facili mensurare
potest: & quandoque illud quod minùs dis-
plicet, videtur magis displicere: quia est
propinquius nocumento sensibili, quod magis
est nobis notum.*

*Vere Con-
tritionis,
& sincere
conversio-
nis indi-
cia.*

422. Porro veræ contritionis, & sincere
ad Deum conversionis indicia sunt occa-
sionum peccandi fuga. Frequens de Deo co-
gitatio. Studium ardens quærendi Deum,
cùm illum nostris peccatis amisimus. Stu-
dium bonorum operum, & desiderium quo
anima fertur ad omnia quæ Deo sunt pla-
cita: Constantia & perseverantia in fuga
peccati & observatione divinorum manda-
torum.

*Quando
obligat
præceptum*

423. Ad Contritionis actum elicien-
dum tenetur homo in periculo mortis, &
quotiescumque Sacramentum aliquod susci-
pien-

piendum vel administrandum est: quoties tandem se à Deo aversum esse per peccatum mortale cognoscit, de quo aliàs contritus non fuit. *S. Thomas, Quæst. 3. Supplementi, Articulo 5.*

PARS I.

Art. 5.

S. 4.

Contritio-
nis.

424. Nec obstat, quòd præceptum de contritione sit affirmativum, quod etsi obliget semper, non tamen pro semper. Nec enim dicimus pro semper teneri hominem ad excitandam contritionem, *sed pro loco & tempore, videlicet cum recogitat mala sua, in quibus offendit Deum;* (inquit *S. Bonaventura in 4. Sententiarum, Dist. 16. Quæstione 2. primæ Partis.*)

Præceptū
de Contritio-
ne af-
firmativū.

425. Idem confirmat *S. Antoninus 3. P. Tit. 14. Cap. 18. Quantum, inquit, ad peccata mortalia, de quibus nondum quis habuit contritionem, videtur quòd semper teneatur, quando peccatum menti occurrit, ad actū odiendum & detestandum peccatum. Aliàs peccat mortaliter peccato omissionis, quousque conteratur. Dicit enim Thomas, quòd post mortale peccatum non tenetur quis ad statim confitendum: tenetur tamen ad statim conterendum: nec enim per momentum licet stare in peccato. Unde Eccli. 21. dicitur: Quasi à facie colubri fuge peccatum. Imminet enim tali maximum periculum: cum enim nulla necessitas excuset à Contritione, si moriatur ante Contritionem, etiamsi non potuit confiteri, quia subito moritur, nihilominus damnatur.*

S

426. Et

PARS I.

Art. 5.

S. 4.

426. Et certè graviter peccare hominem, qui se à Deo aversum animadvertens, Pœnitentiam differt, confirmat sacrum oraculum Eccli. 5. *Non tardes converti ad Dominum, & ne differas de die in diem. Subitò enim venit ira illius, & in tempore vindictæ disperdet te.* Quæ verba consilium dumtaxat, non præceptum exprimere, perabsurdè diceretur. Præterea, Lex naturæ docet nos reconciliationem cum eo quem offendimus, non esse differendam, ubi datur opportunitas: quò pertinet illud Domini mandatum, Matth. 5. *Si ergo offers munus tuum ad Altare, & ibi recordatus fueris quia frater tuus habet aliquid adversum te, relinque ibi munus tuum ante Altare, & vade prius reconciliari fratri tuo.* Et filium nemo novi criminis reum non censeret, qui monitus ut patrem offensum placare conetur, cum faciliè id possit, nihilominus in ejus inimicitia adhuc permanere vellet: quantò magis reus est, qui simul ac cognoscit Deum à se offensum, eum sibi reconciliare ac propitium reddere verâ & sincerâ contritione non studet?

427. Denique cor humanum servit rei quam propter se ipsam amore prædominante diligit. Servit igitur creaturæ, qui diligit ipsam præ Creatore. Debet ergo homo simul ac perversitatem illam in se cognoscit, tam citò resipiscere ab amore quo creaturam super omnia diligit, quàm citò ab idola-

latria recedere; eumque sensum abjicere, quo creaturæ potius servitur quàm Creatori. *Hoc enim colitur, quod diligitur: unde quia Deus rebus omnibus major & melior invenitur, plus omnibus diligendus est ut colatur; inquit S. Augustinus* Enarratione in Psalmum 77.

PARS I.

Art. 5.

§. 5.

§. V.

De Confessionis Sacramentalis Definitione, præcepto & necessitate.

428.

Confessio definitur in Catechismo Concilii Tridentini, *Peccatorum accusatio, ad Sacramenti genus pertinens, eò suscepta, ut veniam virtute clavium impetremus.*

Confessionis definitio.

429.

Unusquisque Christianus, cum ad annos discretionis pervenerit, id est, ad eam ætatem quâ rationis usum habere potest, & inter bonum ac malum discernere, Confessionis lege tenetur. Colligitur ex Concilio Lateranensi 4. Canone 21. cujus initium est, *Omnis utriusque sexus*. Neque tamen ea ætas certo aliquo annorum numero definita est, (inquit Catechismus Concilii Tridentini.) *Sed illud universè statuendum videtur, ab eo tempore Confessionem, puero indictam esse, cum inter bonum & malum discernendi vim habet, in ejusque mentem dolus cadere potest. Nam cum ad id vitæ tem-*

Necessitas & Præceptum.

PARS I.

Art. 5.

S. 5.

pus quisque pervenerit, in quo de salute aeterna deliberandum est, tum primum Sacerdoti peccata confiteri debet: cum aliter salutem sperare memini liceat, qui scelorum conscientiam premitur.

430. *Optimæ verò consuetudinis erit (inquit S. Carolus in Instructione Confessorum) pueros & puellulas, etiamsi sex tantum annorum, accersere, ut paulatim à primâ ætate edoceantur, & ad hujus Sacramenti usum & cognitionem assuefiant. Observeant tamen Sacerdotes Sacramentalem eis Absolutionem non largiri, in quibus materia non solet reperiri, nec talis rationis usus unde eos ad hoc Sacramentum suscipiendum capaces judicent. Qui verò ad septem aut octo annos pervenerint, pro modulo de necessitate & virtute Sacramenti, illudque frequentandi modo instruantur.*

*Obligat
ante Eu-
charistiæ
susceptionem.*

431. *Quisquis sibi mortalis peccati conscius est, & ad Sacramentum Eucharistiæ vult accedere, Confessionis Sacramentalis lege est adstrictus. Concilium Tridentinum, Sessione 13. Cap. 7. Communicare volenti, inquit, revocandum est in memoriam Apostoli præceptum: Probet autem se ipsum homo. Ecclesiastica autem consuetudo declarat, eam probationem necessariam esse ut nullus sibi conscius mortalis peccati, quantumvis sibi contritus videatur, absque præmissa Sacramentali Confessione ad Sacramentum Eucharistiæ accedere debeat: quod à Christi-*
fici-

fianis omnibus, etiam ab iis Sacerdotibus, quibus ex officio incubuerit celebrare, hæc Sancta Synodus perpetuò servandum esse decrevit. Et Canone 11. Ne tantum Sacramentum indignè atque ideo in mortem & condemnationem sumatur; statuit atque declarat ipsa Sancta Synodus, illis quos conscientia peccati mortalis gravat, quantumcumque etiam se contritos existiment, habitâ copiâ Confessoris, necessariò præmittendam esse Confessionem Sacramentalem. Si quis autem contrarium docere, prædicare, vel pertinaciter asserere, seu etiam publicè disputando defendere præsumserit, eo ipso excommunicatus existat.

432. Confessionis lege tenemur, quoties mortis periculum imminet. Ita S. Thomas in quartum Sententiarum Dist. 17. Quæstione 3. Articulo 1. Quæstiancula 4. Hinc Medicis præceptum est, sub pœna Excommunicationis, ut ad infirmos periculosè decumbentes vocati, *Ipsos ante omnia moneant ut Medicos advocent animarum.* Ita statuit Concilium Lateranense quartum sub Innocentio III. Canone 22. Eandem Constitutionem innovavit Clemens Quintus Pontifex Maximus in Concilio Ravennate 2. Cap. 15. De Penitentiis, prohibuitque ne Medici ad infirmos vocati ulteriùs redeât, & eosdem curare pergant, *Nisi priùs eis constiterit, quod infirmi prædicti Medicum advocaverint animarum, & eis fuerit de ani-*

In Mortis periculo imminenti.

PARS I.

Art. 5.

§. 5.

marum salute provisum. Eamdem Sanctionem confirmavit Beatus Pontifex *Pius Quintus* Constitutione quæ incipit, *Super gregem*, edita 8. Martii, anno 1566. cujus executionem imperat *S. Carolus* in Concilio Mediolanensi 2. Decreto 17. Quod, inquit, *Summus Pontifex PIUS QUINTUS* propositis Excommunicationis, aliisque pœnis iussit, Medicos ab agrotantis curatione post triduum abstinere, nisi eo tridui spatio de peccatis suis confessus ille sit; id Episcopus curet quàm diligentissimè observari. Rationemque præterea aliquam statuatur, quâ Medicis ipsis facilius exploratum esse possit, agrum peccata sua verè confessum esse. Idem edixerunt Concilia Gallicana, Bituricense anno 1584. Tit. 21. De Pœnitentia & ejus partibus, Canone 14. Aquense anno 1585. Tit. Quæ ad Sacramentum Pœnitentiæ pertinent, & Narbonense anno 1609. De Sacramento Pœnitentiæ Cap. 16.

Vel etiam
probabili.

433. Juxta quæ Confessionis præcepto tenentur Fideles, qui se in mortis discrimen adducendos probabiliter prævident, verbi gratiâ mulieres puerperæ, Milites in prociectu certaminis, item quicumque periculosas navigationes vel infestum iter ineunt. Ita statuit *S. Carolus* in Concilio Mediolanensi 5. Tit. Quæ ad Sacramentum Pœnitentiæ pertinent.

In periculo obli-

434. Præceptum Confessionis obligat, cum veremur ne nos alicujus culpæ lethalis, quam

quam admiserimus, oblivio capiat: vel ne
 Confessarii copiam intra annum non ha-
 beamus, cui peccatum mortale, cujus fortè
 rei sumus, confiteri possimus. Primam par-
 tem docet Concilii Tridentini Cathedra-
 mus; & meritò: neque enim peccata confi-
 teri possumus quæ non meminimus: neque
 peccatorum veniam à Domino impetramus,
 nisi ea Pœnitentiæ Sacramentum per Con-
 fessionem deleat. Partem alteram docet S.
Antoninus P. 2. Tit. 9. Cap. 13. §. 4.

435. Confessionis præceptum non obli-
 gat statim atque aliquis in mortale pecca-
 tum lapsus est. Confessionis enim præcep-
 tum ex iis est, quæ affirmativa dicuntur à
 Theologis, quæ obligant semper, sed non
 ad semper (ut loquuntur) cum è contrario
 præcepta negativa semper & ad semper obli-
 gent. Unde quia rei alienæ retentio invito
 domino repugnat præcepto negativo, sem-
 per & statim ad restitutionem tenetur, qui
 rem alienam injustè retinet, si restituere pos-
 sit. Præterea, *Eadem ratio esse videtur de*
Confessione & de Baptismo differendo, inquit
 S. Thomas, *quia utrumque est Sacramen-*
tum necessitatis. Ad Baptismum autem per-
cipiendum non tenetur aliquis statim post-
quam habet propositum Baptismi, ita quòd
peccet mortaliter nisi statim baptizetur: nec
est aliquod tempus determinatum, ultra quòd
si Baptismum differat, peccatum mortale
incurrat. Sed potest contingere quòd in di-

PARS I.

Art. 5.

§. 5.

vionis pec-
 catorum,
 vel defe-
 ctus Con-
 fessarii.

Nen im-
 mediatè
 post pec-
 catum cõ-
 missum.

PARS I.

Art. 5.

S. 5.

latione Baptismi mortale erat peccatum, vel non erit: & hoc pensandum est ex causa dilationis. Unde si causa dilationis Baptismi mortale peccatum annexum habeat, utpote si propter contentum vel aliquid huiusmodi Baptismum differat, dilatio erit peccatum mortale; aliàs non. Et ideo idem videtur esse de Confessione, quæ non est majoris necessitatis quàm Baptismus. Ita S. Thomas, in Quartum Sententiarum, Dist. 17. Quæst. 3. Articulo 1. Quæstiuncula 14. Consilium tamen sanum est, ut omnes qui in mortale peccatum lapsi sunt, quàm citius possunt, confiteantur: non enim videtur verè contritus, qui tam longo tempore vulnus peccati portat occultum. De his itaque generaliter asserere quòd possunt usque ad Pascha differre, videtur periculosum (inquit S. Bonaventura in quartum Sententiarum Dist. 17. Quæst. 2. P. 2.

*Præceptū
annuæ
Confessio-
nis.*

436. Præcepto Confessionis semel in anno faciendæ omnes & singuli Fideles sunt adstricti. Ecclesiastico Jure hæc obligatio Christianis omnibus imposita est. Id scilicet præcepit Ecclesia in Concilio Lateranensi Quarto congregata, Canone 21. relato Extra, De Pœnitentiis & Remissionibus, cujus hæc sunt verba: *Omnis utriusque sexus Fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti, & injunctam sibi Pœnitentiam studeat*

deat pro viribus adimplere, suscipiens reverenter, ad minus in Pascha, Eucharistiæ Sacramentum . . . Alioquin & vivens ab Ecclesiâ ingressu arceatur, & moriens Christianâ careat Sepulturâ. Unde hoc salutare Statutum frequenter in Ecclesiis publicetur, ne quisquam ignorantia cæcitate velamen excusationis assumat.

437. Idem confirmat S. Thomas, in quartum Sententiarum, Dist. 17. Quæstione 3. Articulo 1. Quæstiuncula 3. Ad Confessionem, inquit, dupliciter obligamur: uno modo ex Jure divino, ex hoc quod est medicina: & secundum hoc non omnes tenentur ad Confessionem, sed illi tantum qui peccatum mortale incurrunt post Baptismum. Alio modo ex præcepto Juris positivi: & sic tenentur omnes ex institutione Ecclesiæ edita in Concilio Generali sub Innocentio III. Tum ut quilibet se peccatorem recognoscat, quia Omnes peccaverunt, & egent gloriâ Dei: tum ut cum majori reverentia ad Eucharistiâ accedat: tum ut Ecclesiarum Rectoribus sui subditi innotescant, ne lupus intra gregem lateat.

438. Quamvis annuæ Confessioni nulum certum tempus Ecclesiæ præcepto præfixum sit, ratione tamen Communionis Paschalis in Paschate implendum est.

In Paschate implendum.

839. Cum enim ad Eucharistiâ accedere nemini liceat, qui sibi mortalis peccati conscius fuerit, nisi Confessione Sacramen-

men-

PARS I.

Art. 5.

§ 5.

mentali prius fuerit expiatus; peccatique mortalis reus sit, qui Ecclesiæ præceptum de annua Confessione contemnit vel negligit: sequitur illud in Paschate impleri ab illis necessariò oportere, qui infra annum eo Christianæ religionis & observantiæ fundi non sunt officio: alioqui Eucharistiam indignè sumerent, & Apostolicum, imò divinum ab Apostolo promulgatum præceptum violarent: *Probat autem se ipsum homo, & sic de Pane illo edat, & de calice bibat. Qui enim manducat & bibit indignè, iudicium sibi manducat & bibit, non dijudicans Corpus Domini.*

*Sacrilega
Confessio-
ne non
impletur.*

440. Annuæ Confessionis præceptum sacrilegâ Confessione non impletur. Una eadèmq; Confessio à Deo & ab Ecclesia præcipitur: Ecclesiæque præceptum determinatio est divini præcepti ad certum tempus. Nemo autem dixerit, sacrilegâ Confessione divinum præceptum impleri. Deus enim Confessionem præcepit ex veræ & sinceræ Pœnitentiæ affectu editam; adeoque conjunctam cum omnium peccatorum mortalium, quæ singulatim apud Sacerdotem deponit, *Contritione*, saltem imperfectâ, *quæ est de essentia Sacramenti*, ut docet S. Thomas, *Quæstione* 8. Supplementi, *Articulo* 2. ad primum: & quæ *Primum locum tenet inter actus Pœnitentiæ*, fuitque quovis tempore ad impetrandam veniam peccatorum necessaria; ut docet Tridentina Synodus.

dus. Quamobrem qui Confessionem invalidam fecit, ut Ecclesiæ præceptum implere videretur, non solum accusare se debet de sacrilegio, sed etiam de violatione Præcepti Ecclesiastici.

PARS I.

Art. 5.

§. 5.

441. Tandem ab *Alexandro VII.* Pontifice Maximo inter alias Propositiones, die 14. Septemb. anno 1656. hæc etiam damnata est ordine decima quarta: *Qui facit Confessionem voluntariè nullam, satisfacit præcepto Ecclesiæ.* *Propositio damnata.*

442. Confessionis præceptum non impleret, qui scripto vel nutu, non ore proprio confiteretur, nisi loquendi facultate seu libertate destitutus esset. Confessio enim verò quatenus pars est Sacramenti, habet determinatum actum, sicut & alia Sacramenta habent determinatam materiam: *Et sicut in Baptismo ad significandam internam abluitionem, assumitur illud elementum, cujus est maximus usus in abluendo; ita in Confessione Sacramentali, ad manifestandum ordinariè assumitur ille actus, quo maxime consuevimus manifestare, scilicet proprium verbum.* Alii autem modi sunt inducti in supplementum istius, (inquit S. Thomas, in *Quartum Sententiarum*, Distinctione decima-septima *Quæstio 3. Articulo 4. Quæstiuncula 3.*

443. Confessio quomodocumque facta Sacerdoti absenti invalida est. Probaturnon id in primis ex Canone, *Quem pœnitet, Per litteras aut per inter-nuncium*
Di-

PARS I.

Art. 5.

S. 5.

*absenti
Sacerdoti
peccata
confiteri
non licet.*

Distinctione 1. De *Pœnitentia*, ubi de Leprosis à Christo mundatis, & ad Sacerdotes missis dicitur: *Præcepit Dominus mundandis ut ostenderent ora Sacerdotibus, docens corporali præsentiâ confitenda peccata; non per nuntium aut per scriptum manifestanda: dixit enim, Ora monstrate, & Omnes, non unus pro omnibus: non alium statuatis nuntium, qui pro vobis offerat munus à Moyse statutum; sed, Qui per vos peccastis, per vos erubescatis. Erubescentiâ enim ipsa partem habet remissionis. In hoc enim quod per se ipsum dicit Sacerdoti, & erubescentiâ vincit timore offensi, fit venia criminis. Qui Caron ex Cap. 10. Libri De vera & falsa Pœnitentia, olim S. Augustino adscripti, sumtus est.*

*Clementis
VIII. De-
cretum.*

444. Confirmatur ex Decreto Clementis Octavi Pontificis Maximi, anno secundo supra sexcentimum & millesimum, quo hanc Propositionem, *Licere per Litteras, seu per Internuntium Confessario absenti peccata sacramentaliter confiteri, & ab eodem absente Absolutionem petere; ad minus Uti falsam, temerariam, & scandalosam se damnare ac prohibere declaravit; imò præcepit ne deinceps ista Propositio in publicis privatisque lectionibus, concionibus, & congressibus doceatur, néve unquam tanquam aliquo casu probabilis defendatur, aut imprimatur, aut quovis modo ad praxim deducatur, Sub pœna Excommunicationis lata* sen-

sententia, Summo ipsi Pontifici reservata.

PARS I.

444. Fuere qui Propositionem à Cle-

Art. 5.

§. 5.

Perperam à nonnullis explicatum.

mente VIII. in sensu dumtaxat complexo, & copulativo, non in sensu disjunctivo damnatam esse propugnarent: adeoque Pœnitentem posse in aliquo casu per Litteras vel internuntium confiteri absenti, etsi non possit ab absente absolvi. Verùm partem utramque Propositionis à Summo Pontifice fuisse damnatam; inde constat quòd Sectionem in quâ celeberrimus Theologus Clementis VIII. Decretum in eum sensum detorquebat, ex ejus Commentariis eradi jussit ipse Pontifex; & doctissimus Cardinalis Bellarminus, necnon Armacanus Archiepiscopus Petrus Lombardus, qui Clementem VIII. privatim rogarunt quænam ipsius mens fuisset, testati sunt Sanctitatem suam declarasse, partem utramque Propositionis à se fuisse damnatam laudato Decreto; & prohibuisse ne Confessio fiat absenti, quamvis Absolutio in præsentia danda esset.

446. Denique Concilii Tridentini Catechismus, P. 2. de Pœnitentia, §. 69. docet, Nemini omnino licere neque per nuntium, neque per litteras peccata confiteri; quoniam ea ratione nihil jam occultè agi potest.

447. *Qui tamen usum linguæ non habet, Excusat sicut mutus, vel qui est alterius linguæ, sufficit quòd per scriptum, aut per nutum, aut fectus. per interpretem confiteatur; quia non exigi-*

PARS I.

Art. 5.

§. 6.

gitur ab homine plus quam possit: quamvis homo non possit vel debeat Baptismum accipere nisi in aqua, quæ est omnino ab exteriori, & nobis ab alio exhibetur: sed actus Confessionis est ab intra & à nobis: & ideo quando non possumus uno modo, debemus, secundum quod possumus, confiteri: (inquit S. Thomas loco supra laudato in Responsione ad secundum.)

§. VI.

De Conditionibus Confessionis.

Confessionis integritas.

448. **P**Ræcipua conditio est, ut integra & absoluta sit. Quæ quidem integritas in eo est posita, ut omnia peccata mortalia Sacerdoti aperiuntur. Nam venialia, quæ nos à Dei gratia non divellunt, & in quæ frequentius labimur, tametsi rectè atque utiliter, quod Piorum usus demonstrat, confitemur; tamen sine culpa prætermitti, multisque aliis rationibus expiari possunt. At mortifera peccata singula enumeranda sunt, quævis etiam occultissimè lateant, & ejus generis sint, quæ duobus tantum extremis Decalogi capitibus interduntur, soloque desiderio & cogitatione perpetrata sint. Concilium Tridentinum, Sessione 14. Cap. 5.

Circumstantias

449. Ad integritatem quoque Confessionis pertinet circumstantiarum quæ speciem

ciem peccati mutant, declaratio. Si quis enim hominem interemerit, explicandum est utrū ille Sacris initiatus, an profanus fuerit. Item si cum muliere concubuit, apertum est, an Matrimonii lege libera sit, an alterius uxor, an propinqua, aut alicujus voti sponſione Deo consecrata. Hæc enim diversa peccatorum genera constituunt; primum quidem simplicis fornicationis, alterum adulterii, tertium incestus, quartum sacrilegii. Furtum etiam in peccatis numerandum est: verū si quis rem sacram fureretur, malitiam furti cumulat sacrilegiō: similiter si quis in loco sacro occidat hominem aut graviter percutiat; vel fornicetur, seu quodvis aliud peccatum luxuriæ perpetret. Hæ igitur circumstantiæ sunt enumerandæ, *Cum sine illis peccata ipsa neque à Penitentibus integrè exponantur, nec Judicibus innotescant; & fieri nequeat, ut de gravitate criminum rectè censere possint, & penam, quam oportet, pro illis Penitentibus imponere;* (inquit Tridentina Synodus Sessione 14. Cap. 5.) Quod fidei dogma est, quantum ad circumstantias speciem mutantes, ut constat ex Canone 7. *Si quis dixerit, in Sacramento Pœnitentiæ ad remissionem peccatorum necessarium non esse jure divino confiteri omnia & singula peccata mortalia, quorum memoria cum debita & diligenti præmeditatione habeatur, etiam occulta, & quæ sunt contra duo ultima Decalogi præcepta,*

PARS I.

Art. 5.

§ 6.

*peccati
speciem
mutantes
confiteri
necesse est*

PARS I.

Art. 5.

§. 6.

cepta, & circumstantias, quæ peccati speciem mutant; sed edm Confessionem tantum esse utilem ad erudiendum & consolandum Penitentem, & olim observatam fuisse tantum ad Satisfactionem canonicam imponendam; aut dixerit eos, qui omnia peccata confiteri student, nihil relinquere velle divinæ misericordiæ ignoscendum, aut demum non licere confiteri peccata venialia; Anathema sit.

*Circum-
stantias
malitiam
peccati
plurimum
augentes
confiteri
necesse est.*

450. De circumstantiis malitiam peccati intra eandem speciem augmentibus paulo major difficultas est, utrum earum explicatio ad Confessionis integritatem sit omnino necessaria. Quæ de re etsi nihil sit à Sacra Synodo Tridentina definitum, Catechismus tamen Concilii, P. 2. De Penitentia, §. 63. illas etiam circumstantias declarandas esse docet. *Furtum etiam*, inquit, *in peccatis numerandum est: verum si quis aureum nummum furetur, levius quam is qui centum vel ducentos, vel ingentem aliquam aurei vim, præsertim verò qui sacram pecuniam abstulit. Quæ etiam ratio ad locum & tempus pertinet. Hac igitur enumeranda sunt: quæ verò pravitatem rei magnopere non augment, sine crimine omitti possunt. Censet igitur Ecclesia, cujus doctrina censenda est, quæ in illo Catechismo traditur, circumstantias illas, quæ pravitatem facinoris magnopere augment, sine crimine omit-*

ti

ti non posse. *Hinc S. Carolus Borromeus*, in Instructionibus Confessorum monet Confessariū apprimè scire debere *Circumstancias peccati speciem mutantem, aut augentem: nam hæ duæ circumstantiarum species debent necessariò explicari*. V.G. vir conjugatus, qui commisit adulterium cum aliena conjugē, debet circumstantiam illam confiteri, quæ tametsi peccati speciem non mutet, certè plurimū augeat malitiam. Qui commisit incestum, explicare debet in quo gradu consanguinitatis vel affinitatis conjunctus sit cum muliere cui stuprum intulit. Qui puellam alteri pactam & sponsaliorum solemnī Ritu destinatam violavit, circumstantiam illam tenetur exprimere, quæ plurimū augeat gravitatem facinoris, facitque ut proximè ad adulterium accedat. Qui furatus est, pecuniæ summam, aut rei ablatae naturam, quantitatem, & pretium declarare tenetur quantum potest. Qui lethalia peccata ex habitu & consuetudine commisit, circumstantiam consuetudinis explicare debet. Unde *Innocentius Undecimus* Pontifex Maximus hanc inter alias sexaginta quinque Propositionem damnavit 58. *Non tenemur Confessario interroganti fateri peccati alicujus consuetudinem*. Et certè ratio, quā Concilium Tridentinum probat circumstantias peccati speciem mutantem in Confessione aperiendas esse, probat pariter illas oportere declarari, quæ intra eandem

*Propositio
damnata.*

T

spe-

PARS I.

Art. 5.

S. 6.

speciem plurimùm augment malitiam peccati, scilicet *Quodd sine illis peccata ipsa neque à Pœnitentibus integrè exponantur, nec Iudicibus innotescant, & fieri nequeat ut de gravitate criminum rectè censere possint, & pœnam, quam oportet, pro illis Pœnitentibus imponere.* Congruam namque Pœnitentiam spectatis peccatorum circumstantiis imponendam, sacri Canones statuunt. *Innocentius III. Cap. Deus qui, Extra, De Pœnitentiis & Remissionibus: Consideratis, inquit, circumstantiis omnibus, competentem Pœnitentiam delinquentibus imponatis, prout salutis eorum videritis expedire.* Et *Cap. Omnis utriusque, ibidem: Sacerdos autem sit discretus & cantus, ut more periti Medici superinfundat vinum & oleum vulneribus sauciati, diligenter inquirens & peccatoris circumstantias, & peccati; quibus prudenter intelligat quale debeat illi præbere consilium, & cujusmodi remedium adhibere diversis experimentis utendo ad sanandum agrotum.* Hæc sententia probabilior & tutior est, & in praxi omnino sequenda.

Gradus
malitiæ &
peccati
qualitas
individua
exprimi
debent.

451. Ad integritatem Confessionis pertinet multò magis ut gradus malitiæ, & qualitas individua peccati exprimatur. Unde qui copulam habuit cum muliere Matrimonii lege soluta, integram Confessionem non facit, dicendo se grave peccatum contra castitatem cum soluta commisisse. Idcirco

Ale-

Alexander Septimus inter plurimas alias **Pars I.**
 Propositiones hanc damnavit ordine vigesi- **Art. 5.**
 mam-quintam : *Qui habuit copulam cum* **S. 6.**
soluta, satisfacit Confessionis praecepto, di- **Propositio**
cens, Commisit cum soluta grave peccatum **damnata.**
contra castitatem, non explicando copulam.
 452. Ad integritatem denique Confes- **Numerus**
 sionis pertinet, ut numerus peccatorum, **peccatorum**
 quoad fieri potest, explicetur. Si qui pu- **exprimen-**
 dore impediti, vel timore deterriti, peccata **dus.**
 confiteri non audent, Confessarius ipsis ani- **Nec pu-**
 mos addere debet, & monere, nihil esse, **dore, nec**
 quoddam vitia sua aperire vereantur, neminem **timore,**
 hominem esse qui infirmus fragilibusque non **deterri-**
 sit, & in gravia peccata cadere non possit : **deberi**
 Sacerdotem hominem esse Pœnitentibus si- **peccatores**
 milem, peccatorem, qui compati sciat pec- **ab inte-**
 catoribus : Christum non Angelis, sed ho- **gritate,**
 minibus administrandæ Pœnitentiæ auctori- **Confessio-**
 tatem commississe, ne homines peccata sua **ni.**
 detegere vererentur iis, qui nullam ad pec-
 candum proclivitatem haberent. Pudorem
 & cruciatum æternum temporali pudore &
 dolore redimi. Eos qui stultâ quâdam ve-
 recundiâ peccatum aliquod mortale, aut
 circumstantias speciem peccati mutantes,
 vel aggravantes in Confessione studiosè
 omittunt, pudore suffundendos coram Chri-
 sto & Angelis ejus, omnibusque Sanctis,
 quibus eorum peccata in supremi Judicii die
 manifesta erunt. Timendum non esse, cum
 se non habeat Confessio Pœnitentium, ut

PARS I. Confessio reorum coram sæculari Judice :
 Art. 5. istos torqueri ut crimen fateantur , confessos
 §. 6. ad patibulum duci : illos Dei benignitate &
 patientiâ ad peccatorum Confessionem in-
 vitari ; confessos absolvi , & in Regnum cœ-
 lorum recipi .

*Preceden-
 tis doctri-
 ne confe-
 ssarium
 primum.*

453. Hinc qui peccatum aliquod mortale, circumstantiam qua species peccati mutetur, vel plurimum aggravetur, deditâ operâ celaverit, Confessionem sacrilegam edidit & nullam ; quam proinde iterare tenetur. Concilii Tridentini Catechismus, Parte 2. De Pœnitentiâ, §. 64. ex S. Thoma in 4. Sententiarum, Dist. 17.

*Confessa-
 rium se-
 cundum.*

454. Qui Confessionem divisit, uni Sacerdoti peccatorum partem, alteram alteri deditâ operâ declarans, nullam Confessionem fecit : adeoque omnia & singula peccata uni & eidem Sacerdoti tenetur iterum confiteri. S. Thomas, in 4. Sententiarum Distinctione 17. Quæst. 3. Articulo 4. Quæstiuncula 2. ad primum. *Etsi, inquit, erubescencia sit multiplicior quando dividit diversa peccata diversis, tamen omnes simul non sunt ita magna sicut illâ una quâ quis omnia peccata sua simul confitetur ; quia unum peccatum per se consideratum non ita demonstrat malam dispositionem peccantis, sicut quando cum pluribus aliis considera- tur : quia in unum peccatum aliquis quan- doque ex ignorantia vel infirmitate labitur ; sed multitudo peccatorum demonstrat mali-
 tiam*

tiam peccantis, vel magnam corruptionem ejusdem. Et in Responsione ad secundum Pœna, inquit, à diversis Sacerdotibus imposta non esset sufficiens: quia quilibet consideraret tantum unum peccatum per se, & non gravitatem ipsius, quam habet ex adjunctione alterius; & quandoque pœna quæ contra unum peccatum daretur, esset promotiva alterius peccati. Præterea, Sacerdos Confessionem audiens vicem Dei gerit; & ideo debet ei hoc modo fieri Confessio, sicut fit Deo in Contritione: unde sicut non esset Contritio, nisi quis de omnibus contereretur; ita non esset Confessio, nisi quis de omnibus quæ memoriæ occurrunt, confiteatur.

455. Hypocrisis reus est, & periculo peccandi mortaliter se exponit, qui duos eligit Confessarios, quorum uni venialia duntaxat, alteri verò lethalia peccata aperiat. Peccat enim ille contra sinceritatem Pœnitentiæ Sacramento debitam; & inanis gloriæ studio inflammatus, suæ potiùs famæ & estimationi, quàm animæ saluti, & gloriæ Dei consulit: ac præterea exponit se periculo frequentioris prolapsionis in peccata mortalia, si Confessarium adeat vel imperitum, vel cui est ignotus, qui proinde opportuna Pœnitentiæ & Satisfactionis remedia non applicet. Can. Consideret, Dist. De Pœnitent. Qui autem ita est affectus, ut Confessario suo mortale peccatum non aperiret, si alterius Confessarii copiam non haberet,

Hypocrisis
damnan-
da.

PARS I.

Art. 9.

§. 6.

*Peccata
in Confes-
sione obli-
ta si postea
memoria
occurrunt,
confitenda
sunt.*

procul dubio peccat lethaliter .

456. Qui peccati alicujus mortalis declarationem omisit , vel ex oblivione , vel ex minùs sufficienti conscientiae discussione , adhibitâ tamen diligentia juxta conditionem scientiamque suam , Confessionem iterare non tenetur ; sed tamen ea peccata quorum oblitus est , confiteri debet , ubi memoriae occurrerint . Concilium Tridentinum Sessione 14. Cap. 5. Neque necesse est ut illa peccata aperiat eidem Sacerdoti , cui cetera confessus est , si fortè ipsum adire facilè non possit ; aut ut alteri eadem peccata declaret , quæ priùs confessus fuerat ; sed sufficit ut illa quorum oblitus fuerat , singulatim explicet , alia verò generatim , dicendo ; quòd cum alia multa confiteretur , horum oblitus fuit ; ut docet *S. Thomas* loco proximè citato , in Responsione ad tertium . Denique *Alexander Septimus* Pontifex Maximus plurimas inter Propositiones die 14. Septembris anno 1665. damnatas , hanc ordine undecimam confixit : *Peccata in Confessione omissa , seu oblita ob instans periculum vita , aut ob aliam causam , non tenemur in sequenti Confessione exprimere .*

*Propositi-
o damnata.*

*Confessio
negligen-
ter perac-
ta quando
iteranda .*

457. Qui conscientiam aded negligenter discussit , ut videri possit parvifacere alicujus peccati mortalis , aut circumstantiae necessariò explicandae omissionem , Confessionem iterare debet .

Conscien-

458. Accuratum & diligens examen
con-

conscientiæ censendum est, in quo ea diligentia adhibetur, quæ in gravioris momenti negotiis adhiberi solet. *S. Carolus* in Instructione Confessorum, Pœnitentem interrogari jubet à Sacerdote, *Num in examinanda conscientia diligentiam debitam adhibuerit, eamque qualem æquum est exigi in negotio tanti momenti.* Modum autem hujus examinis instituendi varium esse nemo
 „ nescit. In eo Pœnitenti rudiori opitulari
 „ debere Confessarium, monet *S. Carolus*,
 „ ac docere quâ ratione peccata cum cir-
 „ cumstantiis in memoriam possint revoca-
 „ ri, animò scilicet vitam percurrento, aut
 „ per ætates, pueritiam, juventutem, &c.
 „ vel per status varios, putà quomodo se
 „ gesserit ante Matrimonium, aut post ip-
 „ sum: vel per varios prosperitatis, aut ad-
 „ versitatis, sanæ vel infimæ valetudinis
 „ casus, per temporum diversitates, per offi-
 „ cia quæ administravit, societates quas
 „ frequentavit, loca, regiones, domos, in
 „ quibus conversatus est; in his denique
 „ aliisque rebus, num corde, aut lingua,
 „ aut opere peccaverit, examinet.

459. Confessionem dividi posse vulgò Theologi censent, ubi probabile periculum est ne Sacerdos Pœnitentem ad peccatum so-
 licitet, ne Confessionem revelet; adeoque ne certi cujusdam peccati, aut circumstan-
 tiæ declaratione, Pœnitens se ipsum aut
 alium in salutis æternæ, vitæ, aut famæ di-

PARSI.

Art. 5.

S. 6.
tie exa-
men accu-
ratum.Possit-ne
dividi Con-
fessio?

PARS I. scrimen adducat. Verumtamen hanc doctrinam plebi tradi non expedit.

Art. 5.

S. 6.

Explicatur.

460. Juris positivi præcepta (inquiunt Theologi) cum tanto periculo non obligant: ac proinde in illa hypothefi ftricto jure non obligat Confeflio, & perinde fe habet Pœnitens ac fi copiam Confefſarii non haberet. Vel, fi Confeflio facienda fit, nec obtineri poteft facultas, aut non habetur opportunitas alterum Confefſarium adeundi, explicanda ſunt cetera; illud verò peccatum, ſeu circumſtantix, ex quibus periculum meritò timetur, eâdem Confefſione generatim, & implicite (ut loquuntur) includendæ ſunt, cum propoſito illud, vel illas explicandi, ubi primùm copia idonei Confefſarii habebitur. Tuncque Confeflio integra non erit per accidens (ut aiunt) id eſt, non ex intentione Pœnitentis, ſed ex defectu Confefſarii integri. Meliùs autem (inquiunt) viderur provideri conſcientiis communicantium, ſi hoc modo conſiteantur, quam ſi ad Euchariftiam accedant totà Confefſione dilatâ. Cavendum tamen ne leves ſuſpiciones, inanèſque timores peccatorem abducant ab alicujus peccati lethalis, aut circumſtantix neceſſariò explicandæ, Confefſione. Ideo plebi hæc doctrina tradenda non eſt, ne ipſâ abutatur, ut eſt hominum genus ad ſuſpiciones & inanes timores pronum.

*An qui
habet re-*

461. Qui Reſervatorum Criminum reus eſt, & apud Sacerdotem conſitetur qui poteſta-

ſta-

statem non habet à Casibus Reservatis ab-
solvendi, tenetur nihilominus omnia pec-
cata mortalia confiteri, tam reservata quàm
non reservata: & de his quidem quamvis ab
inferiori posset absolvi, & ad Superiorem re-
mitti ut à reservatis absolveretur: conve-
nientior tamen illa videtur Disciplinae ra-
tio, ut ab omnibus simul absolvatur ab eo
qui potestatem habuerit, integrâ peccato-
rum Confessione apud ipsum editâ.

PARS I.
Art. 5.
§. 6.
*reservata,
possit di-
videre*
*Confessio-
nem?*

462. *S. Thomas, in 4. Sententiarum, S. Thomas*
Dist. 17. Quæst. 3. Articulo 4. Quæstiuncu-
la secunda ad quartum. *Dicendum*, inquit,
quòd etiamsi Sacerdos non possit de omnibus
absolvere, tenetur ea omnia confiteri; ut
quantitatem totius culpæ cognoscat, & de il-
lis de quibus non potest absolvere, ad Supe-
riorem remittat.

463. Si verò inferior auditâ omnium
peccatorum Confessione Pœnitentem absol-
veret ab iis à quibus potest, quod plerique
Doctissimi Theologi jure fieri posse censent,
remitterentur illi omnia peccata, modò re-
ctè dispositus esset; cum ordine tamen ad
Absolutionem alteram quam paratus esset
postulare ac recipere ab eo ad quem remit-
teretur, acceptâ congruâ Pœnitentiâ. Ex
utraque enim illa Absolutione partiali Sa-
cramentum unum eo in casu confici, & quasi
unam moraliter Absolutionem unamque
Confessionem censendam, Theologi illi
sentiunt. Ceterùm, quòd Deum spectat,
unum

Quid in
supposito,
quod pos-
sit dividi
Confessio.

PARS I.

Art. 5.

§. 6.

unum peccatum sine altero non posse remitti, certissimum est; cum homo ex parte Dei amicus, & ex parte inimicus esse non possit, nullumque mortale peccatum cum gratia & caritate, quæ filios Dei faciunt, possit consistere.

Peccata de quibus dubitatur an sint mortalia, confitenda sunt.

464. Etsi venialium peccatorum Confessio non sit necessaria, illa tamen confiteri oportet de quibus dubitatur an mortalia sint, an venialia. Alioqui Pœnitens exponit se periculo celandi peccatum aliquod mortale in Confessione, proindèque sacrilegium committit, & Confessionem iterare debet. Confirmatur ex *S. Thoma*, Quæstione 6. Supplementi Articulo 3. ad tertium. Quando, inquit, aliquis dubitat de aliquo peccato, an sit mortale, tenetur illud confiteri dubitatione manente. Quia qui aliquid committit, vel omittit, in quo dubitat esse peccatum mortale, peccat mortaliter, discrimine se committens. Et similiter periculo se committit, qui de hoc quod dubitat esse mortale, negligit confiteri: non tamen debet asserere illud mortale esse, sed dubitative loqui, & iudicium Sacerdotis expectare, cuius est discernere inter lepram & lepram.

Mendacium in Confessione quamgrave crimen?

465. Quamvis mendacium in Confessione venialium commissum, cum alia suppetit Sacramenti materia, lethale peccatum non esset, certè periculosissimum est. Mentiri verò circa peccata mortalia, est absque dubio lethale peccatum. Quamquam enim qui-

quibusdam Theologis materiæ levitas mendacium circa venialia peccata in Confessione admissum, cum alia confitetur Pœnitens, nec debitam Sacramento materiam subtrahit, à peccato mortali excusare videatur: non tamen hominibus mentitur, sed Deo, injuriâque Sacramento facit, qui mendacium hujusmodi committit. A nemine verò in dubium revocatur, quia mendacium circa peccata mortalia, aut venialia quæ sola Pœnitens confitetur, sit peccatum lethale. Cum enim in judicio etiam civili mentiri in re gravi ad judicium ipsum pertinente, lethale peccatum sit: lethale pariter peccatum esse, & quidem longè gravius, nemo negaverit, in sacro Judicio, scilicet in Confessione sacramentali mentiri de rebus ad ipsam Confessionem pertinentibus. Si quis ergo à Confessario interrogatus de aliquo peccato lethali, illud se commisisse neget, cum revera commiserit, & se commisisse meminerit, sacrilegii reus est, & Confessionem iterare tenetur, si Absolutionem illo in statu recipiat. Idem esto judicium, si quis de aliquo mortali certò se accuset, quod non commisit, aut quod se commisisse haud ipsi certum est. Judicem enim à Deo constitutum decipit, occasionemque illi præbet, abutendi Clave scientiæ, inimicum Dei ipsum judicando, & lethali peccato, cujus non est reus, frustra ipsum absolvendo. Ne verò quis existimet humilitatis causâ id licere, cum falsa

sit

PARS I.

Art. 5.

S. 6.

fit humilitas, quæ veritatem oppugnat : Undè *S. Augustinus*, Sermone 181. aliàs 39. *De Verbis Apostoli*, Cap. 4. ait : *Cùm humilitatis causâ mentiris, si non eras peccator antequàm mentireris, mentiendo efficeris quod evitaveras. Veritas in te non est, nisi te ita dixeris peccatorem, ut etiam esse cognoscas. Veritas autem ipsa est, ut quod es dicas. Nam quomodo est humilitas, ubi regnat falsitas?* Neque id repugnat celebri *S. Gregorii Sententiæ* : *Bonarum mentium est, ibi culpas suas agnoscere, ubi culpa non est. Id enim unum significat, justos etiam vereri debere ne opera sua sordibus ac nævis aliquibus inficiantur, quibus Deo displiceant, secundùm illud Job. 9. Verebar omnia opera mea, sciens quòd non parceres delinquenti. Debet etiam justus se peccatorem confiteri in genere, juxta illud Tertulliani, Libro de Pœnitentia, Peccator omnium notarum cùm sim, nulli rei nisi Pœnitentiæ natus, &c. Quia nemo sine peccato vivit : In specie verò non dicat se perpetrasse peccatum ; nisi sciat, vel credat ita esse ; inquit S. Raymundus (Lib. 3. S. 24.) Vel (ut ait S. Thomas) agnoscere culpam ubi culpa non est, dupliciter intelligitur : Uno modo quantum ad substantiam actûs, & sic non est verum. Non enim ad bonam mentem pertinet, sed ad errantem, ut se actum aliquem commisisse agnoscat, quem non commisit. Alio modo quantum ad conditionem actûs, & sic verum est quòd*

S. Gre-

S. Gregorius dicit , quia iustus in actu qui de se bonus est , formidat ne aliquis defectus ex parte sua fuerit . Et sic dicitur Job IX. PARS I.
Art. 5.
§. 6.

Verebar omnia opera mea . Et ideo ad bonam mentem etiam pertinet , ut hanc formidinem , quam corde tenet , linguâ accuset . Tandem Per Confessionem debet Pœnitens se Confessori suo manifestare . Qui autem aliud Sacerdoti de se loquitur quam in suâ conscientia habeat , sive bonum , sive malum , non se Sacerdoti manifestat , sed magis occultat : & ideo non est idonea Confessio , nisi os cordi concordet ; ut solum hoc os accuset , quod conscientia tenet . Hæc S. Thomas , loco supra citato , & in 4. Sententiarum , Dist. 21. Quæst. 2. Art. 3.

466. Fidelem Confessionem non facit , lethalisque peccati reus est , qui circumstantias opus à peccato prorsus excusantes , aut ita minuantes ut veniale faciant , quod aliàs esset mortale , silentio premit . Ille enim Confessarium decipit in re gravi , neque cor suum effundit sicut aquam in conspectu Dei , & Ministri ejus ; cum aliud profiteatur ore , ab eo quod in animo gerit . Si quis , verbi gratiâ , occidit aggressorem cum inculpatæ tutelæ moderamine , (ut loquuntur Theologi) id est , necessariâ vitæ suæ defensione compulsus ; vel in bello iusto hostes interfecerit ; & homicidia se perpetrassè simpliciter declaret , confitetur ut mortale peccatum , quod nullum reverà peccatum est ,

Circumstantia opus à peccato excusantes , aut peccatum minuentes non dissimulanda
adeo-

PARS I.

Art. 5.

S. 6.

fit humilitas, quæ veritatem oppugnat : Undè S. *Augustinus*, Sermone 181. aliàs 39. *De Verbis Apostoli*, Cap. 4. ait : *Cum humilitatis causâ mentiris, si non eras peccator antequàm mentireris, mentiendo efficeris quod evitaveras. Veritas in te non est, nisi te ita dixeris peccatorem, ut etiam esse cognoscas. Veritas autem ipsa est, ut quod es dicas. Nam quomodo est humilitas, ubi regnat falsitas? Neque id repugnat celebri S. Gregorii Sententiæ : Bonarum mentium est, ibi culpas suas agnoscere, ubi culpa non est. Id enim unum significat, justos etiam vereri debere ne opera sua sordibus ac nævis aliquibus inficiantur, quibus Deo displiceant, secundùm illud Job. 9. Verebar omnia opera mea, sciens quod non parceres delinquenti. Debet etiam justus se peccatorem confiteri in genere, juxta illud *Tertulliani*, Libro de Pœnitentia, Peccator omnium notarum cum sim, nulli rei nisi Pœnitentiæ natus, &c. Quia nemo sine peccato vivit : In specie verò non dicat se perpetrasse peccatum ; nisi sciat, vel credat ita esse ; inquit S. *Raymundus* (Lib. 3. §. 24.) Vel (ut ait S. *Thomas*) agnoscere culpam ubi culpa non est, dupliciter intelligitur : Uno modo quantum ad substantiam actûs, & sic non est verum. Non enim ad bonam mentem pertinet, sed ad errantem, ut se actum aliquem commisisse agnoscat, quem non commisit. Alio modo quantum ad conditionem actûs, & sic verum est quod*

S. Gre-

S. Gregorius dicit, quia iustus in actu qui de se bonus est, formidat ne aliquis defectus ex parte sua fuerit. Et sic dicitur Job IX. PARS I.
Art. 5.
§. 6.

Verebar omnia opera mea. Et ideo ad bonam mentem etiam pertinet, ut hanc formidinem, quam corde tenet, linguâ accuset. Tandem Per Confessionem debet Pœnitens se Confessori suo manifestare. Qui autem aliud Sacerdoti de se loquitur quam in suâ conscientia habeat, sive bonum, sive malum, non se Sacerdoti manifestat, sed magis occultat: & ideo non est idonea Confessio, nisi os cordi concordet; ut solum hoc os accuset, quod conscientia tenet. Hæc S. Thomas, loco supra citato, & in 4. Sententiarum, Dist. 21. Quæst. 2. Art. 3.

466. Fidelem Confessionem non facit, lethalisque peccati reus est, qui circumstantias opus à peccato prorsus excusantes, aut ita minuentes ut veniale faciant, quod aliàs esset mortale, silentio premit. Ille enim Confessarium decipit in re gravi, neque cor suum effundit sicut aquam in conspectu Dei, & Ministri ejus; cum aliud profiteatur ore, ab eo quod in animo gerit. Si quis, verbi gratiâ, occidit aggressorem cum inculpatae tutelæ moderamine, (ut loquuntur Theologi) id est, necessariâ vitæ suæ defensione compulsus; vel in bello iusto hostes interfecerit; & homicidia se perpetrasse simpliciter declaret, confitetur ut mortale peccatum, quod nullum reverà peccatum est, adeo-

Circumstantia opus à peccato excusantes, aut peccatum minuentes non dissimulanda

PARS I.

Art. 5.

§. 6.

adeoque mortaliter peccat . Item si quis de violato jejunio quadragesimali se accuset, qui ob infirmitatem jejunare non potuit, nec circumstantiam infirmitatis aperiat , lethali peccato se obstringit . Lethalis tamen peccati reos non cenferem homines simplices , rudes , imperitos , qui circumstantias illas malo animo, vel ex industria, Confessariū non celarent : illorum enim simplicitati & imperitiæ prudens Confessarius succurrere debet.

*Recidivæ
& consuetudinis
circumstantiam
confiteri
necesse est.*

467. Pœnitens confiteri tenetur circumstantiam Relapsūs in eadem peccata. Hæc enim circumstantia peccati gravitatem plurimum auget : *Fiuntque novissima hominis* ita relapsi peiora prioribus , ut Christus docet Luc. 11. 26. S. Thomas , in 4. Sententiarum , Dist. 22. Quæst. 1. Articulo 3. ubi eorum opinionem refellit , qui hanc circumstantiam non esse necessariū in Confessione aperiendam contendebant : *Sed ex hac opinione , inquit , videtur relinqui quod non possit plenè recidivantis morbo remedium adhiberi : multa enim expediunt ad spiritualem salutem recidivantis , quæ non sunt necessaria innocenti ; ut scilicet circum major cautela adhibeatur.* Unde inter varias corruptæ Moralis Propositiones Innocentius XI. Pontifex Maximus hanc damnavit §8. *Non tenemur Confessario interroganti fateri peccati alicujus consuetudinem* Clerus etiam Gallicanus in generalibus Comitibus An. 1700. hanc Propositionem confi-

*Propositio
damnata.*

xit

xit his verbis: *Falsa est, temeraria, in errorem inducit, sacrilegiis favet, Christiana simplicitati, Ministrorum Christi judiciaria potestati Confessionis integritati, atque ipsius Sacramenti institutioni ac fini derogat.*

PARS I.

Art. 5.

§. 6.

468. Imminente naufragio, vel prælio, aut alio præsentente periculo, ex quo nullus pateat exitus, si Sacerdos omnium Pœnitentiæ remedium postulantium Confessiones integras excipere non possit, plures simul peccatum aliquod suum confessos, aut generatim dumtaxat se de peccatis accusantes, & signa Contritionis dantes, absolvere Sacramentaliter potest & debet. Cùm enim Ecclesiæ Clavibus se subiciant, faciântque in illis angustiis, quod in se est, remedio à Christo instituto, & Ecclesiæ commisso, lapsisque in mortale peccatum post Baptisma necessario, privari non debent, ne ligati exeant ex hoc mundo. Si tamen ex eo periculo evaserint, omnia peccata sua sigillatim ac soli tenentur Sacerdoti confiteri.

An multorum Confessiones simul audiri aliquando possint?

469. Lethaliter peccaret Sacerdos, qui extra hujusmodi periculorum extrema, multorum simul Confessiones audiret, etiam puerorum doli capacium. Præceptum enim Ecclesiæ violare non vereretur, quæ Confessionem secretam esse jubet, atque à solo Pœnitente fieri, Canone 21. Concilii Lateranensis 4. *Omnis utriusque sexus.*

Extra necessitatem non licet.

470. Sacerdos vocatus ad infirmum, qui obmutuit, aut rationis usu destitutus est, ipsum

Quomodo se gerere debeat

PARS I.

Art. 5.

§. 6.

Confessarius erga infirmum qui obmutuit, & rationis usu destitutus est, dum vocatus ad illum venire?

sum absolvere potest & debet ex aliorum testimonio, asserentium Pœnitentis animi signa ipsum exhibuisse, & Confessarium postulasse. *S. Augustinus* Libro 1. *De Adulterinis Coniugiis*, Cap. 26. & 28. ubi Catechumenos in extremis constitutos, etiamsi nec ad interrogata respondere, nec Baptismum petere possint, esse nihilominus baptizandos docet; & similiter moribundis Pœnitentibus Reconciliationem sive Absolutionem concedendam, etiamsi ipsos vox & sensus defecerint. *Catechumenis*, inquit, *in ultimo vita huius constitutis, si morbo vel casu aliquo sic oppressi sunt, ut quamvis adhuc vivant, petere tamen sibi Baptismum, vel ad interrogata respondere non possint, profit eis quod eorum in Fide Christiana jam nota voluntas est, ut eo modo baptizentur, quo modo baptizantur infantes, quorum voluntas nulla adhuc patuit. Et postquam significavit eos non esse judicandos, qui contrariam disciplinam usurpant, & baptizare non audent eos qui pro se respondere nequiverint, ne fortè contrarium gerant voluntatis arbitrium, eorum scrupulum his verbis amolitur: Sed non solum incredibile est nec in fine vitæ huius baptizari Catechumenum velle: verum etiam si voluntas ejus incerta est, multò satius est nolenti dare, quam volenti negare; ubi velit, an nolit, sic non apparet, ut tamen credibilius sit eum, si posset, velle se potius fuisse dicturum ea Sacramenta percipi-*

cupere, sine quibus jam credidit se non oportere de corpore exire. Et inferius, hypothefi facta de Catechumeno adultero, constituto in extremis, & vocis usu sensuúmque destituto, eum etiam baptizandum esse censet. Ego, inquit, non solum alios Catechumenos, verum etiam eos qui viventium conjugii copulati retinent adulterina consortia, cum salvo corpore in his permanentes non admittamus ad Baptismum; tamen si desperati, & intra se Pœnitentes tacuerint, nec pro se respondere potuerint, baptizandos puto, ut etiam hoc peccatum cum ceteris Lavacro regenerationis abluatur. Quis enim novit utrum fortassis adulterina carnis illecebrâ usque ad Baptismum statuerant detineri? Tandem eandem esse Pœnitentiæ rationem asserit, id est, eam Fideli moribundo, ante Sacerdotis adventum vocis usum amittenti administrandam esse. Quæ autem Baptismatis, eadem Reconciliationis est causa, si fortè Pœnitentem finiendæ vitæ periculum præoccupaverit. Nec ipsos enim ex hac vita sine artha suæ pacis exire velle debet Mater Ecclesia.

471. Idem confirmat Rituale Romanum, de moribundo ita loquens: *Si petiit Sacerdotem ut confiteratur, ostendit se facere velle omnia quæ debet, & interea factus est mutus vel phreneticus, & periculum est in mora, debet præsupponi contritus, & faciente aliquo Confessionem generalem pro eo, sicut fit in populo, Sacerdos faciat Absolutio-*

*Rituale
Romanum.*

PARS I.

Art. 5.

S. 6.

nem ab omni sententia & peccato: & potest injungere circumstantibus aliquid pro eo faciendum, vel heredibus aut consanguineis pro ejus Anima, si volunt acceptare. Deinde debet ei dari Eucharistia, si non sit confessus.

De moribundo sensus defuncto.

472. Homines moribundos, quos vox & sensus defecit antequàm ullum Pœnitentis animi signum darent, ac Sacerdotem postularent, absolvere non licet, si constet vitiis deditos fuisse, aut peccandi proximis occasionibus implicatos. In voluntate namque peccandi perseverare censentur, donec eam se deposuisse demonstraverint. Nec aliud colligi potest ex loco *S. Augustini* superiùs citato, ubi Catechumenos qui adulterina retinent consortia, baptizandos esse docet, si infirmitate correpti vocis & sensus usum subito amiserint, eandemque esse Pœnitentiæ rationem. Supponit enim *S. Augustinus*, illos in adulterinæ carnis illecebra perseverare noluisse, & propositum illis fuisse concubinas dimittere ante Baptismum, atque peccato nuntium omninò remittere; & in illis angustiis illos *Intra se pœnitere*, quod credibile faciebat Catechumenorum status, quem sponte susceperant, & Baptismi suscipiendi voluntas, quæ conjuncta præsumebatur cum voluntate sincera præstandi ea omnia, sine quibus Ecclesia ipsos ad Baptismum non admisisset. Illos ergo vicio deditos homines; aut etiam vagos, & ignotos, qui-

quibus nullum testimonium fide dignum perhibetur quod piè & Christianè vixerint, nullus Sacerdos absolvat.

PARS I.

Art. 5.

§. 6.

473. Qui peccatum aliquod mortale in Confessione prætermisit ex Divini Juris ignorantia, Confessionem iterare tenetur: si verò ex ignorantia facti, sufficit ut illud confiteatur, nec ceterorum Confessionem repetere necesse est.

Confessio nulla ex ignorantia juris non ex ignorantia facti.

474. Ita S. Thomas, in 4. Sententiarum, Distinctione 21. Quæstione 2. Articulo 2. ad quartum. *Ignorantia Juris, inquit, non excusat, quia ipsa peccatum est; sed ignorantia facti excusat. Unde aliquis de hoc quod non confitetur peccata, quæ nescit esse peccata propter ignorantiam juris divini, non excusatur à fictione: excusaretur autem, si nesciret ea esse peccata propter ignorantiam particularis circumstantiæ; ut si cognovit alienam, quam credidit esse suam: sed oblivio de actu peccati habet ignorantiam facti: & ideo excusat à peccato fictionis in Confessione, quod fructum Absolutionis & Confessionis impedit.*

475. Virginibus & Devotis Feminis Summopere cavendum est, ne ex frequentibus venialium peccatorum Confessionibus, & occasione Confessionum, colloctionibus cum Confessariis & Moderatoribus Conscientiarum, nimia ad ipsos Confessarios & Directores adhæsiō, & impuri vel inquieti affectus nascantur.

Cautio Devotis feminis necessaria.

PARS I.

Art. 5.

S. 6.

*Mora
diutur-
nior cum
ipsis non
trabenda.*

476. Moram diuturniorem in frequen-
tibus Devotarum Feminarum Confessionibus audiendis, & prolixiora cum ipsis sive in Confessione, sive extra sacrum Tribunal colloquia Directionis specie, tam ipsis mulierculis, quam Confessariis admodum periculosa censuerunt Venerabilis *Umbertus* Ordinis FF. Prædicatorum Generalis Magister, Libro De Officiis ejusdem Ordinis, & *S. Antoninus*, 3.P. Tit. 17. Cap. 19. Audiendo mulieres, inquit, caveat ne nisi in publico audiat, & nisi ab aliquo vel aliquibus videatur, nec multum immoretur, nisi quantum necessitas Confessionis requirit. Et eis quæ nimis frequenter confiteri volunt, assignet certum tempus extra quod ipsas non audiat, nec aliis colloquiis se eis exponat. Et semper verbis duris & rigidis circa illas utatur potius quam mollibus. Hæc ex *B. Umberto* laudat *S. Antoninus*, subditque: Et hoc est contra illos qui quotidie audiunt mulierculas, & faciunt eis longas Prædicationes. Unde amittunt multum temporis, & scandalum communiter sequitur in ipsis, & in Populis.

*Nequid-
em spe-
cie carita-
tis.*

477. Specie caritatis moram diuturniorem, aut frequentationem nimiam devotarum feminarum frustra excusarent imprudentes conscientiarum moderatores. Timendum enim ne *sani* non sint in caritate. Timendum frigus caritatis, vento flante ab Aquilone, unde omne malum. De hoc fri-

S. Hieron.

gore

gore caritatis & Ammon in sorore sua Thamar obriguerat. Timendum ergo ne forte & nos hac infirmitate caritatis aliquando superemur. Nonnunquam enim evenit, ut primum à nobis in virginem sive in quamlibet feminam sit sancta dilectio, & cum molita mens fuerit in affectus, paulatim sanitas caritatis languore palleſcat, & infirmari incipiat, & ad extremam mortem diligentem ferat. Unde Apostolus cautè & prudenter Timotheo præcipit, ut exhortetur adolescentulas in omni castitate. Omnis autem castitas in carne & spiritu, & anima est: ne scandalizetur oculus: ne in pulchritudine vultus feminae hærentes pendeamus: ne blanda nos audire verba delectet, ne ad simulatos sermones mens prius dura marceſcat. Caveant ergo tam iuvenes quàm senes, tam adolescentulae quàm vetulae, & omni diligentia custodiant cor suum: ne sanitatem dilectionis morbus caritatis introeat, & per amorem sanctum fiat non sancta dilectio, quæ illos pertrahat in gehenam (inquit S. Hieronymus.)

PARS I.
Art. 5.
§. 6.
in cap. 2.
Epist. ad
Titum.

478. Confessiones, præsertim mulierum, in Ecclesia, in loco patenti, non in angulis, abditisve locis, aut Capellis minùs latè patentibus excipi debent. Sic enim in plerisque Conciliis statutum est.

Locus ubi
Confessiones
excipiende.

479. Conſcios sive complices criminum in Confessione declarare tenetur Pœnitens, tacito eorum nomine, cum id ad Confessio-

Quando
conſcii si-
ve com-
plices pec-

PAPSI. nis integritatem necessarium est, scilicet
 Art. 5. cū peccatum ratione complicitis speciem
 §. 6. mutat, vel gravius evadit.

catorum
 in Confes-
 sione de-
 clarandi?

Con. 41.
 Tribur.

480. Canone 43. Concilii Triburiensis.
Si quis, inquit, cum quolibet fornicatus fuerit, & eo nesciente filius ejus, vel frater ejusdem & rei inscius, cum eadem se polluerit; & postquam se pollutum esse cognovit confessus fuerit, quia hoc pœnituit, & confessus fuit, post peractam congruam Pœnitentiam, legitimo utatur Matrimonio.

481. Item Concilii Vormatiensis Ca-
 Concil. none 62. *Si quis, inquit, cum matre & fi-*
 Vormat. *lia in adulterio mansit, nesciente matre quod cum filia mansisset, similiter & filia nesciā, & postea ille vir si acceperit mulierem, dimittat eam, & usque in diem mortis sue non habeat uxorem: & illa mulier, quam reliquerit, accipiat virum. Et illa mater & filia, cum quibus in adulterio mansit, ambabus nescientibus quod cum matre & filia mansisset, habeant viros. Nam in notitiam earum si venerit hoc scelus, dimittant maritos, & agant Pœnitentiam. Idem ibi decernitur de noverca & filialtra, & duabus sororibus. Idem prope referunt Burchardus, Libro 17. Cap. 12. & Ivo Carnotensis, P. 9. Cap. 72. ex Canone 4. Concilii apud Vermerias, & Gratianus, Causā 34. Quæst. 1. Cap. 9. ex Concilio Triburienti. Similia plerāque leguntur in Pœnitentiali Romano, Tit. 3. Capp. 6. 7. 8. 9. 10. 11. 12. 14.*

482. Neque verò de publicis tantum peccatis, sed etiam de occultis loquuntur illi Canones. Vix enim hujusmodi crimina publicantur, siquidem intra domesticos parietes perpetrantur, & sceleris occultandi & perpetrandi facilitatem maximam præbet consanguinitatis & affinitatis propinquitas.

483. Deinde Canones non explicant an sæpius, aut cum scandalo hæc crimina commiserint illi quibus Pœnitentia constituitur, an semel. At sanè crimina illa omnia ex una aut altera perpetracione aspergi suspicione vix possunt, nedum divulgari. Denique occultissima esse crimina ipsi Canones apertissimè testantur, cum hypothesim statuunt, duorum affinium vel consanguineorum circa eandem personam etiam ipsis affinem vel consanguineam crimen perpetrantium, neutrum crimen alterius cognoscere. Confessarius porro Pœnitentiam in sacro Tribunali injungens, nosse non poterat gravitatem incestus, nisi Pœnitentium aliquis criminis confcios Confessario declarasset. Eadem autem ratio nunc obligat Pœnitentes ad revelationem confciorum sive complicitum in Confessione Sacramentali: sæpe enim contingit ut peccati species Sacerdoti aperiri non possit, vel gravitas innotescere, nisi criminum confcii declarentur. Cum igitur Confessio jure divino integra esse debeat, eodem quoque jure confcios criminis Confessario declarare necesse est, quoties id po-

Occulta etiam Confessorum crimina in Confessione quandoque aperienda

PARS I. statuat Confessionis integritas.

Art. 5.

484. Neque verò famæ proximi detra-

§. 6.

*Neque
detrahere
censendus
est, qui
conscium
revelat.*

here censendus est, qui consciū revelat Confessario, integræ Confessionis faciendæ necessitate compulsus; sicut nec maledicus censetur reus, qui à seculari iudice legitime interrogatus, criminis conscios declarat; nec maledicentiæ rei sunt, qui alterius crimen occultum Principi, Episcopo, patri, amico denuntiant, ut grave imminensque malum avertant ab Ecclesia, à Principe, à Republicâ, à familiâ, à Principis, ab amici, vel proximi capite, famâ, fortunis; quod obviis exemplis explicari potest. Non enim maligno animo, non ex odio, aut invidiâ in proximum hæc fiunt, sed ex officio iustitiæ, caritatis, vel amicitiae; & si quod malum inde redundet in reos, id per se non intenditur à denuntiatoribus, quibus publicum dumtaxat bonum, vel salus Principis, aut amici, vel proximi utilitas studio est: & si quod reis malum eveniat, id sibi tribuere debent, qui criminis perpetratiōe se in illud periculum conjecerunt. Quantò minùs censendi sunt detractores & maledici, qui divina lege de Confessionis integritate compulsi, conscios criminis, ut ei pareant, in Confessione sacramentali declarant Sacerdoti, vice Dei sacrum Judicium exercenti, jus habenti Penitentem de omnibus quæ ad ipsius peccatum pertinent, interrogandi, arcani religionis obstricto, prudenti; non ut noceat, sed

ut

ut proſit ipſi Pœnitenti, imò & conſcio, ſi PARS I.
 oportunitas detur, ut ipſos cum Deo re- Art. 5.
 conciliet, ut ſalutem illis æternam pro- §. 6.
 curet?

485. Hæc doctrina traditur à S. Thoma,
 Opusculo 12. ad F. Gerardum, Lectorem
 Biſuntinum, O. P. Quæſtione 6. De expreſ-
 ſione autem perſonæ, cum qua aliquis pec- S. Thomas
 cavit, videtur mihi quòd non ſit in Confeſ-
 ſione facienda, quando poteſt vitari. Pri-
 mò quidem, quia prodere crimen alterius.
 & ledere famam, eſt peccatum, quod ma-
 ximè vitandum eſt in Confeſſione, per quam
 quis quærit præterita peccata delere. Secun-
 dò, quia à Domino, (Matth. XVIII.) eſt for-
 ma denunciandi peccatum proximi deſcrip-
 ta, contra quam agere non licet. Tertio,
 quia in Confeſſione eſt credendum peccatori
 conſitenti, & pro ſe, & contra ſe, ſed con-
 tra alium nullo modo eſt ei credendum: alio-
 quin daretur multis occaſio fictæ Confeſſionis,
 & fraudulentæ infamationis. Et ideo, ſi
 poteſt ſpeciem peccati conſiteri non innote-
 ſcendo perſonam cum qua peccavit, peccat
 eam exprimendo, niſi fortè ſalvato correkti-
 onis ordine, quem Dominus ſtatuit. Si verò
 ſpeciem peccati exprimere non poſſit, niſi
 exprimendo perſonam cum qua peccavit,
 putà ſi cum ſore concubuit, neceſſe eſt ut
 exprimendo peccati ſpeciem, exprimat per-
 ſonam. Sed, ſi fieri poteſt, debet quærere ta-
 lem Confeſſorem, qui perſonam ſororis
 peni-

PARS I. *penitus non cognoscat.*

Art. 5. 486. Idem docet *S. Raymundus*, Libro

§. 7. 3. §. 24. *S. Bonaventura*, in 4. *Sententiarum*,
S. Ray- Dist. 21. Quæstione 3. P. 2. Articulo 1. San-
mundus. ctus etiam *Antoninus* 3. P. Tit. 14. Cap. 19,
 §. 2.

Vbi im-
minet pe-
riculum
complex
revelari
non debet.

487. Si ex complicitis revelatione in
 Confessione sacramentali facta, grave dam-
 num animæ vel corporis, vel famæ probabi-
 liter imminet sive Pœnitenti, sive Confes-
 sario, sive ipsi complici, aut aliis, Pœnitens
 facultatem petere debet alteri confitendi:
 quam si obtinere nequeat, reliqua peccata
 confiteri debet, circumstantiam verò si re-
 ticeat, ex qua persona complicitis innotescere
 posset, cum proposito illam confitendi
 opportunitate datâ, nulla propterea Con-
 fessio censeretur non debet.

488. *S. Thomas* in 4. *Sententiarum*,
S. Thomas Dist. 17. Quæstione 3. Articulo 3. Quæstion-
 cula 4. ad quintum.

§. VII.

De Ministro Confessionis & Casuum reservatione.

De Pœ-
nitentie
& Con-
fessionis
Ministro.

489. **S**olus Sacerdos Minister est
 Confessionis & Pœnitentiæ.
 Illustre hujus Ministerii testimonium præ-
 bent illa Christi Domini verba, Joannis 20.
Accipite Spiritum-Sanctum: Quorum re-
misse-

miseritis peccata, remittuntur eis, & quorum retinueritis, retenta sunt. Neque enim omnibus, sed Apostolis tantum hæc dicta fuisse constat, quibus in hac functione Sacerdotes succedunt.

490. Ad Confessiones audiendas, & Ministerium Sacramenti Pœnitentiæ, non sufficit Potestas Ordinis Sacerdotalis, sed necessaria est Potestas Jurisdictionis, ordinaria, vel delegata, sive à Superiore demandata. Absolutio enim Sacerdotis à Christo instituta est *Ad instar actus judicialis, quò ab ipso velut à iudice sententia pronuntiatur* (inquit Tridentina Synodus Sessione 14. Cap. 6.)

Quoniam igitur natura & ratio iudicii illud exposcit, ut Sententia in subditos dumtaxat feratur, persuasum semper in Ecclesia Dei fuit, nullius momenti Absolutionem eam esse debere; quam Sacerdos in eum profert, in quem ordinariam aut subdelegatam non habet Jurisdictionem, quod verissimum esse eadem Sacra Synodus confirmat Cap. 7.

491. Idque antea declaraverat Eugenius Quartus in Decreto; & ante Eugenium Quartum Concilium Lateranense sub Innocentio III. Canone 21. disertis verbis asserens, alienum Sacerdotem sine licentia proprii solvere vel ligare non posse, defectu scilicet Jurisdictionis. *Si quis autem, inquit, alieno Sacerdoti voluerit iusta de causa sua confiteri peccata, licentiam prius postulet & obtineat à proprio Sacerdote: cum aliter ipse*

Potestas
Jurisdictionis

Ordinaria
vel dele-

gata, in

Ministro
Pœnitentia

neceffaria.

Eugenius

IV. &

Concil.

Lateran.

PARS I.

Art. 5.

§. 7.

S. Thomas

ipse illum non possit absolvere, vel ligare.

492. Id confirmat S. Thomas hac ratione. Imperare alteri nemo potest, eumque ad pœnam satisfactoriam subeundam obligare, nisi in eum Jurisdictionem habeat: Minister autem Sacramenti Pœnitentiæ obligare potest Pœnitentem ad pœnam satisfactoriam subeundam: necessaria igitur est, ut eò ministeriò fungatur, non solum potestas Ordinis, ut in aliis Sacramentis, sed etiam potestas Jurisdictionis. *Et idèd sicut ille qui non est Sacerdos, non potest hoc Sacramentum conferre; ita nec ille qui non habet Jurisdictionem. Et propter hoc oportet, sicut Sacerdoti, ita proprio Sacerdoti Confessionem fieri. Cum enim Sacerdos non absolvat, nisi ligando ad aliquid faciendum; ille solus potest absolvere, qui potest per imperium ad aliquid faciendum ligare.*

Concil.
Trident.
Catechis-
mus.

493. Denique Concilii Tridentini Catechismus, P. 2. De Sacramento Pœnitentiæ, §. 71. ubi docuit Confessionis Ministrum habere oportere non solum Ordinis, verum etiam Jurisdictionis potestatem, ordinariam, aut delegatam; subdit: *Quanta olim religione in antiquissima Ecclesia ius Ordinarii Sacerdotis conservatum fuerit, ex veteribus Patrum Decretis facile intelligitur: quibus tantum est, ne quis Episcopus aut Sacerdos in alterius Parochia aliquid gerere auderet sine ejus auctoritate, qui illi præesset, aut nisi magna necessitas coge-*

cogere videretur . Ita verò ab Apostolo sanc- PARS.
citum est , cum Tito præcepit , ut in singulis Art. 5.
civitatibus Sacerdotes constitueret : qui sci- §. 7.
licet doctrinæ & Sacramentorum cælesti pa-
bulo Fideles alerent & educarent ,

494. Disciplinam illam , quam laudat SS. Cano-
 Concilii Catechismus , antiquis Canonibus nes .
 sancitam legimus , scilicet , Canone *Si quis*
Episcoporum , *Causa* 16. *Quæst.* 2. & Cano-
 ne *Nullus* , *Causa* 9. *Quæst.* 2. Item Cano-
 ne *Nullum* , ibidem , & Canone *Placuit* ,
Dist. 6. *De Penitentia* , quo statuit Urbanus
 II. *Ut deinceps nulli Sacerdotum liceat*
quemlibet commissum alteri Sacerdoti ad
Penitentiam suscipere sine ejus consensu , cui
prius se commisit , nisi pro ignorantia illius
cui prius confessus est . Qui verò contra sta-
tuta facere tentaverit , gradus sui pericula
subjacebit .

495. Quamvis autem potestatem Or- Sacerdo-
 dinis ad remittenda peccata Sacerdotes ac- tes in sua
 cipiant , cum inaugurantur , quod his verbis Ordina-
 in ipso Ordinationis Ritu significat Episco- tione pe-
 pus Manus imponens : *Accipe Spiritum-* testatem
Sanctum : Quorum remiseris peccata remit- Jurisdi-
tuntur eis , & quorum retinueris retenta ctionis nō
sunt : non tamen accipiunt potestatem Ju- accipiant .
 risdictionis , nisi cum Pastorale Beneficium
 accipiunt , aut ab Episcopo ad Confessiones
 audiendas approbantur . Ordinariam itaque
 Jurisdictionis potestatem habent , quicum- *Qui ordi-*
 que Animarum Regimini præficiuntur ab *naria , qui*
delega-

DE SACRAMENTO

318

PARS I.

Art. 5.

§. 7.

tam habent Iurisdictionis potestatem.

Ecclesia, scilicet Summus Pontifex in tota Ecclesia, Episcopus quilibet in sua Diocesi, Episcopi quoque Pœnitentiarius; Parochus in sua Parochia, Prælati Regularis in Regularibus dumtaxat personas ipsi subditas. Delegatam vero Jurisdictionis habent potestatem, quicumque ab Episcopis ad Confectiones audiendas admittuntur.

Annua Confessio proprio faciendâ Sacerdoti.

496. Quilibet Fidelis tenetur semel in anno peccata sua confiteri proprio Sacerdoti, vel alteri de ejus licentia. Ita decrevit Concilium Lateranense Quartum sub Innocentio III. Canone 21. *Omnis utriusque sexus Fidelis, postquam ad annos discretionis pervenerit, omnia sua solus peccata confiteatur fideliter proprio Sacerdoti, & injunctam sibi Pœnitentiam studeat pro viribus adimplere, suscipiens reverenter ad minus in Pascha Eucharistiæ Sacramentum: nisi forte de consilio proprii Sacerdotis, ob aliquam rationabilem causam ad tempus ab ejus perceptione duxerit abstinendum: alioquin & vivens ab Ecclesiæ ingressu arceatur, & moriens Christianâ careat sepulturâ. Unde hoc salutare Statutum frequenter in Ecclesiis publicetur, ne quisquam ignorantia tacite velamen excusationis assumat. Si quis autem alieno Sacerdoti voluerit iuxta de causa sua confiteri peccata, licentiam prius postulet & obtineat à proprio Sacerdote; cum aliter ille ipse non possit solvere, vel ligare. Quam Lateranensis Concilii Con-*
stitu-

stitutionem confirmat Sacra Synodus Tri-
dentina Sessione 14. Cap. 5. & Canone 8. PARS I.
Art. 5.

497. Porro, Proprii Sacerdotis nomine §. 7.
Parochum intelligit Lateranense Conciliū, *Quis pro-*
ut declararunt *Martinus IV. Benedictus XI. prius Sa-*
& *Sixtus IV.* Quamvis autem proprii Sacer-
dotis nomine Parochus designetur, Regula-
res tamen & alii à S. Pontifice, vel ab Epif-
copis delegati pro ipso tempore Paschatis,
vel absque ulla temporis, aut loci restrictio-
ne approbati, non excluduntur. Unde qui
apud ipsos peccata deposuerunt, & absoluti
sunt, ipsi Canonici paruisse sunt censendi; ut
ex ipso Concilio facile probatur, ac declara-
vit Leo X. Constitut. *Dum intra.*

498. Summus Pontifex & Episcopi jus Potestas
habent graviorum quorundam criminum *reservan-*
Absolutionem sibi reservandi. *di sibi cer-*
Quamvis *tos casus*
enim potestas Ordinis simplicibus Presbyte-
ris in eorum Ordinatione collata se exten-
dat ad omnia peccata remittenda; quia ta-
men ad usum istius potestatis necessaria Ju-
risdictio est, quæ à Majoribus ad inferiores *Summo*
descendit; ideo potest Superior sibi aliqua *Pontifici*
reservare, in quibus judicium inferiori non *& Epif-*
committat; (inquit *S. Thomas Q.20. Sup-*
plem. A.2.) *copis co-*
petit.

499. Unde Sacra Synodus Tridentina Concilium
Sessione 14. Cap.7. ait: *Magno opere ad Chri-*
stiani Populi disciplinam pertinere, Sanctis-
simis Patribus nostris visum est, ut atrocio-
ra quadam & graviora crimina non à qui-
bis-

PARS I.

Art. 5.

§ 7.

busvis, sed à Summis dumtaxat Sacerdotibus absolverentur. Unde meritò Pontifices Maximi, pro suprema potestate sibi in Ecclesia universa tradita, causas aliquas criminum graviores suo potuerunt peculiari iudicio reservare, Neque dubitandum est; quando omnia quæ à Deo sunt, ordinata sunt, quin hoc idem Episcopis omnibus in sua cuique Diœcesi, in adificationem tamen, non in destructionem liceat, pro illis in subditos tradita supra reliquos inferiores Sacerdotes auctoritate, præsertim quoad illa, quibus Excommunicationis Censura annexa est. Hanc autem delictorum reservationem, consonum est Divinæ Auctoritati, non tantum in externa politia; sed etiam coram Deo vim habere.

500. Et Canone 11. Anathemate ferit eos qui dixerint, Episcopos non habere ius reservandi sibi casus, nisi quoad externam Politiam, atque ideo casuum reservationem non prohibere quominus Sacerdos à reservationis verè absolvat.

Causa duplex reservationis Casuum.

501. Causa autem reservandi duplex est, prima ut hominum propensio ad peccandum quodam verecundiæ frenò coercetur, dum Summus Pontifex, vel Episcopi sunt adeundi ad obtinendam Absolutionem. Secunda, ut morbi graviores Medicis peritioribus curandi servantur.

Discrimen inter

502. Id verò discriminis est inter Casum reservatum, & Censuram, quodd Censura

fura sit poena quædam Ecclesiastica: Casus PARS I
 verò reservatus sit peccatum, sive adjun- Art. 5.
 ctam habeat Censuram, sive non. Sunt §. 7.
 enim aliqui Casus Episcopis reservati, qui- Casum re-
 bus nulla Censura annexa est. Sunt etiam servatum
 Censuræ quædam illis reservatæ, peccatis, & Censu-
 ob quæ illæ feruntur, minimè reservatis, ut ram.
 Suspensiones, & quædam Irregularitates. Duplex
 est reser-
 vatio. E-
 piscopalis
 & Ponti-
 ficia,

503. Reservationem duplicem esse Tri-
 dentinum Concilium declarat, Episcopalem
 scilicet ac Pontificiam.

504. Quod Episcopos attinet, jampri-
 dem graviora crimina, pro quibus impone-
 batur antiquitus Pœnitentia publica, ipsis
 reservata erant; siquidem publicè Pœniten-
 tium reconciliatio penes solos Episcopos
 erat; neque secundi Ordinis Sacerdotibus
 fas erat Pœnitentes reconciliare, nisi vel
 Episcopo absente, vel urgente necessitate;
 vel ex speciali mandato Episcopi. Cum au-
 tem publica Pœnitentia in desuetudinem
 abiisset, Episcopi nihilominus graviorum
 quorundam criminum absolutionem sibi
 reservarunt, ut populus majorem eorum
 horrorem conciperet, ac difficultas absolu-
 tionis minueret facilitatem peccandi; sicut
 è contrario facilitas veniæ incentivum tri-
 buit delinquendi. Ut autem hic reservatio-
 nis finis faciliùs obtineretur, Episcopi rarò
 admodum, & paucis secundi Ordinis Sacer-
 dotibus facultatem à reservatis absolvendi
 indulgebant: sed volebant ut graviorum

PARS I.

Art. 5.

§. 7.

illorum criminum rei ad se pro absolutione obtinenda accederent.

505. Hinc Arelatense Concilium anno millesimo ducentesimo sexagesimo, Canone decimo-sexto, ait, propter *imbecillium, & impotentium, & pauperum occupationes, & penuriam*, consuevisse aliquando Episcopos per villas & oppida *Pœnitentiarios* suos in *Quadragesima* destinare, qui eos à *Casibus*, qui *Majoribus reservabantur*, absolverent: quod indicium manifestum est, inferioribus Confessariis per villas, & oppida constitutis facultatem à reservatis absolventi non fuisse communicatam: neque *Pœnitentiarios* ab Episcopis destinatos potuisse quoslibet à casibus reservatis absolvere, sed illos dumtaxat qui ratione impotentiae aut penuriae ad Episcopum accedere facile non valebant; quod Synodus ipsa in fine ejusdem Canonis clarissimis verbis expressit: *Nec Prælati*, inquit, *super casibus sibi reservatis, ad Parochianos suos Pœnitentiarios destinant, nisi eos qui commodè suos Prælatos adire non possunt.*

506. Et Synodus altera ejusdem Provinciae anno millesimo ducentesimo sexagesimo-quinto celebrata, prohibet Canone 13. ne Sacerdotes qui Confessiones audiunt se intromittant de absolutionibus peccatorum reservatorum, *Nisi persona qua in aliquos prædictorum casuum inciderint, fuerint adeo senes vel valetudinaria, quod ad Episcopos*

copos vel eorum Pœnitentiariorum venire non possint, vel nisi fuerint in mortis articulo constitutæ. Et tunc eis nihilominus injungatur, quòd si recuperaverint sanitatem, pro prædictis se debeant Episcoporum aspectibus præsentare.

PARSI.

Art. 5.

§. 7.

507. Quod spectat reservationem Pontificiam Casuum, Summi Pontifices jure illo, quò per totam Ecclesiam possunt sibi reservare casus, decem sæculorum spatio non sunt usi. Plenam enim & omnimodam auctoritatem absolvendi in foro Pœnitentiali cujuscumque quamvis atrocis criminis reos, Episcopis relinquebant. At sæculo undecimo cœperunt ipsi Episcopi nonnullos graviorum criminum reos ad Sedem Apostolicam mittere, vel ut à Summo Pontifice reconciliarentur, vel ut ab ejus Sanctitate Pœnitentia ipsis imponeretur; quâ demum peccata ab Episcopis suis absolverentur. Nec tantum in particulari aliquo casu pœnitentes ad Sedem Apostolicam mittebant; quod ex Concilio Lemovicensi secundo constat anno trigesimo-primo supra millesimum celebrato, ex Hildeberto Cenomanensi Episcopo Epistola 60. & ex Yvone Carnotensi Epistolis 98. & 160. Sed quandoque etiam generali Decreto criminis alicujus reos non ab Episcopis, sed à solo Pontifice Maximo absolvendos decernebant. Sic Episcopi Gallicani in Concilio Remensi anno millesimo centesimo trigesimo-primo Canone 13. In-

PARS I.

Art. 5.

§. 7.

nocentio II. Præside decreverunt ut *Nullus Episcoporum* illum qui violentas manus in Clericos vel Monachos iniecit, *præsumat absolvere*, donec Apostolico conspectui præsentetur, & eius mandatum suscipiat. Simile Decretum edidit Concilium Londinense anno 1142. Sed & Concilium Avenionense quatuor Provinciarum, Arelatensis, Vienneſis, Ebredunensis & Aquensis anno 129. celebratum, publici perjurii reos, & Censurarum Ecclesiasticarum contemptores, à solo Romano Pontifice absolvendos Canone 13. statuit. *Contra publicè perjuros, seu convictos de perjurio, & eos qui pertinaciter in excommunicatione per sex menses permanserint, pro eo quod faciles sunt homines ad perjuriam & ad censuram Ecclesiasticam contemnendam, specialem & novum Canonem promulgamus, scilicet, ut nulli Episcoporum liceat huiusmodi anathematizatos absolvere, sed ad Sedem Apostolicam, sicut sacrilegi & incendiarii absolvendi mittantur. Perjuri verò, præter aliam satisfactionem, dictam Sedem in præsentia visitare cogantur.* Secutis sæculis Romani Pontifices plures sibi Casus reservarunt, & absolvendi ab iis potestatem inferioribus Confessarius delegare cœperunt, ut caritatis, non minùs quàm potestatis plenitudinem exercerent.

*Confessio
falsa non*

508. Igitur nulla est Confessio, quæ sit Sacerdoti Potestatem Jurisdictionis non ha-

PARSI.

Art. 5.

S. 7.

habenti

Iurisdic-

tionem

nulla est.

habenti, aut qui legitimam formam non adhibuerit; aut quæ ad Pœnitentiæ Sacramenti Administrationem omnino necessaria sunt penitus ignoraverit. S. Carolus in Instructionibus Confessorum. Debet, inquit, interrogare de actis antea Confessionibus, in quantum ei necessarium fuerit, ut resciat, num in aliquem casum inciderit, ex quo, cum nullæ hæ fuerint, iterandæ sint; putà, num confessus fuerit Sacerdoti absolvendi potestatem non habenti; aut qui legitimam in Absolutione formam non adhibuerit; aut quæ sunt ad hoc Sacramentum ministrandum necessaria, penitus ignoraverit; aut si Pœnitens ipse sciens & ex animo peccatum omiserit; aut Confessionem ita diviserit, ut Confessori peccatorum partem, & alteri partem aliam deposuerit; aut sine ullo peccatorum dolore, & emendandi proposito accesserit; aut pro excutiendis inveniendisque peccatis debitam diligentiam non adhibuerit.

509. Et quia negligentia in Confessionibus solet multa committi, ab iis potissimum qui nullum vel levem de Deo timorem habent, aut curam de anima; ita ut potius ex usu, quàm ex peccatorum horrore, & emendandi desiderio confiteantur; & pro utilitate maxima quæ ex Confessionibus generalibus semper oritur, maximè conversionis meliorisque frugis initio; debent Confessores loco & tempore, iuxta personarum qualita-

Confessionis
Generalis utili-
tas.

PARS I.

Art. 5.

§. 7.

tem, ad Confessionem generalem Pœnitentes exhortari, ut ejus ope, vita suæ affectionibus ita propofitis, ardentius ad Deum convertantur, & pro omnibus peccatis, & defectibus, quos noverint, satisfaciant.

Nullus Sacerdos nisi Parochus vel approbatus Confessiones excipere potest.

§ 10. Nullus Sacerdos, etiam Regularis, Confessiones sæcularium, etiam Sacerdotum, audire potest, nisi Parochiale Beneficium obtineat, aut ab Episcopo fuerit approbatus. Sacra Synodus Tridentina, Sessione 23. Cap. 15. *Quamvis, inquit, Presbyteri in sua Ordinatione à peccatis absolventi potestatem accipiant: decernit tamen Sancta Synodus, nullum etiam Regularem, Confessiones sæcularium, etiam Sacerdotum, posse audire, nec ad id idoneum reputari, nisi aut Parochiale Beneficium, aut ab Episcopis per examen, si illis videbitur esse necessarium, aut aliàs idoneus judicetur, approbationem, quæ gratis detur, obtineat: privilegiis, & consuetudine quacumque, etiam immemorabili, non obstantibus.*

Privilegia Regularium quoad hoc abrogata.

§ 11. Quamobrem vetera Privilegia Regularium, quibus eis, ab Episcopo approbatis, aut injustè recusatis, licebat Confessiones audire, hæc Tridentini Concili Decreto penitus abrogata sunt.

Pius 7.º Gregorius XV.

§ 12. Hanc Disciplinam confirmarunt Pius Quintus Constitutione quæ incipit, *Romani Pontificis*, Lectores etiam, aut in Theologia Graduatos, huic legi subditos esse declarans, *Gregorius XV.* Constitutione quæ

quæ incipit , *Inscrutabili* aliique Pontifices .

PARS I.

Art. 5.

§. 7.

§13. Unde *Alexander VII.* inter plures alias Propositiones erroneas die 14. Septembris 1665, damnatas hanc confixit 13. *Satisfacit præcepto annuæ Confessionis, qui confitetur Regulari Episcopo præsentata, & ab eo injustè reprobato.* Et in Brevi Apostolico, dato die 26. Februarii, anno 1659. in causa Andegavenfis Episcopi, & Regularium ejusdem Urbis, hanc Propositionem damnat : *Concilium Tridentinum non obligat Regulares in Gallia ad obtinendas approbationes ab Episcopis, ut Confessiones sacularium audire possint; neque ex illius Concilii auctoritate Privilegia Regularium restringi possunt, cum in Galliis receptum non sit, præter quàm in decisionibus fidei, neque etiam Bulla Pii Quarti pro Confirmatione illius Concilii promulgata.* Hanc (inquam) Propositionem Summus Pontifex damnat his verbis : *Est falsa, temeraria, scandalosa, in heresim & schisma inducens, sacro Concilio Tridentino, & Sedi Apostolicæ injuriosa.*

Propositiones damnatae.

§14. Ne venialium quidem peccatorum Confessiones excipere, & ab illis absolvere potest Sacerdos, sive sæcularis, sive Regularis, ab Episcopo non approbatus. Quamvis enim peccata venialia confiteri necessarium non sit, ex qua tamen Ecclesiæ Clavibus subjiciuntur, necessaria est ad eorum sacramentalem Confessionem excipien-

Nequidem venialium Confessionem excipere potest non approbatus.

PARS I.

Art. 5.

§. 7.

Decretum
S. Congre-
gationis.

dam, potestas Jurisdictionis.

§15. Unde Sacra Congregatio Concilii Tridentini Interpres, Decreto edito die 12. Februarii anno 1670. approbante Innocentio Undecimo Pontifice Maximo, prohibuit, *Ne venialium Confessio fiat simplici Sacerdoti non approbato ab Episcopo, aut Ordinario. Si Confessarii, etiam Regulares, aut quicumque alii Sacerdotes secus egerint, sciant Deo Optimo Maximo se rationem reddituros esse; neque defuturam Episcoporum & Ordinariorum iustam & rigorosam animadversionem in contra facientes, etiam Regulares, etiam Societatis Jesu, facultate ipsis Episcopis & Ordinariis per hoc Decretum, per Sedem Apostolicam specialiter attributa. Et facta de præmissis omnibus, ac de verbo ad verbum Relatione, Sanctitas sua probavit, ac præsens Decretum typis mandari ac publicari voluit.*

*Quorum
Confession-
es exci-
pere pos-
sint Regu-
lares à
suis dum-
taxat Su-
perioribus
approbati.*

§16. Sacerdotes Regulares à suis Superioribus approbati, possunt absque approbatione Episcopi excipere Confessiones Virorum Regularium sui Ordinis, immò & secularium ad familiam verè pertinentium. Synodus enim Tridentina id unum statuit ac declarat, *Nullum etiam Regularem posse Confessiones secularium, etiam Sacerdotum, audire, nisi aut Parochiale Beneficium, aut ab Episcopis approbationem obtineat.* De Regularium Confessione nihil statuit; adeoque supponit ipsos posse cum sola Superio-
rum

rum suorum approbatione Confessiones Religiosorum ejusdem Ordinis hominam excipere.

PARS I.

Art. 5.

§. 7.

§17. Dubitationem omnem fustulit *Clemens X.* Pontifex Maximus, Constitutione quæ incipit *Suprema*, editâ undecimo Kalendas Julii, anno 1670. *Ceterum, inquit, in Monasteriis, ac etiam Collegiis, ubi juxta Regularia Instituta vivitur, posse tam Prælatos Regulares, quàm Confessores Regularium eorumdem Monasteriorum, seu Collegiorum audire Confessiones illorum secularium, qui inibi sunt verè de familia, & continui commensales; non autem illorum qui tantum ipsis deserviunt.* Idem ante *Clementem X.* declaraverat *Gregorius XV.* Constitutione quæ incipit, *Inscrutabili*, editâ Nonis Februarii, anno 1627.

Clemens X. Constitutio.

§18. Sacerdotes tum Sæculares, tum Regulares generatim in aliqua Diœcesi ad audiendas Confessiones ab Episcopo approbati, ad audiendas Monialium Confessiones propterea non censentur approbati, sed approbatione singulari indigent. Qui sunt etiam approbati ad audiendas Monialium unius Monasterii Confessiones, novâ indigent approbatione, ut in alio Monasterio Confessiones excipiant. Extraordinarii denique Confessores pro unâ vice ab Episcopo deputati, novâ indigent approbatione ut eandem functionem aliâ vice exercent.

Pro Confessionibus Monialium specialis Episcopi approbatio seu deputatio necessaria est.

§19. Ita

PARS I.

Art. 5.

§. 7.

Declaratio
S. Congregationis.

Constitutio
Clementis X.

519. Ita declaravit Congregatio Cardinalium Concilii Tridentini Interpretum, cujus Decretum legitur apud *Barbosam*, P. 2. *De Officio & Potestate Episcopi*, Allegatione 25, §. 71.

520. Ita declaravit & *Clemens X.* Constitutione mox laudatâ: *Et generaliter approbatos ab Episcopo ad personarum secularium Confessiones audiendas, nequaquam censerî approbatos ad audiendas Confessiones Monialium sibi subiectarum, sed egere quoad hoc speciali Episcopi approbatione, atque approbatos pro audiendis Confessionibus Monialium unius Monasterii, minimè posse audire Confessiones Monialium alterius Monasterii. Itidemque Confessores extraordinarios semel deputatos, atque approbatos ab Episcopo ad Monialium Confessiones pro una vice audiendas, haud posse expletâ deputatione in vim approbationis huiusmodi illarum Confessiones audire, sed toties ab Episcopo esse approbandos, quoties casus deputationis contigerit.*

Etiâ Regularibus respectu Monialium sibi subiectarum. Constitutio Gregorii XV.

521. Regulares Sacerdotes Confessiones Monialium, etiâ Regularibus subiectarum, excipere non possunt absque approbatione Episcopi.

522. Ita statuit *Gregorius XV.* Constitutione quæ incipit, *Inscrutabili*, superius laudatâ §. 5. *Confessores verò, sive Sacculares, sive Regulares quomodocumque exempti, tam ordinarii, quàm extraordinarii, ad*

Con-

Confessiones Monialium, etiam Regularibus subiectarum, audiendas nullatenus deputari valeant, nisi prius ab Episcopo Diocesano idonei iudicentur, & approbationem, quæ gratis concedatur, obtineant. Liceatque Episcopo ex rationabili causa Superiores Regulares admonere, ut huiusmodi Confessores amoveant, iisque Superioribus id facere detrectantibus, aut negligentibus, habeat Episcopus facultatem prædictos Confessores amovendi, quoties & quando opus esse iudicaverit.

PARS I.

Art. 5.

S. 7.

523. Non tenentur autem Episcopi Superioribus Regularibus ejusmodi causam significare, sed hoc relinqui prudentiæ & arbitrio Episcoporum, declaravit Sacra Congregatio Cardinalium Concilii Tridentini Interpretum, cujus Declarationem refert *Barbosa*, loco supra laudato.

An teneantur Episcopi causam amovitionis Confessoriorum aperire?

524. Sacerdos tum Sæcularis, tum Regularis, in una Diœcesi generatim approbatus, Confessiones in altera Diœcesi audire non potest sine approbatione Episcopi Diœcesani.

Approbatus in una Diœcesi non censetur approbatus in

525. Id constat ex Clementina *Dudum*, Tit. De Sepulturis, quoad hoc caput non revocata, imò potiùs ab Apostolica Sede confirmata: *Magistri*, inquit, *Priores*, *Provinciales*, & *Ministri Ordinum prædictorum*, eligere studeant personas sufficientes, idoneas, vitâ probatas, discretas, modestas, atque peritas, ad tam salubre Ministerium

alia. Clementina Dudum De Sepulturis.

PARS I.

Art. 5.

§. 7.

& Officium exequendum: quas sic ab ipsis electas repræsentent vel faciant præsentari Prælati, ut de eorum licentiâ, gratiâ, & beneplacito in Civitatibus & Diœcesibus eorundem huiusmodi personæ sic electæ Confessiones confiteri sibi volentium audiant, imponant Pœnitentias salutes, & beneficium Absolutionis impendant: extra Civitates & Diœceses, in quibus fuerint deputatæ, Confessiones nullatenus audituræ.

Congregatio-
nis Cõ-
cilii de-
claratio.

526. Præterea Congregatio Concilii, die sextâ Junii anno 1608. declaravit, Tam Sacularem, quàm Regularem in unâ Diœcesi approbatos ad audiendas personarum sacularium Confessiones, non posse in alia easdem Confessiones audire absque Episcopi Diœcesis approbatione. Refert Barbosa, P. 2. De Officio & Potestate Episcopi, Allegatione 25. §. 32.

Clementis
X. Consti-
tutio.

527. Id confirmavit Clemens X. Constitutione superiùs laudatâ. Ad hæc, inquit, Religiosos ab Episcopo ad Confessiones Secularium in sua Diœcesi audiendas approbatos, non posse in alia Diœcesi eas absque Episcopi Diœcesani approbatione audire, quamvis Pœnitentes subditi sint ejus Episcopi, à quo ipsi Religiosi jam fuerant approbati.

Parochi
tamen
possunt
subdito-
rum suo-
rum Con-

528. Parochi tamen subditorum suorum Cõfessiones in alienæ Parochiæ territorio, & in aliena etiam Diœcesi audire possunt. Ordinariam enim in illos auctoritatem habent, quam exercere possunt ubique, quoad ea quæ

quæ sunt sine strepitu Judicii, qualis est Confessio. Et certè Concilium Lateranense Canone 21. statuit ut Fideles semel in anno confiteantur *Proprio Sacerdoti*, nulla factâ mentione loci, in quo Confessiones illorum excipere debet vel potest.

PARS I.

Art. 5.

§. 7.

*Confessiones
excipere
in aliena
Parochia.*

*Quid de
Cohortium,
& Clas-
sum Elec-
mosyna-
riis.*

529. Idem dicendum est de Cohortium & Classium Eleemosynariis, qui quidem approbati debent ab Episcopo de cujus Diœcesi locus est, in quo stationem habent Cohortes, vel unde discedunt ad Bellum, cum Eleemosynarii assumuntur, vel de cujus Diœcesi Portus est, in quo armatur, & è quo solvit Classis: opus tamen nova approbatione non videtur, quoties Castra de una in aliam Diœcesim moventur, vel Classis in varias Diœceses appellit. Quia Eleemosynarii Cohortium Naviumque sunt quasi Parochi Militum ac cæterorum, qui Castra sequuntur, vel navi vehuntur, quoad functionem audiendi eorum Confessiones & Sacramenta morientium etiam administrandi in Castris, in Xenodochiis Exercitus, & in Navibus præsertim, quando è Portu solverunt. Sunt, inquam, quasi illorum Parochi ex omnium Episcoporum Indulgentia & consuetudine, qui tamen ipsos à munere audiendi Confessiones possunt suspendere, & ad examen revocare ex causa maximè ad eas confessiones audiendas pertinente.

530. Sacerdotum, sive Sæcularium, sive Regularium approbationes certis limitibus

*Approba-
tiones pos-*

P ARSI. bus circumscribere possunt Episcopi, & ad
Art. 5. certas personas, loca, vel tempora restrin-
§. 7. gere. Id constat ex *S. Carolo* in Instru-
sunt re- **nibus Confessorum.**
stringi.

Decretum
S. Congre-
gationis.

§31. Idem confirmatur ex Decreto
 Congregationis Concilii Tridentini Inter-
 pretis dato die secunda Julii, anno 1587. *Re-*
gulares, inquit, *qui ad Confessiones audien-*
das idonei generaliter ab Ordinariis, eorum-
ve Examinatoribus reperti, & probati fue-
runt, generaliter quoque & indistinctè, ab-
sque aliqua limitatione temporis, certo-
rumve locorum, aut generis personarum,
admittantur in Diœcesi propria. De ceteris
verò qui non adeo idonei reperientur, si pe-
tierint se admitti, arbitrio Ordinariorum
relinquitur ipsos cum limitata facultate;
prout eisdem Ordinariis magis expedire vi-
debitur, probare & admittere.

Propositio
damnata.

§32. Unde *Alexander VII.* in Causâ Ande-
 gavenſis Episcopi & Regularium, hâc Propo-
 sitionem ut *Falsam, temerariam, scandalo-*
sam, & erroneam damnavit anno 1659. *Non*
possunt Episcopi limitare seu restringere Ap-
probationes quas Regularibus concedunt ad
Confessiones audiendas, neque ulla ex parte
revocare. Idem confirmat *Clemens X.* Con-
 stitutione quæ incipit, *Suprema magni Pa-*
tris-familias, §. 4.

Clementis
X. Consi-
titutio.

An Ap-
probatio-
nes possint

§33. Episcopus singulos, siue Sæcula-
 res, siue Regulares Sacerdotes, simpliciter
 & absolutè à se approbatos, ab audiendis
 Con-

Confessionibus suspendere potest ex nova **PARS I.**
 causa, ad Confessiones pertinente. Imò **Art. 5.**
 Confessarios omnes & singulos, sive Sæcu- **S. 7.**
 lares, sive Regulares, à Vicario suo Gene- **revocari.**
 rali, aut à Decessore suo approbatos, Episco-
 pus ad Examen revocare potest.

534. Ita *Clemens X.* Constitutione quæ in-
 cipit, *Suprema magni Patris-familiæ S. 5.*
 cujus hæc sunt verba: *Regulares vero ad*
eiusmodi Confessiones audiendas prævio exa-
mine simpliciter, & absque ulla temporis
præfinitione ab ipsomet Episcopo: secus au-
tem ab ejus Vicario, aut Antecessoribus E-
piscopis approbatos, non posse ab eodem, qui
sic approbavit, iterum examinari, aut ab
eisdem Confessionibus audiendis suspendi,
seu licentias illis concessas revocari, nisi no-
vâ superveniente causâ, quæ ipsas Confessio-
nes concernat. De qua tamen haud necessa-
rium esse ut in Actis constet; nec eam tene-
ri Episcopum ipsis Regularibus significare,
sed Sedi Apostolicæ dumtaxat, ubi eam sibi
aperiri postulaverit. Porro si Regulares cum
scandalo, aut aliâ inhonestè vivant, vel
aliquod delictum committant, per quod
rationabili Episcopi judicio videantur à Con-
fessionibus suspendendi, in quo ipsius Episco-
pi conscientiam oneratam esse volumus, cum
præcipua Ministri Sacramenti Penitentiae
qualitas sit vitæ integritas ac morum hone-
stas; utique eam causam ad Confessionis Mi-
nisterium pertinere, ac proinde nihil obsta-

Clementis
X. Consti-
tutio.

PARS I.

Art. 5.

S. 7.

re, quo minus ob eam possit Episcopus Regulares à semetipso approbatos suspendere, aut repellere à Confessionibus audiendis.

Parochi
simplicem
Sacerdotem
sibi
Confessarium
eligere non
possunt.

535. Parochi non possunt eligere sibi in Confessarium simplicem Sacerdotem, sive Sæcularem, sive Regularem, ab Episcopo non approbatum.

536. Simplex enim Sacerdos, absque approbatione Episcopi Jurisdictionem nullam habet, adque nullam Confessiones excipiendi & absolvendi potestatem.

Propositio
damnata.

537. Unde Alexander VII. Pontifex Maximus inter plurimas alias Propositiones die 14. Septemb. 1665. hanc ordine decimam-sextam damnavit: *Qui Beneficium Curatum habent, possunt sibi eligere in Confessarium simplicem Sacerdotem non approbatum ab Ordinario.*

Sed approbatum
dumtaxat
ab Ordinario.

538. Possunt tamen eligere sibi, quem voluerint, Confessarium ab Episcopo approbatum. Id constat ex Cap. *Ne pro dilatione, Extra, De Pœnitentiis & Remissionibus*, cujus hæc sunt verba: *Ne pro dilatione Pœnitentiæ periculum immineat animarum, permittimus Episcopis, & aliis Superioribus, necnon minoribus Prælatiis exemptis, ut etiam præter sui Superioris licentiam, providum & discretum sibi possint eligere Confessorem.* Hæc voce, & aliis Superioribus, Parochos etiam significari, viris doctissimis videtur, tum quia Beneficia Principum sunt interpretanda largissime,

Superiorum
non
minime etiam
Parochi
intelliguntur.

ut

ut habetur Cap. *Olim*, De *Regulis Juris*, & *Favores* convenit ampliari: tum quia Parochos maximè spectat ratio Canonis, Ne scilicet *periculum immineat animarum*. Cùm enim frequens Sacrosancti Sacrificii celebratio, & quotidiana Sacramentorum administratio illis incumbat, in magno salutis periculo versarentur, nisi quem vellent, eligere sibi possent Confessarium ex approbatis ab Episcopo.

539. Accedit, quod Superiorum nomine Parochos etiam intelligere conveniens sit, qui Christianæ plebi præsent, qui *Prælationis Officio funguntur*, ut ait *Clemens III.* Cap. *Tua nos*, Extra, De *Clerico agrotante*, & quos *S. Thomas*, Secunda Secundæ, Quæst. 188. Articulis 4. & 5. *Prælatos inferiores*, & 3. P. Quæst. 67. Articulo secundo ad secundum, *Ecclesiarum minores Principes* vocat. Unde & ad ipsos videtur pertinere quod idem Angelicus Doctor scribit Quæst. 8. Supplem. Art. 4. *Quia Prælati incumbit Sacramenta dispensare, quæ nonnisi mundi tractare debent: ideo concessum est eis à Jure, quòd possint sibi eligere proprios Sacerdotes Confessores, qui quantum ad hoc sunt eis superiores; sicut etiam unus Medicus ab alio curatur, non in quantum Medicus, sed in quantum infirmus.*

540. Antiquà etiam consuetudine id Juris habent Parochi: quæ consuetudo, cùm sit *Rationabilis*, & *legitimè sit præscripta*,

PARS I.
Art. 5.
§. 7.

*Parochi
Prælati
inferiores,
& Eccle-
siarum
Minores
Principes
à S. Tho-
ma nun-
cupati.*

*Ius Para-
chorum
etiam ex
antiqua*

PARS I.
Art. 5.

§. 7.
consuetu-
dine pro-
batur.

in Ecclesia vim legis habet, ex Cap. *Cum tanto*, Extra, *De Consuetudine*. Quam consuetudinem convellere, aut immutare non expedit, secundum praeclaram illam S. *Augustini* Regulam Epistolâ 54. aliâ 118. ad *Januarium*, Cap. 5. *His enim causis, id est, aut propter fidem, aut propter mores, vel emendari oportet quod perperam fiebat, vel institui quod non fiebat. Ipsa quippe mutatio consuetudinis, etiam quæ adiuvat utilitate, novitate perturbat. Quapropter quæ utilis non est, perturbatione infructuosa consequenter noxia est.*

Quid de
Regulari
confessio-
nes exci-
pientes, suo
prohiben-
te Supe-
riore?

541. Sacerdos Regularis ab Episcopo approbatus, peccat quidem si Confessiones audiat Superiore suo prohibente: validè tamen absolvit. Peccat (inquam) ob violationem obedientiæ quam vovit: sed validè absolvit, quia Jurisdictionem non habet à suo Superiore.

Quid de
Parocho
qui paro-
chiale be-
neficium
dimisit?

542. Parochus qui Beneficium Parochiale dimisit, Confessiones excipere non potest absque novâ Episcopi approbatione. Duplici enim dumtaxat nomine Sacerdos secundi Ordinis Confessiones audire potest, secundum Tridentini Concilii Decretum, vel quia Parochiale Beneficium obtinet, vel quia ab Episcopo est approbatus: cum igitur ille Beneficium Parochiale ampliùs non habeat, ejus Jurisdictio desiisse censenda est, si alio titulo approbatus non fuit, adeoque nova indiget approbatione. Hinc Sacra

Con-

Congregatio Cardinalium Concilii Tridentini Interpretum interrogata, *An Sacerdos, qui aliquando approbatus, & idoneus judicatus sit, atque ideo in Parochum assumptus fuerit, dimissâ postea Parochiali, haberi etiam nihilominus debeat adhuc idoneus ad Confessiones valide audiendas, ita ut hac particula Decreti Concilii, Beneficium obtineat, extendatur etiam, &c. vel obtinuerit?* Respondit, *Non haberi.* Ita refert Barbossa, P. 2. De Officio & Potestate Episcopi, Allegatione 25. §. 16.

543. Parochi licentiam dare non possunt audiendi Confessiones in Parochia sua aliis Sacerdotibus ab Episcopo non approbatis. Id olim ex consuetudine recepta potuisse Parochos, quidam colligunt ex *S. Thoma* in 4. *Sententiarum*, seu Supplementi Quæst. 8. Articulo 5. sed si viguit olim ista consuetudo, nunc certè abrogata est Cap. 15. Sessionis 23. Concilii Tridentini, quod incipit, *Quamvis Presbyteri*, quo sancitum est neminem Sacerdotem posse Confessiones sæcularium, etiam Sacerdotum, audire, nec ad hoc idoneum censerì, nisi aut Parochiale Beneficium obtineat, aut ab Episcopo fuerit approbatus, *Privilegiis & consuetudine quacumque, etiam immemorabili, non obstantibus.*

544. Idem confirmatur ex *S. Raymundo*, Libro 3. De Pœnitentiis & Remissionibus, §. 15. scribente: *Proprius Sacerdos non*

PARS I.

Art. 5.

§. 7.

*Quibus
Parochi
licentiam
dare pos-
sint exci-
piendi
Confessio-
nes in sua
Parochia.*

PARS I.

Art. 5.

§. 7.

potnit dare Jurisdictionem sive potestatem talem: sed Episcopus solus potest illis qui sunt in suo Episcopatu, non tamen aliis qui sunt in aliis Episcopatibus.

*Quid possint Paro-
chi extra
suarum
Parochia-
rum fines
respectu
sibi non
subdito-
rum.*

545. Parochi extra suarum Parochiarum fines Confessiones audire non possunt eorum qui Parochiali suæ Curæ non sunt subditi, nisi Episcopus hanc ipsis potestatem per totam Diocesim concesserit, aut ita se habeat consuetudo ab Episcopo approbata. Parochialis enim Beneficii titulus nullam ipsis nisi in Parochianos suos Jurisdictionem tribuit; adeoque alios absolvere non possunt, nisi ab Episcopo fuerint ad hunc finem approbati.

*Parochi
facile
concedere
debent li-
centiam
alteri con-
fiteri
tempore
Paschali.*

546. Parochi faciles esse debent ad præbendam licentiam alteri confitendi tempore Paschali. Ita S. Thomas, Quæst. proximè citata art. 4. ad sextum. In hoc, inquit, quod oportet Proprio Sacerdoti confiteri, non arctatur via salutis, sed sufficiens ad salutem via statuitur. Peccaret autem Sacerdos, si non esset facilis ad præbendam licentiam alteri confitendi, quia multi sunt adeo infirmi, quod potius sine Confessione morerentur, quam tali Sacerdoti confiterentur. Unde illi qui sunt nimis solliciti, ut conscientias subditorum per Confessionem sciant, multis laqueum damnationis injiciunt; & per consequens sibi ipsis.

547. Confirmat id S. Carolus Borromæus in Synodo Diocesana undecima, in Monitis quæ

quæ ad Sacramenta pertinent . *Parochus unusquisque*, inquit, *in Urbe Parochiales suos generatim ineunte Quadragesimâ hoc moneat*, ut cum ipse multis occupationibus eo tempore distineatur, quicumque aliis Confessariis Sacerdotibus approbatis, quos maluerint, confiteri velint, eos ad confitendum adeant, & Confessionis testimonium scriptum ante Hebdomadam Sanctam ipsi Parocho tradant . In Diœcesi autem & generatim & sigillatim Parochus se facilem prabeat, in consentiendo Parochialibus suis, de quibus nulla sit suspicio, eos medicina vitandæ causâ Parochi iudicium subterfugere, ut ad alios Confessarios à nobis testimoniò scriptò probatos se conferant, qui peccatorum suorum Confessionem audiant . Immo verò eam facultatem spontè sigillatim offerre debet iis, qui lites, controversias, dissensionē sive secum exercuerint, exercētve, de iis præsertim rebus, quæ ad munus spirituale Parochialis Curæ non attinent . Quâ in re si Parochus defuerit, tunc Vicarius foraneus facultatem concedat licet, ut alios Confessarios adire possint . Verùm ne idem Vicarius foraneus & Parochus generatim consentiat, eos à quo maluerint Confessario audiri, sed ab eo quem ipse, vel Parochus, vel Vicarius maluerit, vel ab illo quem ex pluribus piis & peritis ab eodem Parocho & Vicario propositis, Pœnitens ipse sibi delégerit .

PARS I.
Art. 5.
§. 7.

S. Carolus
Borromeus.

548. Diœcesana Synodus Lingonensis

Synodus

Y 3

anno

PARS I. anno 1084. idem decreverat. *Quia*, inquit,
 Art. 5. *tam de Jure, quam per Doctores; sunt causa*
 S. 7. *propter quas aliquis Parochianus justè posset*
 Lingonen- *refutare confiteri Curato, vel Vicario sua*
 sis. *Parochiæ, quas non posset faciliter coram Su-*
periore proponere; idcirco statuimus, quòd
cum aliquis Parochianus de cetero à Curato
vel Vicario petet sibi dari licentiam alteri
confitendi, Curatus concedat faciliter abs-
que magna inquisitione causæ. Quòd si Cu-
ratus recusaret, Nos tenore præsentis Sta-
tuti, petitâ prius à Curato, & non concessâ
eidem de gratia concedimus, salvo in aliis
jure Curati.

Advena , 549. Advenæ, peregrini, vagi, & qui
 peregrini, vagi
 & c. plura domicilia in diversis Parochiis habent,
 Confessionis annuæ præcepto satisfaciunt, si
 Parocho seu Coadjutoribus illius Parochi
 confiteantur, in cujus Parochiæ territorio
 Paschali tempore commorantur. Ita S. Ca-
 rolus in Concilio Diœcesano undecimo.

Confessio- 550. Regulares, ab Episcopo genera-
 nes infir- tim, & absque ulla prorsus exceptione & re-
 morum. strictione approbati, Confessiones sæcula-
 rium infirmorum audire possunt: tenentur
 tamen Parochum de hujusmodi Confessionibus
 certiore facere. Expedit etiam ut Pa-
 rochum adeant antequam Confessionem ex-
 cipiant, & cum illo de statu infirmi confe-
 rant, si id fieri possit. Diœcesana denique
 Statuta & Mandata Episcoporum observan-
 da sunt.

551. *Clementis X. Constitutio, quæ incipit, Superna magni Patris-familiæ, edita Tom. V. Bullarii Romani, pag. 494. quæ declarat Summus Pontifex, Semel simpliciter approbatos posse in Diœcesi Episcopi approbantis quovis anni tempore, etiam Paschali, & quorumcumque etiam infirmorum Confessiones audire absque ulla Parochorum licentia. De qua tamen Confessione teneri dictos Religiosos eorundem infirmorum Parochum illico certiores reddere. Et hoc posse illis ab Episcopo sub pœna Suspensionis à facultate audiendi Confessiones præcipi: sufficere tamen ut certioratio hujusmodi fiat saltem per scripturam apud ipsum infirmum relinquendam.*

552. Parochos inter & Regulares Confessores, concordia maxima esse debet ad Animarum salutem promovendam, & Fidei ædificationem. *S. Carolus Borromeus; in Instructionibus Confessorum hæc habet, Confessores Regulares, qui potissimum extra Urbem degunt, cum locorum Parochis, ubi aut habent Monasteria, aut concionantur, aut quacumque ex causa ibi Confessiones audiunt, ita conveniant; ut Pœnitentes non absolvant, qui viventes cum scandalo in peccato perseverant, aut Pœnitentiis publicis ipso facto subjiciuntur, aut ad legatorum piorum, similiumque rerum restitutionem tenentur, qui propterea à Parochis non absolverentur, nisi prius his obligationibus sa-*

PARS I.
Art. 5.
§. 7.
Clementis X. Constitutio.

De Concordia Parochos inter & Regulares.

PARS I.

Art. 5.

§ 7.

tisfecissent . Ideo Regularium Superiores Confessarios suos sæpius moneant, & ad hanc animorum unionem , in Fidelium ædificationem adhortentur : curéntque inprimis , ut dum in casuum resolutione diversa inter eos & Parochos sententia fuerit , prudenter in eo se gerant , & ad Laïcorum notitiam id non veniat , sed ad nos pro decisione recurrant . Et S. Thomas Supplem. Q. 8. A. 5. ad 4. BONUM EST , inquit, QUOD ILLE QUI AUCTORITATE EPISCOPI CONFESSIONEM AUDIT , INDUCAT CONFITENTEM AD HOC QUOD CONFITEATUR PROPRIO SACERDOTI : Quod si noluerit , nihilominus eum absolvere debet . Ad reverentiam erga proprium Sacerdotem , ad fiduciam in Pastore animarum suarum , adhortari fideles , nostrò certè ministeriò dignum fuerit .

Regulares non possunt absolvere à casibus reservatis absque speciali facultate.

553. Confessarii Regulares ab Episcopo approbati, absolvere non possunt à Casibus Summo Pontifici, aut ipsi Episcopo reservatis, nisi specialem ab ipsis acceperint potestatem : nullaque illis Privilegia quoad hoc suffragantur . Hinc *Alexander VII.* plurimas inter Propositiones , quas minimùm tanquam scandalosas damnavit , & publicè vel privatim propugnari aut doceri prohibuit sub pœna Excommunicationis ipso facto incurrendâ , & ad praxim deduci sub interminatione divini Judicii , die 24. Septembris , A. 1665. hanc ordine duodecimam

Propositiones damnatae.

Apo-

Apostolicâ cēsurâ confixit: *Mendicantes possunt absolvere à Casibus Episcopis reservatis, non obtenta ad id Episcoporum facultate.* Et rursus die 18. Martii, A. 1666. hanc inter alias Propositionem damnavit paritèrque prohibuit ordine trigessimam-sextam: *Regulares possant in foro conscientiaē uti Privilegiis suis, quæ sunt expressè revocata per Concilium Tridentinum.*

PARS I.
Art. 15.
§. 7.

554. Et Clemens X. Constitutione quæ incipit, *Suprema magni Patris-familias*, declarat, *Ex facultatibus per Mare Magnum, aliave Privilegia Regularibus cujuscunque Ordinis, Instituti, aut Societatis, etiam JESU, concessis, factam eis non esse potestatem absolvendi in Casibus ab Episcopo sibi reservatis.* Et per Confirmationes dictorum Privilegiarum, quas Regulas à Sede Apostolica post Sacrum Concilium Tridentinum obtinuerunt, nequaquam revixisse Privilegia, prius ab eodem Concilio, aut deinde Apostolicis etiam Decretis sublata atque extincta, si quæ habebant, absolvendi à Casibus Episcopo reservatis.

Clementis
X. Consti-
tutio.

555. Habentes facultatem absolvendi ab omnibus Casibus Sedi Apostolicæ reservatis, non ideo à Casibus Episcopo reservatis, possunt absolvere. Hanc Regulam iisdem verbis tradit Clemens X. in Constitutione mox laudata. Cuique enim Episcopo suam Jurisdictionem integram servare Summi Pontifices volunt, juxta illud S. Gregorii

Qui possunt absolvere à reservatis Papa, non ideo possunt à reservatis Episcopo.

Ma-

PARS I. Magni: *Si sua unicuique Episcopo Jurisdic-
 Art. 5. tio non servatur, quid aliud agitur, nisi ut
 §. 7. per Nos, per quos Ecclesiasticus custodiri
 debuit Ordo, confundatur?*

*A quibus
 possit Con-
 fessarius
 absolvere
 penitentes
 ex aliena
 Diœcesi
 confluen-
 tes.* § 56. Confessarius tum sæcularis, tum
 Regularis Pœnitentes ex alia Diœcesi ad se
 confluentes absolvere potest à Casibus in il-
 la Diœcesi, non autem in Diœcesi ipsius
 Confessarii reservatis, modò deditâ operâ,
 & in fraudem reservationis ad alienæ Diœ-
 ceseos Confessarium sese non contulerint.
 Ita *Clemens X.* in Cōstitutione mox laudata.
 Nempe, reus judicari solet juxta Leges, & Cō-
 suetudines loci in quo reperitur; iter itaque
 agentes, siue peregrini, Casus habentes re-
 servatos Episcopo proprii domicilii, non au-
 tem Episcopo loci in quo reperiuntur, ab iis
 absolvi possunt à quocumque Confessario
 approbato in ea Diœcesi, in qua negotiorum
 causâ versantur, aut per quam transeunt. Si-
 quidem reservatio non afficit Confessarium,
 sed Pœnitentem, qui sortitur forum Pœni-
 tentiale ubi moram trahit, quod ab *Euge-
 nio IV.* declaratum observat *Cajetanus* in
 Summa, verbo *Absolutio*.

*Qui potest
 a reservatis
 Papæ,
 potest a
 Censuris.* § 57. Qui facultatem habent absolvendi
 à Casibus Summo Pontifici reservatis, pos-
 sunt etiam absolvere à Censuris. Cum enim
 nulli Casus Summo Pontifici reservati sint
 absque Censura, concessâ facultate absol-
 vendi à Casibus Sedi Apostolicæ reservatis,
 concessa censetur & facultas absolvendi à
 Censuris, § 58. Si

558. Si periculum mortis immineat, desitque Confessarius approbatus, quilibet Sacerdos potest à quibuscumque peccatis & Censuris absolvere. Concil. Trident. Sessione 14. De Pœnitentia, Cap. 7. *Pid admodum*, inquit, *ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reservatio in articulo mortis: atque idè omnes Sacerdotes quoslibet Pœnitentes à quibuscumque peccatis, & Censuris absolvere possunt. Quoslibet Sacerdotes in articulo mortis à quibuscumque peccatis & censuris absolvere posse cum declarat Sacra Synodus, suspensos, excommunicatos, degradatos, schismaticos, hereticos non excludit, factâ hypothesi quòd nullus præsto sit Sacerdos Catholicus, vel à Censuris liber. Censet tamen S. Raymundus, neminem teneri in ea hypothesi confiteri peccata Sacerdoti Heretico, Schismatico, vel Excommunicato; imò Confessionem hujusmodi hominibus etiam in mortis articulo dissuadet ob subversionis periculum. (Lib. 3. §. 16.) Cum etiam in mortis articulo nullam esse reservationem Concilium ait, de mortis periculo idem intelligendum est, ut explicat Rituale Romanum. Accedit, quòd Canones absolvendi potestatem concedentes non distinguunt inter articulum & periculum mortis, ut constat ex Cap. *Eos qui*, Tit. De Sententia Excommunicationis, in Sexto. Et ex Can. *Si quis*,*

PARSI. *quis*, Causâ 17. Quæst. 4. & ex Cap. *Ea*
 Art. 5. *nos citur*, Extra, *De Sententia Excommuni-*
 S. 7. *cationis*. Et *S. Thomas*, in 4. *Sententiarum*,
 seu *Quæstione* 8. Supplementi, *Articulo*
sexto.

Ad quid 559. *Qui* ob mortis periculum fuerint
teneantur absoluti à Censuris Superiori reservatis, si-
*qui in*istere se tenentur ei cui reservata sunt, quam-
*meritis pe-*primùm convaluerint, non quidem ut rur-
*riculo ab-*sus absolvantur, sed ut Mandatis ejus pa-
*soluti sunt*reant: idque nisi præstiterint, in easdem
*à reserva-*Censuras incurrunt. Cap. *Eos qui*, Tit. *De*
tis. *Sententia Excommunicationis*, in Sexto, *S.*
Thomas, *Quæstione* & *Articulo* supra cita-
tis, in *Responsione* ad secundum.

Casus re- 560. *Casus* Summo Pontifici & Episco-
*servatos*pis reservatos singuli Confessarii nosse de-
*nosse de-*bent, eûsque apud se descriptos, aut ipsis
*bent Cen-*Confessionalibus intus affixos habere decet.
fessarii Ita statuit *S. Carolus* in Conciliis plerisque
 suis, & in *Instructionibus*. (*Casus* illos vide
 Tom. 2. sive 2. Part. hujus *Compendii* *Ar-*
ticul. 2.)

Casus 561. Superiores Regularium certos
*quos Su-*dumtaxat *Casus* sibi reservare possunt. *Cle-*
*periores**mens VIII.* Pontifex Maximus Decreto edi-
*Regula-*to anno 1543. quo sanxit ne subditorum
*rium sibi*Abolutiones sibi reservarent, nisi in *Casi-*
*reservare*bus sequentibus, cum hæc scilicet crimina,
possunt. aut aliquod ex illis commiserunt:

562. I. *Veneficia*, *incantationes*, *for-*
tilegia.

II. *Apo-*

II. *Apostasia à Religione, sive habitu dimisso, sive retento, quando eo perveniret, ut extra septa Monasterii seu Conventus fiat egressio, etiam non animo apostatandi facta.*

III. *Proprietas contra votum paupertatis, quæ sit Peccatum mortale; qualis est receptio, detentio, vel donatio rei notabilis absque Superiorum licentia.*

IV. *Juramentum falsum in Judicio Regulari, seu legitimo.*

V. *Procuratio, auxilium, seu consilium ad abortum faciendum animati fetus, etiam effectu non sequuto.*

VI. *Falsificatio manûs aut sigilli Officialium, Monasterii aut Conventus.*

VII. *Furtum de rebus Monasterii seu Conventus, in eâ quantitate, quæ sit peccatum mortale.*

VIII. *Lapsus carnis voluntarius opere consummatus; quo nomine non sola copula, sed voluntariæ etiam & solitariæ pollutiones intelliguntur.*

IX. *Occisio, seu vulneratio, aut gravis percussio cujuscunque personæ.*

X. *Malitosum impedimentum, seu retardatio aut apertio litterarum à Superiori ad inferiores, aut ab inferioribus ad Superiores.*

Si quid aliud Superioribus reservandum videbitur, Pro Religionis conservatione, aut conscientia puritate, id fieri Pontifex non permittit, nisi ex deliberatione & consensu

PARS I. Generalis Capituli, in Ordine; aut Provincialis in Provincia.

Art. 5. S. 7. *Quid facere debeat Confessarius, qui eum à casibus reservatis absolvit quem absolvere non poterat.* 563. Confessarius qui legitimâ potestate destitutus Pœnitentem à Casibus reservatis absolvit, illum ad sacrum Tribunal, si fieri potest, revocare tenetur, & obtentâ facultate absolvere, aut monere de errore, ut Superiorem adeat: si verò non potest, Pœnitentiam agere ipse debet. Sic respondet *S. Antoninus*, 3.P. Tit. 17. Cap. 12.

Qui sic absolvit, Excommunicationem ipso facto incurrit. 564. Nullam quidem *S. Antonini* tempore sic absolventes: sed nunc Excommunicationem ipso facto incurrunt, qui absolvere audent vel præsumunt à Casibus Sedi Apostolicæ, aut Ordinariis locorum reservatis, ut constat ex Decretis Sacræ Congregationis Cardinalium negotiis Episcoporum & Regularium præpositorum à *Clemente VIII. Paulo V. & Urbano VIII.* confirmatis. Audent autem & præsumunt, qui scientes absolvunt, vel ex ignorantia Juris crassa aut affectatâ.

Confessarius Ordinarius sine causa non mutandus. 565. Confessarius Ordinarius sine causa mutari non debet. *S. Carolus Borromæus*, in Instructionibus Confessorum: *Si aliqui sine causa Confessorem Ordinarium, ipsis ad animæ salutem admodum utilem cognitum reliquerint; quo poterit modo, ad eundem remittantur; & eorum negligentiam Confessor insectabitur, qui pro Confessore virum spiritualem & peritum non solent eligere, aut qui damno suo frequenter adeo mutant.*

Nam

Nam sicut Medici, qui naturam & infirmorum temperamentum ex praxi norunt, utpote remediorum ad infirmitatem curandam magis utilium peritiores, facile non mutantur; sic etiam nec Pœnitentes suum debent dimittere spiritualem Medicum, qui eorum animæ necessitatum peritus, opportuniora magisque utilia remedia potest eis assignare. Si tamen aliqua ex causa admittat aliquem alteri probo Confessori confiteri solitum, cum hujus participatione id fieri juvat, vel cum Pœnitens ab eo licentiam prius habuerit.

566. At neminem juramento vel voto devincire potest Sacerdos, ut alium Confessarium non eligat: & hujusmodi promissio, etiam juramento aut voto firmata, irrita est, Has enim promissiones periculi plenas esse & multis sacrilegiis viam aperire, certum est. Quamobrem Concilium Mechliniense anno 1607. celebratum, & à Paulo V. Pontifice Max. confirmatum ita statuit: Nemo aliquem ad sibi soli perpetuò confitendum obliget, & ejusmodi promissionem etiam juratam, tanquam irrationabilem & indiscretam, hac Synodus irritam esse declarat, & quatenus opus est, irritat.

Nec Voto nec iuramento devincendus pœnitens.

567. Sacerdos ad Confessionem admittere non debet imparatos. Ita statuit S. Carolus in Instructionibus Confessorum. Monemus (inquit) ne ad Confessiones admittant, quos sine debita interiori aut exteriori

Imparati ad Confessionem non admittendi.

PARSI. *ri præparatione accedentes viderint : eos*
 Art. 5. *ideo verbis quidem lenioribus pro cuiusque*
 §. 7. *capacitate, præparandos dimittant.*

Nullus Confessor mulieres excipiat, quæ
Nec Mu- *ad eum accedunt cum pigmentis, fugo, inau-*
lieres cū *ribus, variis ornamentis, & ex auro phry-*
vano ni- *gio vestibus, aliisque vano simili apparatu,*
mis orna- *sed quæ nonnisi habitu modesto & simplici*
mento ac- *induantur, & velato capite, ita ut velum*
cedentes. *non sit subtilius, sed pannum sit ex lino, aut*
lanæ, aut sericum colore obscuro tinctum:
cum ea denique quæ ad tantum Sacramen-
tum, & ad compunctionem, seu contritio-
nem, cum qua ad Dei tremendi Tribunal &
Judicium, misericordiam & veniam im-
ploratura peccatrix sisti debet, reverentiâ
requiretur.

Nec Viri *Idem cum viris observetur: nec ad Con-*
pârter. *fessionem ii admittantur, qui variis orna-*
mentis, auro aut argento, aut pileorum or-
natibus exculti, aut cum armis, & huius-
modi rebus, ad Sacramentum audent ac-
cedere.

Animi *Sed in primis attendant ad animi præpa-*
præpara- *rationem ad hoc Sacramentum accedentibus*
no in pri- *necessariam; quæ in peccatorum discussione*
mis neces- *consistit, in dolore de peccatis, & pro iis sa-*
saria. *tisfaciendi & impofterum emendandi propo-*
sito. Qui ergo sine tali præparatione inventi
fuerint, eos Confessor moneat & instruat, ut
alia vice cum præparatione debitâ rever-
tantur.

Argu-

Argumenta autem unde cognosci possit num imparati Pœnitentes accedant, sunt: si ab aliquo temporali exercitio ad Confessionem transeant, non interposito debito pro oratione temporis spatio: aut si peccatorum commissorum non recordari dignoscantur: aut si Confessor aliunde noverit eos adhuc in illicitis exercitiis, aut in peccato, aut in occasione ad illud inducente, quam vitare non sincerè polliceantur, versari: aut si, cum potuerint, bona aliena non restituerint.

PARS I.

Art. 3.

§. 8.

Imparati
anivi ar-
gumenta.

§. VIII.

De Sigillo Confessionis.

568. **V**iolatio sigilli Confessionis mortale semper peccatum est, seu mortalia, seu venialia dumtaxat peccata Pœnitentis revelet Confessarius. Fit enim gravis injuria Sacramento, & Confessio redditur odiosa & onerosa, etiamsi peccatum dumtaxat veniale in Confessione auditum speciatim reveletur. Dixi speciatim, quia sigilli non censetur infractor, qui Pœnitentem venialia sibi confessum esse ait, cum nemo ad Confessionem accedat, nisi peccata saltem venialia deponere velit apud Sacerdotem: quæ autem venialia sit confessus, non aperit. Si tamen plurium Confessiones exceperit, & dicat; Talis sola venialia mihi confessus est, sigillum violat, siquidem

Sacrum
Confessio-
nis arca-
nū, quāto
rigorose
obligat.

P ARSI, tacitè innuit alios sibi peccata lethalia fuisse
Art. 5. confessos .

S. 8. 569. Periculo violandi sigillum Con-
De audi- fessionis exponit se Sacerdos, qui de rebus
tis vel fa- in Confessione auditis vel à se factis impru-
His in denter loquitur . Periculum enim est, ne
Confessio- personam Pœnitentis manifestet ; aut ne au-
ne pericu- dientes in illius cognitionem aut suspicio-
losè lo- nem veniant .
quuntur
Confessa-
rii .

Exempla 570. Exemplis rem illustro . Confessa-
periculosa rius loquax & imprudens ait : Titius mihi
de auditis gravia peccata , vel Casum reservatum con-
in Confes- fessus est . Hunc ad Pœnitentiarium remisi .
sione locu- Hanc injunxi Pœnitentiam Petro : & ante ,
tionis . vel postea dixit , Hanc impono Pœnitentiam
 illis qui ita deliquerunt . Alius de loco angu-
 sto , in quo Confessiones excepit, multos ait
 esse fures , fornicatores , adulteros : aut in
 quopiam Monasterio plures esse proprieta-
 rios , aut impudicos . Alius ait : Utinam
 omnes mulieres , quarum Confessiones ex-
 eipio , æquè castæ essent ac Susanna ! vel , ex
 omnibus quas audiui , puellis , paucæ sunt
 virgines . Alter dicit : Aliquis ex isto Colle-
 gio , vel ex ista Communitate tale delictum
 admisit . Alter Patri-familiâs , aut Superio-
 ri alicujus Religiosæ Domûs , aut Ecclesia-
 sticæ vel Laicæ Societatis ait ; Attende , vi-
 gila , observa , Unus è tua familia , domo ,
 societate fur est ; aut mortem tibi machina-
 tur ; aut filia tuæ pudicitia in domo tua tuta
 non est . Alius ait : Prima mulier, cujus Con-
 fessio-

fessionem audiui, fidem fefellerat marito. PARS I.
 Alius alicui ex suis Pœnitentibus in iurgio Art. 5.
 ait: Novi qualis sis: vel, Probè nosti me sci- §. 8.
 re unde pudore suffundi deberes. His om-
 nibus modis sigillum Confessionis violatur;
 quia vel manifestatur personâ peccatoris, vel
 audientibus aperitur via ut in illius cogni-
 tionem aut suspensionem veniant. Qui au-
 tem jocando referunt peccata in Confessione
 auditâ, etsi nullum esse videatur periculum
 infamiæ in Pœnitentem derivandæ; graviter
 tamen peccant contra Religionem Sacra-
 mento debitam.

571. Qui per Confessionem novit pec- *Qui se*
 catum vergens in magnum Ecclesiæ vel *gerere de-*
 Reipublicæ damnum, illius reos detegere *beat, qui*
 absque sacrilegio non potest. Ita docet S. *per Con-*
 Thomas, Quodlibeto 12. Quæst. 10. Art. 1. *fessionem*
novit pec-

572. Nec tamen (inquit idem Sanctus *catâ ver-*
 Doctor in 4. Sententiarum, sive Supplemen- *gens in*
 ti Quæst. 11. Art. 1. ad primum) *magnum*
Ecclesiæ
vel Rei-
publicæ
damnum.
 Confessionis contra caritatem militat, quia
 caritas non requirit quid apponatur reme-
 dium peccato quod homo nescit. Illud au-
 tem quod Confessione scitur, est quasi nesci-
 tum, cum illud nesciat aliquis ut homo, sed
 ut Deus.* Tamen aliquod remedium adhi-
 bere debet in prædictis Casibus, quantum
 potest sine revelatione Confessionis, sicut mo-
 nendo eos qui confitentur, & aliis diligen-
 tiam apponendo ne corrumpantur per bare-
 sim. Potest etiam dicere Prælato, quod di-

* Sive ut
 Dei Mi-
 nister.

PARS I. *ligentius vigilet super gregem suum: ita tamen ut non dicat aliquid per quod verbo vel nutu confitentem prodas.*

Testimonium de Vita & Moribus denegari non potest ob crimen ex sola Confessione notum.

573. Nec Parochus, nec Seminarii Superior, sive Moderator ac Director Ordinandorum, Clerico, ob crimen in Confessione auditum, & ex solâ Confessione notum, denegare testimonium de vita & moribus, aut de spiritualibus Exercitiis ritè peractis potest: nec Parochus à Matrimonio repellere Pœnitentem ob impedimentum occultum, ex sola Confessione sibi cognitum. Violarent enim sigillum Confessionis, ipsam redderent odiosam, & injuriam facerent Sacramento. Unde sicut occulto peccatori Eucharistiam publicè petenti Sacerdos negare non potest, nec debet; sed privatim tantum monere tenetur, ne ad Eucharistiam accedat antequàm se probaverit, & conscientiam expurgaverit, fueritque sacramentaliter absolutus; (ut docet S. Thomas 3. P. Q. 80. A. 6.) Ita Seminarii Superior, aut Director Ordinandorum, & Parochus, monere quidem debent, & divini Judicii metu à Sacris Ordinationibus, aut à Matrimonio deterrere eos, quorum crimina vel impedimenta occulta ex solâ Confessione noverunt, quibus indigni, vel inhabiles (ut ita loquar) facti sunt ad Ordinem suscipiendum, aut Matrimonium contrahendum: debent illis in foro Pœnitentiæ Dei Omnipotentis nomine prohibere, ne se sistant.

stant Ordinandos, aut Matrimonium contrahant impedimentis manentibus: sed nec Episcopus Ordines, nec Seminarii Superior, aut Ordinandorum Director testimonium; nec Prælati Regularis licentiam; nec Parochus Nuptialem Benedictionem, negare debent eis, quorum crimen vel impedimentum ex solâ Confessione noverunt: nisi alia ratio legitima & sufficiens, & extra Confessionem cognita, sufficiat ad hæc illis deneganda.

574. Qui crimen ab aliquo perpetratum ex sola illius Confessione novit, nullâ Ecclesiæ Censurâ, nullô Superiorum præcepto ad illud revelandum cogi potest. Cap. *Dilectus*, Extra, *De excessibus Prælatorum*. S. Thomas, in 4. Sententiarum, sive Supplementi Quæst. 11. Art. 1. ad secundum.

575. Si quis Confessarius in Jus vocetur ad dicendum testimonium, & interrogetur à Judice de crimine quod ex solâ Confessione novit, illud revelare non tenetur, nec potest, sed tutâ conscientiâ respondebit, Se nescire. Nam, (ut ait S. Thomas in Respon- sione ad tertium.) *Homo non adducitur in testimonium, nisi ut homo: & ideo sine la- sione conscientie potest jurare se nescire, quod scit tantum ut Deus.* Si autem interrogetur utrum Confessionem Titii audiverit, respondere debet se audivisse. At si Judex urgeat, quærâtque num tale peccatum confessus fuerit, respondere debet, Hanc impiam

Nulla præcepto, aut censura adigi potest Confessarius ad revelandû crimen ex sola Confessione notum.

Quid à Iudice interrogatus Confessarius de crimine ex sola Confessione noto respondere debeat?

PARS I.

Art. 1.

§. 2.

esse quæstionem, se ad respondendum huic interrogationi non teneri, se penitus nescire. Si rursus quærat, an ipsum absolverit: respondere debet, se partes suas implevisse. Cum enim ex Absolutionis negatione colligi possit hominem gravis alicujus peccati reum esse, quod dimittere nolit; sacrum sigillum violat, qui Absolutionis Beneficium se negasse ait tali homini, cujus Confessionem excepit.

*Regula-
rium Su-
periori-
bus, ne no-
titia per
Confessio-
nem par-
ta, quovis
modo utâ-
tur veti-
tum est.*

576. Quamvis re absolutè spectatâ licitum videatur Prælato subditum ab Officio remove propter crimen quod ex solâ Confessione novit, ubi revelandæ Confessionis periculum abest: Ecclesiastica tamen Lege id omnino prohibetur. Nam *Clemens VIII.* Pontifex Maximus Decreto edito die 16. Maii anno 1514. Regularium Superioribus vetuit, ne notitiâ per Confessionem partâ ad exteriorem gubernationem quovis modo uterentur. *Tam Superiores* (inquit) *pro tempore existentes, quàm Confessarii qui postea ad Superioritatis gradum fuerint promoti, caveant diligentissimè ne eâ notitiâ, quam de aliorum peccatis in Confessione habuerunt, ad exteriorem gubernationem utantur.* Atque ita per quoscumque Regularium Superiores, quicumque illi sint, fieri mandavit.

*An negari
possit Suf-
fragiû ob-*

577. Sacerdos qui ex sola Confessione novit aliquem indignum esse Ecclesiastica Dignitate vel Præfectura, suffragium illi negare

gare potest , & illius electioni contradicere . **PARS I.**
 Multis enim aliis rationibus moveri aliquis **Art. 5.**
 potest ad suffragium alteri negandum , quàm **§. 8.**
 ex peccato cognito , nempe ex defectu æta- **negotiam**
 tis , scientiæ , industriæ , &c. & quia novit **habitam**
 alios digniores . *Ex multis aliis causis* (in- **in Confes-**
 quit S. Thomas) *redditur quis indignus ad* **sione ?**
Prælationis Officium , quàm ex peccato ; si- **S. Thomas**
cut ex defectu scientiæ vel ætatis , vel alicu-
ius huiusmodi ; & ideo qui contradicit , nec
suspicionem de crimine inducit , nec Confes-
sionem revelat .

578. Idem docet S. Antoninus 3. P. Tit. **S. Antoni-**
 16. Cap. 22. *Qui liberam electionem habet ,* **nus .**
 inquit , licet per solam Confessionem sciat ali-
 quem indignum ad Prælaturam , ad quam
 eligitur , quem aliàs putabat dignum , non
 debet eligere ex conscientia sibi sic dictante :
 quia eligendo scienter dignum vel indi-
 gnum , negotium geritur inter ipsum &
 Deum ; unde potest etiam ex his quæ scit ut
 Deus , judicare in proposito :

579. Qui publici peccatoris Confessio-
 nem excepit , negare illi Eucharistiam pu-
 blicè etiam petenti potest ac debet , si ad Sa-
 cram Mentem accedat antequàm scanda-
 lum palam removerit , & manifesta Conver-
 sionis dederit argumenta . Publico enim
 peccatori ante Pœnitentiam neganda est Eu-
 charistia , ne *Sanctum detur canibus* : ac
 quantumvis confessus fuerit , publicus pec-
 cator est , nisi scandalum tollat , verbi gra-
 tiâ ,

Qui pu-
publici pec-
catoris
Confessio-
nem exce-
pit negare
illi Eu-
charistia
potest ; ac
debet etiam
publicè
petenti

PARS I.

Art. 5.

§. 8.

*absq. sigilli
li viola-
tione.*

*Quomodo
hic se ge-
rere de-
beat Con-
fessarius.*

tiā, nisi concubinam ejiciat concubinaris;
fœnus exercere desinat, usurāsque restituat
usurarius, theatrum dimittat histrio, &c.
Removendus est igitur ab Altari.

§80. Nec propterea sacrum Confessio-
nis sigillum violatur, modò Confessarius non
dicat, Se illum non absolvisse, aut ex ejus
Confessione compertum & exploratum ha-
bere quòd Pœnitentiam non egerit; sed ita
se gerat ac si Confessionem illius non exce-
pisset, dicātque: Ille hætenus publicus
concubinaris fuit, vel publicus usurarius,
vel histrio, vel publicas inimicitias exer-
cuit, & in eodem peccato manere videtur.
Publico autem peccatori Communionem
publicè præbere non licet, donec publicè
constet ipsum peccatum dimisisse: propterea
illi Corpus Christi non præbeo.

*Confessio
qualibet
Sacramen-
talis, etiā
invalida,
sigilli ne-
cessitatem
includit.*

§81. Confessio quælibet Sacramentalis,
quæ scilicet fit Sacerdoti, aut qui Sacerdos
esse creditur, animo se accusandi, & pecca-
ta sua Clavibus Ecclesiæ subjiciendi, quam-
vis sit invalida, sacri sigilli necessitatem in-
ducit. Cap. *Quod quidam*, Extra, *De Pœ-
nitentiis & Remissionibus*, quod est *Alexan-
dri III.* Responsum.

*Quid hic
Confessio
Sacramen-
talis?*

§82. Si quis igitur bona fide accedat ad
pedes Sacerdotis, sine contritione quidem,
sine melioris vitæ proposito, sed tamen eo
animo ut se accuset coram illo ceu Dei Mi-
nistro, ut aliquo modo Ecclesiæ satisfaciat,
ut Confessarii consiliis juvetur, hujusmodi

Con-

Confessio Sacramentalis est , & peccata in ea declarata sigillò celanda sunt : alioqui fidelibus fiducia omnis tolleretur , & Confessio odiosa redderetur . At verò si peccator specie Confessionis ad Sacerdotis pedes involvatur , non tamen ut se de peccatis accuset , ut conscientia suæ pondus exponat , sed solo animo irridendi , decipiendi , corrumpendi Confessarium , sive ipsum in consortium sui peccati , verbi gratiâ hæresis , schismatis , conjurationis , libidinis pertrahendi , Confessio illa non est Sacramentalis , nec sigilli religionem inducit .

483. Peccata consciorum , vel aliorum à Pœnitente in Sacramentali Confessione Sacerdoti declarata , eodem sigillo celanda sunt quò peccata ipsius Pœnitentis . Hæc enim vel ad Confessionis integritatem spectant ; vel priorum peccatorum expositioni à Pœnitente rudi & imperito conjuncta sunt . Deinde ex peccato complicitis plerumque agnosci potest peccatum Pœnitentis . Tandem Confessio alioquin odiosa & onerosa fieret .

584. Sigillò Confessionis ea omnia claudi debent , quæ in Confessione audita sunt , sive ut famæ ac pudori Pœnitentis consuletur , sive ut scandalum vitetur . *S. Thomas* in 4. *Sententiarum* , sive Supplementi Quæstione 11. Articulo 2. Sacrilegii ergo reus esset Confessarius , qui vel natalium defectum , vel aliquem alium defectum naturalem , aut

PARS I.
Art. 5.
§. 8.

Si animo fiat irridendi aut decipiendi , non est Sacramentalis , nec sigilli obligationem inducit .

Peccata consciorum à Confessore celanda.

Et quidquid in Confessione auditum est , quod penitenti posset donum asferre .

PARS I.

Art. 5.

S. 8.

infamiae notam Pœnitenti vel ejus familiæ innotam, & in Confessione Sacramentali ab illo sibi declaratam, nec aliunde notam, aut quidvis aliud in ipsa Confessione auditum, (quamvis ad ipsam non pertinens) ex quo pudor, dedecus, aut quodvis damnum inferri vel accidere posset Pœnitenti, aut mala de ipso suspicio generari, quovis modo revelaret.

*Quinam
præter
Confessa-
rium Sa-
cri Sigilli
lege tenen-
tur.*

§ 85. Non solus Sacerdos Pœnitentiæ Minister, sed omnes & singuli qui peccata Pœnitentis ex Confessione, aut cum ordine ad illam, sive immediatè, sive mediatè noverunt, eâdem sacri sigilli lege tenentur. Illi scilicet, qui vel maligno animo, vel casu, & sine culpâ, aliquid ad Confessionem pertinent audiverunt; ille qui cum Sacerdos non sit, tanquam Sacerdotem se gerens, aut furtim in Sacrum Tribunal irrepens, Confessionem excipere præsumit, aut divinum illud Ministerium sibi palam arrogat, sicut olim Abbatissæ quædam Monialium sibi subditarum Confessiones audiebant, quarum absurdam audaciam coërcet *Clemens III. Cap. Nova quædam*, Extra; *De Pœnitentiis & Remissionibus*; item illi quibus peregrinæ linguæ homines Confessionum suarum interpretibus utuntur, Item illi, quibus Confessarius vel ex deliberata malitia, vel imprudenter, consilium petendo, aut aliis de rebus intemperanter loquendo, peccata in Confessione audita revelat, Item qui

char-

chartam in quâ peccata Confessario exposita descripta sunt, invenit, legit, vel ejus lectionem audivit. Hi, inquam, omnes sacrilegii rei sunt, si peccatum Pœnitentis, etsi veniale dumtaxat, vel aliquid ad Confessionem pertinens, & unde peccatum & persona, quæ illud commisit, innotescere potest, revelent: quamvis longè gravius sit Sacerdotis qui Confessionem excepit, quàm aliorum sacrilegium. Unde & pœnæ canonicæ in Confessarium dumtaxat sacrum sigillum violantem decretæ sunt.

§86. Ille cujus fidei creditur aliquod arcanum, illudque excipit quasi sub sigillo Confessionis, illud jure naturæ celare tenetur, illudque revelando peccat contra fidelitatem, sed sigillum Confessionis non frangit. Sacri enim sigilli obligatio ex sola Confessione Sacramentali oritur, nec ex hominum institutione aut voluntate originem ducit. Sicut enim ex hominum arbitrio non pendet Sacramenti natura, efficientia, Minister; ita nec in eorum potestate est ut arcanum aliquod extra Sacramentalem Confessionem alterius fidei commissum, obliget ut sigillum Confessionis, ita ut prodi non possit absque sacrilegio. Quamobrem, si hujusmodi arcanum vergeret in damnum Ecclesiæ, Reipublicæ, Principis, alicujus tertii, illud revelare non solum posset, sed deberet qui illud excepit quasi sub Confessionis sigillo, etiam si flexis genibus, signo crucis

Quatenus arcanum celare tenetur, qui illud quasi sub sigillo confessionis accipit.

PARS I.
Art. 5.
§. 8.

se muniens, & præmissô, *Confiteor*, id apud ipsum aliquis deposuerit: quia nec animo se accusandi quis arcanum suum in amici sinum effundit, aut Ecclesiæ Clavibus illud subijcit, quæ ad peccati remissionem institutæ sunt: & arcana hujusmodi non solum profanis hominibus, sed & mulieribus, quasi sub sigillo Confessionis creduntur. Ea S. Thomæ mens est in 4. Sententiarum, sive Supplementi Quæstione 11. Art. 2. ad secundum. *Aliquis*, inquit, *non debet de facili aliquid recipere hōc modo: si tamen recipiat, tenetur ex promissione hōc modo celare ac si in Confessione haberet; quamvis sub sigillo Confessionis non habeat.*

Cum licentia penitentis
Sacerdos peccatum
quod ex illius Confessione
novit revelare potest.

587. Sacerdos, cum licentiâ Pœnitentis, peccatum quod ex illius Confessione novit, aut alia quæ apud ipsum in sacro Tribunali deposuit, alteri revelare potest. Cum enim id possit Pœnitens per se ipsum, quidni & eo autore Sacerdos posset? Duo sunt enim vero propter quæ tenetur Sacerdos peccatum occultare: (inquit S. Thomas in 4. Sententiarum, sive Supplementi Quæstione 11. Articulo 4.) *Primò & principaliter*, quia ipsa occultatio est de essentia Sacramenti, in quantum scit illud ut Deus, cujus vicem gerit in Confessione. Alio modo propter scandalum vitandum. Potest autem confitens facere, ut illud quod Sacerdos sciebat tantum ut Deus, sciat etiam ut homo, quod facit dum licentiat eum ad dicendum. Et ideo,
si

si dicat, non frangit sigillum Confessionis: tamen debet cavere scandalum, dicendo, ne fractor sigilli reputetur. Neque verò ex hoc datur aliqua impunitas malis Sacerdotibus; quia imminet eis probatio (si accusantur) quòd de licentia confitentis revelaverint.

§88. Atque ita Sacerdos quidam Innocentio IV. Pontifici Maximo conjurationem in ipsum factam aperuit, ac Militem ad ejus cædem subornatum denunciavit, cum id omne ex complicitis cujusdam moribundi Sacramentali Confessione didicisset: quod volente & permittente (ut par erat) Pœnitente factum, nullus dubito, quamvis id non exprimat *Matthæus Parisius* ad annum 1247 pag. 486. hanc referens Historiam. Ita etiam Confessarius potest cum licentia Pœnitentis heredes admonere de restitutione rei alicujus facienda.

§89. Cæterùm hæc licentia expressa esse debet, nec sufficit implicita, aut interpretativa. Præterea necesse est ut sponte liberèque concessa sit. Tertio, concessam esse oportet ex causa legitima & in commodum Pœnitentis. Unde si uxor à marito coacta, potestatem faceret Confessario peccatum suum revelandi; aut si reus sponte concederet licentiàm detegendi crimen propter quod capite plectendus est; aut si Confessarius ipse molestus sit Pœnitenti ut ei peccatum suum, aut complicitis personam extra Confessionem aperiat, & revelandi licen-

PARS I.
Art. 5.
§. 8.

*Factum;
singulare.*

*Cautio
hic adhibenda.*

PARS I. centiam concedat, hâc licentiâ uti non potest in violatâ sigilli Religione. Et si Prælatus præcipiat Confessario, ut peccatum aliqujus omnino occultum revelet, illud revelare non debet, etiam cum licentia expressa ipsius Pœnitentis, quia Prælati non est Judex occultorum, & forum contentiosum ac Pœnitentiale non sunt miscenda. Tandem licentia quam dat Pœnitens Confessario revelandi Confessionem, quantumcumque generalis, non intelligitur nisi in bonum confitentis. Ita docet *S. Antoninus*, 3. P. Tit. 16. Cap. 22. §. 1.

Confessarius loqui non potest citra eius consensum de peccatis in Confessione auditis. §90. Confessario cum Pœnitente loqui non licet, citra ejus consensum, de peccatis aliisq; in ejus Confessione auditis. Vix enim hujusmodi colloquium fieri potest, nisi Pœnitens pudore suffundatur, adeoque nisi grave fiat odiosumque Confessionis jugum. Unde *S. Carolus Borromæus* in Instructionibus Confessorum ait: *Si loqui cum Pœnitente necesse sit petitâ ab ipso licentiâ, tum eadem secreti Religione ac in Confessione se teneri noverit.*

Qui ex Confessione noverit, ut aliter etiam an illud revelare possit? §91. Qui ex Confessione sacramentali ita aliquid novit, ut alio etiam modo noverit, illud revelare potest, nullâ Confessionis mentione factâ, si necessitas urgeat. Nullam enim injuriam Sacramento facit, aut Pœnitenti; cum vi sacri Sigilli non obligetur nisi ad celandum peccata quatenus in Confessione audita sunt. Et certè gravissimum

Sa-

Sacrorum Auriculariorum onus esset, si propter Confessionem peccatoris jus amitterent illis de rebus loquendi, quæ vel ante, vel post Confessionem ipsi viderunt, vel audiverunt. Præterea, ita sibi consociatæ sunt virtutes, ut una alteram non impediatur; Religio, verbi gratiâ, justitiam; impediretur autem justitia, si quis revelare non posset quod humano modo novit, etsi illud etiam per Confessionem noverit. Subditi enim Superioribus suis gravissima quæque peccata confiterentur, ne propter illa corripere ab eis vel plecti possent. Hinc *S. Thomas* in 4. *Sententiarum*, sive Supplementi *Quæstione* 11. *Articulo* 5. scribit: *Opinio est communior, quod illud quod homo alias scit, si ve ante Confessionem, si ve post, non tenetur celare quantum ad id quod scit ut homo: potest enim dicere; Scio illud, quia vidi. Tenetur tamen celare illud in quantum scit ut Deus: non enim potest dicere, Ego hoc audi in Confessione: tamen propter scandalum vitandum, debet abstinere ne de hoc loquatur, nisi immineat necessitas imminens scilicet Ecclesiæ vel Reipublicæ periculum, vel grave damnum proximis; aut mandatum Judicis testimonium ferre jubentis; vel Superioris Ecclesiastici præceptum excommunicantis omnes qui talis facinoris autores si ve consocios noverunt, & non revelaverint; aut denique necessaria propter commune bonum correptio.*

PARS I.

Art. 5.

§. 8.

*Obiectio
diluatur.*

592. Nec refert quod inde scandalum in infirmi animi hominibus fortè oriatur , quia (ut ait S. Thomas ibidem in Respon- sione ad quartum) *Non debet ita vitari scan- dalum ex una parte , quòd ex alia iusti- tia relinquatur* : VERITAS ENIM NON EST PROPTER SCANDALUM DIMIT- TENDA . *Et ideo quando imminet pericu- lum iustitiæ & veritatis , non debet dimit- ti revelatio ejus quod quis in Confessione audivit , si aliter sciat , propter scandalum ; verumtamen scandalum , quantum in se est , vitare tenetur .*

*Confessio
fieri non
debet Sa-
cerdoti
criminis
confesso ,
quod in
Confessio-
ne ape-
riendum
est .*

593. Conveniens esset ut Sacerdotibus omnibus & singulis cujuscumque criminis sociis interdiceretur , ne sociorum & parti- cipum ejusdem criminis Confessiones audi- rent ; omnique quoad hoc Jurisdictione pri- varentur . Vix enim contingit ut peccato- res , qui apud ipsos hujusmodi crimen de- ponunt , sinceram illius Pœnitentiam agant ; vix contingit ut criminosi illi Sacerdotes sa- lutaria dent consilia , & convenientem Sa- tisfactionis modum præscribant : & si pec- cata sint impudiciæ , periculum est ne nova cum Pœnitenti tum Sacerdoti in ipsa Con- fessione peccati nascatur occasio . S. Carolus Borromæus in Synodo Mediolanensi Diœcesana undecima id prohibuit sub pœna Excom- municationis latæ sententiæ sibi reservatæ .

De Satisfactione Sacramentali .

594. **S**atisfactio est voluntaria pœnæ à Sacerdote in Pœnitentiæ impositæ perpessio, ad compensandam injuriam Deo illatam, ipsûmque placandum, cum firmo proposito peccata in posterum omni studio vitandi.

Quid Satisfactio?

595. Sacerdos Satisfactionem Pœnitentibus injungere tenetur. Pro viribus enim agere debet ut sit integrum Pœnitentiæ Sacramentum: at sine Satisfactione integrum non esset. Merito itaque rejicienda hæc Propositio est: *Absolvi potest Pœnitens nulla Satisfactione impositâ, sed in Purgatorium dilata.*

Sacerdos Satisfactionem Pœnitentibus injungere tenetur. Propositio rejicienda

596. Satisfactionem ante Absolutionem imponere, convenientius est. Hunc enim ordinem præscribunt Rituales Libri plerique omnes & Sacramentaria in Ecclesia recepta, & S. Carolus in Instructionibus Confessorum: *Si opus fuerit, inquit, efficiet ut rerum, aut fama, aut honoris in quo proximum læsit, restitutio fiat: & indictâ salubri Pœnitentiâ eum absolvet.* Deinde cum Satisfactio sit quasi materia Sacramenti Pœnitentiæ, sicut Contritio & Confessio, conveniens est ut ejus impositio præmittatur Absolutioni, ut Pœnitentes tum voto, tum

Satisfactionem ante Absolutionem imponere convenientius est.

A a spon.

PARS I.

Art. 5.

§. 9.

spontanea indictæ pœnæ susceptione satisfacere incipiant, & satisfaciendi votum, suscepióque Satisfactionis Absolutione sacramentali confirmetur. Tertiò, fieri potest ut Pœnitens congruam ac legitimam Satisfactionem suscipere nolit, ac Sacerdotis in Sacro Tribunali vice Christi Judicis parere Sententiæ; eâque inobedientiâ se Absolutione indignum prodat: prius itaque imponi Satisfactionem conveniens est, ut exploretur animus Pœnitentis, & innotescat Sacerdoti num. dignos Pœnitentiæ fructus facere velit. Si tamen post Absolutionem imponatur, perinde est ad Sacramenti perfectionem, sufficit enim ut cæteris partibus Sacramenti Satisfactionis impositio & susceptio moraliter jungatur. Hinc S. Antoninus 3. P. Tit. 16. Cap. 20. *Apud multos, inquit, est consuetudo quod prius absolvatur, & Pœnitentia injungitur. Quomodoque fiat, vel ante, vel post, sufficit. Præsupponit enim Confessor, illum habere propositum faciendi quod sibi injunget, cum ipsius pœniteat.*

Non tamen est
necessè,
ut Satisfactio ante
Absolutionem impleatur.

Error
damnatus

597. Non est necesse ut imposita satisfactio ante Absolutionem Sacramentalem impleatur. Unde Sixtus Quartus Pontifex Maximus Concilium Complutense confirmans, hunc Petri Oxoniensis errorem merito damnavit anno millesimo quadringentesimo septuagesimo-octavo: *Non sunt Absolventi Pœnitentes, nisi peracta prius Pœnitentia eis injuncta.*

598. Con-

598. Confessarius tamen Pœnitentem obligare potest ad Satisfactionem vel ex toto vel ex parte implendam, ante Absolutionem, si id ejus emendationi & saluti expedire judicaverit. Cum enim Christus de modo & tempore implendæ Satisfactionis nihil præceperit, sed Ecclesiæ arbitrio reliquerit, ipsa vero non jubeat Satisfactionem adimpleri ante Absolutionem in Pœnitentia priyata, sed nec Absolutionem differri prohibeat, donec adimpleta fuerit Satisfactio, in potestate Sacerdotis est Absolutionem Pœnitentis differre donec Satisfactionem impleverit, si id tanquam Judex & Medicus ejus curationi spirituali judicaverit expedire. Id autem peritus ac prudens Medicus opportunum proculdubio saluti Pœnitentis judicabit, cum in eadem sæpe relapsus peccata est.

599. Tunc enim satisfactoriis operibus secundum modum criminum impositis, magis sollicitus fiet ac vigilans ad vitanda peccata. Nam percipiendæ Communionis difficultas major Pœnitentem humiliorem efficit & cautiorem. At humilitate virtutes comparantur & insiguntur altius; cautione peccata vitantur diligentius. Deinde id ipsi Sacerdoti videbitur interdum conducibile ut satisfactoriis operibus peccandi consuetudo, & pravi habitus eradicentur, & bonis operibus paulatim Pœnitens assuescat, ut purior accedat ad Sacram Eucharistiam. Necessarium denique videbitur aliquando ut

Quando

PARS I.

Art. 5.

S. 9.

exploret Contritionem Pœnitentis, & sinceram conversionem, cujus sufficientia fortè indicia non habet ex Confessione. *Confessionis verba, quid sunt aliud nisi folia?* Non autem ex foliis, sed ex fructibus bonitas & fœcunditas arboris cognoscitur: adeoque & conversio peccatoris ex fructibus Pœnitentiæ.

600. Cùm ita se geret Sacerdos in Administratione Sacramenti Pœnitentiæ, antiquos mores sequetur. Faciet quod faciendum præscripsit *S. Innocentius* Pontifex huius nominis primus, Epistolâ 1. *De pondere*, inquit *estimando delictorum, Sacerdotis est judicare, ut attendat ad Confessionem Pœnitentis, & ad fletus atque lachrymas corrigentis, ac tum jubere dimitti, cùm viderit congruam Satisfactionem*. Faciet quod *S. Leo* suo tempore fieri consuevisse testatur & probat in sua ad *Theodorum* Foro-Juliensem Episcopum Epistola. Faciet quod *Sanctus Gregorius Magnus* faciendum esse docuit Homiliâ 26. in Evangelia: *Videndum est*, inquit, *quæ culpa præcessit, aut quæ sit Pœnitentia secuta post culpam, ut quos omnipotens Deus per compunctionis gratiam visitat, illos Sententia Pastoris absolvat*. Tunc enim vera est Absolutio Præsidentis, cùm

Veterem disciplinam instaurare non est æterni arbitrium sequitur Judicis. Quamquam verò ita se gerere Sacerdotem aliquando conveniens sit, veterem tamen Disciplinam universim instaurare, non est pri-

va-

vatorum hominum, sed Summorum Pontificum, vel Conciliorum Generalium.

601. Sacerdotes tenentur imponere Penitentibus Satisfactiones gravitati criminum, & Penitentium facultati respondentes: alioqui alienorum participes fiunt peccatorum.

602. Ita Concilium Tridentinum, Sessione 14. Cap. 8. *Debent ergo Sacerdotes Domini, quantum Spiritus & prudentia suggesterit, pro qualitate criminum, & Penitentium facultate, salutare & convenientes Satisfactiones injungere: ne, si forte peccatis conniveant, & indulgentius cum Penitentibus agant, levissima quaedam opera pro gravissimis delictis injungendo, alienorum peccatorum participes efficiantur.*

603. Et S. Carolus Borromeus, in Instructionibus Sacramenti Penitentiae. *Injungit, inquit, Penitentiam pro culpa & personae ratione: ita ut superbis humilitatis opera: carnis voluptatem sectantibus, jejunia, abstinentiam, cilicii gestationem, aliamque corporis macerationem pro peccati gravitate indicat: in oratione negligentibus, ut singulis diebus mane saltem & vespere orationi vacent; feria secunda, & aliis certis feriis pro Defunctis orent; certis item definitisque diebus devotè visitent Stationales, & praecipuae devotionis Ecclesias & Altaria, praesertim in Quadragesima & in Adventu. Mundi Pompas, choræas, aliæque opera Sa-*

PAR I.
Art. 5.

§. 9.
*privatorum
hominum.
Quæ im-
ponenda
satisfa-
ctio.*

*Concilium
Tridenti-
num.*

*S. Carolus
Borromeus.*

PARS I.
Art. 5.
S. 9.

tana consecrantibus, eam Penitentiam imponet, ut in hebdomada mane certis diebus (id quod in singulos dies etiam faciendum esse gravissime Beatus Chrysostomus monet) sancta meditatione sibi proposita, solemnem illam sponsonem, quam per compadres in Baptismo sancti fecerunt, redintegrent, intimè Deum precando: in qua precatione firmo stabilisque animo proposito statuant, se Christo Domino adherere, renunciareque iterum atque iterum saculi pompis, operibus tenebrarum, & diabolo inprimis: cui se adversarios esse & professi sunt, & profiterentur perpetuò.

Pœnitentie genera, quæ imponi possunt, pro ratione criminum & Personatum.

604. Atque hæc quidem Pœnitentiæ genera à Sanctis Viris accepta, Ecclesiasticæque Disciplinæ Interpretibus, pro peccatorum ratione adhiberi poterunt.

Ut Pœnitens vestium sericarum ulu, auri ornamento, conviviorum apparatu, venatione, aliquo certo tempore abstinere.

Ut egentibus hominibus cibum suppeditet ac ministret; pedes item lavet.

Ut peregrinos pro facultatum ratione hospitio excipiat.

Ut in publica domo hospitali, locove pio aliquot dies operam navet.

Ut visitet qui in carcere sunt, eosdem consoletur, & cum per facultates potest, alat certo præstituto tempore.

Ut se per aliquot dies in Monasterium
ali-

„ aliquod, aliūmve semotum locum abdat ,
„ ubi Pēnitens vivat .

„ Ut aliquot diebus carne, aut vino item
„ abstineat .

„ Ut certis diebus , præsertim feria quar-
„ ta , sexta , & Sabbato jejundet : vel etiam
„ vescatur solūm pane , & aquæ potu uta-
„ tur .

„ Ut certo aliquo tempore non equitet .

„ Ut , si facultates suppetunt , certam pe-
„ cuniæ , aut frumenti , aut vini quantita-
„ tem in eleemosynam pauperibus Christi
„ conferat .

„ Ut genibus flexis , aut etiā brachiis
„ extentis in modum crucis , certo tempo-
„ re , & horā præfinitā , ante Crucem ,
„ aliāmve Sacram Imaginem in Ecclesia
„ oret .

„ Ut humi aliquandiu jaceat, cubetve .

„ Ut flagella certis præscriptis diebus sibi
„ adhibeat .

„ Ut cilicium aliquot dies induat .

„ Ut religiosam aliquam peregrinationem
„ suscipiat , sanctēque conficiat .

„ Ut statos Psalmos Pēnitentiales, aliāsque
„ pēnitentiales preces piè recitet aliquot
„ dierum spatio .

„ Ut certas Ecclesias, puta Stationales , vel
„ præcipuæ devotionis visitet .

605. Confessarius Canones Pēnitentia-
les nosse debet, & juxta eos Pēnitentiam im-
ponere , servatis prudentiæ regulis , habitis

*Canonum
Pēnitentia-
tialium*

PARS I.

Art. 5.

S. 2.

scientia

Confessa-

riis neces-

saria.

que ratione conditionis & diversitatis personarum, aliisque circumstantiis, & maxime contritionis Pœnitentium. S. Celestinus 1. Pontifex Maximus Epistola 3. Nulli, inquit, Sacerdotum suos liceat Canones ignorare, nec quicquam facere quod Patrum possit Regulis obviare.

S. Carolus

Borromæ-

us.

606. Et S. Carolus in Instructionibus Confessorum : Sacerdos, inquit, Canones Pœnitentiales consulat, quibus licet cum prudentiâ, discretionem, & modo, pro Pœnitentis contritione, qualitate, statu, aliisque circumstantiis uti debeat, observandi tamen sunt, ita ut juxta eos quasi traditam sibi Regulam Sacerdos se gerat, prout expedire ei visum fuerit. Et quando Pœnitentiam Canonibus antiquis præscriptam non imponet, eam tamen Pœnitenti significabit, ut ad contritionem eum moveat, & leviozem injunctam Pœnitentiam ipse ardentius exequatur; motus scilicet ex hodiernæ Ecclesiæ benignitate, quâ antiquioris Disciplina rigor mitigatur.

S. Anto-

ninus.

607. Id confirmat S. Antoninus, 3. P. Tit. 17. Cap. 21. Quamvis, inquit, Pœnitentia injungenda à Confessore Pœnitentibus hodie sint arbitraria, & ad arbitrium Judicis, id est, Confessoris imponenda, ut habetur 26. Quæst. 7. Can. Tempora, & De Pœnitentia Dist. 1. Can. Mensuram. Et hanc opinionem approbat consuetudo, & generaliter hoc servatur, ut dicit Hostiensis in Summa,

ma, Tit. de Pœnit. & Remiss. Tamen ut Sacerdos circa huiusmodi dispensationem cautiùs arbitretur, notandi sunt casus in quibus per Canones certæ Pœnitentiæ imponuntur. Nam & Canones Pœnitentiales tenentur scire Sacerdos, aliàs vix in eo nomen Sacerdotis constabit. 38. Dist. Can. Quæ ipsis.

PARS I.

Art. 5.

§. 9.

608. Denique Concilii Tridentini Canonicismus P. 3. §. 113. & 114. In irroganda, inquit, Satisfactionis pœna, Sacerdotes nihil sibi suo arbitratu statuendum esse; sed omnia iustitiâ, prudentiâ, & pietate dirigenda existimabunt. Atque, ut hæc regulâ peccata metiri videantur, & Pœnitentes scelerum suorum gravitatem magis agnoscant, operæ pretium erit interdum eis significare quæ pœnæ quibusdam delictis ex veterum Canonum præscripto, qui Pœnitentiales vocantur, constitutæ sint. Igitur universæ Satisfactionis modum culpæ ratio temperabit.

Concilium
Tridentinum.

609. Porro in Pœnitentialium Canonum moderatione iustitiam, prudentiam, pietatē, charitatem singularem Sacerdotes adhibere debent, ita ut nimiam severitatem, æquè ac nimiam lenitatem devitent. Trullana Synodus, Canone ultimo. Oportet, inquit, eos qui solvendi & ligandi potestatem à Deo accipere, peccati qualitatem considerare, & ejus qui peccavit ad cōversionem promptum studium, & sic morbo convenientem asserre medicinam: ne si in utroque immoderatione

Canonum
Pœnitentialium
moderatio.

utatur.

PARS I.

Art. 5.

S. 9.

Nimia
severitas
æquæ ac
nimia le-
mitas de-
vitanda.

utantur, ab ejus, qui laborat, salute exci-
dant Neque per desperationis præcipi-
tia impellat, nec ad vitæ dissolutionem &
contemptum frena relaxet: sed una quidem
omnino ratione, sive per acriora & astring-
gentia, sive per molliora & leniora medica-
menta affectioni resistat, & ad ulceris obdu-
ctionem annitatur, fructus Pœnitentiæ exa-
minans, &c.

S. Thomas

610. Idem confirmat S. Thomas, Quod-
libeto 3. Quæst. 13. Art. 1. „ Videtur satis
„ conveniens (inquit) quoddam Sacerdos non
„ oneret Pœnitentem gravi pondere Satis-
„ factionis: quia sicut parvus ignis à multis
„ lignis superpositis de facili extinguitur, ita
„ posset contingere quoddam parvus affectus
„ Contritionis in Pœnitente nuper excita-
„ tus, propter grave onus Satisfactionis ex-
„ tingeretur, peccatore totaliter despe-
„ rante. Unde melius est quoddam Sacerdos Pœ-
„ nitenti indicet quanta Pœnitentia esset ipsi
„ injungenda, & injungat nihilominus ali-
„ quid quod tolerabiliter ferat; ex cujus
„ impletione assuefiat ut majora impleat.

S. Carolus
Borromæ-
us.

611. Id suo etiam suffragio & approba-
tione munit S. Carolus Borromæus, in In-
structionibus Pœnitentiæ. „ In Pœnitentiâ
„ imponendâ (inquit) adhibebit & pru-
„ dentiam, & pietatem, & justitiam. Ha-
„ bebbit rationem statûs, conditionis, sexûs,
„ ætatis. Videbit ne ei, qui in aliena pote-
„ state est, eam Pœnitentiam injungat, quâ
„ vel

„ vel præjudicium afferatur illius juri, qui
 „ Pœnitentem in potestate habet; néve
 „ eam, quâ vel occasio detur spiritualis rui-
 „ næ, vel Pœnitentis, alteriûsve peccatum
 „ detegi, vel aliquod scandalum suboriri, vel
 „ ipse Pœnitens nimium deterreri, remis-
 „ sîsve & tepidus reddi possit. Quamobrem
 „ talem imponet, qualem ab eo præstari pos-
 „ se judicet. Proinde aliquando, si ita ex-
 „ pedire viderit, illum interroget, an possit,
 „ anve dubitet, Pœnitentiam sibi injunctam
 „ peragere. Alioquin eam mutabit, aut
 „ minuet. Considerabit item animum men-
 „ tîmque Pœnitentis, ac fletum, gemitum,
 „ & lacrymas intimi doloris indices.

612. Hinc non semper peccat Sacerdos
 qui pro gravi peccato leviozem Pœnitentiam
 imponit. *S. Thomas in 4. Sententiarum.*
Dist. 10. Quæst. 1. Art. 2. Quæstiuncula 2.
 ad tertium: „ Sacerdos (inquit) minorem
 „ condigno Pœnitentiam injungens, non
 „ semper peccat, tum quia non potest deter-
 „ minatè quantitatem pœnæ debitæ cogno-
 „ scere, quamvis aliquando propriè consi-
 „ deratis Regulis Patrum determinare pos-
 „ sit; tum quia quandoque etiam ex indu-
 „ stria minorem Pœnitentiam imponens,
 „ plus prodest Pœnitenti quàm noceat, qui
 „ fortè magnitudine pœnæ posset à Pœni-
 „ tentia peragenda impediri propter debili-
 „ tatem virtutis adhuc in eo de novo recu-
 „ peratæ: & ideo negligit minus damnum,

*Pro gra-
 viori pec-
 cato Pœ-
 nitentia
 levior
 quando-
 que imponi potest.*

PARSI.

Art. 5.

§. 9.

„ ut majus evitet : & iterum paulatim con-
 „ fortatus in eo divinus Amor ad plura Pœ-
 „ nitentiæ opera peragenda ipsum incitabit
 „ propria sponte , quàm Sacerdos eidem se-
 „ cundùm quantitatem peccatorum injun-
 „ gere potuisset .

*Pre min-
 ri peccato
 gravior
 quando-
 que impo-
 nenda e-
 nitentia .*

613. At verò pro minori peccato gravior quandoq. Penitentia imponenda est. Ita enim quandoque postulat spiritualis Medicinæ ratio , *Vel quia peccato unius difficilius potest resisti quàm peccato alterius ; sicut juveni pro fornicatione imponitur major Pœnitentia quàm seni , quamvis minus peccet : vel quia in uno peccatum est periculosius , sicut in Sacerdote , quàm in alio : vel quia multitudo magis prona est ad illud peccatum ; & ideo per pœnam unius alii sunt exterrendi ,* (inquit S. Thomas in 4. Sententiarum, Dist. 20. Quæst. 1. Art. 1. Quæstiuncula 1.)

*Pœniten-
 tia in fir-
 mis signi-
 ficanda .*

614. Ægrotis significanda est Pœnitentia , quam implere teneantur , si convalescunt , eâque interim impositâ , quam in eo statu facilè possint implere , sunt absolven- di . Causâ 26. Quæstione 7. Canone *Ab in- firmis* .

615. Idem confirmat S. Carolus Borro-
 maus in Instructionibus de Visitatione &
 Cura Infirmorum .

*Satisfa-
 ctio medi-
 cinalis .*

616. In peccatorum remedia Satisfa-
 ctiones quasdam imponere convenit subito
 post peccatum peragendas . S. Carolus Bar-
 romaus in Instructionibus Confessorum .

„ In

POENITENTIÆ. 381

„ In peccatorum, inquit, remedia imponan-
 „ tur Pœnitentiæ subito post peccatum per-
 „ agenda, ut blasphemî, verbi gratiâ, ter-
 „ ram osculentur, aut eleemosynas erogent,
 „ aut brevem recitent orationem. Aliis pec-
 „ care solitis, ut quavis hebdomada, aut pro
 „ singulis diebus, ut illis suaviter suaderi
 „ poterit, confiteantur; sicque alia adhi-
 „ beant remedia, quibus à peccatis absti-
 „ neant, Item his qui legere noverint, pro
 „ necessitate distribuantur folia, in quibus
 „ habentur remedia pro peccatis commu-
 „ nioribus, luxuriâ scilicet & blasphemîâ,
 „ & inter alias Pœnitentias imponatur, ut
 „ hæc legant toties per mensem aut hebdo-
 „ madam, plus aut minùs, proiit necessum
 „ fuerit, usque ad proximam Confessionem,
 „ aut donec ea memoriter didicerint.

PARS I.
 Art. 5.
 §. 9.

617. Satisfactiones intricatas, & ex va-
 riis operum generibus, aut diversarum ora-
 tionum magno numero compositas, Confes-
 sarium Pœnitentium vulgo imponere non
 expedit,

*Satisfac-
 tiones in-
 tricatae
 non im-
 ponendæ.*

618. Concilium est *S. Francisci Salesii*
 in Monitis pro Confessariis Instructione
 scriptis, Cap. 8. hæc ratione fultum, quod
 illa diversarum orationum congeries, aut
 piorum operum varietas oblivionem Pœni-
 tentiæ impositæ inducat, indèque anxietate
 & scrupulos pariat in animis Pœniten-
 tium. Deinde remittitur ac tepescit ple-
 rumque devotio, dum Pœnitens magis co-
 gitat

*Monitum
 S. Fran-
 cisci Sa-
 lesii.*

PARSI.

Art. 5.

§. 9.

„ ut majus evitet : & iterum paulatim con-
 „ fortatus in eo divinus Amor ad plura Pœ-
 „ nitentiæ opera peragenda ipsum incitabit
 „ propria sponte , quàm Sacerdos eidem se-
 „ cundùm quantitatem peccatorum injun-
 „ gere potuisset .

*Pre min-
 ri peccato
 gravior
 quando-
 que impo-
 nenda e-
 st peni-
 tentia .*

613. At verò pro minori peccato gravior
 quandoque Penitentia imponenda est. Ita enim
 quandoque postulat spiritualis Medicinæ ra-
 tio , *Vel quia peccato unius difficilius potest
 resisti quàm peccato alterius ; sicut juveni
 pro fornicatione imponitur major Pœniten-
 tia quàm seni , quamvis minus peccet : vel
 quia in uno peccatum est periculosius , sicut
 in Sacerdote , quàm in alio : vel quia mul-
 tudo magis prona est ad illud peccatum ; &
 idèd per pœnam unius alii sunt exterrendi ,*
 (inquit S. Thomas in 4. Sententiarum, Dist.
 20. Quæst. I. Art. I. Quæstiuncula I.)

*Pœniten-
 tia infir-
 mis signi-
 ficanda .*

614. Ægrotis significanda est Pœniten-
 tia , quam implere teneantur , si convale-
 rint , eâque interim impositâ , quam in eo
 statu facillè possint implere , sunt absolven-
 di . Causâ 26. Quæstione 7. Canone *Ab in-
 firmis* .

615. Idem confirmat S. Carolus Borro-
 meus in Instructionibus de Visitatione &
 Cura Infirmorum .

*Satisfa-
 ctio medi-
 cinalis .*

616. In peccatorum remedia Satisfa-
 ctiones quasdam imponere convenit subito
 post peccatum peragendas . S. Carolus Bar-
 romæus in Instructionibus Confessorum .

„ In

„ In peccatorum, inquit, remedia imponan-
 „ tur Pœnitentiæ subito post peccatum per-
 „ agenda, ut blasphemi, verbi gratiâ, ter-
 „ ram osculentur, aut eleemosynas erogent,
 „ aut brevem recitent orationem. Aliis pec-
 „ care solitis, ut quavis hebdomada, aut pro
 „ singulis diebus, ut illis suaviter suaderi
 „ poterit, confiteantur; sicque alia adhi-
 „ beant remedia, quibus à peccatis absti-
 „ néant, Item his qui legere noverint, pro
 „ necessitate distribuuntur folia, in quibus
 „ habentur remedia pro peccatis commu-
 „ nioribus, luxuriâ scilicet & blasphemîâ,
 „ & inter alias Pœnitentias imponatur, ut
 „ hæc legant toties per mensem aut hebdo-
 „ madam, plus aut minus, prout necessum
 „ fuerit, usque ad proximam Confessionem,
 „ aut donec ea memoriter didicerint.

PARS I.
 Art. 5.
 §. 9.

617. Satisfactiones intricatas, & ex va-
 riis operum generibus, aut diversarum ora-
 tionum magno numero compositas, Confes-
 sarium Pœnitentium vulgo imponere non
 expedit,

*Satisfa-
 ctiones in-
 tricatas
 non im-
 ponende.*

618. Concilium est *S. Francisci Salesii*
 in Monitis pro Confessariorum Instructione
 scriptis, Cap. 8. hæc ratione fultum, quod
 illa diversarum orationum congeries, aut
 piorum operum varietas oblivionem Pœni-
 tentiæ impositæ inducat, indéque anxietatem
 & scrupulos pariat in animis Pœnitentium.
 Deinde remittitur ac tepescit ple-
 rumque devotio, dum Pœnitens magis cogitat

*Monitum
 S. Fran-
 cisci Sa-
 lesii.*

PARS I.

Art. 5.

S. 9.

gitat quas orationes recitare vel quid agere debeat, & quo die, quàm attendat ad preces ipsas quas fundit, aut ad opera ipsa quæ facit.

*Impositio
Pœnitentie ab omni
ni specie
cupidina-
tis aliena
esse debet.*

619. Sacerdos qui eleemosynas, vel Missas in Satisfactionem imponit, nec sibi, nec Ecclesiæ suæ, aut Monasterio eas applicare potest, aut applicandas committere. Idemque in rerum incertarum Restitutione, Votorum commutatione, & aliis hujusmodi observandum est. Id enim plurima Concilia severè prohibent.

*S. Caroli
Borromei
Monitum.*

620. Et *S. Carolus Borromæus* in Instructionibus Confessorum: „ Ut Sacerdos
„ liberius circa Pœnitentem debito funga-
„ tur officio, & auctoritate in ejus utilitatem
„ semper gaudeat, ab omni avaritiæ specie
„ alienus videri debet. Hinc non modò non
„ petat, sed nec velle se habere significet pe-
„ cuniam, aliâve rem pro suscepti in Con-
„ fessione laboris munere; immò verbis, vel
„ potius factis, ab his omnibus abhorre-
„ re demonstrat, Cum pro Pœnitentiâ Mis-
„ sas injunxerit, sibi, aut Ecclesiæ suæ, aut
„ Monasterio dicendas non addicat. Quod
„ idem servabitur in restitutionibus incer-
„ tis, aut votorum commutatione, aliisque
„ hujusmodi. Nec ipse pecuniæ, aliûsve rei
„ restituendæ provinciam assumat, nisi ne-
„ cessitas ad id eum adegerit, ne scilicet Pœ-
„ nitens dignoscatur: tumque apocham re-
„ cipiat ab eo cui restitutionem contulerit,
„ quam

*Adver-
tant Con-
fessarii.*

„ quam postea Pœnitenti tradet; ita denique **PARS I.**
 „ se gerat, ut nec minimam avaritiæ labis **Art. 5.**
 „ suspicionem contrahat. **S. 9.**

621. Publicis peccatoribus publica Pœnitentia est imponenda, quam Confessarius cum privata commutare inconsulto Episcopo non debet. Concilium Tridentinum, Sessione 24. *De Reformatione*, Cap. 8. *Publica Pœnitentia, quibus imponenda?*

622. Solemnem Pœnitentiam solus Episcopus imponere potest; solus Pœnitentes solenni Ritu reconciliare. At publicam Pœnitentiam Confessarius quilibet approbatus in Pœnitentiæ foro pro publicis peccatis imponere potest, nisi publicæ quoque Pœnitentiæ impositionem Episcopus sibi reservaverit: quo in casu peccatorem crimine aliquo publico irretitum Sacerdos ad Episcopum remittet, cujus consilium ac voluntatem his in Casibus exquirere convenientius ac tutius erit, ut æstimato pondere delicti, judicent num publicæ dumtaxat, num solenni Pœnitentiæ peccator sit addicendus; quis sit illi Satisfactionis modus imponendus pro ratione scandali, & spectatis personæ, sexus, ætatis, conditionisque circumstantiis, necnon signis Contritionis consideratis: ut denique videant num fortè expediat Pœnitentiam publicam in aliam commutare, quæ privatim peragatur. Quæ quidem commutatio Episcoporum potestati reservata est ex Sacrorum Canonum præscripto, nec ab inferioris ordinis Sacerdotibus qui-

Solemnis à solo Episcopo imponi potest, qui etiam pro publica imponenda consulendus est.

PARS I.

Art. 5.

§ 9.

quibuscumque, sive Regularibus, sive Sæcularibus, etiam Parochis, nisi cum Episcopi licentia fieri potest.

An Pœnitentia ab uno Confessario imposita ab alio commutari possit?

623. Pœnitentia ab uno Confessario imposita, ab altero mutari non potest, nisi causâ cognitâ, & graves ob causas. *Constat enim*, inquit Sacra Synodus Tridentina Sessione 14. De Pœnitentia, Cap. 5. *Sacerdotes iudicium hoc incognitâ causâ exercere non posse, neque aequitatem in pœnis injungendis, moderandis, aut commutandis servare.*

Prescripta Satisfactio necessarium adimplenda.

Neglectus satisfactionis impositæ gravis peccatum.

624. Pœnitens opera satisfactoria sibi à Confessario imposita suscipere & implere tenetur. Unde peccati lethalis reus est, qui Pœnitentiam pro lethalibus peccatis sibi præscriptam implere negligit. Concil. Lateran. 4. Can. 21. Neque verò dicant ignavi homines se pœnas peccatis suis debitas in Purgatorio subituros, divinæ Justitiæ se se submittere, impositam à Sacerdote pœnitentiam citra crimen omittere se posse. Illos enim qui ita sunt affecti & hinc pœnitentiam agere negligunt, non Purgatorii pœnis expiandos, sed pœnis æternis damnandos docet S. Casarius Arelat. Episcopus Serm. 37. Inter Augustinianos alias 41. *De Sanctis* nunc 104. in Appendice. Enim verò lex ipsa naturæ præcipit, ut propositis duobus malis minus eligatur: ut si quis sanari possit à morbo lethali apertione venæ aut abscissione brachii, tenetur eligere apertionem

venæ, & gravissimè peccaret, si aliter faceret: Cum igitur homo duobus modis Justitiæ Divinæ pro peccato satisfacere possit, aut in hac vita se ipsum utcumque puniendo, vel in Purgatorio manum Dei Vindictis patiendo; Purgatorii penam eligere non licet, ac penitentiæ labores longè leviores declinare.

625. Peccator cui leviores penæ pro gravibus peccatis sunt impositæ, alia satisfactionis opera sponte exercere & implere debet. Alioqui divinum illud præceptum non implet ore Sanctissimi Præcursoris promulgatum, *Facite fructus dignos Pœnitentiæ*: & divinæ justitiæ vices in se ipsum, ut par est, non exequitur, dum peccatum suum impunitum relinquit contra ejusdem justitiæ ordinem.

626. Idem confirmat S. Thomas, Quod. S. Thomas libeto 3. Quæstione 13. Articulo 1. Peccator, inquit, est debitor alicujus Satisfactionis dupliciter: uno modo, ex injunctiōe Sacerdotis: alio modo, ex peccato commisso: unde si contingat quod Sacerdos minorem Satisfactionem imponat Pœniteni, quàm sit illa ad quam alligatur ex quantitate sui peccati, subtracto eo quod remittitur virtute Clavium, & Contritionis præcedentis, nihilominus Pœnitens ad aliquid ulterius obligatur, quod si in hac vita non perficiet, in Purgatorio exsolvet: & è converso, si Sacerdos imponat majorem Pœnitentiam quàm

PARS I.

Art 5.

§. 9.

Purgatorii penam eligere non licet ad declinandos pœnitentiæ labores.

Condignæ Satisfactionis necessitas.

PARS I.

Art. 5.

S. 9.

Pœnitens facere teneatur pensata remissione quæ est facta per vim Clavium, & Contritionem præcedentem, nihilominus Pœnitens tenetur facere quod sibi injunctum est, si adsit facultas. . . . Quæ verò Satisfactionis opera Pœnitens præter injunctionem expressam facit, accipiunt majorem vim expiationis culpæ præteritæ ex illa generali injunctione, qua Sacerdos dicit, QUICQUID boni feceris, sit tibi in remissionem peccatorum. (Unde laudabiliter consuevit hoc à multis Sacerdotibus dici) licet non habeant majorem vim ad præbendum remedium contra culpam futuram: & quantum ad hoc talis Satisfactio est Sacramentalis, in quantum virtute Clavium est culpæ commissæ expiativa.

Satisfactio injuncta majoris virtutis est quam sponte suscepta.

627. Satisfactio à Sacerdote injuncta majoris virtutis est quam sponte suscepta. Ita docet S. Thomas, Quodlibeto 3. Questione 13. Articulo 1. Opus, inquit, quod quis facit ex injunctione Sacerdotis, dupliciter valet Pœnitenti: uno modo ex natura operis: alio modo ex vi Clavium: cum enim Satisfactio à Sacerdote absolvente injuncta sit pars Pœnitentiæ, manifestum est quod in ea operatur vis Clavium; ita quod amplius valet ad expiandum peccatum, quam si proprio arbitrio homo faceret idem opus.

Pœnitentiæ pars arbitrio pœnitentis

628. Sacerdos Pœnitentiæ partem arbitrio Pœnitentis relinquere potest. Ita docet S. Thomas ibidem: Sacerdos, inquit,

potest Pœnitenti Satisfactionem injungere vel ex proprio arbitrio, vel etiam ex consilio alieno. Est ergo dicendum, quod sicut potest Sacerdos injungere satisfactionem Pœnitenti ex arbitrio alieno, ita & ex arbitrio ipsius Pœnitentis; sicut si dicat, Facias hoc si potes, & si non potes, facias hoc: & simile videtur cum Sacerdos dicit, QUICQUID boni feceris, sit tibi in remissionem peccatorum.

PARS I.
Art. 5.
S. 9.
relinqui
potest.

629. Pœnitens impositi sibi Satisfactionis onus propria auctoritate alteri imponere non potest; & si alter Satisfactionem pro ipso sponte susceperit, non idè solutus est Satisfactionis obligatione, si per se ipsum satisfacere possit. Confessarius itaque permittere non debet ut Pœnitens impositam Satisfactionem alteri committat adimplendam, Colligitur ex Concilio Lateranensi 4. Canone 21.

Satisfac-
tionis
onus in
alterum
transferr
non potest.

630. S. Thomæ suffragiò confirmatur, in 4. Sententiarum, sive Supplementi Quæstione 13. Articulo secundo. „ Nec etiam „ (inquit) exigitur quantum ad solutio- „ nem debiti, quod ille, pro quo fit Satis- „ factio, sit impotens ad satisfaciendum; „ quia etiam si esset potens, alio satisfacien- „ te pro ipso, ipse à debito immunis esset. „ Sed hoc requiritur in quantum pœna sa- „ tisfactoria est in remedium. Unde non „ est permittendum quod aliquis pro alio „ Pœnitentiam agat, nisi defectus aliquis ap-

S. Thomas

PARS I. „ pareat in Pœnitente, vel corporalis, per
 Art. 5. „ quem sit impotens ad sustinendam, vel
 9. 9. „ spiritualis, per quem non sit promptus ad
 „ portandam pœnam.

631. Meritò igitur hanc inter alias Pro-
 positionem ut minimùm tanquam scandalo-
 sam & in praxi perniciosam damnavit *Ale-*
Propositio *damnata.* *xander VII.* Pontifex Maximus ordine de-
 cimam-quintam: *Pœnitens propria auctori-*
tate potest sibi substituere alium, qui, locò
ipsius, Pœnitentiam adimpleat.

Quando 632. Satisfactoria opera in peccato
iteranda mortali facta, quæ nullum in satisfaciendi-
satisfac- bus effectum relinquunt, iterari debent à
ctio? Pœnitentibus: non autem illa quæ perma-
 nentem in homine relinquunt effectum.

8. Thomas 633. S. Thomas, in 4. Sententiarum, sive
 Supplementi Quæstione 14. Articulo 3. ad 3.
 „ Aliquæ (inquit) satisfactiones sunt, ex
 „ quibus manet aliquis effectus in satisfa-
 „ cientibus, etiam postquam actus satisfa-
 „ ctionis transiit, licet ex jejuniis manet
 „ corporis debilitatio, & ex eleemosyna-
 „ rum largitione substantiæ diminutio; & sic
 „ de similibus. Et tales satisfactiones in
 „ peccatis factæ non oportet ut iterentur;
 „ quia, quantum ad hoc quod de eis ma-
 „ net, per Pœnitentiam Deo acceptæ sunt.
 „ Satisfactiones autem quæ non relinquunt
 „ aliquem effectum in satisfaciente, post-
 „ quam actus transiit, oportet ut iterentur,
 „ licet orationes, & alia hujusmodi. Actus
 „ au-

„ autem interior , quia totaliter transit, nul-
 „ lo modo vivificatur , sed oportet ut ite-
 „ retur . „ id est , actum illum quo satisfac-
 cere quis proposuit in peccato mortali exi-
 stens , vel quo sive ad jejunandum , sive ad
 orandum , sive ad eleemosynam erogandam
 se voluntas ipsius applicavit , iterandus est à
 Penitente , cum fuerit in Dei amicitiam re-
 stitutus .

PARS I.
 Art. 5.
 §. 2.

634. Porro quamvis nemo certò sciat se
 in statu gratiæ Deo satisfecisse , iterare tamen
 Satisfactionem non tenetur , nisi conscien-
 tiam habeat peccati mortalis . *S. Thomas* ,
 Articulo 2. Quæstionis mox indicatæ , ad se-
 cundum . *Sicut* , inquit , *homo nescit pro*
certo utrùm caritatem habuerit in satisfac-
ciendo , vel habeat ; ita etiam nescit pro cer-
to utrùm plenè satisfecerit : & idè dicitur
Ecclesiastici 5. De propitiato peccato noli
esse sine metu . Nec tamen exigitur quòd
propter hunc metum homo satisfactionem
expletam iteret , si conscientiam peccati mor-
talis non habeat : quamvis enim pœnam non
expiet per huiusmodi satisfactionem , tamen
non incurrit reatum omissionis ex satisfac-
tiōe neglecta : sicut nec ille qui accedit ad
Eucharistiam sine conscientia peccati morta-
lis , cui subiacet , reatum indigna sumptio-
nis incurrit .

Expleta
satisfactio
iteranda
non est ex
solo metu ,
quod in
caritate
non fuerit
impleta .

PARS I.

Art. 5.

§. ult.

§. ULTIMUS.

De Absolutione Sacramentali : In quo consistat , & quibus concedenda .

*Quibus
verbis
constat
Absolutio
Sacramen-
talis.
S. Thomas*

635.

Absolutio Sacramentalis his verbis necessariò constat ,
ABSOLVO TE , aut certè verbis æqui-
valentibus . Ita docet Concilium Tridenti-
num Sessione 14. Cap. 3:

636. Idem confirmat *S. Thomas* , 3. P. *Quæstione* 84. *Articulo* 3. Unde nec pro-
nomen : *Ego* , quod in verbo includitur , ne-
que hæc verba , à *peccatis tuis* , ad essentiam
formæ spectant , ipsique prætermis-
sis , rata nihilominus esset Absolutio , quamvis Sa-
cerdos illa prætermittens , gravis peccati
reus esset . Hæc enim verba , *In Nomine*
Patris , & Filii , & Spiritus-Sancti , quam-
vis usurpari debeant ex Ecclesiæ usu , & con-
venientia sint ad significandum Sacerdotes
non principali , sed ministeriali dumtaxat
auctoritate , ut Christi Ministros à peccatis
absolvere ; non sunt essentialia , quia non
sunt determinata ex Institutione Christi , si-
cut in forma Baptismi .

*Verba
æquiva-
lencia .*

637. Dixi , his verbis , aut æquivalen-
tibus Absolutionis formam constare : qui
enim diceret , *Ego remitto tibi* , vel , *Con-*
dono tibi omnia peccata tua , vel *Mea Me-*
diocritas habet te veniâ donatum & absolu-
tum .

tum : quâ formâ Græcos uti eorum Euchologia, & *Arcudius*, testantur, verè absol-
veret. Tamen peccaret gravissimè Latinus
Sacerdos aliis verbis Absolutionem expri-
mens, ab iis quæ in Sacramentariis & Ri-
tualibus Ecclesiæ Latinæ Libris sunt præ-
scripta.

638. Sensus horum verborum, EGO
TE ABSOLVO, non est, *Declaro tibi*
remissa esse peccata, sed, *Tibi peccata re-*
mitto : Sive, *Sacramentum absolutionis tibi*
impendo. S. Thomas 3. P. Quæst. 80. Art. 3.
ad 5.

639. Absolutio sub conditione de præ-
senti est illicita, sub conditione de futuro
irrita est. Christus enim formam certam,
non dubiam & conditionatam instituit ; nec
usurpat aut approbat Ecclesia, nisi dubitet
Sacerdos utrùm Absolutionis verba protu-
lerit, quâ in hypothesi sub hac verborum
formula absolvere potest : *Si non es absolu-*
tus, ego te absolvo. Sicut in simili dubio ri-
tè confertur Baptisma sub hac forma : *Si non*
es baptizatus, ego te baptizo. Potest etiam,
immò & debet apponi conditio, cum de mo-
ribundo qui factâ, vel inchoatâ Confessione,
aut postulato Sacerdote absolvitur, vel ex
probabili vitæ Christianè piéque transactæ
testimonio judicatur absolvendus, dubita-
tur utrùm vivat vel animam emiserit. Sic
fabrum quemdam ex fabrica S. Petri Romæ
cadentem videns *Clemens VIII.* Pontifex

PARS I.
Art. 5.
S. ult.

Absolutio
sub condi-
tione de
præsenti
illicita,
nisi in
quibus-
dam casu-
bus.

PARS I.

Art. 4.

§. ult.

Maximus absoluisse fertur sub hâc formula: *Si es capax, absolvo te à peccatis tuis*; ut refert *Homobonus* in *Examine Ecclesiæ*, P. I. Tract. 7. Cap. 18. Quæst. 84. Aliàs appositio conditionis præsentis illicita est, quamvis irritam Absolutionem non faciat si revera posita sit conditio; ut si quis dixerit: *Si sinceram habes restituendi voluntatem, aut coram Superiore te sistendi, Ego te absolvo à peccatis tuis*. Unde, *Exterminanda est hujusmodi superstitio ab Ecclesia Dei*; (inquit *Cardinalis Cajetanus*.)

Sub conditione de futuro irrita.

640. Appositio autem conditionis futuræ Absolutionem irritam reddit; verbi gratiâ cum dicit Sacerdos: *Si restitueris, si cum inimico reconciliatus fueris, si Satisfactionem tibi impositam impleveris, absolvo te*. Non est enim in potestate Sacerdotis ut Sacramentum nunc conferat, illiusque suspendat effectum ad tempus usque conditionis implendæ. *Sacrilegus ergo est abusus iste Formæ Sacramentalis*, inquit *Cajetanus*, *Fit enim injuria Sacramento, dum perficitur modo excludente fructum Sacramenti ex indebita intentione Ministrantis*. Et eadem ratione non potest Sacramentalis Absolutio impendi sub spe ratihabitionis.

Ab iisdem peccatis pluries absolvi potest pœ-

641. Ab iisdem peccatis pluries absolvi potest Pœnitens in diversis Confessionibus, non in eadem. Diversa enim materia proxima Pœnitentiæ necessaria est ut Absolutio iterum conferatur, non autem materia

remo

remota diversa: quia eadem peccata utile est sæpe cum dolore, detestatione, & satisfaciendi proposito confiteri. Uni ergo Confessione una respondet Absolutio: sed cum diversæ sunt Confessiones, iterari Absolutio eorumdem peccatorum potest, siquidem materia proxima est diversa, nempe actus Pœnitentis distincti. Unde cum Pœnitens acceptâ Absolutione, adhuc ad pedes Sacerdotis prostratus, alicujus mortalis peccati meminit, illudque confitetur, Absolutio iterari potest & debet, quia Confessio distincta censetur: quamvis Pœnitens illius etiam peccati, quod ipsi è memoria exciderat, remissionem sit consecutus, si conscientiam diligenter excusserit.

642. Absolutio à Censuris præcedere debet Absolutionem à peccatis. *S. Thomas*, in 4. *Sententiarum*, sive Supplementi *Quæstione 24. Art. 1. ad secundum. Cum*, inquit, *excommunicatus non sit particeps Sacramentorum Ecclesiæ, Sacerdos non potest absolvere excommunicatum à culpa, nisi sit prius absolutus ab Excommunicatione.*

Absolutio à Censuris præcedere debet Absolutionem à peccatis.

643. Obviis quibusque concedenda non est Absolutio; sed iis omnibus neganda, quorum nulla vel ficta conversio: iis differenda quorum dubia, & incerta Pœnitentia est. Leges enim quas Christus Ministris suis præscripsit, exigunt ut peccata illis dumtaxat relaxent, qui ea oderunt; qui lavant se ac mundant Pœnitentiæ Baptismo; qui malum cogi-

Quibus concedenda vel neganda Absolutio?

Non obviis quibusque,

cogi-

PARS I.

Art. 5.

§. ult.

sed dum-
taxat.Fecit pœ-
nitentibus
conceden-
da est.

cogitationum suarum auferunt non solum ab oculis hominum, sed etiam ab oculis Domini; qui peccatum ejusque occasiones fugiunt, & benè operari discunt; qui de omnibus peccatis Pœnitentiam agunt, & promptum ad omnia præcepta custodienda gerunt animum; qui corde novo per justitiæ amorem sibi facto, projiciunt à se omnes prævaricationes suas, sincerèque ad Deum convertuntur, à quo fuerant aversi Isaïæ 1. *Lavamini mundi estote, auferte malum cogitationum vestrarum ab oculis meis: quiescite agere perversè, discite benefacere: querite judicium, subvenite oppresso, iudicate pupillo, defendite viduam.... Si fuerint peccata vestra ut coccinum, quasi nix dealbabuntur; & si fuerint rubra quasi vermiculus, velut lana alba erunt.* Et Ezechielis 18. *Si impius egerit Pœnitentiam ab omnibus peccatis suis quæ operatus est, & custodierit omnia præcepta mea, & fecerit judicium, & justitiam, vitâ vivet, & non morietur; omnium iniquitatum ejus, quas operatus est, non recordabor; in justitia sua, quam operatus est, vivet.... Convertimini, & agite Pœnitentiam ab omnibus iniquitatibus vestris; & non erit vobis in ruinam iniquitas. Projicite à vobis omnes prævaricationes vestras, in quibus prævaricati estis; & facite vobis cor novum & spiritum novum; & quare moriemini domus Israël? Quia nolo mortem morientis,*
di-

dicat Dominus Deus; revertimini, & vivite. Si his legibus Deus veniam delictorum pollicetur, non est in hominis potestate aliis legibus eam impertiri. Non est servus major Domino suo; nec amplior est potestas dispensatoris, quàm voluntas Principis. In Evangelio datur hominibus potestas remittendi peccata, sed iis qui Pœnitentiam egerint, dicente Christo Matth. 4. Pœnitentiam agite: Appropinquavit enim Regnum cœlorum. Et Lucæ 13. Nisi Pœnitentiam habueritis, omnes similiter peribitis. Sub hac Pœnitentiæ conditione S. Petrus adultis promittit per Baptismum peccatorum remissionem, Act. 2. Pœnitentiam, inquit, agite; & baptizetur unusquisque vestrum in nomine Jesu Christi, in remissionem peccatorum vestrorum. Iis igitur quos verè non pœnitet, peccata non remittuntur. Hinc S. Augustinus, in Psalmum 32. ait: Deus conversis ad se peccata donat, non conversis non donat.

644. Neganda vel differenda est iis Absolutio, qui Christianæ Fidei Rudimenta, Deique & Ecclesiæ Præcepta ignorant: nec non Patribus-familiâs, qui liberos suos & domesticos scientiâ credendorum & agendorum ad salutem necessariâ imbui negligunt. S. Carolus Borromæus, in Instructionibus Confessorum. Hinc Innocentius Undecimus Pontifex Maximus inter sexaginta quinque Moralis corruptæ propositionum

Neganda est vel differenda fidei rudimenta ignorantibus, & Patribus-familiâs suorum instructionum

PARSI. sitiones hanc ordine sexagesimam quartam
 Art. 5. damnavit: *Absolutionis capax est homo, quan-*
 §. ult. *tumvis laboret ignorantia Mysteriorum Fi-*
 nem ne- *dei, etiamsi per negligentiam etiam culpa-*
 gligenti- *bilem nesciat Mystrium Sanctissima Trini-*
 bus. *tatis, & Incarnationis Domini nostri Jesu-*
 Propositio *Christi. Hanc etiam Propositionem in Chri-*
 damnata. *sti Mediatoris nomen contumeliosam, erro-*
neam, & hæreticam esse judicavit & decla-
ravit Conventus generalis Cleri Gallicani
anno 1700.

Iis qui 645. *Iis etiam neganda est absolutio, qui*
nimio ve- *nimio vestium ornatu debita contrahunt,*
stium or- *quibus solvendis pares esse non possunt, ea-*
natu vel *rùmve luxu & immodestia pudicitiam læ-*
luxu ex- *dunt. S. Carolus ibidem.*
cedunt.

Iis qui 646. *Illis quoque, qui occultas vel*
inimicis *apertas cum proximo inimicitias exercent,*
reconci- *& odium deponere nolunt, neque cum ini-*
liari no- *micis reconciliari. Salvatoris nostri senten-*
lunt. *tia est, Matth. Capite sexto. Si autem non*
dimiseritis hominibus, nec Pater vester di-
mittet vobis peccata vestra. Hinc eos qui
litibus implacabilibus ab invicem dissident,
statim reconciliari: Quod si renuerint pa-
cem suscipere, ab Ecclesia ejici, Canones ju-
bent, usquequo ad caritatem redeant.

Iis qui cū 647. *Qui restitutioni aut satisfactioni*
restitutio- *sunt obnoxii, quia proximum vel in fama, vel*
ni sunt ob- *in rebus læserunt, non sunt etiam absolvendi*
noxii re- *nisi debita restitutio aut satisfactio prius in-*
stituere, *tercedat. Ita S. Carolus in Instructionibus*
negligunt,

Confessorum, eos solos excipiens, à Restitutione Absolutioni præmittenda, quos gravis & periculosa infirmitas, aut impotentia excusat ne statim hæc obligatione perfungantur. Notum illud S. Augustini, Epistolâ ad Macedonium 153. olim 54. Pessimum habere genus commemoras, cui pœnitendi medicina omnino non prodest. Si enim res aliena, propter quam peccatum est, cum reddi possit, non redditur, non agitur Pœnitentia, sed fingitur: si autem veraciter agitur, non remittetur peccatum, nisi restituatur ablatum; sed, ut dixi, cum restitui potest. Quod in corpus Juris, Can. Si res aliena, Causa 14. Quæst. 6. transcriptum est, & ab Alexandro III. laudatur Cap. Cum tu, Extra, De Usuris, & relatum est inter Regulas Juris, in Sexto, his verbis: Peccatum non dimittitur, nisi restituatur ablatum. Solâ autem restitutionis promissione factâ Pœnitentem absolvi non debere, maxime si aliâ restitutionem aut satisfactionem promisit, & fidem fefellit, sed Absolutionem illius esse differendam donec reverâ satisfecerit ac restituerit, Concilia docent. Ita Synodus Mediolanensis 1. sub S. Carolo Borromæo: Ita Neapolitana Synodus anno 1576. celebrata, & à Gregorio XIII. confirmata, Cap. 16. De Sacramento Pœnitentiæ.

648. Illis præterea neganda est Absolutio, qui in occasione proxima peccati versantur. S. Carolus in Instructione Cōfessorum: Nec ii,

Iis qui
sunt in
occasione

in-

PARS I. inquit, possunt absolvi, qui sincerum pro-
 Art. 5. positum non habent peccata mortalia, & eo-
 6. ult. rum occasiones fugiendi. Et quia plurimum
 proxima refert ut Confessarii clarius hac intelligant,
 peccati paulò fusiùs sunt explicanda.

Quid oc-
 casio pec-
 cati?

„ Peccati mortalis occasiones vocantur,
 „ quicquid ad peccatum inducit, aut ex suâ
 „ naturâ, aut ex parte Pœnitentis, qui in
 „ ea occasione positus ita peccare consue-
 „ vit, ut probabile sit ex suo pravo habitu
 „ illum in eadem peccata lapsum iri, si in
 „ illâ occasione perseveret. „

Occasiones
 quæ ex
 natura
 sua ad
 peccatum
 inducunt,

„ 649. Occasiones porrò quæ ex natura
 „ sua inducunt ad peccatum, istæ sunt: alea-
 „ torios ludos profiteri, verbi gratiâ, charta-
 „ rum, & taxillorum; domum hunc in fi-
 „ nem paratam habere, ac aleatores recipe-
 „ re; domi retinere aut suo, aut alieno no-
 „ mine, personam quicûm peccatur; aut
 „ alio modo cum ipsa cohabitare. In ea-
 „ dem conversatione, colloquiis, aspecti-
 „ bus, amorisque impudici significationi-
 „ bus & incentivis perseverare, Pœniten-
 „ tem ergo aliquâ ex his occasionibus, aut
 „ similibus irretitum, si occasio hujusmodi
 „ sit præsens, ut retinere concubinam, aut
 „ quid simile, non debet Confessarius eum
 „ absolvere, nisi priùs ab illa occasione re
 „ ipsa discesserit, seque separaverit. Quòd
 „ autem alterius generis occasiones spectat,
 „ ut aleæ professionem, mutuos aspectus,
 „ conversationem, nutus impudicos, &c,

„ non

„ non absolvatur Pœnitens , nisi eas dimit-
 „ tere polliceatur : quòd si jam aliàs id pol-
 „ licitus sit , nec emendatus fuerit , Abso-
 „ lutio tamdiu differatur , donec emenda-
 „ tionem perspexerit .

„ Et quia contingere potest ut Pœnitens
 „ nullo ex mediis quæ ipsi proponit prudens
 „ ac zelo salutis animarum fervens Confes-
 „ sarius , extricare se possit ab occasione ,
 „ illámque dimittere sine periculo & scan-
 „ dalo, Confessarius hæc adhibere debet re-
 „ media :

*Qui Con-
 fessarius
 se gerere
 debet cum
 penitente
 qui ab oc-
 casione
 peccati se
 extricare
 nequit .*

„ Primò Absolutionem differat , donec
 „ certa sinceræ emendationis videat indi-
 „ cia . Quòd si Absolutionem differre non
 „ possit sine periculo vel infamiâ Pœniten-
 „ tis , & Confessarius talia contritionis in
 „ eo signa perspexerit , debitámque ad ex-
 „ cipienda remedia emendationi suæ neces-
 „ saria dispositionem observaverit , debet
 „ illi proponere quæ magis opportuna &
 „ necessaria videbuntur ; verbigratiâ , illi
 „ præcipere ne solus cum tali persona col-
 „ loquatur , orationes aliquas , carnísque
 „ macerationes illi præscribere , & frequen-
 „ tem inprimis Confessionem ; aliáque si-
 „ milia : quæ si Pœnitens in se recipiat ,
 „ Confessarius illum absolvere poterit .
 „ Quòd si tamen hæc jam adhibitâ aut à se,
 „ aut ab alio Confessario diligentia , Pœni-
 „ tens emendatus non fuerit , non absolva-
 „ tur donec occasio illa sublata fuerit , vel
 „ agen-

PARS I.

Art. 5.

§. ult.

*Occasiones
quæ ad
peccata
inducunt
ex perso-
na dum-
taxat in-
firmitate.*

„ agendum aliter nobis videatur . De quo
„ nobis in eo casu , celato personæ nomine
„ aliquid significabitur .

650. Occasiones peccati mortalis se-
„ cundi generis, sive tales censentur ex per-
„ sonæ dumtaxat infirmitate , sunt ex res ,
„ quæ licet in se licitæ sint , prudenter ta-
„ men judicatur Pœnitentem earum usu in
„ eadem peccata relapsum iri , si in illis , ut
„ antea perseveret. Talia plerisque sunt ho-
„ die sæculi nostri vitiò , bellum , negotia-
„ tio , Magistratus , Advocatorum Procu-
„ ratorumque professio , & alia hujusmodi
„ exercitia , in quibus quis sæpius mortali-
„ ter peccare consueverit blasphemiiis , fur-
„ tis , injustitiis , calumniis , odiis , fraudi-
„ bus , perjuriis , & aliis similibus ; ex qui-
„ bus novit quòd si in his exercitiis perse-
„ veret, eadem illi occurrent peccandi oc-
„ casiones ; nec ulla ratio suadet adversus
„ peccatum firmiorem fore , quàm antea ;
„ quamobrem in eadem peccata relapsum
„ iri prudenter judicari potest . Idèd qui sic
„ affecti sunt , aut debent à professione ipsis
„ periculosa omninò abstinere (ut ait S.Au-
„ gustinus) aut certè illam non exercere si-
„ ne licentia & sub moderamine probi ali-
„ cujus prudentisque Sacerdotis , qui non
„ debet absolvere hominem in eo statu con-
„ stitutum , cùm probabiliter judicat ad
„ eadem peccata reversurum , si in iisdem
„ occasionibus perseveret ; sed per aliquod
„ tem-

„ tempus emendationem ejus oportet ex-
„ periri .

„ Quia in re invigilare eò majus operæ
„ pretium est, quòd Confessariorum hæc in
„ parte incuriâ in omnibus artibus & pro-
„ fessionibus regnent plures abusus, gravis-
„ simâque peccata, sine quibus jam videtur
„ à multis ne justissimas quidem Professio-
„ nes exerceri posse .

„ Sic, verbi gratiâ, in Magistratuum &
„ aliorum Officiorum institutione, ea so-
„ lemni sæpe Sacramento promittuntur,
„ quæ numquam observantur .

„ Apud Jurisconsultos, Advocatos, &
„ Procuratores, clientum improbitati &
„ injustitiæ contra propriam conscientiam
„ servitur .

„ In Militia duello, odiis, homicidiis,
„ aleâ, blasphemiiis, rapinis, & impudici-
„ tiis peccari solet .

„ Mercatores usuras palam exercent, pro
„ sinceris fucatas merces plerumque propo-
„ nunt, pretiis longè justo majoribus om-
„ nia vendunt. Frequentia sunt apud eos
„ perjuria, fraudesque in solvendis peda-
„ giis & vectigalibus, aliâque ab illis pecca-
„ ta committuntur .

„ Artifices plurimi festis diebus, ut aliis,
„ laborant; ita ut vix cultui divino unquam
„ vacent, & Dei verba audiant, & fami-
„ liam suam eodem modo tenent occupa-
„ tam. Quòd fit ut eorum plurimi vitam

PARS I.

Art. 5.

S. ult.

„ omnem in peccatis mortalibus tradu-
 „ cant, qui proinde Absolutionis capaces
 „ non debent æstimari, nisi primum dili-
 „ gentia omnis adhibeatur ut liberentur ab
 „ occasionibus, & fortiores quàm antea
 „ reddantur. Immo Confessarius, accura-
 „ tiori habito examine, forsan inveniet eo-
 „ rum aliquos numquàm rectè confessos
 „ fuisse; quod si ita fuerit, debet eis suade-
 „ re, præter emendationis signa quæ dede-
 „ rint, aut professionis ipsis perniciosæ dere-
 „ lictionem, ut generalem Confessionem fa-
 „ ciant, valentioræque pro sua salute adhi-
 „ beant remedia.

*Cautior
 ac severior
 sit Confes-
 sarius cir-
 ca exerci-
 tia Reipu-
 blica inu-
 tilia, aut
 minime
 necessa-
 ria, quæ
 nihilominus ad
 peccatum
 protrahunt
 vel incli-
 nant.
 Hujusmodi sunt
 Choralis
 interesse,
 cum im-*

651. Cautior ac severior sit Confessa-
 rius necesse est circa eas actiones & exer-
 citia, quæ Reipublicæ inutilia sunt, aut
 minimè necessaria; quæ licet ad primam
 speciem occasionum ex se naturæque sua
 homines ad mortale peccatum inducen-
 tium non referantur, quæ propterea di-
 mitti à quocumque debent, ad malum
 tamen inclinant, & sæpius pertrahunt
 hominem ad diversa peccata mortalia.
 Hujusmodi sunt, choralis interesse, cum
 blasphemis, rixæ deditis, aliisque im-
 probis hominibus sæpius versari, popinas
 frequentare, indulgere otio; & id genus
 alia, quorum occasione si homo peccare
 mortaliter consueverit, Absolutionem
 non debet impartiri quin his omnibus re-
 nuntiet Pœnitens, & pollicitus fuerit di-

„ etiam

„ Etiam occasionem re ipsa dimissurum . Si **PARS I.**
 „ tamen spem aliquam de suo Pœnitente **Art. 5.**
 „ Confessarius concepit , semel iterumque **S. ult.**
 „ promittentem se occasionem dimissurum, **probis ver-**
 „ poterit absolvere; eâ tamen lege ut dein- **sari, popi-**
 „ ceptus Absolutionem differat , donec certis **nas fre-**
 „ & evidentibus indiciis constet illum ab **quentare ,**
 „ his occasionibus penitus esse segregatum. **¶ c.**

652. Hæc autem *S. Caroli Borromæi* doctrina sacris Canonibus omnino consona est, scilicet Canoni septimo Concilii Romani quinti sub *Gregorio VII.* Canoni decimo sexto Concilii Melfitani sub *Urbano II.* Canon 22. Oecumenici Lateranensis secundi sub *Innocentio II.* cujus unius adscribo verba . *Sanè, inquit, quia inter cetera unum est quod Sanctam maxime perturbat Ecclesiam, falsa videlicet Pœnitentia, Confratres nostros & Presbyteros admonemus, ne falsis Pœnitentiis Laïcorum animas decipi, & in infernum pertrahi patiantur. Falsam autem Pœnitentiam esse constat, cum spretis pluribus, de uno solo Pœnitentia agitur: aut cum sic agitur de uno, ut non discedatur ab alio Falsa etiam sit Pœnitentia, cum Pœnitens ab Officio vel curiali, vel negotiali non recedit, quod sine peccato agi nulla ratione prevalet: aut si odium in corde gestetur, aut si offenso cuilibet non satisfiat, aut si offendenti offensus non indulgeat, aut si arma quis contra iustitiam gerat.*

653. His Conciliis prævit *S. Gregorius, S. Grego-*

PARS I. Homiliâ 24. in Evâgelia: *Sunt enim, inquit, pleraque negotia, quae sine peccatis exhiberi aut vix, aut nullatenus possunt. Quae ergo ad peccatum implicant, ad hæc necesse est ut post conversionem animus non recurrat.* Et S. Bernardus, Serm. 1. De Resurrect. *Non satis, inquit, cecidisse piget hominem, qui adhuc manere disponit in lubrico; aut errasse, qui ducem non querit. . . . Vera compunctionis indicium opportunitatis fuga, subtractio occasionis.*

654. Denique Innocentius Undecimus Pontifex Maximus sequentes Propositiones inter alias plerasque damnavit:

Proposi- *Potest aliquando absolvi qui in proxima*
tiones *peccandi occasione versatur, quam potest &*
damnata. *non vult omittere, quinimò directè & ex*
proposito querit, aut ei se ingerit.

Proxima occasio peccandi non est fugienda, quando causa aliqua utilis aut honesta non fugiendi occurrit.

Licitum est quærere directè occasionem proximam peccandi pro bono spirituali vel temporali nostro vel proximi.

Falsa mi- 655. A sanctissimis illis Regulis non si-
sericor- nant Confessarii se abduci falsâ misericordiâ
dia, non- erga illos qui dicunt: Si hanc domum, si
finant se hoc officium, si hanc artem deseram, deest
abduci unde vivam. Nam contra hujusmodi excu-
Confessa- sationes in peccatis audiendus Dominus qui
rii. ait: *Querite primum regnum Dei, & iu-
stitiam ejus, & hæc omnia adjicientur vobis.*

Ne-

Neque audiendi qui dicunt : Si hujus vel istius consortio destituar, vel inops, vel miser vivam; nam Dominus dicit : *Si oculus tuus dexter scandalizat te, erue eum, & pro-
jice abs te : expedit enim tibi ut pereat
unum membrorum tuorum, quàm totum
corpus tuum eat in gehennam.* Neque ma-
gna illorum habenda ratio est, qui ut in pro-
ximis peccandi occasionibus adhuc sorde-
scant, lamentando dicunt; Si ab istius per-
sonæ vel domus frequentatione me subtra-
xero, si hanc ejecero mulierem quæ consan-
guinea mea censetur, vel quæ uxori meæ
servit, veniam in suspicionem criminis. Nam
Salvator noster damnat eos qui *Dilexerunt
gloriam hominum magis quàm gloriam Dei.*
Nulla est ergo peccandi necessitas, quia
Una est non peccandi necessitas; ut ait Ter-
tullianus.

PARS I.
Art. 5.
§. ult.

656. Tandem Absolutio illis neganda est, qui de iisdem peccatis semper se accusant, & numquam emendant. Qui enim Pœnitentiam ita agunt, ut in eadem peccata relabantur, fœdissimè Pœnitentiam agunt, ut loquitur Concilium Toletanum 3. Canone 11. cujus hæc sunt verba : *Quoniam comperimus per
quasdam Hispaniarum Ecclesias, non secun-
dum Canones, sed fœdissimè pro suis pecca-
tis homines agere Pœnitentiam, ut quoties
peccare libuerit, toties à Presbyteris se re-
conciliari exposculent : Ideò pro coercenda
tam execrabili præsumptione id à Sancto*

*Iis deniq;
qui in
eadem
peccata
sepe rela-
buntur
absolutio
neganda
est.*

PARS I. *Concilio iubetur, ut secundum formam Canonum antiquorum detur Penitentia.*

Art. 5.

S. ult.

S. Isidorus

657. S. Isidorus Libro 2. Sententiarum, Cap. 13. Ille, inquit, Penitentiam dignè agit, qui sic præterita mala deplorat, ut futura iterum non committat. Nam qui plangit peccatum, & iterum admittit peccatum, quasi si quis lavet laterem crudum, quem quantum magis laverit, tanto amplius lutum fecit.

658. Unde Innocentius XI. P. M. hanc Propositionem damnavit: Penitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est deneganda, nec differenda absolutio, dummodo ore proferat, se dolere & proponere emendationem. Jure quidem merito. Quamvis enim gratiæ thesaurum in vasis fictilibus habeamus, & per lubrica incedentes, innumerisque tentationibus intus exteriusque pulsati; cadere iterum possumus in lethale peccatum post pœnitentiam ex fragilitate seu infirmitate; (quod vulnus est ex primi hominis peccato relictum;) vera tamen conversio non ita desultoria est; ut plerisque videtur; non instar marini æstus veniens & rediens; non instar feriarum quibus gaudent febricitantes, post diem unum aut alterum feбри agitandi; non instar mundanæ lucis, quæ quotidie oritur & occidit, sed constans & novis incrementis accrescens usque

EXTREMÆ-UNCTIONIS. 407

que ad perfectum æternitatis diem. De Conversionibus itaque desultoriis meritò dubitatur an veræ sint & sinceræ; immò sincere non esse probabiliter judicatur. Hinc S. Fulgentius Libro 1. De Remissione peccatorum Cap. 12. ait: *Numquàm diluunt gemitendo peccatum, quia non desinunt peccare post gemitum.*

PARS I.
Art. 6.
§. unio.

ARTICULUS SEXTUS.

D E

EXTREMA-UNCTIONE.

§. UNICUS.

De illius Materia, Forma, Effectibus, &c.

659. **M**ultis nominibus hoc Sacramentum ab Antiquis vo-

catum est: Primò: *Sacramentum Unctionis Infirmorum*: Secundò: *Sacramentum exeuntium*; Tertio: *Extrema-Unctio, &c.*

Varia nomina huius Sacramenti.

660. Oleum ab Episcopo benedictum est materia remota Extremæ-UNCTIONIS. Oleum esse hujus Sacramenti materiam docet S. Jacobus Epistolæ suæ Cap. 5. *Ungentes*, inquit, *eum oleo*. Idem confirmant Patres, & Concilium Tridentinum. Quia verò oleum propriè dictum illud solum est,

Materia remota.

C c 4 quod

PABS I. quod ex olivarum baccis expressum est, &
 Art. 6. nomen olei imponitur per similitudinem ce-
 §. unic. teris liquoribus, ideo hoc oleum debet esse
 olivarum.

*Oleum
 Balsamo
 mixtum
 non esse
 materia
 sufficiens.*

661. Porro Oleum Balsamô aut alteri.
 liquori admixtum, non est sufficiens Unctio-
 nis-Extremæ materiæ, si per eam admixtio-
 nem olei natura mutaretur. Etiam si autem
 non mutaretur olei natura hujusmodi ad-
 mixtione, tamen illicita est; graviterque
 peccaret qui Chrisma aut peregrinum li-
 quorem, in modica licet quantitate, Oleo
 Infirmorum admisceret; aut eô sic mixto
 infirmum ungeret. Materiæ enim, formæ-
 que Sacramentorum vel leviter & quoad
 accidentia mutari ex industria non possunt
 quin adversus institutionem Christi, adver-
 sus Ecclesiæ sanctissimam Disciplinam &
 reverentiam Sacramentis ipsis debitam
 graviter peccetur. At verò cum Oleum be-
 nedictum ab Episcopo ex frequenti usu &
 administratione Unctionis-Extremæ deficit,
 oleum non consecratum admisceri conse-
 crato potest, eoque infirmus inungi. Id col-
 ligitur ex Cap. *Quod in dubiis*, Extra, *De*
Consecratione Ecclesiæ, cujus hæc sunt verba:
Nec negamus quin oleum non consecratum
consecrato possit oleo commisceri. Idque con-
 firmat S. Thomas Opusculo 65. Si verò per er-
 rorem Sacerdos aliud Oleum, quam quod
 Infirmorum est; ad ægrotum ungendum un-
 quam adhibuerit, etiam Chrysmatis aut Ca-

*Oleum
 non conse-
 cratum
 oleo con-
 secrato
 quando
 possit ad-
 misceri.*

EXTREMÆ-UNCTIONIS. 409

techumenorum sit; ut erratum emendat, **PARS I.**
 Olei Sacri quod proprium Infirmorum est, **Art. 6.**
 Unctionem eidem adhibeat, tumque Sacra- **§. unic.**
 menti formam repetat. *S. Carolus* in Instr.

662. Quodd Oleum benedictum esse de- *Oleum*
 beat, constat etiam ex Patribus & Conci- *Benedi-*
 liis. Rationem cur in hoc Sacramento & *ctum esse*
 quibusdam aliis materiæ sanctificatio requi- *debet.*
 ratur, triplicem affert *S. Thomas* in 4. D.
 23. Q. 5. A. 3. Quæstiun. 2. „ Prima est, quia
 „ omnis efficacia Sacramentorum à Chri-
 „ sto descendit, & ideo Sacramenta quibus
 „ ipse est usus, habent efficaciam ex suo
 „ usu, sicut tactu suæ carnis vim regenera-
 „ tivam contulit aquis: sed hōc Sacramen-
 „ tō non est usus, nec aliqua corporali Un-
 „ ctione; & ided in omnibus Unctionibus
 „ requiritur sanctificatio materiæ. Secun-
 „ da causa est propter plenitudinem gratiæ,
 „ quæ confertur non solū ut culpam tol-
 „ lat, sed etiam reliquias, & infirmitatem
 „ corporis. Tertia est, quodd effectus ejus
 „ corporalis, scilicet sanitas corporis, non
 „ causatur ex materiæ naturali proprieta-
 „ te; & ideo oportet quodd hæc efficacia per
 „ sanctificationem ei detur.

363. Hæc tamen benedictio ex necessi- *Olei bene-*
 tate dumtaxat Præcepti Ecclesiastici, non *dictio non*
 ex necessitate Sacramenti requiri videtur. *est neces-*
 Non enim ad substantiam Sacramenti bene- *saria ne-*
 dictionem illam pertinere, Patres & Conci- *cessitate*
 lia docent; ita ut invalida censerī debeat *Sacramē-*
 ti, sed præ-

Extre-

PARS I. Extrema-Unctio, quæ ex oleo non benedictio fieret: neque his Scripturæ verbis, *In nomine Domini*, significatur Olei benedictio, sed solum Unctionem fieri debere auctoritate Christi.

Infirmorum Oleum ab Episcopo benedictum esse debet, secundum Ecclesiam Latinam disciplinam.

Alia Ecclesie Græcæ disciplina.

664. Oleum benedictum ab Episcopo esse debet in Ecclesia Occidentali, ut docent *Innocentius I.* Epistola ad Decentium. Dixi, ab Episcopo benedictum esse debere in Ecclesia Occidentali, quia alia est Ecclesiæ Orientalis disciplina, in qua Presbyteri Oleum benedicunt in ipsa Sacramenti Extremæ Unctionis administratione, ut constat ex Euchologiis in *Officio Olei Sancti*. Quam disciplinam approbavit *Clemens VIII.* in Instructione directa ad Episcopos Latinos. Cum vero in Ecclesia Orientali Oleum Infirmorum Benedicatur à Presbyteris, nulla ratio est cur potestas Romano Pontifici negetur hanc Benedictionem secundi Ordinis Sacerdotibus committendi.

Materia proxima.

665. Materia proxima hujus Sacramenti est Unctio. Id docet S. Jacobus: *Ungentes*, inquit, *oleo*. Idem confirmant Patres, & Concilia. Ratio suffragatur: Materia enim proxima Sacramentorum quæ sunt in usu posita, est usus ipse, seu applicatio materiæ remotæ ad subjectum idoneum: cum igitur materia remota Extremæ Unctionis, quod Sacramentum est in usu positum, sit oleum, nec aliter applicetur illud nisi unctio, unctio materia proxima est.

666. Apud

EXTREMÆ-UNCTIONIS. 411

666. Apud Græcos unctio adhibetur in fronte, genis, mento, & manibus, teste *Simeone Thessalonicensi* Libro *De Sacramentis*. Græcos nunc inungere præterea pectus & pedes, *Arcudius* testatur. In Occidente unctio fit in quinque sensuum sedibus, (secundum *S. Gregorium* in *Sacramentario*.) Additur unctio pedum, & etiam renum, secundum quædam Ritualia, & *Eugenium IV.* in Decreto De Unione Armenorum.

667. Necessariam autem non esse unctiorem renum, neque necessitate Sacramenti, neque universim necessitate præcepti, certum est, cum nec feminis propter pudorem adhiberi debeat, nec soleat, nec in omnibus Ecclesiis usurpetur. Unusquisque autem Ritus Ecclesiæ suæ servare debet.

668. Quamvis autem tot Unctiones fieri debeant quot in Ritualibus præscribuntur, maximèque in organis quinque sensuum; nullaque prætermitti possit absque gravi peccato, cum adhiberi possunt omnes: Unica tamen sufficit ad substantiam Sacramenti. Unica enim Unctione satisficit præcepto *S. Jacobi*, seu potius præcepto Domini per *S. Jacobum* promulgato, *Unctes eum oleo*: sicut unica ablutione satisficit præcepto Christi, *Baptizantes eos*: 2. Græci non inungunt organa quinque sensuum, seu partes vicinas illorum, quorum tamen Unctionem-Extremam Romana Ecclesia approbat. 3. Multa Ritualia id approbant, qui-

PARS I.
Art. 6.
§. unic.

Ritus varius Ecclesiæ Latine & Græcæ.

Unusquisque Ecclesiæ quæ ritum servare debet.

Quot unctiões fieri debeant?

PARS I.
Art. 6.
6. unic.

quibus permittitur inungi unica unctione & peste laborantes, ut Ministri periculum vitent, & eos etiam quibus mors proxima non finit fieri singulas. Ita Pastorale Mechliniense anno 1589. editum, & à Doctoribus Lovaniensibus approbatum: *In morbis contagiosis, & peste grassante, ut periculum vitetur, sufficit inungi sensus organum magis ad unctionem expositum ac detectum, dicendo: PER istam sanctam Unctionem, & piissimam suam Misericordiam indulgeat tibi Deus quicquid deliquisti per visum, auditum, odoratum, gustum, & tactum.* Eandem praxim approbant eandemque Regulam tradunt Cameracensis, Atrebatensis, aliarumque Ecclesiarum Manualia.

*Qua partes inungi debeant in Mutu-
latis.*

669. In Mutilatis debent inungi partes viciniore organo sensuum. S. Thomas, in 4. Sententiarum, Dist. 23. Quæst. 2. Art. 3. Quæstiuncula 3. *Mutilati, inquit, inungi debent quanto propinquius esse potest ad partes illas, in quibus Unctio fieri debuerat, quia quamvis non habeant membra, habent tamen potentias animæ quæ illis membris debentur, saltem in radice, & interius peccare possunt per ea quæ ad partes illas pertinent, quamvis non exterius.* Et S. Carolus in Instructionibus De Extrema-Untione: *Si quis, inquit, membro aliquo careat, quod inungi præscriptum est, ungat partem ei propiorem.* In cæcis aut surdis à nativitate non fiat Unctio oculorum aut aurium, nec verba

*Qua in
Cæcis &*

EXTREMÆ-UNCTIONIS. 413

iis sensibus respondentia proferantur : in mutis à nativitate fiat Unctio ad labia , & dicatur tantum , *Quicquid peccasti per gustum .*

PARS I.
Art. 6.
§. unie.
Surdus à
Nativitate & mu-
tis .

670. Reliquis infirmis manus ab interiori parte inungi debent : Sacerdotibus vero ab exteriori parte , cum prius in sacra Ordinatione unctæ fuerint . Ritualia , & S. Carolus in Instructionibus De Extremæ-Untione .

Sacerdos
sum man-
us ab ex-
teriori
parte un-
gendæ
sunt .

671. Ungendis oculis , aliisque membris quæ in homine paria sunt , cavere debet Sacerdos , ut cum utrumque membrum unius tantum sensus sit , utriusque unctionem absolvat unicâ solum verborum formulâ , licet duas cruces faciat . Unget autem primò dexterum , deinde sinistrum , cruce unicuique impressa Oleo sacrò . Ita Ritualia , & S. Carolus præscribunt .

Vbi paria
sunt mem-
bra sub
una tantâ
verborum
formula
ungenda
sunt .

672. Forma Sacramenti Extremæ-Untionis convenientissima illa est , quam Sacra Synodus Tridentina Sessione 14. Cap. 1. præscribit , & Romana Ecclesia usurpat : Per illam sanctam Unctionem , & suam piissimam misericordiam indulgeat tibi Deus : quia exprimitur in illa Sacramentum , cum dicitur . Per istam Unctionem : & id quod operatur in Sacramento , scilicet divina Misericordia , cum dicitur , & suam piissimam Misericordiam : & effectus , scilicet remissio peccatorum , cum dicitur , Indulgeat tibi Deus . Non autem necesse est ut in formâ hu-

Forma
Extremæ-
Untio-
nis .

PARS I.

Art. 6

S. unic.

hujus Sacramenti corporis sanitas exprima-
tur. Satis enim est quod in forma exprima-
tur effectus principalis, & qui semper indu-
citur ex Sacramento, nisi sit defectus ex
parte recipientis: talis autem non est corpo-
ris sanitas, quamvis quandoque sequatur.
Ita S. Thomas in 4. Sententiarum, Dist. 23.
Quæst. 1. Art. 4. Quæstiuncula 3.

*Unctionis
Extremæ
quintu-
plex effe-
ctus.*

673. Quintuplicem Extremæ-Unctio-
nis effectum esse docet Concilii Tridentini
Catechismus.

*1. Remis-
sio pecca-
torum.*

Primus est remissio peccatorum, hîc
S. Jacobi verbis expressa: *Et si in peccatis
sit, remittetur ei;* & verbis formæ significa-
ta, cum dicitur: *Per istam unctionem in-
dulgeat tibi Deus quidquid peccasti,* &c.

*Venialium,
non mor-
taliū.*

674. Remittit autem inprimis leviora,
quæ communi nomine venialia appellantur,
Lethales enim culpæ Sacramento Pœnitent-
tiæ tolluntur. Neque enim hoc Sacramen-
tum primario loco ad graviorum criminum
remissionem institutum est, sed Baptismus
tantum & Pœnitentia vi suâ hoc efficiunt,
(inquit Concilii Catechismus.) Ex ipsa
enim significatione Sacramenti præcipuus
ejus effectus accipi debet, quia Sacramen-
tum efficit quod significat: adhibetur porro
Extrema-Unctio secundum modum cujus-
dam medicinæ, medicina autem datur ad
pellendam infirmitatem: unde hoc Sacra-
mentum primariò institutum est ad sanan-
dam infirmitatem peccati; ut sicut Baptis-
mus

EXTREMÆ-UNCTIONIS. 415

mus est quædam spiritualis suscitatio; ita & PARS I.
 Extrema-Unctio sit quædam spiritualis sa- Art. 6.
 natio. Sicut autem corporalis sanatio vitam §. unic.
 corporis supponit in eo cui præbetur medi-
 cina: ita spiritualis sanatio vitam animæ
 supponit; quare hoc Sacramentum non da-
 tur contra defectus quibus spiritualis vita
 tollitur, scilicet peccatum originale & mor-
 tale, sed contra venialia quibus spiritualiter
 fit infirmus. Ita differit S. Thomas in 4.
 Sententiarum, Dist. 23. Quæstione 1. Ar-
 ticulo 2.

675. Consequenter tamen remittit etiam Nisi con-
 mortalia Sacramentum istud, si quæ fortè sequenter
 commissa sunt à tempore susceptæ Abso- & per
 lutionis in infirmitate, ut si ea se commi- accidens,
 sisse infirmus ignoret, vel confiteri non va-
 leat. Hinc S. Thomas 4. Contra Gentes,
 Cap. 73. scribit: *Contingit quod homo om-
 nium peccatorum quæ commisit notitiam
 vel memoriam non habet, ut possit per Peni-
 tentiam singula expurgare: sicut etiam quo-
 tidiana peccata sine quibus præsens vita non
 agitur, à quibus oportet hominem in suo exi-
 tu per hoc Sacramentum emundari.*

676. Alter Extremæ-Unctionis effectus 2. Abster-
 est absterio reliquiarum peccati; quo nomi- sio reli-
 ne intelligitur etiam reatus pœnæ tempora- quiarum
 lis; praviæ dispositiones ad peccandum, quæ peccati.
 per frequentes actus peccatorum contrahun- Quenam
 tur; animique languor, & infirmitas ex pec- illæ?
 cato relicta. Sicut enim curata corporis in-
 fir-

PARS I. firmitate remanet in homine debilitas quæ.
 Art. 6. dam quâ fit ut perfectum vigorem non ha-
 §. unic. beat ad exercenda vitæ opera; sic deletô pec-
 catô remaneat adhuc in homine debilitas
 quædam ad operationes vitæ spiritualis
 exercendas. Hujus autem Sacramenti vis
 propria est ut eas reliquiâs peccati abstergat,
 quia totius spiritualis curationis consumma-
 tio est. Ita *Sanctus Thomas* loco proximè ci-
 tato.

3. & 4. *Allevatio*
 & confir-
 matio ani-
 mæ.
 677. Tertius & quartus Extremæ-Un-
 ctionis effectus est allevatio animæ, ejusque
 confirmatio, ut morbi incommoda leviùs
 ferat, & Adversariis salutis suæ fortiùs resi-
 stat. *Allevatur enim & erigitur animus*
divinæ bonitatis spe, edque confirmatus,
morbi omnia incommoda fert leviùs, ac ip-
sus Demonis calcaneo insidiantis artes &
calliditatem faciliùs eludit; (inquit Con-
 cillii Tridentini Catechismus.) Hinc Ex-
 trema-Unctio dicitur *Sacramentum Spei*,
 quemadmodum Baptismus & Confirmatio
 dicuntur *Sacramenta Fidei*, Eucharistia Sa-
 cramentum *Amoris*.

5. *Corporis*
sanitas, si
fit ad ani-
mæ salu-
tem pro-
futura.
 678. Quintus Extremæ-Unctionis effe-
 ctus est corporis sanitas, si quidem ad animæ
 salutem profutura sit, ut colligitur ex S. Ja-
 cobi verbis, *Et oratio fidei salvabit infir-*
rum. Non facit autem corporalem sana-
tionem ex proprietate naturali materia, sed
ex virtute divina quæ operatur rationaliter.
& quia ratio operans numquam inducit se-
 cun-

EXTREMÆ-UNCTIONIS. 417

cundarium effectum, nisi secundum quod expedit ad principalem, idè ex hoc Sacramento non sequitur corporalis sanatio semper, sed quando expedit ad spiritualem sanationem. & tunc semper eam inducit, dummodò non sit impedimentum ex parte recipientis. Inquit S. Thomas, in 4. Sententiarum, Dist. 23. Quæst. 1. Artículo 2. Quæstiunculâ 2.

PARS I.

Art. 6.

S. unic.

679. Minister Unctionis-Extremæ est Presbyter, vel Episcopus. Dogma fidei est à Sancto Jacobo traditum: *Infirmatur quis in vobis? Inducat Presbyteros Ecclesiæ.* Quo nomine Seniores è Laicis non intelligi, series contextûs docet. Non enim simpliciter Presbyteri dicuntur, sed Presbyteri Ecclesiæ. Deinde, jubentur orare super infirmum, ipsûmque ungere in Nomine Domini: denique per eorum Ministerium remissio peccatorum obtinenda promittitur. Atque ita hunc locum exposuerunt Patres, S. Joannes Chrysostomus, Lib. 3. De Sacerdotio, Innocentius I. in Epistola ad Decentium, S. Eligius in Sermone ad Populum, Venerabilis Beda in Cap. 5. S. Jacobi; Concilia, Vvornatiense Cap. 72. Aquisgranense 2. Cap. 5. & Tridentinum Sessione 14. Cap. 3. De Sacramento Extremæ-Unctionis, & Canone 4. cujus hæc sunt verba: *Si quis dixerit, Presbyteros Ecclesiæ, quos Beatus Jacobus adducendos esse ad infirmum inungendum hortatur, non esse Sacerdotes ab Episcopo or-*

Extremæ-
Unctionis
Minister.

PARS I.

Art. 6.

S. unic.

*dinatos; sed atate Seniores in quavis communitate; ob idque proprium Extrema-
Unctionis Ministerium non esse solum Sacer-*
dotem, Anathema sit.

*Unicus
Sacerdos
Minister
sufficit.*

680. Septem Sacerdotes ex consuetudine Orientalis Ecclesiæ hoc Sacramentum administrant. Plures etiam in Ecclesia Occidentali hoc olim obibant Ministerium. Sufficit tamen unicus Sacerdos ad inungendum ægrotum, quia intelligitur, hoc Sacramentum perficere in virtute totius Ecclesiæ, cujus Minister existit, & cujus personam gerit, ut docet S. Thomas 4. Cont. Gent. Cap. 73.

*Regulares
absque
licentiâ
Extremæ-
Unctionis
admini-
strantes
Excommu-
nicationem
incurrunt;
nisi defi-
ciat Para-
chus, &
quivis ab
eo vel ab
Episcopo
habens
facultatē.*

681. Porro Extremæ-Unctionis Sacramentum cuilibet Sacerdoti administrare non licet, sed solum proprio Pastori, id est, Episcopo aut Parocho, vel cui illi commiserint. Quamobrem Regulares Sacerdotes Extremæ-Unctionem alicui sæculari infirmo administrantes absque licentiâ Parochi vel Episcopi illius, lethaliter peccarent, & in Excommunicationem incurrerent, ut constat ex Clementina 1. De Privileg. & Clementina Dudum, Tit. De Sepult. Deficiente tamen Parocho, & quovis ab eo vel ab Episcopo potestatem habente, quilibet Sacerdos, etiam Regularis, hoc Sacramentum licitè administrare potest.

*Infirmi
ad huius
Sacramenti
susceptio-*

682. Ut autem opportuno tempore ministretur, Parochus cum sæpe aliàs, utpotè cum ægrotantem primò vilitat, tum quo etiã tempore S. Eucharistiam pro Viatico ei ministrat, hoc illum monebit, *Ut dum sanâ mente*
est.

est, sibi ministrari petat: simulque item de-
monstrabit, quàm salutariter expediat, ultro
pontique piè hoc Sacramentum deposci.

683. Si aliquando acciderit, ipsum Pa-
rochum, vel ab eo delegatum Presbyterum,
qui ungit infirmum, præ virium imbecilli-
tate, aliòve casu deficere: alius Sacerdos, si
præsens aderit, aut aliunde statim evoca-
tus, reliquas partes, quas ille non unxerit,
ungere ritè perget: unctas autem denuò non
unget. *S. Carolus* in Instructionibus.

684. Necesse non est expectare tempus
quo infirmus est in exitu constitutus ut ei
administretur Unctionis-Extremæ Sacra-
mentum, sed sufficit quòd periculosâ ægri-
tudine laboret. Nec enim *S. Jacobus*, nec
patres qui verba illius de infirmorum Un-
ctione explicarunt, censuere infirmum esse
portere morti proximum ut sacrâ Unctione
procuretur, præsertim *S. Cyrillus Alexan-
drinus*, *S. Eligius*, Venerabilis *Beda*; im-
mò indicant, ungi solitos fuisse infirmos ut
sanitati corporeæ restituerentur. Et reverà
hic secundarius est Unctionis-Extremæ effe-
ctus: potest itaque conferri nondum despe-
ratâ valetudine. Nam frustra conferretur
hunc effectum consequendum homini in
exitu constituto. Hunc enim effectum Sa-
cramentum non operatur per modum mi-
culi, sed virtute ordinariâ supernaturali,
quæ causas naturales adjuvat.

685. Id confirmat *S. Thomas*, in 4. Sen-
tentia. *S. Thomas*

PARS I.

Art. 6.

S. unic.
nem bor-
tandi.Quid f
Minister
ungendo
deficiat?Tempus
exitus pro
ungendo
infirmi
bani ex-
pectant.

PARS I.
Art. 6.
§. unic.

tentiarum, Dist. 22. Quæst. 2. Artículo 2. Quæstiuncula 2. Hoc Sacramentum, inquit, est ultimum remedium quod Ecclesia potest conferre, quasi immediatè disponens ad gloriam: & idè illis tantùm infirmantibus debet exhiberi, qui sunt in statu exeuntiam, propter hoc quòd ægritudo nata est mortem inducere, & de periculo timetur. Et Concilii Tridentini Catechismus: *lis etiam qui adèd periculosè agrotare videntur, ut ne supremus vitæ dies instet, metuendum sit, hoc Sacramentum præberi debet.*

Vulgi deliramentum.

686. Verisimile est ob vulgi deliramenta Unctionem infirmorum in mortis articulum reservari cœpisse; ac sensim hunc usum fuisse propagatum. Invaserat enim vulgi mentes stulta illa opinio 13. sæculo; præsertim in Britannia majori, quòd conjugatis post susceptam Unctionem infirmorum non liceret ad opus conjugale reverti, vel carnes comedere, vel nudis pedibus ambulare. Hos errores ac superstitiones populares acriter convellunt Synodi Vvignoniensis, Oxoniensis, & aliæ.

Dum æger integris est sensibus administrari debet.

687. Sacramentum Extremæ-Unctionis administrari decet dum æger integris sensibus est. Ita Concilii Tridentini Catechismus §. 18. de Extrema-Unctione; *In quo tamen gravissimè peccant, qui illud tempus ægroti ungendi observare solent, cum jam omnis salutis spe amissâ, vitæ & sensibus carere incipiat. Constat enim ad uberio-*

Sa-

EXTREME-UNCTIONIS. 421

Sacramenti gratiam percipiendam plurimum valere, si agrotus, cum in eo adhuc integra mens & ratio viget, fidemque & religiosam animi voluntatem asserre potest, sacro Oleo liniatur. Quare Parochis advertendum est, ut eo potissimum tempore celestem Medicinam adhibeant, illam quidem semper vi sua admodum salutarem, cum eorum etiam pietate & religione, qui curandi sunt, magis profuturam intelligitur.

688. Pueris conferri non debet. Ipsi enim non congruit forma hujus Sacramenti, Indulgeat tibi Dominus, cum non peccaverint.

Pueris non debet conferri.

689. Uti nec Furiosis & amentibus, qui non habent lucida intervalla. Ita S. Thomas, loco proximè laudato, Quæstiunculâ tertîâ.

Quid de furiosis & amentibus?

690. Mulieribus in partu laborantibus, nisi sint in mortis periculo ex ægritudine constitutæ, ad bellum proficiscentibus, navigantibus, peregrinantibus, capite damnatis, Extrema-Unctio conferri non debet. Quam vis enim isti morte proximè afficiendi sint; illi in frequenti vitæ discrimine versentur, periculosè tamen non ægrotant.

Quid de mulieribus in partu laborantibus, &c.

691. Extrema-Unctio in eadè infirmitate repeti potest, si convalescat, & postea in idem periculum relabatur infirmus.

Hoc Sacramentum repeti potest

692. Ita docet S. Thomas in 4. Sententiarum, Dist. 23. Quæst. 2. Art. 4. Quæstunc. 2. Hoc Sacramentum, inquit, non respicit tantum infirmitatem, sed etiam infirmitatis

S. Th.

PARS I.

Art 6.

S. unico

statum: quia non debet dari, nisi infirmis qui secundum humanam estimationem videntur morti appropinquare. Quædam ergo infirmitates non sunt diuturnæ: unde si in eis datur hoc Sacramentum, tunc cum homo ad illum statum perveniat ut sit in periculo mortis, non recedit à statu illo nisi infirmitate curata; & ita iterum non debet inungi: sed si recidivum patiatur, erit alia infirmitas; & poterit fieri alia inunctio. Quædam verò sunt agitudines diuturnæ, ut hectica, & hydropisis, & huiusmodi: & in talibus non debet fieri inunctio, nisi quando videntur perducere ad periculum mortis: & si homo illum articulum evadat eadem infirmitate durante; & iterum ad similem statum per illam infirmitatem reducatur, iterum potest inungi; quia jam est quasi alius infirmitatis status, quamvis non sit alia infirmitas simpliciter.

*Lethalis
peccati
Rei sunt,
qui illud
reciper
contem-
nunt.*

693. Quamvis Sacramentum Extremæ-
Unctionis non sit ad salutem simpliciter ne-
cessarium, lethalis tamen peccati rei sunt,
qui à Pastore moniti recusant vel differunt
illud suscipere, propter contemptum Sa-
cramenti. Contingere enim potest ut post
Absolutionem & Eucharistiam perceptam
peccatum aliquod lethale infirmus commi-
ferit, quod memoriæ non occurrat ut illud
confiteatur: quod Extrema-Unctione tan-
quam mediò ordinariò in hac circumstantia
delebitur & remittetur. Nemo etiam est
qui graviter tentari sub finem vitæ suæ non
pos-

EXTREMÆ-UNCTIONIS. 423

possit, contra quas tentationes Unctio-Ex-
trema instituta est: quamobrem qui illam su-
scipere recusaret, vel differret, salutem
suam periculo exponeret. Denique metuen-
dum est ne recusatio illa vel dilatio ex con-
temptu saltem virtuali Sacramenti proce-
dat. *Omniū autem Sacramentorum con-
temptus est saluti contrarius.*

694. Porro hoc Sacramentum ad-
ministrari non debet infirmo nisi post Con-
fessionem peccatorum suorum, & post
Viaticum Corporis Christi, si recipere illud
possit. Ita Concilii Tridentini Catechis-
mus. Olim quidem ante Viaticum Corpo-
ris Christi administratam Infirmis Unctio-
nem-Extremam veteris Disciplinæ Ecclesia-
sticæ Monumenta probant. Sed ex ho-
dierno Ecclesiæ usu Unctionis Sacramentum
administrare vulgò non licet nisi post Viati-
cum, ut præscribit Rituale Romanum Pauli
V. *Illud in primis ex generali Ecclesiæ con-
suetudine observandum est, inquit, ut si tem-
pus & infirmi conditio permittat, ante Ex-
tremam-Unionem Pœnitentiæ & Eucharis-
tiæ Sacramenta præbeantur.* Ab ea Regu-
la exceptæ censeantur Ecclesiæ in quibus
mos antiquus perseverat, ut apud Cisterciens-
es. Hac in re demum, quæ meræ Disciplina
est, sequatur unusquisque Parochus quod
Ritualibus seu Manualibus Diœcesis suæ
Libris præscribitur. De Visitatione Infirmor-
um, Testamentis, & Sepulturis vide P. 2.

PARS I.
ART. 7.
§. 1.

424
ARTICULUS SEPTIMUS.

D E
SACRAMENTO ORDINIS.

§. I.

*Quid & Quotuplex Ordo, Quæ singu-
lorum Materia & Forma.*

*Quid est
Ordo?*

695. **O**Rdo est Sacramentum quo
potestas quædam spiritualis
traditur Ordinato, sive ad sacrosanctum
Christi Corpus consecrandum, sive ad alias
functiones & Ministeria Ecclesiastica ob-
eunda. Hæc definitio Ordinationes om-
nes complectitur, sed inprimis Sacerdotium,
quò traditur consecrandi Corporis Christi
potestas, quæ omnium Ordinationum finis
est ultimus, cujus gratiâ institutæ sunt:
deinde Ordinationes cæteras, quæ ad emi-
nentem illam potestatem suscipiendam pro
modulo suo Sacerdotem futurum præparant
ac disponunt.

*Quotu-
plex.*

696. Septem sunt Ordines, quorum tres
Majores, & peculiari ratione Sacri dicun-
tur; quatuor Minores, tametsi & hi genera-
li quadam ratione Sacri dici possint. Majo-
res sunt, Sacerdotium, Diaconatus, & Sub-
diaconatus: Minores, Oñtiariatus, Lectora-
tus, Exorcistatus, & Acolythatus.

Prima

697. Primam Tonsuram non esse Ordinem

nem, certum est, cum à Christo non sit in- PARS I.
stituta, sed ab Ecclesia, nec spirituale po- Art. 7.
testatem conferat ad Ministerium aliquod S. 1.
Ecclesiasticum obeundum, eamque Triden- Tonsura non est Ordo.
tina Synodus ab Ordinibus disertè distin-
guat: sed est præparatio ad Ordines acci-
piendos: merâque ad cultum divinum de-
putatio. Ut enim homines ad Baptismum
Exorcismis, ad Matrimonium Sponsalibus
præparari solent: ita cum tonso capillo Deo
dedicantur, tanquàm aditus ad Ordinis Sa-
cramentum illis aperitur (inquit Concilii
Tridentini Catechismus.)

698. Qui Tonsurâ Clericali initiantur, Clerico-
rum jura
& privi-
legia.
Beneficiorum Ecclesiasticorum capaces red-
duntur, de foro Ecclesiæ fiunt, & Clerica-
lia Privilegia sortiuntur, ut declarat Epif-
copus sic ipsos allocutus ex Romani Pontifi-
calis præscripto: *Hodie de foro Ecclesiæ fa-
cti estis, & Privilegia Clericalia sortiti estis.*
*Cavete igitur ne propter culpas vestras illa
perdatis.* Non tamen privilegio fori eo ipso
gaudent, quo primâ Tonsurâ sunt initiati,
nisi positis conditionibus à Concilio Tri-
dentino præscriptis Sessione 23. *De Refor-
matione*, Cap. 6. de quibus inferiùs di-
cemus.

699. Minores Ordines verè & propriè Vt
Min
Ordi
sint
cran
Sacramenta esse negant plerique magni no-
minis Theologi, Cardinalis *Cajetanus*, *Domi-
nicus Soto*, *Navarrus*, & alii. Affirmant
autem *S. Thomas* & alii; Ut ut est, unum quod
tan-

PARS I.

Art. 7.

S. 1.

*fidei summam non spectans.**Vnum est Ordinis Sacramentum.*

tantum est Ordinis Sacramentum, quamvis sint Ordines diversi, quia omnes ad Sacerdotium referuntur, atque ita omnes in illo quodammodo unum sunt, sicut uno Ordinationis nomine comprehenduntur, ut docet S. Thomas in 4. *Sententiarum*, Dist. 24. *Quæstione 2. Articulo 1. Quæstiuncula 1. ad secundum. Tota, inquit, plenitudo hujus Sacramenti est in uno Ordine, scilicet Sacerdotio: sed in aliis est quadam participatio Ordinis... Et ideo omnes Ordines est unum Sacramentum.* Atque hæc de Minoribus Ordinibus generatim sufficiunt: nunc de singulis speciatim agendum.

Officiarius materiam & formam.

700. Inter Minores Ordines primus occurrit *Officii* Ordo, cujus materia est Clavium Ecclesiæ traditio ab Episcopo; forma: *Sic age, quasi redditurus Deo rationem pro his rebus, quæ his Clavibus recluduntur.*

Officiorum Munus.

701. *Officiorum* Munus est Templi claves & januam custodire, & aditu Templi arcere Infideles & Excommunicatos. Pul-
sare campanas.

Munus Lectoris.

702. Secundus inter Minores Ordines est *Lectoris* gradus, cujus Munus est, Veteris & Novi Testamenti Libros clarâ voce & distinctè in Ecclesia recitare, præsertim vero eos qui inter nocturnam Psalmodiam legi solent.

Materia & Forma Lectoratus

703. Hujus Ordinis materia est traditio sacri Codicis de quo lecturus est. Forma: *Accipe, & esto verbi Dei relator, habitu-*

ratus,

*rus, si fideliter & utiliter impleveris Offici-
cium, partem cum iis, qui verbum Dei be-
ne administraverunt ab initio.*

PARS I.

Art. 7.

§. 1.

704. Tertius est Ordo Exorcistarum, Ordinis
Exorci-
starum
materia
& forma.
quibus potestas data est nomen Domini in-
vocandi in eos qui ab immundis Spiritibus
obsidentur. Hujus Ordinis materia est tra-
ditio Libri Exorcismorum. Forma, sunt
verba in Concilio Carthaginensi 4. in Ri-
tualibus antiquis, & Romano Pontificali præ-
scripta: *Accipe, & commenda memoria, &
habet potestatem imponendi manus super
Energumenos, sive Baptizatos, sive Cate-
chumenos.*

705. Exorcistarum officium est ejicere Exorci-
starum
officium.
dæmones, & dicere Populo, *Ut qui non com-
municat, det locum;* & aquam in Ministe-
rio fundere, ut habet Pontificale Romanum.

706. Quod porrò spectat hujus Ordinis
functionem, optimum interdum foret illam
non à Presbyteris, multò minùs ab Episco-
pis, sed ab Exorcistis junioribus, ab adole-
scentulis ad hoc officium ordinatis, ac mo-
rum innocentia & sapientia huic Ministerio
paribus, exerceri ad majorem Dæmonis con-
temptum & confusionem. Hæc autem in
Exorcismis Energumenorum observanda
præscribunt Concilia Mediolanensia pri-
mum & quartum sub *Sancto Carolo Borro-
meo.*

*Quibus
maximè
convenit
huius
functio
Ordinis.*

707. „ Ne Sacerdoti, Clericove secu-
„ lari aut regulari Exorcismum Energume-
„ nis

*Regule in
Exorci-
smis Ener-*

PARS I. „ nis adhibere liceat , nisi exorcizandi fa-
 Art. 7. „ cultatem scriptô exaratam ab Episcopo
 §. 1. „ impetraverit .

*gumenorû
 observan-
 de .*

708. „ Antequàm verò exorcizare ali-
 „ quem aggrediatur , perquirat inprimis
 „ Energumeni , Energumenæve vitam ac
 „ mores ; tum exploret actiones ; & Medi-
 „ cum , si expedire censuerit , consulat ; ut
 „ videat an quod ab illo , illâve agitur , fiat
 „ morbi alicujus , aut bilis atræ vi ; an verò
 „ spontè ac dissimulanter ; an denique Dæ-
 „ monis , malorûmque Spirituum vexatio-
 „ ne. (Signa porrò certiora possessionis alicu-
 „ jus à Dæmone sunt , si quis incognitis lin-
 „ guis loquatur , longâ præsertim oratione ,
 „ quam imparatam esse constat : si literarum
 „ atque artium ignarus , legit , scribit , pin-
 „ git , aut de rebus altissimis differit , qui num-
 „ quàm studuit : si res prorsus arcanas & oc-
 „ cultas aperiat , quæ in locis remotis fiunt ;
 „ si quid agat vires hominis aut mulie-
 „ ris , sive sanæ , sive quovis morbo vexa-
 „ tæ , Medici judicio , superans : si vexatio-
 „ ne cessante , eorum quæ dixit non recorde-
 „ tur .)

*Quibus
 Exorcis-
 mis uten-
 dum .*

709. „ Ne aliis verò Exorcismis , Pre-
 „ cibus , Ritibusque ad id munus utatur ,
 „ nisi ad Libri , Episcopi Judicio compro-
 „ bati , rationem præscriptam . Cui ni-
 „ hil ab eo addi , detrahi , aut mutari fas
 „ sit .

De quibus

710. Interrogandus est dæmon de no-
 mine ,

mine, numero eorum qui hominem vexant, causâ possessionis, nec permittendum ut sermones inutiles & vanos effundat. Cavendum ne de quæstionibus curiosis, aut futuris eventibus interrogetur: comprimendus est ne calumniis, detractationibus, scurrilibus ac ludicris verbis adstantibus illudat, eosque ad curiositatem, levitatem, aut voluptatem incitet. Artes dæmonis exploratas habere debet Exorcista, ne ab ipso fallatur, sive respondentum ambiguitate, sive latendi malignâ industriâ, ne possessio vera videatur; sive recessus simulatione, ut intermittantur Exorcismi. Quibus artibus constantiam & patientiam singularem opponere debet Exorcista, nec ab Exorcismis cessare, donec certis & evidentibus signis compertum habeat Energumenum liberatum esse. Adhiberi possunt Reliquiæ ad caput, vel ad pectus Energumeni; cavendum tamen ne sacræ illæ res à Dæmone indignè tractentur: nusquam adhibenda in Exorcismis Eucharistia, propter irreverentiæ periculum: neque Hostia etiam non consecrata, ad veritatem possessionis explorandam.

III. *Acolythorum* quartus est gradus, & ultimus eorum omnium, qui Minores, & non Sacri appellantur. Eorum munus est, Ministros Majores, Subdiaconos & Diaconos, in Altaris Ministerio affectari, eisque operam dare. Præterea lumina deferunt & asservant, cum Missæ Sacrificium celebrant.

PARS I.

Art. 7.

S. I.

*Dæmon**interro-**gandus.**à quibus**cavendū?**Artes Dæ-**monis ex-**plorandæ.**Adhiberi**possunt**reliquiæ,**nusquam**Euchari-**stia, neque**hostia,**etiam non**consecra-**ta.**Munus**Acolytho-**rum.*

PARS I. lebratur, præcipuè verò cum Evangelium
 Art. 7. legitur: ex quo *Ceroferarii* alio nomine vo-
 S. 1. cati sunt,

Huius Or- 712. Hujus Ordinis materia duplex:
dinis ma- una est Ceroferarii cum cereo traditio; altera
teria & Urceoli vacui. Forma, verba Episcopi ea
forma. tradentis,

Subdiaconorum 713. Antiquissima est in Ecclesiasticis
Officia. Monumentis Subdiaconorum mentio. Ipso-
 rum Officia ex Romano Pontificali hæc sunt:
 Aquam ad ministerium Altaris præparare;
 Diacono ministrare; pallas Altaris, & Cor-
 poralia abluere; Calicem & Patenam in usum
 Sacrificii Diacono offerre; oblationes quæ
 veniunt ad Altare suscipere, ut ex iis, quan-
 tum satis est, in Altari ponatur, ne aliquid
 putridum in Sacrario remaneat.

Subdiaconatus ma- 714. Subdiaconatus materia est tradi-
teria. tio Patenæ vacuæ & Calicis vacui ab Episcopo:
 urceolorum verò cum vino & aqua, &
 linteolo quò manus absterguntur, ab Archi-
 diacono, ut intelligatur Subdiaconum Dia-
 cono ministrare debere,

Forma. 715. Forma huic materiæ respondens,
 sunt verba quæ profert Episcopus ex Roma-
 ni Pontificis præscripto, dum singuli Cali-
 cem & Patenam successivè tangunt: *Videte*
cujus Ministerium vobis traditur: ideò vos
admoneo, ut ita vos exhibeatis, ut Deo pla-
cere possitis. Deinde Amictum, Manipulum,
Traditio Tunicam ipsos induit Episcopus, præscrip-
Libri E- tam in Pontificali verborum formam adhi-
pisciarum
99 verba bens.

bens. Tradit denique ipsis Librum Epistolarum, quem dum singuli manu dexterâ contingunt, hæc verba profert: *Accipite Librum Epistolarum, & habete potestatem legendi eas in Ecclesia Sancta Dei, tam pro vivis, quam pro Defunctis. In nomine Patris, & Filii, & Spiritus-Sancti.* Ad materiæ, formæque integritatem hæc in Ecclesia Latina pertinere nemo negaverit: sed in solâ Libri Apostolici traditione Subdiaconatûs materia sita esse non videtur. Traditio enim istius Libri in Ordinatione Subdiaconi perpetua non fuit. Ejus non meminerunt Concilium Carthaginense 4. nec antiqua Ritualia, nec S. *Isidorus* in Libris *De Officiis Ecclesiasticis*, nec *Rabanus Maurus* in Libris *De Institutione Clericorum*, licet Ritus Ordinationum sigillatim explicent.

716. Tres obligationes contrahunt qui Subdiaconatûs Ordinem suscipiunt. Prima est, obligatio Titulum, sive Beneficii, sive Patrimonii, habendi; ne rerum temporalium curis à Sacris Ministeriis distrahantur. Secunda, est castitatis, quæ huic Ordini ac superioribus, Ecclesiæ lege inviolabili annexa est. Tertia, est obligatio recitandi divinum Officium, seu Breviarium, Ecclesiæ etiam lege seu consuetudine universali illis imposita.

717. Secundum Sacrorum Ordinum gradum *Diaconus* obtinet; cujus Ministerium latius patet, sanctiusque semper habitum

PARS I.

Art. 7.

S. 1.

illi res-

pondentia

non sunt

materia

& forma

essentia-

lis Sub-

diacona-

tus.

*Triplex
Subdiacono-
rum o-
bligatio.*

*Sacra
Diacono-
rum fun-
ctiones.*

PAR I. tum est. Ejus functiones sunt, Episcopum
 Art. 7. perpetuū sequi, concionantem custodire, ei-
 5. 1. que & Sacerdoti Sacra facienti, vel alia Sa-
 cramenta administranti præsto esse, panem
 & vinum offerre, non quidem consecrando,
 ut ex Concilii Ancyranī Canone secundo
 malè colligunt Hæretici, sed utrumque Sa-
 cerdoti consecraturō porrigendo.

Et jura. 718. Præterea, vi suæ Ordinationis jus
 habent administrandi Baptismi solemni Ri-
 tu; jus item prædicandi Evangelium, ubi id
 ipsis commiserit Episcopus, quod *S. Stephani*
Protomartyris, & *Philippi* Diaconorum
 exempla probant à *S. Luca* in Actis Aposto-
 lorum consignata.

Diaconatus materia & forma.

719. Materia Diaconatus est Manūs im-
 positio; Forma, Oratio manuum impositioni
 adjuncta, ut constat ex Actibus Apostolorum
 Cap. 6. *Hos statuerunt*, inquit, *ante conspe-*
ctum Apostolorum, & orantes imposuerunt
eis manus. Non semper traditus est Diacon-
 is Evangeliorum Codex in ipsorum Ordina-
 tione. Accessit tamen ex Ecclesiæ insti-
 tutione ad materiæ integritatem hujusmodi
 traditio, & ad integritatem formæ præscrip-
 ta verba in Romano Pontificali, dum singuli
 sacrum Codicem tangunt: *Accipite potesta-*
tem legendi Evangelium in Ecclesia Dei tam
pro vivis quam pro defunctis. In nomine
Domini.

Sacerdotium sum-

720. Tertius omniumque Sacrorum Or-
 dinum summus est *Sacerdotium*. Qui verò
 illo

illo præditi sunt, eos veteres Patres duobus nominibus vocare solent. Interdum enim *Presbyteros* appellant, quod Græcè Seniores significat, non solum propter ætatis maturitatem, quæ huic Ordini maximè necessaria est: sed multò magis propter morum gravitatem, doctrinam, & prudentiam. Ut enim scriptum est Sapientiæ 4. *Senectus venerabilis est, non diuturna, neque annorum numero computata: cani autem sunt sensus hominis, & ætas senectutis vita immaculata.* Interdum verò *Sacerdotes* vocant, tum quia Deo consecrati sunt, tum quia ad eos pertinet Sacramenta administrare, sacræque res & divinas tractare.

721. Manus impositio, & Oratio ipsi adjuncta, quam repræsentant omnes Libri Rituales antiqui, recentiores, hodierni, quæ in antiquis inscribitur, *Consecratio*, & in Romano Pontificali notatur ad modum Præfationis, juxta nonnullos, est materia & forma essentialis Presbyteratûs. Favere videtur Concilium Tridentinum Sessione decima-quarta Cap. 3. ubi Extremæ-Uctionis Ministros docet esse solos Episcopos, *Aut Sacerdotes ab ipsis ritè ordinatos per Impositionem Manuum Presbyterii.* Prior igitur illa manuum impositio ab Episcopo, & deinde ab omnibus Presbyteris adstantibus facta super caput cujuslibet ordinandi, vicem materiæ subit, Oratio adjuncta vicem formæ:

E e

at-

PARS I.

Art. 7.

S. 1.

mus Sa-
crorum
Ordinum
gradus.Materia
& forma.

PARS I. atque ad substantiam Sacerdotalis Ordinationis pertinent.

Art. 7.

S. 1.

An Calicis traditio, &c. sit de essentia hujus Sacramenti.

722. An Calicis traditio cum vino & aqua & Patena superposita cum Hostia, eique traditioni verba correspondentia sint de essentia hujus Ordinis? disputant Theologi asserente *S. Thoma* in 4. *Sententiarum*, Dist. 24. art. 13. Ut ut est de Scholastica illa Quaestione, cum Romanum Pontificale hunc Ritus praescribat, & traditionem illam Instrumentorum, verbáque praescripta, *Accipe potestatem*, &c. partialis saltem materiae ac formae vices in Ordinatione Sacerdotali habere Theologi vulgò doceant, post *Eugenium IV.* in Decreto pro Instructione Armenorum, ad materiae formaeque integritatem illa pertinere censendum est. Christus scilicet materias & formas Ordinationum Sacrarum in genere tantum sic instituisse Theologis plerisque doctissimis videtur, ut ex Ecclesiae institutione ac usu speciale aliquid pro materia & forma addi posset, cujus omissio Ordinationem irritam redderet.

Si quis Rituum, qui ad materiam vel formam sacrarum Ordinationum pertinent, secundum

723. Manibus super singulorum capita impositis, Episcopus haec verba profert: *Accipite Spiritum-Sanctum, quorum remiseritis peccata, remittuntur eis; & quorum retinueritis, retenta sunt*: eisque coelestem illam, quam Dominus Discipulis suis dedit, retinendi ac remittendi potestatem tribuit. Si quis horum Rituum, qui ad materiam vel

for-

formam pertinent, secundum varias Theologorum opiniones, in Ordinatione fuisset omissus, verbi gratia, manuum impositio prima, vel adjuncta Oratio; aut Calicis cum vino & aqua, & Patenæ cum Hostia traditio, adjunctave formulâ verborum; aut unctio; aut denique manuum impositio postrema, vel hæc verba ipsam concomitanta, *Accipite Spiritum-Sanctum*, &c. Supplere deberet Episcopus quod in Ordinatione fuisset incaute prætermisum, ut colligitur ex Cap. *Pastoralis*, & ex Cap. *Presbyter*, Extra, *De Sacramentis non iterandis*.

PARS I.

Art. 7.

§. 2.

varias Theologorum opiniones, omissus fuerit, Ordinatione non est iteranda, sed Ritus ille ab Episcopo supplendus tempore ad Ordines conferendos statuto.

§. II.

De Ministro Ordinis.

724. **M**inister Sacramenti Ordinis est solus Episcopus. At secundi Ordinis Sacerdotibus Potestas conferendi Tonsuram Clericalem & Minores Ordines à Summo Pontifice demandari potest. *S. Thomas in 4. Sententiarum, Dist. 25. Quest. 1. Art. 1. ad tertium.*

Minister Sacramenti Ordinis.

725. Unumquemque à proprio Episcopo ordinari Leges Ecclesiæ jubent, aut certè ab alio cum ejus licentia & litteris dimissoriis. Ita sanxit Sacra Synodus Tridentina Sessione 23. *De Reformatione, Cap. 8.*

Ab Episcopo proprio quis ordinari debet.

726. Triplex autem Episcopus proprius jure novo distinguitur, Cap. *Cum nullus*.
E e 2 quod

Triplex Episcopus

PARS I. quod est *Bonifacii VIII. Tit. De tempore*
 Art. 7. *Ordinationum*, in Sexto : scilicet *Episcopus*
 §. 2. *Originis, domicilii, & Beneficii* : & ab eo-
 rum quolibet Ordines licitè suscipi posse de-
 clarat.

proprius à quo Ordines possunt suscipi, iure novo. Episcopus originis est Episcopus loci in quo quis natus est.

727. Quamvis rursus secundum jus commune, quod nunc etiam in Italia viget, in Ordinationibus ratio paternæ originis haberi possit, ita ut qui Mediolani natus est ex patre Genuensi, possit pro arbitrio ad Ordines suscipiendos eligere vel Mediolanensem, vel Gentensem Episcopum, ut *Zerola*, in *Praxi Episcopali* P. 2. verbo *Dimissoria*, aliique docent; idque fundamentum habeant in *L. Assumptio*, ff. *Ad Municipalem*, §. *Filius*, & *L. Filios*, C. *De Municipibus*: in Galliis tamen paternæ originis quoad Ordines suscipiendos nulla solet haberi ratio, & consuetudo ita Legem interpretata est ut unusquisque non alium agnoscat originis Episcopum, præter Episcopum loci in quo natus est.

Casus. 728. Duo casus excipiuntur: primus est, si quis Reipublicæ causâ absens & ad aliquam regionem missus pro quodam certo tempore, annali verbi gratiâ, biennali, triennali, vel non ita diuturno ut domicilio constituendo sufficiat, liberos interim aliquos suscipiat; in hoc enim casu liberi isti à paterna origine potius censendi erunt quàm à propria, siue Leges Civiles, siue Consuetudinem, siue loquendi usum respicias.

Quam-

Quamobrem liberi ab Oratoribus Principum, aliisve Reipublicæ causâ à Rege missis, in remotioribus regionibus suscepti, ex paterna civitate censentur, & paternæ civitatis Episcopus censetur Episcopus originis à quo possunt ordinari.

729. Alter casus est, si quis fortuitò in aliquo loco natus est, in eo scilicet quem mater pertransibat, aut quò animo minimè commorandi perrexerat. Nam qui ita ex aliquo loco est, non efficitur civis hujus loci in quo natus est, ut colligitur ex L. *Filios* superiùs laudatâ.

Alter Casus.

730. Episcopus domicilii est Episcopus loci in quo quis ita habitat, ut perpetuò manendi in eo nec usquam in locum originis suæ redeundi intentionem habeat, fortunâque suas in eo collocet; ut colligitur ex L. *Cives, C. De Incolis*. Nemo ergo qui à brevi tempore locum aliquem incolit, credi debet in eo domicilium fixisse, nisi rationes seu conjecturæ probabiles id suadeant: sicut enim in fugientibus onera *Domicilium re & facto transfertur, non nudâ contestatione*, ut habetur L. *Domicilium*, ff. *Ad Municipalem*; ita in appetentibus honores nudâ contestatione contenti esse non debemus. Cavendum est, ne quis aliquo figmento, & pretenso in fraudem domicilii, ab alienæ Diocesis Episcopo ordinetur: quod pœnâ etiam in Ordinatos constitutâ puniendum censuit *Gregorius X.* in Concilio Generali Lugdu-

Quis Episcopus domicilii?

PARS I.

Art. 7.

§. 2.

*Episcopus
beneficiis,*

nensi, cujus Decretum refertur Cap. *Eos qui*,
Tit. *De Temporibus Ordinationum*, in 6.

721. Ab Episcopo cujus in Diœcesi Beneficium obtinet, aliquis ordinari potest secundum Bonifaciani tenorem Decreti. Verum quia fieri potest ut Beneficium aliquod in fraudem suscipiatur. Ecclesię disciplinę magis convenit, ut à solo Episcopo Originis Ordines vulgò recipiantur: ut etiam colligitur ex resolutione S. Congregationis Cardinalium Concilii Tridentini Interpretum data 25. Feb. anno 1596.

*S. Congre-
gatio.*

*Alienę
Diœcesis
hominem
ordinare
Episcopo
non licet.*

722. Episcopus qui Beneficium alicui contulerit ut eum absque proprii Episcopi licentiâ ad Ordines promoveat, aut quolibet figmento quęsito, aut affectatâ ignorantia, alienę Diœcesis hominem ordinaverit, incurrit in pœnas Canonum. Ita declaravit *Gregorius X.* in Concilio Generali Lugdunensi, & refertur Cap. *Eos qui*, Tit. *De Temporibus Ordinationum*, in Sexto.

*Nec ra-
tione te-
nuijimi
Beneficii.*

723. Episcopus Ordines alicui conferre non potest ratione tenuissimi Beneficii, quod in ejus Diœcesi obtinet, si ex aliena Diœcesi sit oriundus, in eaque domicilium habeat. In eo enim casu præsumptio fraudis est, putâ si Beneficium quatuor dumtaxat ducatos annuatim reddat, vel ad summum septem ducatos, ut censent Zerola in Praxi Episcopali, P. 1. verbo *Beneficia*, §. 3. Soto Libro 2. *De Justitia & Jure*, Quæst. 3. *Barbosa* P. 2. *De Officio & potestate Episcopi*, Allegatione 4. Num. 45.

724. Epi-

734. Episcopus alienæ Diœcesis hominem in familiam suam adscriptum, & tres annos continuos apud se commoratum ordinare potest, ea lege ut Beneficium statim ipsi conferat absque fraude, Ita statuit Concilium Tridentinum, Sessione 23. *De Reformatione*, Cap. 9.

PARS I.

Art. 7.

§. 2.

Potest tamen ordinare hominem in familiam suam ad-

735. Titulares Episcopi non gaudent privilegio familiares suos ordinandi. Hanc enim potestatem ad Ordinarium Episcopum restrinxit Tridentina Synodus Sessione 14. *De Reformatione*, Cap. 2.

*scriptum.**Nisi fueris**Titularis.*

736. Regulares à proprio Episcopo debent ordinari, non minùs quàm cæteri Clerici. Proprius autem eorum Episcopus est Diœcesanus Monasterii in quo ipsi permanenter degunt. Colligitur ex Canone 15. Concilii Carthaginensis Quinti, & refertur Dist. 58. Canone *Si quis*. Id à Sacra Synodo Tridentina confirmatum, & Privilegia, si quæ forent in contrarium, abrogata sunt Sessione 23. *De Reformatione*, Cap. 8.

*A quo E-**piscopo**Regulares**ordinari**debent*

737. Nemo ab alieno Episcopo ordinari potest sine licentiâ proprii Episcopi, seu Dimissoriis Literis, Concilium Tridentinum Sessione 14. Cap. secundo *De Reformatione*, dum à Titulari Episcopo alterius subditum quocumque prætextu ordinari vetat, *Absque sui proprii Prælati expresso consensu, aut li-*

*Nemo ab**alieno E-**piscopo**absque**licentiâ**proprii**ordinari**potest.*

PARS I.

Arr. 7.

S. 2.

publicè ac solemniter in Ecclesia Episcopi proprii, eo præsente, sed honoris causâ alienum Episcopum ad celebrationem Ordinum incitante, vel propter infirmitatem indigente, aut absente eo quidem, sed præsentibus Officialibus ejus, iisque adjuvantibus, examinantibus, & testimonium de Ordinatione ferentibus, Ordinationem celebrari: quo unico casu literis dimissoriis opus non est, ut quis ab alterius Civitatis Episcopo ordinari valeat, sed expressus consensus Episcopi sufficit. Idem confirmatur ex Sessione 7. *De Reformatione*, Cap. 10. & Sessione 23. Cap. 10.

Soli Episcopi Literas dimissorias concedere possunt.

738. Soli Episcopi, non Abbates, neque alii etiam Exempti, aut Collegia vel Capitula, quæcumque, etiam Ecclesiarum Cathedralium, Literas Dimissorias Clericis sæcularibus concedere possunt ut ab aliis Ordines suscipiant. Ita sanxit Concilium Tridentinum Sessione 23. *De Reformatione*, Cap. 10. Vicarius etiam Generalis Episcopi Dimissorias Literas concedere non potest, nisi ex speciali Mandato Episcopi, vel ipso Episcopo in remotis agente, ut decretum est Cap. *Cum nullus*, Tit. *De Temporibus Ordinationum*, in sexto.

An & quando Capitulum potestas Sede vacante con-

739. Capitulum Sede vacante nonnisi elapso anno à die obitus Episcopi numerando, licentiam ordinandi, aut Dimissorias Literas concedere potest, tam ex Juris communis dispositione, quàm etiam cujusvis

Pri-

Privilegii aut Consuetudinis vigore, alicui, **PARS I.**
 qui Beneficii Ecclesiastici recepti, sive reci- **Art. 7.**
 piendi occasione arctatus non fuerit. San- **S. 2.**
 ctio est Concilii Tridentini Sessio 7. Cap. *veniat*
 10. *De Reformatione*; quam si Capitulum *conceden-*
 violaverit, Ecclesiastico subjacet Interdi- *di licen-*
 ctio: & sic Ordinati, si in Minoribus consti- *tiam or-*
 tuti fuerint, nullo Privilegio Clericali, præ- *dinandi,*
 fertim in criminalibus gaudent: in Majori- *aut Litteras*
 bus verò, ab executione Ordinum, ad be- *ras Di-*
 neplacitum futuri Prælati sunt ipso jure sus- *missorias?*
 pensi. Quam pœnam Sacra Synodus Sessio-
 ne 23. Cap. 10. ad illos, qui easdem Literas
 non à Capitulo, sed ab aliis quibusvis, in Ju-
 risdictione Episcopi loco Capituli, Sede va-
 cante succedentibus, obtinerent, mandat
 extendi. Concedentes autem Dimissorias
 contra formam Decreti, ab Officio & Be-
 neficio per annum ipso jure suspensos decla-
 rat.

740. Arctatus porrò quis dicitur occa-
 sione Beneficii recepti, qui aliquod obtinet
 Beneficium requirens Ministerium persona-
 le, ratione cujus de jure, consuetudine, pri-
 vilegio, statuto Ecclesiæ, vel foundationis
 tabulis, Ordines intra annum suscipere te-
 netur: exempli gratiâ, qui Parochialem Ec-
 clesiam obtinet, arctatus est ad Sacerdotium
 intra annum suscipiendum, & qui obtinet
 Canonicatum, arctatus est ad suscipiendum
 Ordinem illi annexum; idemque judicium
 esto de aliis Beneficiis seu Capellanis, requi-
 ren-

*Quis di-
 citur ar-
 ctatus ra-
 tione Be-
 neficii re-
 cepti?*

PARS I. rentibus ex instituto Ministerium personale ,
 Art. 7. seu Ordinis alicujus functiones .

§. 2.

*Quis ra-
 tione Le-
 neficii re-
 ciptendi?*

741. Arctatus verò dicitur occasione Beneficii recipiendi , qui jus habet , seu vocatus est ad aliquod Beneficium vacans , quod requirit certum Ordinem quo ille caret : vel qui cùm sit initiatus primâ Tonsurâ , præsentatus est ad Beneficium quod Majorem Ordinem actu requirit . Sed minimè dici arctatum occasione Beneficii recipiendi illum , cui aliquis vult resignare Beneficium requirens actu Ordinem quo ille caret , post alios observat *Barbosa P. 2. De Officio & Potestate Episcopi* , Allegatione 7. §. 11. Nec etiam arctatus censetur occasione Beneficii recipiendi , qui nondum Clericus est , sed opportunitate datâ captandi Beneficii , Tonsuram vult suscipere , ut Beneficii capax fiat , Vocatio enim Spiritus Sancti , non cupiditas & ambitus Beneficii , hominem ad Statum Clericalem perducere ac promovere debet .

*Litteræ
 Dimissio-
 riæ cum
 cautela
 conceden-
 da .*

742. Litteræ Dimissoriæ concedendæ non sunt nisi ex justâ causâ , & prævio illius examine cui conceduntur , nec generatim ad omnes , sed speciatim ac seorsim ad singulos Ordines . Concilium Tridentinum Sessione 23. Cap. 3. *De Reformatione* .

De Ordinationis effectibus.

743. **G**ratiam sanctificantem, non Ordinationis quidem primam, sed gratiarum incrementum in Sacris Ordinationibus effectus. Tim dari, colligitur ex Apostolo 1. ad Timotheum quarto: *Noli, inquit, negligere gratiam qua est in te, qua data est tibi per prophetiam, cum impositione manuum Presbyterii.* Et 2. ad Timotheum primo: *Admoneo te ut resuscites gratiam Dei, qua est in te per impositionem manuum mearum.* Id confirmat S. Thomas in 4. Sententiarum, Dist. 24. Quæst. 1. Art. 2. Quæstiuncula 1. Et in Responsione ad tertium: *Ad idoneam, inquit, executionem Ordinum non sufficit bonitas quantacunque, sed requiritur bonitas excellens, ut sicut illi qui Ordinem suscipiunt, super plebem constituuntur gradu Ordinis, ita & superiores sint merito sanctitatis; & ideo præexigitur gratia, qua sufficiebat ad hoc quod digne connumerarentur in plebe Christi: sed confertur in ipsa susceptione Ordinis amplius gratiæ donum, per quod ad majora reddantur idonei.*

744. Quod alterum effectum attinet, Character scilicet Characterem, hunc in Ordine imprimi fides docet, spirituales scilicet potestatem,

PARS I.

Art. 7.

§. 3.

statem, quæ ad Sanctissimum Eucharistiæ Sacramentum refertur; in Sacerdote quidem plenam & perfectam, ut qui Christi Jesu Domini nostri Corpus & Sanguinem unus potest conficere; in aliis verò inferiorum Ordinum Ministris majorem minoremve, quò quisque Ministerio suo magis minusve ad Altaris Sacramenta accedit. Hæc autem potestas character spiritualis dicitur; quòd qui Sacris initiati sunt, interiori quâdam notâ animæ impressâ ab aliis Fidelibus discernantur, ac divino cultui mancipientur.

Ordinationem, etiam ab Hæreticis collatam iterare non licet.

Quæ potestas ac nota cùm perpetua sit, semperque maneat, Ordinationem iterare non licet, quamvis ab Hæreticis, Schismaticis, Excommunicatis, exauctoritatis sive degradatis Episcopis collatam, ut probat perpetuus Ecclesiæ consensus.

Quo sensu Pontifices & Concilia Ordinationes Hæreticorum, Schismaticorum, Excommunicatorum, irritas pronuntiant.

745. Quamvis igitur propter immania quædam scelera Ministris Altaris & Ecclesiæ auferri possint honor, dignitas, & locus Ordini conveniens; ut non alio loco deinceps habeantur quàm Laïci (quod fit exauctoratione sive degradatione) ipsa tamen consecratio, & quæ consecratione collata est Potestas Ordinis, amitti non potest. Cùm itaque Ordinationes ab Hæreticis, Schismaticis, Simoniacis, Excommunicatis factas, juxta formam Ecclesiæ, Pontifices & Concilia irritas pronuntiant, intelligendum est eas esse irritas, non quòd ad substantiam Ordinis, quasi sint invalidæ, ac proinde iterari

ri debeant; sed quoad Ordinis executionem, quia sic Ordinatis non licet Ordinis sui functiones exercere: Tametsi verò dicantur nihil recipere, quia nec Ordinis honorem five administrationem recipiunt, nec Privilegia Ordini adnexa; imò nec Spiritum-Sanctum, gratiamque sanctificantem, si ab huiusmodi hominibus scientes ordinentur, quia peccatis eorum communicant: spiritualementamen Potestatem seu Characterem recipiunt, qui in eis perpetuò manet. *Quo sensu dicantur nihil recipere eos, qui ab huiusmodi ordinantur.* Omnis enim potestas, quæ datur cum aliqua consecratione, nullo casu contingente tolli potest, sicut nec ipsa consecratio annullari; quia etiam Altare vel Chrisma semel consecrata perpetuò sacra manent. Unde cum Episcopalis potestas cum quadam consecratione detur, oportet quòd perpetuò maneant, quantumcumque aliquis peccet, vel ab Ecclesia præcidatur; inquit S. Thomas in 4. Sententiarum, Dist. 23. Quæst. 1. Art. 2.

746. Quamobrem Episcopi ab Ecclesia præcisi retinent potestatem alios ordinandi; & Ordinationes ab ipsis factæ, sunt validæ, quamvis licitæ non sint. *Episcopi ab Ecclesia præcisi, quamvis peccat conferendo, vera sacramenta.* Vera Sacramenta conferunt, inquit ibidem S. Thomas, sed cum eis gratiam non dant; non propter inefficaciam Sacramentorum, sed propter peccata recipientium ab eis Sacramenta contra prohibitionem Ecclesiæ. Et in Responsione ad tertium: Illi, inquit, qui ab Hæreticis promoveantur, quamvis accipiant Ordinem,

PARS I. *non tamen recipiunt executionem, ut licite*
 Art. 7. *possint in suis Ordinibus ministrare.*
 §. ult.

S. ULTIMUS.

*De Temporibus Ordinationum ;
 & Qualitatibus Ordinan-
 dorum .*

*Ordina-
 tionum
 tempora.*

747. **C**lericus seu Prima Ton-
 sura, quocumque die & ho-
 râ. Minores vero Ordines singulis Domi-
 nicis & festis Duplicibus, matutino tamen
 tempore conferri possunt : Id constat ex
 Pontificali Romano & ex Ecclesiæ usu .

748. Subdiaconi, Diaconi, Presbyteri,
 Quatuor dumtaxat Jejunium Temporibus,
 tum Sabbato ante Dominicam Passionis,
 itemque Sabbato Sancto Paschæ possunt or-
 dinari : non autem extra hæc tempora gene-
 rales Ordinationes fieri possunt . Concilium
 Triden. Sess. 23. *De Reformatione*, Cap. 8.

*Extra
 tempora,
 cum Sum-
 mi Ponti-
 ficis fa-
 cultate,
 sacros Or-
 dines con-
 ferre li-
 cet.* 749. Summus Pontifex extra Tempora
 à Jure statuta Sacros Ordines conferre po-
 test : possunt & Episcopi, quibus id Roma-
 nus Pontifex permiserit. In iis enim quæ
 sunt Ecclesiastici Juris, Summum Pontifi-
 cem posse dispensare certum est. Id confir-
 matur ex Cap. *Subdiaconos*, Extra, *De Tem-
 poribus Ordinationum*, & Cap. *De eo*, eo-
 dem Titulo .

750. Duos

750. Duos Ordines Sacros simul eodem die suscipere aut conferre non licet. Cap. *Litteras*, Extra, De Temporibus Ordinationum, Cap. *Dilectus*, eodem Tit. Tridentina Synodus, Sessione 23. Cap. 13. De Reformatione. *Duo Sacri Ordines*, inquit, *non eodem die, etiam Regularibus, conferantur, Privilegiis ac Indultis quibusvis concessis non obstantibus quibuscumque.*

751. Episcopi Consecratio Dominico die, aut Festivo, qui à Populo solemniter celebretur, peragi potest. Pontificale Romanum legitimum diem Consecrationis vel Dominicum, vel Natalitium Apostolorum, vel etiam Festivum definit.

*Episcopi
Consecra-
tio.*

752. Religiosè servanda sunt inter singulos Ordines temporum intervalla, sive Interstitia Legibus Ecclesiæ præscripta. Ita nempe ut inter minores Ordines singulos congruum intervallum, V. G. ab uno Quatuor temporum ad aliud: inter postremum gradum Minorum Ordinum & Subdiaconatum, annus: Inter Subdiaconatum & Diaconatum, annus saltem, Inter Diaconatum & Presbyteratum annus integer interponatur. Quorum tamen Interstitiorum dispensatio, ubi id Ecclesiæ necessitas vel utilitas postulat, Episcopi proprii arbitrio committitur.

*Intersti-
tia ser-
vanda.*

753. Ordinator circa temporum Interstitia dispensare non potest cum iis qui Diaconati sui non sunt, nisi id Dimissionis Li-

*Qui pos-
sint in In-
terstitiis.*

PARS I. teris expresse concedatur . Sic responsum à
 Art. 7. Sacra Congregatione Episcoporum die nona
 §. ult. Augusti , anno millesimo quingentesimo no-
 dispensa- nagesimo tertio refert *Piascius* in Praxi no-
 re . va Episcopali , P. I. Cap. I.

Non Su- 754. Superiores Regularium cum ipsis
periores dispensare de Interstitiis non possunt ; sed
Regula- solum jus habent Episcopo supplicandi ut
rium . dispensare dignetur , habitâ ratione neces-
 sitatis vel utilitatis Ecclesiæ suæ , Monaste-
 rii , vel Ordinis . Quæ quidem supplicatio
 dimissoriis literis inferenda est . Ita decla-
 ravit sacra Congregatio Cardinalium Con-
 cilio Tridentini Interpretum , teste *Barbosa* ,
 P. 2. *De Officio & Potestate Episcopi* , Alle-
 gatione 18. Et Concilium Tridentinum
 hanc dispensationem iudicio & arbitrio Epif.

Cur cum copi semper relinquit . Si autem Viris Re-
Viris Re- ligiosis facilius Interstitiorum moras cano-
ligiosis fa- nicas remittant Illustrissimi & Reverendis-
ciliis dis- simi Episcopi , quàm Sæcularibus Clericis ,
pensandæ *Gelasii I.* Pontificis Maximi iudicium &
 exemplum sequentur , qui Interstitia inter
 singulos Ordines Monachis breviora , sæ-
 cularibus diuturniora imposuit ; *Quia quod*
annorum interstitia fuerant collatura , san-
cti propositi sponte suscepta docetur præsti-
tisse devotio .

Indigni 755. Neque Sacerdotum & Ministro-
nulla ra- rum penuria , neque rationes aliæ , indigno-
ratione Or- rum Clericorum Ordinationem ullatenus
dinandi . excusare possunt , Non enim Sacerdotum ac
 Mini-

Ministrorum multitudine, sed pietate, doctrina, labore, assiduitate, Ecclesia ab initio plantata est, postea verò aucta ornatâque floruit. *Dilatata videtur Ecclesia* (inquit S. Bernardus, in Tractatu De Conversione ad Clericos, Cap. 20.) *Ipsæ etiam Cleri sacratissimus Ordo: Fratrum numerus super numerum multiplicatus est. Verum etsi multiplicasti gentem, Domine, non magnificasti letitiam, dum nihil minus apparet decessisse meriti, quàm numeri accessisse. Curritur passim ad Sacros Ordines, & reverenda ipsis quoque Spiritibus Angelicis Ministeria homines apprehendunt sine reverentia, sine consideratione. Periculosus hic Ecclesiæ morbus, cui graviter consules, si non tam de Clericorum numero sollicitus sis, quàm de exemplo: Quia (ut scribit Gelasius I. ad Lucaniæ Episcopos) convenientia Ecclesiæ Ministeria reparanda sunt, non inconvenientibus meritis ingerenda Ne per occasionem supplendæ penuriæ Clericalis, vitia potius divinis cultibus intulisse; non legitimæ familiæ Domini putemur procurasse compendia. Similiter S. Leo inordinatas indignorum Ordinationes reprehendens, Epistola 1. aliàs 87. ad Africanos Episcopos: Non est hoc consulere Populis, inquit, sed nocere, nec præstare regimen, sed augere discrimen. Integritas enim Præsidentium, salus est subditorum. Concilii Lateranensi 4. Canon 27. id egregiè confirmat: Cum sit ars artium Re-*

Refertur
Dist. 77.
Can. Monachus.

PARS I.

Art. 7.

S. ult.

gimen Animarum, districte precipimus, ut Episcopi promovendos in Sacerdotes diligenter instruant & informant, vel per se ipsos, vel per alios viros idoneos, super Divinis Officiis, & Ecclesiasticis Sacramentis, qualiter ea ritè valeant celebrare; quoniam si ignaros & rudes de cetero ordinare præsumpserint, (quod quidem faciliè poterit deprehendi) & Ordinatores & Ordinatos gravi decrevimus subjacere ultioni, Satius enim maximè in Ordinatione Sacerdotum paucos bonos, quàm multos malos habere Ministros: quia si cæcus cæcum duxerit, ambo in foveam dilabuntur.

S. Thomas

756. Idem confirmat S. Thomas, in 4. Sententiarum, Dist. 24. Quæst. 1. Articulo 3. Quæstiuncula 4. A Domino, inquit, describitur fidelis, qui est servus constitutus super familiam, ut det illis tritici mensuram: & idè infidelitatis reus est, qui alteri supra mensuram ejus Divina tradit: hoc autem facit, quicumq; indignum promovet. Et idè mortale crimen committit, quasi Summo Domino infidelis; & præcipue cum hoc in detrimentum Ecclesiæ vergat, & honoris divini, qui per bonos Ministros promovetur: esset enim infidelis Domino terreno, qui in ejus Officio aliquos inutiles poneret. Et in Responsione ad primum: Deus numquam ita deserit Ecclesiam suam, quin inveniantur idonei Ministri sufficienter ad necessitatem plebis, si digni promoverentur, & indi-

gni

gni repellerentur . Et , si non possent tot Ministri inveniri , quot modò sunt , melius esset habere paucos Ministros bonos , quàm multos malos .

PARS I.

Art. 7.

S. nlt.

757. Nemo itaque absque probatione , nemo absque Dei Vocatione in Clerum adlegendus , Sacrisve Ordinibus initiandus est . Christus enim Dominus Apostolis suis ait : *Non vos me elegistis , sed ego eleghi vos .* Et (ut Apostolus ait) *Nec quisquam sumit sibi honorem , sed qui vocatur à Deo tanquam Aaron .* Nec enim Christus semetipsum clarificavit ut Pontifex fieret ; sed qui locutus est ad eum : *Filius meus es tu .*

Ordinandorum vocationis probanda.

758. Divinæ autem vocationis varia sunt indicia . Primum est Conscientiæ puritas , & anteaactæ vitæ innocentia . Alterum Ecclesiasticæ Disciplinæ studium amorque , & à Sæculi moribus , ac vanitatibus alienatio . Tertium , recta intentio , seu finis bonitas , ob quem aliquis Clericali Militiæ dat nomen , vel ad Sacram Ordinationem accedit . Si enim aliquis liber ab omni terreno affectu , vacuus ab omni gloriæ cupiditate , expers omnis ambitionis & avaritiæ , ad Clerum Deo deservendi causâ & salutis populi procurandæ gratiâ solum se conferat , Dignus Dei hic est , Dextera Domini fecit virtutem , Dextera Domini ipsum exaltat . Sed si rapit ambitio , si invitat avaritia , si otiositas allicit , si domesticæ curæ impatientia inducit , divinam ad Clericatum , & ad Sa-

Divina vocationis indicia .

PARS I. cros Ordines vocationem deesse, hæc argumenta sunt.

Art. 7.
§. ult.

759. Qua de perversitate intentionis
 „ Concilii Catechismus hæc habet : Alii
 „ eo consilio ad hanc vivendi rationem se
 „ convertunt, ut quæ ad victum, vestitum-
 „ que necessaria sunt, parent : ita ut præ-
 „ ter quæstum nihil aliud in Sacerdotio, que-
 „ madmodum vulgò cæteri omnes in quo-
 „ vis sordidi artificii genere, spectare vi-
 „ deantur. Quamvis enim ex Apostoli Sen-
 „ tentia, natura & divina lex jubeat, ut
 1. Cor. 9, „ *Qui Altari servit, ex Altari vivat* : ta-
 „ men quæstus & lucri causâ ad Altare ac-
 „ cedere, maximum sacrilegium est. Alios
 „ honorum cupiditas & ambitio ad Sacer-
 „ dotalem Ordinem ducit. Alii verò, ut
 „ divitiis affluant, initiari volunt, cujus
 „ quidem rei illud argumentum est, quòd
 „ nisi opulentum aliquod Ecclesiasticum
 „ Beneficium iis deferatur, nullam Sacri
 „ Ordinis cogitationem habent : hi verò
 Ioan. 10. „ sunt, quos Salvator noster *Mercenarios*
 Ezech. 34, „ appellat : & quos *Ezechiel* dicebat, *Seme-*
 „ *tipsoe & non oves pascere* : quorum tur-
 „ pitude & improbitas non solum Sacerdo-
 „ tali Ordini magnas tenebras offundit, ita
 „ ut jam nihil fere à fidei populo haberi
 „ possit contemptius & abjectius : verum
 „ etiam efficit ut ipsi nihil ampliùs ex Sa-
 „ cerdotio consequantur, quàm Judas ex
 „ Apostolatùs Munere, quod illi sempiter-
 „ num

„ num exitium attulit . Illi autem ostio in PARS I.
 „ Ecclesiam introire meritò dicuntur , qui Art. 7.
 „ à Deo legitimè vocati , Ecclesiastica Mu- §. ult.
 „ nera ejus unius rei causa suscipiunt , ut
 „ Dei honori inserviant .

760. Nemo verò est ad Sacros Ordines *Ordinan-*
 promovendus, nisi qui vel innocenter vixerit, *dorum*
 vel occultas prioris vitæ maculas diuturnâ *sanctima-*
 Pœnitentiâ diluerit . Christi enim primi *nia .*
 Summæque Sacerdotis sanctimoniam decet
 illos imitari , qui Sacerdotii illius participes
 esse cupiunt . *Talis decebat , ut nobis esset*
Pontifex , sanctus , innocens , impollutus , se-
gregatus à peccatoribus , & excelsior cælis
factus , qui non habet necessitatem quotidie ,
quemadmodum Sacerdotes , prius pro suis
delictis hostias offerre , deinde pro populi ;
(inquit Apostolus ad Hebræos 7.) Hinc
 etiam 1. ad *Timotheum* 3. docens quales
 esse debeant Episcopi , cæterique Ecclesiæ
 Ministri : *Oportet , inquit , Episcopum irre-*
prehensibilem esse , unius uxoris virum , so-
brium , prudentem , ornatum , pudicum ,
hospitalem , doctorem , non vinolentum , non
percussorem , sed modestum ; non litigiosum ,
non cupidum , &c. Diaconos similiter pudic-
cos , non bilingues , non multo vino deditos ,
non turpe lucrum sectantes : habentes my-
sterium fidei in conscientia pura . Et hi au-
tem probentur primum : & sic ministrent ,
nullum crimen habentes . Et ad Titum 1.
Hujus rei gratiâ reliqui te Cretæ , ut ea quæ

PARS I.

Art. 7.

S. ult.

*Ordinum
susceptio
in peccato
mortal
peccatum
mortal
est.*

*desunt corrigas, & constituas per civitates
Presbyteros, sicut & ego disposui tibi. Si
quis sine crimine est, &c.*

761. Sacrilegii reus est, qui cum pec-
cati mortalis conscientia Ordines suscipit.
S. Thomas, in 4. *Sententiarum*, Dist. 24.
Quæstione 1. Articulo 3. Quæstioncula 1.
Et in Responsione ad secundum, ait, Ordi-
natos per Ministerium spirituale ad quod
applicantur, effici medios inter Deum &
plebem: *Et ideo*, inquit, *debent bonâ con-*
scientiâ nitere quoad Deum, & bonâ famâ
quoad homines. Hinc Synodus Parisiensis
anno 1557. nullum ad Sacros Ordines ad-
mittendum statuit, *Nisi Sacramentali Con-*
fessione purgatus sit. Ordinandis, præfer-
tim iis qui vel Subdiaconatum, vel Diaco-
natum suscepturi sunt, Confessionem gene-
ralem, & pium Secessum, sive Spiritualia
Exercitia suadent Synodus Mediolanensis 4.
Aquenlis, & Burdigalensis postrema.

*Pariter
& Tonsu-
ra Cleri-
calis.*

762. In mortalis etiam peccati reatum in-
currit, qui Tonsuram Clericalem indignè, id
est, in affectu peccati mortalis, suscipit. Quæ-
vis enim non sit ipsa Sacramentum, sed Ce-
remonia tantum Sacramentalis, Ritûsque
Sacer, cui nullum gratiæ augmentum pro-
missum est: tamen quicumque per Tonsu-
ram Clero adscribitur, maximum à Deo
spiritale beneficium consequitur, & novum
init vitæ genus; atque ex duobus generibus
Christianorum, quorum unum communem

vivendi rationem sectatur, alterum perfectionis studio vacat, & aliorum salutem procurat perfectius ipse amplectitur, & ad proximi salutem procurandam se devovet. Si autem unquam caritatis & contritionis præcepta hominem obligant, tunc præsertim cum insignia Dei beneficia spiritualia à Deo ei subministrantur; vel cum novam vitæ rationem aggreditur. Quemadmodum enim, ex sententia *S. Thomæ*, ut primum quis rationis usum attingit, tenetur ad Deum sese convertere ac dirigere, eumque sibi omnium actionum suarum finem ultimum præfigere: ita homini novum vitæ genus inchoanti necessarium videtur ut ad Deum se convertat, Deumque sibi omnium actionum suarum in eo vitæ genere finem præstituat: tum verò maximè cum perfectionis etiam in alios diffundendæ Statum ingreditur. Quamobrem & injuriosus est in Deum, & Clericali Ordini contumeliosus, qui impœnitens Clericorum Catalogo inscribi se procurat, & Deo se in isto Ordine ministraturum devovet. Prudenter itaque Synodus Carnotensis Ordinum Candidatos admonet, *Ut antequam ad Ordines, & primam Tonsuram accedant, diligenter confiteantur peccata sua.*

763. Sanè qui Tonsuram Clericalem *S. Hieronymus.* suscipit ritu solemni coram Ecclesia profiteatur Dominum Deum partem esse suam. *Dominus pars hereditatis meæ.* Quamobrem

PARS I.

Art. 7.

S. ult.

Talem se exhibere debet, ut & ipse possideat Dominum & possideatur à Domino. (inquit *S. Hieronymus* Ep. 2.) nunquid vero id convenit homini in statu peccati mortalis constituto & non pœnitenti ? Nonne mentitur Spiritui Sancto ; qui se Deo adjectum ac penitus devotum esse velle profitetur exterius, cum Diabolo interiori affectu voluntatis addictus est ? *Quæ Conventio lucis ad tenebras, Christi ad Belial ; Templi Dei ad Idola ?*

2. Cor. 6.

15.

Ordinan-
dorum
scientia.

764. Ordinandorum scientia probari debet ac tentari pro ratione Ordinum ad quos promovendi sunt , & locorum quò mittuntur , pro ingenii captu , & doctrinæ genere quam profitentur . Qui autem agresti sunt ingenio , & literarum ignari , atque incapaces , rejiciendi sunt . Debent nempe, *qui aliis præponuntur curam animarum suscipientes, ea scire quæ ad Doctrinam Fidei & morum pertinent, & alii ea quæ ad executionem sui Ordinis spectant :* (inquit. *S. Thomas* in 4. *Sententiarum* , Dist. 24. Art 3. *Quæstiuncula 3.)*

*Etiam ad
Curam
animarū
baud as-
pirantiū .*

765. Nec est quodd aliquis scientiæ dotem in eo non ita severè dicat exigendam , qui Presbyteratum hoc tantum sine petat, ut cantui , lectioni , vel orationi vacet ; cui nec Populi docendi , nec regendi voluntas sit . Primò enim quis spondere audeat eum qui ante Ordinationem talia promiserit , postea non omnem moturum lapidem , ut Sacramentorum administrandorum potestas sibi de-

detur; aut Animarum Cura demandetur? Quo argumento conjiciet, ipsum non temerè de Mysteriis Divinis verba facturum? indocta responsa, noxia consilia, dogmata, errores non propalaturum, quæ in totius Ordinis dedecus vergant, & perniciem Populi? Secundò, quis ferat Presbyterum ordinari, ut sibi tantum vacet, non aliis? Quodd enim Christiani sumus, propter nos est; quodd Presbyteri, propter alios. Hoc Sacerdotalis Ordinis ratio, hoc potestatis pro populo instituta dignitas; hoc vetus Ecclesiæ Disciplina, quæ inutiles, otiosos, nullam Populi Christiani curam habentes Presbyteros vix patiebatur: hoc institutio Christi, & Apostolorum Traditio, quibus constat Presbyteros ad Populi utilitatem, & Sacramentorum Administrationem primùm institutos, tanquam indecorum & inordinatum rejiciunt. Quamobrem ex Concilii Mediolanensis 5. præscripto, ab iis qui ad Presbyteratum promovendi sunt, quærendum est primò, Quid sit Missæ Sacrificium? Quis illius sacrificii effectus? Quæ ejusdem partes; Quæ mysteria in eo sint? Quæ sacramentorum vestium significationes? Quæ in eo Sacrificio offerendo requirantur? ubi & quando illud fieri non licet? Quæ dubia aliquando incidere possint? Quæ explicatione opus habeant, ut illud rectè fiat? Tum explorandum est an sacræ Confessionis aliquam peritiam habeant; an ad alia item Sacramenta

*De quibus
interroga-
ri debent,
qui ad
Presbyte-
ratum
sunt pro-
movendi.*

PARS I.

Art. 7.

§. ult.

rectè ritèque ministranda idonei sint: an eorum cognitionem explicatiorem habeant: an doctrinam teneant, quâ verbum Dei rectè tractare, Concionè inve habere possint; anque de re sacra, de Christianarum Virtutum officiis, atque de omni re ad salutem necessaria, aptè Populum instruere, aut docere possint?

Religiosorum habenda ratio.

766. Aliquam tamen habendam esse rationem Virorum Religiosorum, qui perpetuò delitescere amant in suis Monasteriis, & ad nullas Animarum Curas, ad nullas functiones hierarchicas evocari, quales sunt Carthusiani, Camaldulenses, Grandimontenses, Cistercienses, &c. statuit Synodus Colonienſis anno 1549. ut scilicet benigniùs cum iis agatur, nec eadem quæ in aliis scientia requiratur. Quam exceptionem confirmat *S. Thomas*, in 4. *Sententiarum*, Dist. 24. Quæſtione 1. Articulo 3. Quæſtiuncula 2. ad primum,

Ordinandum caſitas.

767. Nemo ad Sacros Ordines promovendus est, nisi probatæ castitatis, & qui speret Deo autore se continere posse. Ita statuit Concilium Tridentinum, Sessione 23. Cap. 13. *De Reformatione*. Cælibatus enim Ecclesiasticæ Lege Subdiaconatui, ac superioribus Ordinibus annexus est.

De Clericis furtivè ordinatis.

768. Lethaliter peccant, qui vel alieno nomine interrogari se patiuntur, vel aliam personam examini supponunt. Qui enim sine examine ad Ordines promoventur, Ordina-

dinationem furtivè surripiunt; qui verò alienas personas mentiuntur, sacrilego huic furto cooperantur; utrique Ecclesiam ludificantur & impiè subsannant. Hinc Pontificale Romanum hunc Ritum in Ordinatione præscribit, ut antequam Ordinationes celebrentur, aliquis nomine Episcopi ordinaturi sub pœna Excommunicationis præcipiat, *Ne quis non descriptus, examinatus, approbatus, & nominatus, nullo pacto audeat ad suscipiendos Ordines accedere.*

PARS I.
Art. 7.
§. ult.

769. Nullus ad Subdiaconatum promoveri debet sine legitimo Titulo sive Beneficii, sive Patrimonii: ita tamen ut quoscunque Beneficium Ecclesiasticum obtinentes ordinare possit Episcopus, si nullum aliunde canonicum impedimentum habeant, & idcirco rei judicentur: ad Titulum verò Patrimonii vel Pensionis eos tantum ordinare possit, quos Ecclesiis suis necessarios vel utiles judicaverit. Concilium Tridentinum, Sessione 21. Cap. 2. De Reformatione. Ad Titulum autem Patrimonii non potest ordinari, cui nulla bonorum patrimonialium portio assignata est, si quidem perspectum prius esse debet Episcopo, Patrimonium vel pensionem ab eo qui ad Sacros Ordines promovendus est; verè obtineri, & ad vitam congruè sustentandam sufficere ex laudato Concilii Tridentini decreto, quò præterea statuitur, ut Patrimonium illud vel pensio in Titulum Clerico promovendo assignata, alienari,

De Ordinandorum Titulo.

Quid de Titulo Patrimonii.

PARS I.

Art. 7.

§. ult.

nari, extingui, aut remitti non possit sine licentia Episcopi : quod caveri non potest de Bonis, quæ actu non possidentur, sed spe dumtaxat ex Jure ad Paternam hereditatem.

Quid Regulares loco Tituli exhibere tenentur?

770. Regulares Religiosæ Professionis testificationem loco Tituli exhibere tenentur, cujus Ratihabitionem in Scriptis ac Juramento firmatam Episcopus ab ipsis exigere potest. Pius V. Constit. quæ incipit *Romanus Pontifex* edita prid. Id. Octob. 1568.

Ordinandi certæ Ecclesiæ adscribendi.

771. Nullus ordinandus est, nisi certæ adscribatur Ecclesiæ, quam si deserat inconsulto Episcopo, à Sacris Ministeriis suspendi debet. Tridentina Synodus Sessione 23. Cap. 16. De Reformatione.

Ordinandorum consensus.

772. Ordinandorum consensus necessarius est, adeo ut irrita esset Ordinatio, quæ prorsus renitenti & reluctanti, & qui nulla ratione ad consentiendum adduci posset, conferretur. Quod enim declaravit *Innocentius III. Cap. Majores, Extra, De Baptismo & ejus effectu*, quod *Ille qui nunquam consentit, sed penitus contradicit, nec rem, nec Characterem suscipit Sacramenti*, non minùs de Ordinatione, quàm de Baptismo verum est. Qui tamen conditionali coactione (ut loquuntur Canonici Juris Interpretes) ordinati sunt, id est, conditionaliter voluerunt, quod aliàs absolutè noluisent, eorum Ordinatio valida est, ut docent *S. Raymundus 3. P. Summæ, Tit. De ætate Ordinandorum, §. 16.* aliique Juris Canonici.

nonici Commentatores. Vide Tomo seq. five
2. p. hujus Compendii Appendicem ad hoc
Sacramentum, ubi de Impedimentis Ordin-
nandorum, & Irregularitatibus, De Vita &
Honestate Clericorum, De Beneficiis Eccle-
siasticis, De Simonia, & de Horis Canonicis.

PARS I.
Art. ult.
§. 1.

ARTICULUS ULTIMUS.

D E

SACRAMENTO MATRIMONII.

§. I.

*Quid Matrimonium? Quotupliciter
accipitur? Quo fine contraben-
dum? Quis hujus Sacramenti
effectus?*

773.

Matrimonium Tridentini
Concilii Catechismus ex

*Definitio
Matrimo-
nii.*

communi Theologorum sententia sic defi-
nit: *Matrimonium est viri & mulieris ma-
ritalis conjunctio inter legitimas personas,
individuum vitæ consuetudinem retinens.*
Cum autem spectari dupliciter possit Matri-
monium, primò ut naturæ officium, sive ut
naturalis conjunctio: (non enim ab homi-
nibus, sed à natura inventum est:) vel ut
Sacramentum, cujus vis naturalium rerum
conditionem superat; ad ipsum priori modo
consideratum hæc definitio pertinet. Ut Sa-
cramentum verò sic definiri potest: *Matrimo-*

*Definitio
quatenus
est Officiū
naturæ.*

*Definitio
quatenus*

PARS I. *monium est signum sensibile conjunctionis Christi cum Ecclesia à Christo institutum, promissionem habens gratiæ, personas legitime conjunctas ad individuum vitæ societatem unientis.*

Matrimonii dividitur in legitimum, & consummatum.

774. Matrimonium tripliciter dividitur. Aliud dicitur *Legitimum*, id est secundum Leges Gentium legitime contractum, non autem in Fide Christi; Aliud dicitur *Ratum*, id est, ab Ecclesia approbatum, quod inter Christi Fideles legitime contrahitur.

Genes. 2.
Matth. 19

775. Aliud dicitur *Consummatum*, quod carnali copulâ interveniente facit ut *Duo sint in carne una*, & *Jam non sint duo, sed una caro*. Et hoc dicitur perfectum Matrimonium: perfectum intelligo quantum ad significationem. Quamvis enim Matrimonium ante copulam perfectum sit quantum ad vinculum, & sanctum sanctitate Sacramenti, imò tantò sanctius, quantò magis à carnali conjunctione alienum; tamen perfectum non est quantum ad significationem, quia non omnia illa significat, quæ significaret carnali copulâ consummatum, Matrimonium enim ante copulam significat quidem charitatem quæ consistit in conjunctione Dei cum Anima justî, secundum illud

2. Cor. 6.
19.

Apostoli: *Qui adhæret Domino, unus spiritus est*: Post copulam verò significat conjunctionem Christi cum Ecclesia, quæ corpus ejus mysticum est, & quam sibi desponsavit per Incarnationis Mysterium, ut docet

Inno-

Innocentius III. Cap. Debitum, Ext. De Bigamis non ordinandis. PARS I.
Art. ult.

776. Consummatio tamen Matrimonii ad illius essentiam non pertinet. Verum enim Matrimonium intercessisse inter Deiparam Virginem & S. Joseph, quem *Virum Mariæ* Evangelium vocat, universi Theologi Catholici docent; cum tamen fidei dogma sit, Beatam Virginem numquam virum cognovisse, & intemeratam ac illibatam virginitatem perpetuò servasse.

777. Concilii Tridentini Catechismus, *Quibus de causis Vir & Mulier coniungi debeant.* cum explicat quibus de causis vir & mulier conjungi debeant. „Prima est inquit; ipsa „diversis sexûs naturæ instinctu expetita societas, mutui auxilii spe conciliata, ut alter „ter alterius ope adjutus vitæ incommoda „faciliùs ferre, & senectutis imbecillitatem „sustentare queat.

778. „Altera est procreationis appetitus, non tam quidem ob eam rem ut bonorum & divitiarum hæredes relinquatur, quàm ut veræ fidei & religionis cultores educantur: quod quidem maxime „Sanctis illis Patriarchis, cum uxores decerent, propositum fuisse, ex Sacris Literis satis apparet. Quare Angelus, cum „Tobiam admoneret, quo pacto mali Demonis vim posset repellere: *Ostendam tibi, inquit, qui sunt, quibus prevalere potest Daemonium.* Hi namque qui conjugium ita suscipiunt, ut Deum à se & à sua mente exclu-

PARS I.
Art. ult.
§. 1.

excludant , & suæ libidini ita vacent sicut equus & mulus , quibus non est intellectus ; habet potestatem Daemonium super eos . Deinde subjecit: Accipies virginem cum timore Domini , amore filiorum magis quàm libidine ductus , ut in semine Abraham benedictionem in filiis consequaris . „ Atque una „ etiam hæc causa fuit , cur Deus ab initio „ Matrimonium instituerit .

779. „ Tertia est , quæ post primi parentis lapsum ad alias causas accessit: cum „ propter justitiæ , in qua homo conditus „ erat , amissionem , appetitus rectæ rationi „ repugnare cœpit ; ut scilicet , qui sibi imbecillitatis suæ conscius est , nec carnis pugnam vult ferre , Matrimonii remedio ad „ vitanda libidinis peccata utatur , de quo „ ita Apostolus scribit 1. ad Corinthios 7. *Propter fornicationem unusquisque suam uxorem habeat , & unaquæque suum virum „ habeat .* At paulò post cùm docuisset , interdum orationis causa à Matrimonii debito abstinendum esse , subjecit: *Et iterum revertimini in idipsum , ne tentet vos Satanas propter continentiam vestram .*

780. „ Hæ igitur sunt causæ , quarum „ aliquam tibi proponere quisque debet , qui „ piè & religiosè , ut Sanctorum filios decet , „ Nuptias velit contrahere . Quòd si ad eas „ causas aliæ etiam accedant , quibus homines inducti Matrimonium ineant , atque in „ habendo uxoris delectu hanc illi præponant

„nant , ut hæredis relinquendi desiderium ,
 „divitiæ , forma , generis splendor , morum
 „similitudo : hujusmodi sanè rationes dam-
 „nandæ non sunt , cùm Matrimonii sancti-
 „tati non repugnent . Neque enim in sacris
 „Literis Jacob Patriarcha reprehenditur ,
 „quodd *Rachelem* , ejus pulchritudine illectus ,
 „*Lia* prætulit .

PARS I.

Art. ult.

S. 1.

781. Christiani itaque viri & mulieres , *Ante Ma-*
 non jungantur Matrimonio , nisi prius Dei *trimoniũ,*
 voluntatem multis ac ferventissimis preci- *Dei Vo-*
 bus exquisierint , *Non victi libidine , sed du-*
cti pietate ; Veteris Testamenti Justos quan- *luntas ex-*
 tum ad intensionis puritatem in ducendis *quirenda.*
 uxoribus imitentur , *Qui non propter hoc sæ-*
culum , sed propter Christum conjuges , &
propter Christum patres fuerunt ; (ut loqui-
 tur *S. Augustinus* Libro de Bono Conjugali ,
 Cap. ultimo .) Matrimonio copulentur ,
 non solum ut filios habeant , sed ut eos Chri-
 sto lucrentur , & in disciplina & timore Do-
 mini eos instituant . Non enim jam felicitas
 est habere filios , sed habere bonos ; eosque
 sic instituere ut *Heredes quidem Dei , cohe-*
redes autem Christi .

782. Matrimonii Sacramentum gra- *Matrimo-*
 tiam conferre , dogma fidei est . Hanc scili- *nis , ef-*
 cet *Quæstionem* à veteribus quibusdam *fectus*
 Theologis , præsertim à *Durando* , & non- *Gratia .*
 nullis etiam Juris Canonici Commentatori-
 bus ventilatam , Concilium Tridentinum
 spavit Canone primo Sessionis 24. Per hanc

PARS I.

Art. ult.

§. 1.

*Gratia
Sacramēti
Matrimo-
nii
quid præ-
stet consu-
gibus?*

gratiam fit ut vir & uxor mutuæ caritatis vinculo conjuncti, alter in alterius benevolentia conquiescat, alienosque & illicitos amores, & concubitus non quærat; sed in omnibus sit honorabile connubium & thorus immaculatus. Per hanc gratiam fit ut Matrimonium, quod in remedium concupiscentiæ institutum est, ipsam refrænet atque coërceat. Nisi enim Matrimonio gratia conferretur, concupiscentiam potius augeret quàm moderaretur Matrimonii usus. Per hanc gratiam fit ut Christiani conjuges quærant prolem, non tantum quæ nascatur mundo, sed quæ renascatur & consecretur Christo. Unde *S. Augustinus*, Lib. 1. *De Nuptiis & Concupiscentia*, Cap. 17. *In Nuptiis*, inquit, *bona Nuptialia diligantur, proles, fides, Sacramentum; sed proles non ut nascatur tantum, verum etiam ut renascatur; nascitur namque ad pœnam, nisi renascatur ad vitam.* Per hanc gratiam fit ut Christiani conjuges inviolatam ac individuum fidem sibi mutuo servant. Per hanc gratiam fit ut prolem parentes enutrient & instituunt *In disciplina & correptione Domini*; ut monet *Apostolus ad Ephesios 6.* Per hanc gratiam fit ut Christiani conjuges onera & incommoda Matrimonii ferant, quæ *Apostolus* his verbis significavit: *Tribulationem tamen carnis habebunt hujusmodi. Quam tribulationem experiuntur conjugati In suspicionibus zeli conjugalis, in procreandis filiis at-*

que

que nutriendis, in timoribus & mœroribus orbitatis, Quotus enim quisque, cum se con-
nubii vinculis alligaverit, non istis trabatur
atque agitetur affectibus? inquit S. Auguſti-
nus Libro De Sancta Virginitate, Cap. 16.
Ad hanc tribulationem tolerandam gratia
Sacramentalis Christianos conjugēs juvat.
Per hanc denique gratiam fit, ut spe prolis
amiſſa, perpetuū & concorditer conjuncti
ad mortem uſque permaneant: utque Chri-
ſtianus conjux etiam malum conjugem fe-
rat, ut eum Chriſto lucrificiat & ſanctificet.

PARS I.

Art. ult.

§. 2.

§. II.

De Materia, Forma, & Ministro
Matrimonii.

183. **D**E Materia, & Forma Sacra-
menti Matrimonii Theologi
diſputant, Eccleſia ſilet. Quidam perſonas
ipſas contrahentes, materiam; verba verò
conſenſum exprimentia, formam eſſe vo-
lunt. Alii verba ipſa, ſeu conſenſum mu-
tuum verbis vel ſignis expreſſum materiam
& formam diverſa conſideratione eſſe a-
junt; materiam quatenus determinatur,
formam quatenus determinant. Atque huic
opinionī patrocinari videtur S. Thomas in 4.
Sententiarum, Dist. 26. Quæſt. 2. Art. 1. ad 1.

De Ma-
teria, For-
ma, &
Ministro
Sacramen-
ti Matri-
monii var-
ia Theo-
logorum
ſententiæ.

784. Melchior Cano, Eſtius, Silvius, Cano, E-
ſtius, Syl-
aliique clariffimi Theologi, formam Sacra-

PARSI.

Art. ult.

S. 2.

vltus.

menti Matrimonii non verba conjugum, sed verba Sacerdotis Matrimonium celebrantis esse censent, in Romano Rituali præscripta, vel alia æquivalentia, secundum uniuscuiusque Ecclesiæ Rituin.

*De Mini-
stro.*

*Plures
Scholasti-
ci censent
esse Con-
trahentes.*

785. Ministros Sacramenti Matrimonii posteriorum Scholasticorum pars maxima ipsos esse contrahentes asserit, quod verba mutuum exprimentia consensum formam esse hujus Sacramenti persuasum habeant: hæc autem ab ipsis conjugibus proferantur: Illique opinioni præsidium quærunt ex verbis *Eugenii IV.* in Decreto pro Instructione Armenorum post Synodum Florentinam edito: *Causa efficiens Matrimonii regulariter est mutuus consensus per verba de presenti expressus.* Et ex verbis *S. Thomæ in 4. Sententiarum*, Dist. 26. Quæst. 2. Art. 1. ad primum respondentis, Verba quibus consensus Matrimonialis exprimitur esse formam hujus Sacramenti, non autem Benedictionem Sacerdotis, quæ est quoddam Sacramentale dumtaxat, id est, sacra Ceremonia ad Sacramenti solemnitatem ex Ecclesiæ Institutione accedens.

*Alii solum
Sacerdo-
tem.*

786. At vero maximi nominis & eruditionis eximie Theologi proximè laudati solum Sacerdotem proprium esse Sacramenti Matrimonii Ministrum propugnant; adeo ut sine Sacerdote verba proferente contractum Matrimonium, quamvis ratum sit, (si nihil desideretur eorum quæ ad ipsam con-

tra-

tractûs substantiam pertinent, vel Ecclesiæ Legibus præscripta sunt;) Sacramentum tamen minimè censendum sit. Quin & veteres Theologos opinionis hujus patronos laudat *Cano*, scilicet *Guillelmum Parisiensem* Lib. De Sacramentis, Tractatu De Matrimonio, & *Petrum Paludanum* in 4. Sententiarum, Dist. 5. Quæst. 2. Nam cum vir & fœmina civiliter contrahunt, etiamsi peccatores sint, nec Pœnitentiam agant, non credit eos esse reos sacrilegii; id quod nullo modo probabile esset, si ejusmodi Matrimonium esset verum Ecclesiæ Sacramentum. Omnes quippe sine controversia sacrilegi sunt, qui post peccatum mortale sine Pœnitentia Christi Sacramenta fuscipiunt. Atque ipsum etiam Theologorum Principem *S. Thomam* huic opinioni subscripsisse probat, scilicet in 4. Sententiarum, Dist. 1. Quæst. 2. Art. 3. ad quintum.

787. Et *Secunda Secundæ*, Quæstione centesima, Articulo 2. ad sextum: *Dare pecuniam pro Matrimonio, in quantum est Ecclesiæ Sacramentum, illicitum est; & ideo secundum Jura prohibetur, ne pro Benedictione Nuptiarum aliquid detur.* S. Thom. a.

788. Et in ipso Supplemento 3. Partis ex 4. Sententiarum collecto, Quæst. 8. Art. 1. *Gratia quæ in Sacramentis datur, à Capite in membra descendit: & ideo solus ille Minister est Sacramentorum, in quibus gratia datur, qui habet Ministerium super Corpus,*

PARS I.

Art. ult.

§. 2.

*Arbitra-
ria hic
Opinionū
electio.*

*De Ma-
trimonio
per Pro-
curatores.*

Christi verum, quod solius Sacerdotis est, qui consecrare Eucharistiam potest. Quæst. 22. Artículo 1. Respondeo, quòd Sacramenta in quibus gratia confertur, dispensare ad solos Sacerdotes pertinet. Quæstione 31. Artículo 1. Nullius Sacramenti dispensatio Laïcis ex officio competit.

789. Ceterum varias illas Theologorum Opiniones circa materiam, formam, ac Ministrum Sacramenti Matrimonii proponimus tantum ac referimus: quam libuerit, quisque sequatur, cum de his Quæstionibus nihil pronuntiaverit Ecclesia, illasque Theologorum disputationi permittat.

790. Hinc verò dubium est, an Matrimonium per Procuratores inter Fideles absentes contractum sit verè Sacramentum. Ea enim de re pariter variæ sunt Theologorum sententiæ, & probabiles utrimque rationes. Quam ob rem consultius erit, ut, qui Matrimonium ita contraxerunt, coram positi contractum ratum habeant, iterata etiam benedictione Nuptiali, ne fortè consensus interrupti fuerint, vel Sacramenti ratio hujusmodi Matrimonio desit; maximè cum fieri possit, ut revocata fuerit procuratio ignorante procuratore, & ea cum qua alterius nomine contraxit: quo casu Matrimonium non solum Sacramentum non esset; sed omnino nullum & irritum existeret, ut constat ex Cap. Procurator. Tit. De Procuratoribus in 6.

De Polygamia.

791. **P**olygamia à Matrimonii natura aliena est. Hanc Propositionem Concilii Tridentini Catechismus probat ex illis Christi Domini verbis Matth. 19. *Non legistis, quia qui fecit hominem ab initio, masculum & feminam fecit eos? Et dixit: Propter hoc dimittet homo patrem & matrem, & adhærebit uxori suæ, & erunt duo in carne una: Ac deinde subjungit: Itaque jam non sunt duo, sed una caro.* Ex quibus verbis constat, Matrimonium ita à Deo institutum esse, ut duorum tantum, non plurium conjunctione definiretur. Non enim ait: Masculum & feminas fecit, sed *Masculum & feminam*: Nec, *Adhærebit uxoribus suis*, sed, *Uxori*, nec, tres, vel plures erunt in carne una, sed, *duo in carne una*. Igitur unam uni perpetuò conjungendam edixit: quod ex his Domini verbis colligunt S. Joannes Chrysostomus, S. Hieronymus, Venerabilis Beda, Theophylactus, Euthymius, & Innocentius III. Pontifex Maximus Cap. Gaudemus, Ex. De Divortiis.

Polygamia repugnat Matrimonio.
Matth. 19

792. Idem probant ista Salvatoris verba ab eodem Evangelista ibidem relata: *Qui cumque dimiserit uxorem suam, & aliam dixerit, adulterium committit super eam: & si uxor dimiserit virum suum, & alii*

Ibidem.

PARS I. *nupserit, mæchatur.* Nam si viro liceret
 Art. ult. plures simul uxores ducere, nulla omninò
 §. 3. causa esse videretur, cur magis adulteriù reus
 dicendus esset, quòd præter eam uxorem
 quam domi haberet, aliam duceret, quàm
 quòd, priore dimissâ, cum aliâ conjunge-
 retur.

Innocen- 793. Ita colligit *Innocentius III.* loco
tius III. mox indicato: *Si ergo (inquit) uxore dimissâ
 duci alia de jure non potest, fortius & ipsâ
 retentâ: per quod evidenter apparet, plura-
 litatem in utroque sexu, cum non ad impa-
 ria judicentur circa Matrimonium, repro-
 bandam.* Pares sunt in re Matrimonii vir
 & mulier, *Innocentio III.* Judice: Cùm ergo
 mulier non liceat plures habere viros; nec
 viro licet plures habere uxores. Quæ ratio
 ex Apostolo sumpta est 1. ad Corinthios 7.
*scribente: Mulier sui corporis potestatem non
 habet, sed vir: similiter & vir sui corpo-
 ris potestatem non habet, sed mulier. Uxo-
 ri vir debitum reddat.* Quamvis igitur plu-
 ralitas uxorum fecunditatem non tollat,
 primariòque fini Matrimonii, scilicet pro-
 creationi liberorum, eo nomine non repu-
 gnet, sicut repugnat pluralitas virorum re-
 spectu unius uxoris: id tamen adversatur ho-
 nestati, jurique conjugali. Uxori namque
 fieret injuria, si corpus viri, cujus domi-
 nium in ipsam Matrimonii contractu trans-
 latum est, alteri traderetur.

Etiam sui 794. Finem prætereà secundarium Ma-
 tri.

trimonii, si non omninò tollit, certè multum impedit polygamia, cùm facile pax in familia conservari non possit, ubi plures uxores uni viro junguntur: siquidem plurimum in uno officio communicatio invidiam parit, invidia verò lites, rixas, odia. Quamobrem *Pluralitas uxorum est quodammodo contra legem naturæ*; (inquit S. Thomas.) Cæterùm Divino Juri prorsus repugnat, & institutioni Sacramenti, quod ita institutum à Christo est, ut esset unius cum una indissolubilis conjunctio, ejusdem Salvatoris conjunctionem cum Ecclesia, unius Viri cum una Sponsa castissima significans. Ideo Lex Valentiniani Imperatoris, quâ pluralitatem uxorum licitam esse voluit, ut *Justinam* vivente adhuc *Severa* conjuge superducere posset, communi omnium consensu improbata est. *Possit enim homo dimittere sterilem uxorem*, (inquit S. Augustinus Libro De Bono Conjugali, Cap. 7.) & *ducere de qua filios habeat*: & *tamen non licet*; & *nostris quidem jam temporibus ac more Romano, nec superducere, ut amplius habeat quàm unam vivam*. Idemque asserit Cap. 15. & rursus Libro 22. *Contra Faustum*, Cap. 47. & Libro 3. *De Doctrina Christiana*, Cap. 18.

795. Atque ob eam rem fieri intelligimus, ut si Infidelis quispiam, gentis suæ more & consuetudine, plures uxores duxisset, cùm ad veram Religionem conversus fuerit, jubeas eum Ecclesia cæteras omnes relinquere;

PARS I.

Arr. ult.

S. 3.

secundario Matrimonii Polygamia repugnat.

Infidelis conversus cæteras, præter primam uxores

PARS I.

Art. ult.

§. 1.

*Gratia
Sacramēti
Matrimo-
nii
quid præ-
stet coniu-
gibus?*

gratiam fit ut vir & uxor mutuæ caritatis vinculo conjuncti, alter in alterius benevolentia conquiescat, alienosque & illicitos amores, & concubitus non quærat; sed in omnibus sit honorabile connubium & thorus immaculatus. Per hanc gratiam fit ut Matrimonium, quod in remedium concupiscentiæ institutum est, ipsam refrænet atque coërceat. Nisi enim Matrimonio gratia conferretur, concupiscentiam potius augetet quàm moderaretur Matrimonii usus. Per hanc gratiam fit ut Christiani conjuges quærant prolem, non tantum quæ nascatur mundo, sed quæ renascatur & consecretur Christo. Unde *S. Augustinus, Lib. 1. De Nuptiis & Concupiscentia, Cap. 17. In Nuptiis, inquit, bona Nuptialia diligantur, proles, fides, Sacramentum: sed proles non ut nascatur tantum, verum etiam ut renascatur; nascitur namque ad pœnam, nisi renascatur ad vitam.* Per hanc gratiam fit ut Christiani conjuges inviolatam ac individuam fidem sibi mutuo servant. Per hanc gratiam fit ut prolem parentes enutriant & instituunt *In disciplina & correptione Domini*; ut monet *Apostolus ad Ephesios 6.* Per hanc gratiam fit ut Christiani conjuges onera & incommoda Matrimonii ferant, quæ *Apostolus* his verbis significavit: *Tribulationem tamen carnis habebunt hujusmodi. Quam tribulationem experiuntur conjugati In suspicionibus zeli conjugalis, in procreandis filiis at-*

que

que nutriendis, in timoribus & mœroribus orbitatis, Quotus enim quisque, cum se connubii vinculis alligaverit, non istis trabatur atque agitetur affectibus? inquit S. Augustinus Libro De Sancta Virginitate, Cap. 16. Ad hanc tribulationem tolerandam gratia Sacramentalis Christianos conjugēs juvat. Per hanc denique gratiam fit, ut spe prolis amissâ, perpetuè & concorditer conjuncti ad mortem usque permaneant: utque Christianus conjux etiam malum conjugem fecit, ut eum Christo lucrificet & sanctificet.

PARS I.
Art. ult.
§. 2.

§. II.

*De Materia, Forma, & Ministro
Matrimonii.*

183. **D**E Materia, & Forma Sacramenti Matrimonii Theologi disputant, Ecclesia silet. Quidam personas ipsas contrahentes, materiam; verba verò consensum exprimentia, formam esse volunt. Alii verò ipsa, seu consensum mutuum verbis vel signis expressum materiam & formam diversâ consideratione esse ajunt; materiam quatenus determinatur, formam quatenus determinant. Atque huic opinioni patrocinari videtur S. Thomas in 4. Sententiarum, Dist. 26. Quæst. 2. Art. 1. ad 1.

De Materia, Forma, & Ministro Sacramenti Matrimonii varie Theologorum sententia.

184. *Melchior Cano, Estius, Silvius, Cano, & aliique clarissimi Theologi, formam Sacra-*

mento, E-

PARSI.
Art. ult.
S. 2.
vltus.

menti Matrimonii non verba conjugum, sed verba Sacerdotis Matrimonium celebrantis esse censent, in Romano Rituali præscripta, vel alia æquivalentia, secundum uniuscujusque Ecclesiæ Rituin.

*De Mini-
stro.*

*Plures
Scholasti-
ci censent
esse Con-
trahentes.*

785. Ministros Sacramenti Matrimonii posteriorum Scholasticorum pars maxima ipsos esse contrahentes asserit, quod verba mutuum exprimentia consensum formam esse hujus Sacramenti persuasum habeant: hæc autem ab ipsis conjugibus proferantur: Illique opinioni præsidium quærent ex verbis *Eugenii IV.* in Decreto pro Instructione Armenorum post Synodum Florentinam edito: *Causa efficiens Matrimonii regulariter est mutuus consensus per verba de presenti expressus.* Et ex verbis *S. Thomæ* in 4. Sententiarum, Dist. 26. Quæst. 2. Art. 1. ad primum respondentis, Verba quibus consensus Matrimonialis exprimitur esse formam hujus Sacramenti, non autem Benedictionem Sacerdotis, quæ est quoddam Sacramentale dumtaxat, id est, sacra Ceremonia ad Sacramenti solemnitatem ex Ecclesiæ Institutione accedens.

*Alii solum
Sacerdo-
tem.*

786. At vero maximi nominis & eruditionis eximie Theologi proximè laudati solum Sacerdotem proprium esse Sacramenti Matrimonii Ministrum propugnant; adeò ut sine Sacerdote verba proferente contractum Matrimonium, quamvis ratum sit, (si nihil desideretur eorum quæ ad ipsam con-
tra-

tractus substantiam pertinent, vel Ecclesiæ Legibus præscripta sunt;) Sacramentum tamen minimè censendum sit. Quin & veteres Theologos opinionis hujus patronos laudat *Cano*, scilicet *Guillelmum Parisiensem* Lib. De Sacramentis, Tractatu De Matrimonio, & *Petrum Paludanum* in 4. Sententiarum, Dist. 5. Quæst. 2. Nam cum vir & fœmina civiliter contrahunt, etiamsi peccatores sint, nec Pœnitentiam agant, non credit eos esse reos sacrilegii; id quod nullo modo probabile esset, si ejusmodi Matrimonium esset verum Ecclesiæ Sacramentum. Omnes quippe sine controversia sacrilegi sunt, qui post peccatum mortale sine Pœnitentia Christi Sacramenta suscipiunt. Atque ipsum etiam Theologorum Principem *S. Thomam* huic opinioni subscripsisse probat, scilicet in 4. Sententiarum, Dist. 1. Quæst. 2. Art. 3. ad quintum.

787. Et *Secunda Secunda*, Quæstione centesima, Articulo 2. ad sextum: *Dare pecuniam pro Matrimonio, in quantum est Ecclesiæ Sacramentum, illicitum est; & ideo secundum Jura prohibetur, ne pro Benedictione Nuptiarum aliquid detur.* S. Thomas

788. Et in ipso Supplemento 3. Partis ex 4. Sententiarum collecto, Quæst. 8. Art. 1. *Gratia quæ in Sacramentis datur, à Capite in membra descendit: & ideo solus ille Minister est Sacramentorum, in quibus gratia datur, qui habet Ministerium super Corpus*

PARS I.
Art. ult.
§. 2.

Christi verum, quod solius Sacerdotis est, qui consecrare Eucharistiam potest. Quæst. 22. Artículo 2. Respondeo, quòd Sacramentum in quibus gratia confertur, dispensare ad solos Sacerdotes pertinet. Quæstione 31. Artículo 1. Nullius Sacramenti dispensatio Laïcis ex officio competit.

*Arbitria hic
Opinionū
electio.*

789. Ceterum varias illas Theologorum Opiniones circa materiam, formam, ac Ministrum Sacramenti Matrimonii proponimus tantum ac referimus: quam libuerit, quisque sequatur, cum de his Quæstionibus nihil pronuntiaverit Ecclesia, illasque Theologorum disputationi permittat.

*De Matrimonio
per Procuratores.*

790. Hinc verò dubium est, an Matrimonium per Procuratores inter Fideles absentes contractum sit verè Sacramentum. Ea enim de re pariter variæ sunt Theologorum sententiæ, & probabiles utrimque rationes. Quam ob rem consultius erit, ut, qui Matrimonium ita contraxerunt, coram positi contractum ratum habeant, iterata etiam benedictione Nuptiali, ne fortè consensus interrupti fuerint, vel Sacramenti ratio hujusmodi Matrimonio desit; maximè cum fieri possit, ut revocata fuerit procuratio ignorante procuratore, & ea cum qua alterius nomine contraxit: quo casu Matrimonium non solum Sacramentum non esset; sed omnino nullum & irritum existeret, ut constat ex Cap. Procurator. Tit. De Procuratoribus in 6.

De Polygamia.

791. **P**olygamia à Matrimonii natura aliena est. Hanc Propositionem Concilii Tridentini Catechismus probat ex illis Christi Domini verbis Matth. 19. *Non legistis, quia qui fecit hominem ab initio, masculum & feminam fecit eos? Et dixit: Propter hoc dimittet homo patrem & matrem, & adhaerebit uxori suae, & erunt duo in carne una: Ac deinde subjungit: Itaque jam non sunt duo, sed una caro.* Ex quibus verbis constat, Matrimonium ita à Deo institutum esse, ut duorum tantum, non plurium conjunctione definiretur. Non enim ait: Masculum & feminas fecit, sed *Masculum & feminam*: Nec, *Adhaerebit uxoribus suis*, sed, *Uxori*, nec, tres, vel plures erunt in carne una, sed, *duo in carne una*. Igitur unam uni perpetuò conjungendam edixit: quod ex his Domini verbis colligunt S. Joannes Chrysostomus, S. Hieronymus, Venerabilis Beda, Theophylactus, Euthymius, & Innocentius III. Pontifex Maximus Cap. Gaudemus, Ext. De Divortiis.

Polygamia repugnat Matrimonio. Matth. 19

792. Idem probant ista Salvatoris verba ab eodem Evangelista ibidem relata: *Quicumque dimiserit uxorem suam, & aliam dixerit, adulterium committit super eam: & si uxor dimiserit virum suum, & alii*

Ibidem.

PARS I.

Art. ult.

S. 3.

nupserit, mæchatur. Nam si viro liceret plures simul uxores ducere, nulla omnino causa esse videretur, cur magis adulterii reus dicendus esset, quod præter eam uxorem quam domi haberet, aliam duceret, quam quod, priore dimissâ, cum aliâ conjungeretur.

*Innocen-
tius III.*

793. Ita colligit *Innocentius III.* loco mox indicato: *Si ergo (inquit) uxore dimissâ duci alia de jure non potest, fortius & ipsâ retentâ: per quod evidenter apparet, pluralitatem in utroque sexu, cum non ad imparia judicentur circa Matrimonium, reprobendam.* Pares sunt in re Matrimonii vir & mulier, *Innocentio III.* Judice: Cum ergo mulieri non liceat plures habere viros; nec viro licet plures habere uxores. Quæ ratio ex Apostolo sumpta est 1. ad Corinthios 7. scribente: *Mulier sui corporis potestatem non habet, sed vir: similiter & vir sui corporis potestatem non habet, sed mulier. Uxori vir debitum reddat.* Quamvis igitur pluralitas uxorum fecunditatem non tollat, primarioque fini Matrimonii, scilicet procreationi liberorum, eo nomine non repugnet, sicut repugnat pluralitas virorum respectu unius uxoris: id tamen adversatur honestati, jurisque conjugali. Uxori namque fieret injuria, si corpus viri, cujus dominium in ipsam Matrimonii contractu translatum est, alteri traderetur.

Etiâ sui

794. Finem præterea secundarium Mat-
tri.

trimonii, si non omnino tollit, certe multum impedit polygamia, cum facile pax in familia conservari non possit, ubi plures uxores uni viro junguntur: siquidem plurimum in uno officio communicatio invidiam parit, invidia verò lites, rixas, odia. *Quamobrem Pluralitas uxorum est quodammodo contra legem naturæ; (inquit S. Thomas.)* Cæterum Divino Juri prorsus repugnat, & institutioni Sacramenti, quod ita institutum à Christo est, ut esset unius cum una indissolubilis conjunctio. ejusdem Salvatoris conjunctionem cum Ecclesia, unius Viri cum una Sponsa castissima significans. Ideo Lex Valentiniani Imperatoris, quâ pluralitatem uxorum licitam esse voluit, ut *Justinam* vivente adhuc *Severa* conjuge superducere posset, communi omnium consensu improbata est. *Possit enim homo dimittere sterilem uxorem, (inquit S. Augustinus Libro De Bono Conjugali, Cap. 7.) & ducere de qua filios habeat: & tamen non licet; & nostris quidem jam temporibus ac more Romano, nec superducere, ut amplius habeat quam unam vivam.* Idemque asserit Cap. 15. & rursus Libro 22. *Contra Faustum*, Cap. 47. & Libro 3. *De Doctrina Christiana*, Cap. 18.

795. Atque ob eam rem fieri intelligimus, ut si Infidelis quispiam, gentis suæ more & consuetudine, plures uxores duxisset, cum ad veram Religionem conversus fuerit, jubeas eum Ecclesia cæteras omnes relinquere;

PARS I.

Arr. ult.

§. 3.

secundario Matrimonii Polygamia repugnat.

Infidelis conversus cæteras, præter primam uxores

PARS I.

Art. ult.

§. 2.
dimittere
jubetur.

quere; ac priorem tantum justæ & legitimæ uxoris locum habere; ut habetur Cap. *Gaudemus*, Ext. *De Divortiiis*. Merito itaque Tridentinum Concilium Sessione 24. *De Matrimonio* pronuntiavit: *Si quis dixerit, licere Christianis plures simul habere uxores, & hoc nulla lege divina prohibitum; Anathema sit.*

Accusan-
di non
sunt pri-
sci Patres
ob Polyga-
miam.

796. Tamen accusandi non sunt prisci Patres, qui Veteris Legis tempore plures uxores duxerunt, ut ex Scriptura Sacra probare facile est, quæ veteribus illis Patriarchis singulare sanctitatis testimonium perhibet. Unde & Matthæi 8. promittitur electis fore ut *Recumbant cum Abraham, Isaac, & Jacob in Regno celorum*. Præterea si Polygamia illorum crimen fuisset, Deus *Davidem*, in ea hypothese toties adulterum, non reliquisset impunitum, in quem ob vel unicum adulteriū tam graviter animadvertit: nec *Joiada* Summus Sacerdos in Scriptura Sacra laudatus *Joaso* Regi Juda duas uxores tradidisset, si alteram sine crimine habere non potuisset.

Quomodo
excusen-
tur?

797. At, inquires, Polygamia naturæ legi repugnat: quâ ergo ratione excusari possunt prisci Patres & Reges polygami? Respondetur, Legem de unitate uxoris divinam quidem & naturalem esse, sed ex earum numero in quibus Deus dispensare potest, & reverà dispensavit. Quædam enim ad legem naturæ primariò pertinent, qualia sunt

sunt hæc præcepta ; Deus amandus est , parentes honorandi , vitandum homicidium , adulterium , furtum , mendacium . In his Deus ipse dispensare non potest : cædes enim hominis privatâ auctoritate , & injustè perpetrata , adulterium , furtum , mendacium , per se mala sunt , ideòque semper & ubique illicita , *Quædam* *secundariò* *pertinent* *ad* *legem* *naturæ* , quæ cum per se mala non sint , sed ideò tantùm mala , quia prohibita , Dei auctoritate & dispensatione licita fieri possunt , ut Polygamie prohibitio . Deus autem priscis illis Patribus concessit ut plures uxores ducerent ad propagationem Populi Dei , certorùmque Mysteriorum significationem .

Quædam
primariò ,
quædam
secundariò
ad *legem*
naturæ *pertinent* .

§. IV.

De Indissolubilitate Matrimonii .

798.

Conjugii vinculum nullâ re nisi morte solvitur . Catholicum istud Dogma luculentè probant Christi verba , Matthæi 19. *Quod Deus conjunxit , homo non separet* . Et Marci 10. *Quicumque dimiserit uxorem suam , & aliam duxerit , adulterium committit super eam : & si uxor dimiserit virum suum , & alii nupsit , mæchatur* . Si conjugii vinculum aliquâ ex causâ Christianos inter Conjuges solvi posset , liceret eis , factò justas ob causas

Matrimonium indissolubile .

PARS I.
Art. ult.
§. 4.

fas divortio, sine ullo adulterii crimine aliis nubere: atqui Dominus apertè denunciatur, omnem qui dimiserit uxorem suam, & aliam ipsa superstitè duxerit, adulterii reum fore, & pariter adulteram fore uxorem, quæ dimisso viro alteri nupserit: itaque conjugii vinculum nullâ re nisi conjugis morte solvi potest.

Concilium
Tridentinum.

799. Meritò itaque sacra Synodus Tridentina Sessione 24. De Matrimonio, Canone 5. ita statuit: *Si quis dixerit, propter hæresim, aut molestanti cohabitationem, aut affectatam absentiam à conjugè, dissolvi posse Matrimonii vinculum; Anathema sit.*

Obiectio.

800. Obijciunt Caput, *Quod proposuisti*, Causa 32. Questione 7. quod est Gregorii II. ad Bonifacium Episcopum scribentis: *Si mulier infirmitate correpta non valuerit debitum virò reddere, quid ejus faciat jugalis? Bonum esset si sic permaneret, ut abstinentiæ vacaret: sed quia hoc magnorum est, ille qui se non poterit continere nubat magis: non tamen subsidii opem subtrahat ab illa, quam infirmitas præpedit; non detestabilis culpa excludit.*

Responsio.

801. Respondetur, Gregorii II. Responsum intelligendum esse de infirmitate Matrimonium præcedente, & quæ perpetuam impotentiam adjunctam habebat, sed tamen ante initum Matrimonium non innotuerat. Non enim ignorabat Pontifex Optimus Domini Sententiam: *Quod Deus conjunxit, homo non separet.*

802. Dif.

802. Difficultatē faceffunt Chrifti verba, Matthæi 19. 9. *Dico autem vobis, Quia quicumque dimiserit uxorem suam, nisi ob fornicationem, & aliam duxerit, mœchatur.* Ex qua exceptione Græci, & Hæretici colligunt, illum non mœchari, qui uxorem dimittit ob fornicationem, & aliam ducit.

Art. ult.

S. 4.

Objeçtio

altera.

803. Verū facilis & obvia responsio est, Exceptionem illam ad priorem dumtaxat Dominicæ Sententiæ partem spectare, ut scilicet Christianis solâ fornicationis causâ dimittere liceat uxores; non autem ad secundam, quasi non mœchetur qui dimissâ adulterâ, duxerit alteram. Utrumque enim mœchari Chriftus significat, & qui, uxore citra casum adulterii dimissâ, & qui dimissâ adultera, alteram duxerit: quamvis gravius sit crimen ejus qui dimissâ uxore innocente ducit aliam, quàm ejus qui dimissâ adulterâ conjungitur alteri. Sicut ex his S. Jacobi verbis Cap. 4. *Scienti bonum facere, & non facienti, peccatum est illi;* non rectè colligitur, peccatum non esse illi qui nescit bonum facere, & ided non facit. Utrumque enim peccatum est; sed hoc gravius, si sciat, & non faciat: nec illud ided nullum, quia minus. Sunt quippe etiam peccata ignorantium, quamvis minora quàm scientium.

Responsio.

804. Deinde subobscurus S. Matthæi locus ab aliis Evangelistis ita explanatus est, nulla ut supersit difficultatis umbra. Ait enim

PARSI.
Art. ult.
S. 4.

enim Christus apud S. Marcum: *Quicumque dimiserit uxorem suam, & aliam duxerit, adulterium committit.* At apud S. Lucam: *Omnis qui dimittit uxorem suam, & ducit alteram, macchatur.*

Obj. Etio
tertia.

Sol. 805. Verùm (inquires) Multæ sunt præter fornicationem causæ ob quas uxorem à thoro dimittere licet: cùm ergo uxorem dimitti non posse Christus ait, nisi ob fornicationem, loquitur de Matrimonii dissolutione quoad vinculum. Respondetur, Id rectè non colligi; quamvis enim multæ sint aliæ causæ ob quas uxorem dimittere liceat ad tempus, nulla tamen est alia ob quam liceat in perpetuum à thoro eliminare. Cùm enim aliis de causis dimittitur, non absolutè, non in perpetuum, sed ad tempus dimittitur, dum se dimissa & afflictæ corrigit, dum insipiens resipiscit, ut ad maritum redeat, si ad mentem redierit. At propter fornicationem absolutè & in perpetuum uxor dimittitur, ita ut, etiamsi se dimissa correxerit, maritus, si nolit, resumere minimè teneatur. Non enim dimittitur ne faciat, sed quia fecit injuriam; non ut culpam corrigit, sed ut reliquo vitæ tempore criminis pœnam luat. Accedit quòd aliæ dimittendæ uxoris causæ propriæ non sint Matrimonii, sed omnes communes consortii: Adulterium verò causa est uxoris dimittendæ propria Matrimonii, quia conjugalem fidem violat, quæ Matrimonii quodammodo basis est.

806. Quid

806. Quid ergo (inquires) Christus addidit Legi? Multa omninò. Primum quòd in Lege propter adulterium uxor non dimittebatur, sed lapidabatur, & è medio tollebatur. Id Christus, sustulit: Non enim iussit adulteram morti addici, sed dimitti permisit. Addidit præterea, quòd noluit etiam adulterii causa dimissæ libellum repudiij dare, quo minùs audaces & prompti in dimittendis uxoribus essent viri, si scirent nec sibi, nec uxori licere alias tentare Nuptias, sed solis, dum uterque viveret, esse vivendum. Addidit, quòd innumeras propè causas, ob quas in Lege uxorem dimittere licebat, rescuit, solamque fornicationem excepit. Addidit, quòd cum in Lege semel dimissam vir revocare non posset, in Evangelio revocari non quidem iussit, sed optavit, interprete Apostolo: *Maneat, inquit, innupta, aut viro suo reconcilietur*. Addidit denique, quòd cum in Lege uxorem viro, non virum uxori dimittere liceret, in Evangelio parem viri & uxoris causam esse voluit, ut idem Apostolus explicat.

807. Instabit aliquis: Pharisei Christum Dominum interrogabant, an ex quacumque causâ invisam & odiosam uxorem dimittere liceret, dimissione utique apud Judæos usitatâ, ita ut separati conjuges novum conjugium inire possent: Respondet autem Dominus: *Quicumque dimiserit uxorem, nisi ob fornicationem, & aliam duxerit,*

*Obiectio
ultima.*

PARS I. *rit, mœchatur*; de illa dimissione loquens
 Art. ult. de quâ fuerat interrogatus: Alioquin ad pro-
 p. 4. positum non respondisset.

Solutio. 308. Hanc objectionem ita diluimus.
 Quamvis Christus de dimissione à thoro
 dumtaxat, non de vinculi dissolutione, de
 qua fuerat interrogatus, responderit, ad pro-
 positum tamen respondit: quia docere vo-
 luit quid in Judaicis Divortiis licitè, quid il-
 licitè fieret. Cum enim duo continerentur
 in repudio, nempe dimissio perpetua con-
 jugis à thoro; & potestas alteram ducendi,
 Christus hæc duo distinxit: & illud quidem
 ob solam adulterii causam concessit; istud
 autem omninò negavit & sustulit. Respondit
 itaque appositè; quæstionis propositæ duas
 partes distinguens & explicans.

809. Invaluit quidem aliquando prava
 illa consuetudo, quæ viro repudiata ob adul-
 terium uxore, nubere alteri permittebat, non
 item uxori à viro adultero separatæ, ut con-
 stat ex *S. Basilio* Epistolæ ad *Amphilochium*,
Canone 9. Verùm *Origenes* priscos illos E-
 piscopos, contra Scripturam permisisse as-
 serit, dimissis conjugibus adulteris, aliis nu-
 bere: vel permiserunt, id est, impunitum re-
 liquerunt, ob graviora mala vitanda: sed ta-
 men non approbarunt. Veruntamen Patres
 primi ordinis, Pontifices, Generalia, & Na-
 tionalia Concilia senserunt atque propugna-
 runt, conjuges, factò ob adulterium divor-
 tio; aliud Matrimonium inire non posse.

*Consuetu-
do quæ
viros re-
pudiata
uxore a-
dultera,
alii nube-
re permit-
tebat, Dei
Legi con-
traria
iudicata
est à Pa-
tribus Ec-
clesiæ, &
Conciliis.*

810. Difficultas suboritur aliqua ex veteri Pœnitentiali Romano, Titulo 3. *De fornicatione & incestu diversi generis & ætatis*, Cap. 20. cujus hæc sunt verba: *Contingit tibi ut uxor tua te conscio & hortante cum alio viro, illa autem nolente, adulterium perpetraret: si fecisti, quadraginta dies in pane & aqua pœniteas, & septem annos, unum ex his in pane & aqua, & numquam sis sine pœnitentia. Si autem uxor tua hoc probare potuerit, quod tuâ culpâ, & tuo iussu, se renuente & luctante adulterata sit, si se continere non potest, nubat cui voluerit, tantum in Domino. Tu autem sine uxoria spe in perpetuo maneat. Illa autem si consentiens fuerat, eadem jejundet quæ tibi proposita sunt, & sine spe conjugii maneat.*

PARS I.
Art. ult.
§. 4.
Objectio
ex veteri
Pœnitentiali Ro-
mano pe-
tita.

811. Respondetur, illo in casu permitti infanti ut nubat, cui voluerit, post obitum conjugis: ut discrimen constituatur inter innocentem uxorem aut minùs ream, & maritum autorem criminis, in hoc quod maritus, etiam post mortem uxoris, ad cœlibatum velut appendicem Pœnitentiæ teneretur: Uxor verò, marito defuncto, posset ad secundas Nuptias convolare. Olim scilicet hæc pœna in Ecclesia frequentissima fuit, ut qui atrox aliquod crimen commisissent, Nuptiis impedirentur, ne vel ipsi delicatius viverent, vel ex eorum stirpe infecta filii ejusdem criminis suspicione notabiles procrearentur, Parricidis hanc pœnam imposuit

Diluitur.

PARS I.

Art. ult.

§. 4.

Concilium Moguntinum sub Rabano . Canone 20. Eamdem adversus Incestuosos decreverunt Concilium Vermeriense, Canone 4. & Triburiense Canone 44. Adversus adulteros lex eadem olim ab Ecclesia lata est, Canone, *Hi verò*, Causa 32. Quæstione 7. Innocentibus autem conjugibus permissum est, ut post mortem ejus qui se aliquo hujusmodi crimine polluerat, ad secundas Nuptias transirent.

*Religiosa
Professio
Matrimonium non
consummatum
solvit.*

Alexander III.

812. At verò Matrimonium ratum, non consummatum, Monasticâ Professione dissolvitur . Hæc Propositio nititur Summorum Pontificum, qui omnium Christianorum Patres sunt & Magistri, Responsis, scilicet *Alexandri III. Cap. Verum*, Ext. De Conversione Conjugatorum, ubi conjugum alteri licitum esse docet, altero etiam repugnante, eligere Monasterium (sicut Sancti quidam de Nuptiis vocati fuerunt) dummodò carnalis commissio non intervenerit inter eos: & alteri remanenti (si commonitus continentiam servare noluerit) licitum esse ad secunda vota transire, (id est, novum inire Matrimonium:) Quia cum non fuissent una caro simul effecti, satis potest unus ad Deum transire, & alter in saculo remanere. Quæ circumferuntur Sanctorum exempla, qui de Nuptiis ad Deum vocati, conjuges ante Matrimonii consummationem reliquerunt, ut Deo se consecrarent, sunt *S. Thecla* ex *S. Epiphanio* Hæresi 78. §. 16. & *S. Am.*

S. Ambrosio Libro 3. *De Virginibus* Cap. 3. *S. Alexii* ex *Metaphrasæ*, & *Breviario Romano*: *S. Macarii* *Eremitæ*, ex *Vitis Patrum*, *Magistro Sententiarum* *Distinctione* 27. *litera G.* & *Gratiano* *Causa* 27. *Quæst.* 2. post *Caput* *Scriptis nobis*: *Sacra Virginis Grægoriæ*, ex *S. Gregorio* *Libro* 2. *Dialogorum*, *Cap.* 13. *S. Leobardi*, ex *Gregorio Turonensi* *Libro* *De Vitis Sanctorum Patrum*, *Cap.* 20. *S. Odithæ* *Anglorum Reginæ*, ex *ejus Vita* apud *Surium*, & *S. Edithæ* etiam *Reginæ*, ex *Venerabili Beda* *Libro* 4. *Historiæ Anglorum*, *Cap.* 19.

813. Idem rursus docet *Alexander III.* *Cap. Ex publico*, sub eodem titulo *Decretalium*, *Ceterum*, inquit, *quia licet à præfato viro desponsata fuerit, adhuc tamen (sicut asserit) ab ipso est incognita: Mandamus, quatenus si prædictus vir ipsam carnaliter non cognoverit, & eadem ad Religionem transire voluerit, receptâ ab ea sufficienti cautione, quod vel ad Religionem transire, vel ad virum suum redire intra duorum mensium spatium debeat, ipsam à Sententia, quâ tenetur, absolvas; Ita quod si ad Religionem transferit, uterque restituat alteri quod ab eo noscitur recepisse.... Sanè quod Dominus in Evangelio dicit, Non licere viro, nisi ob causam fornicationis uxorem suam dimittere, intelligendum est, secundum interpretationem Sacri Eloquentii, de his quorum Matrimonium carnali copula*

Idem
Alexander III.
& *Innocentius III.*

PAR. I.
Art. ult.
§. 4.

est consummatum, sine qua consummari non potest. Hæc scilicet verba Genes. 2. *Erunt duo in carne una, Ex quibus Christus Matth. 19. omnimodam indissolubilitatem Matrimonii colligit, dicens: Itaque jam non sunt duo, sed una caro: Quod ergo Deus conjunxit, homo non separet: Ad Matrimonium consummatum dumtaxat pertinent: & in illa specie Deus separat, & non homo, ut dicitur Can. Scripsit, Causa 27. Quæstione 2. ex Nicolao 1. Eamque explanationem confirmat Innocentius III. Cap. Ad Apostolicam, sub eodem Titulo.*

Concilium
Tridentinum.

814. Hæc denique totius Ecclesiæ doctrina est, ut constat ex Concilio Tridentino Sessione 24. De Matrimonio, Canone 6. *Si quis dixerit, Matrimonium ratum, non consummatum, per solemnem Religionis Professionem alterius conjugum non dirimi; Anathema sit.*

Leges Civiles ulterius progressæ ab Ecclesia emendata sunt.

815. Leges quidem civiles ulterius progressæ, Matrimonium etiam consummatum professione Religiosa dissolvi declararunt, ut constat ex Novella 23. Justiniani, Cap. 40. Sed hanc Legem tamquam Divinæ Legi contrariam rejecit Ecclesia, ut constat ex S. Gregorio Lib. 9. Epistolis 39. & 44. Solum ergo Matrimonium ratum & non consummatum Religiosa Professione solvitur. Certè ante copulam relictæ conjugii nulla fit injuria; si quæ enim fieret, vel proli, vel sponsæ irrogaretur. At nulla fit proli, siquidem nul-

nullus præcessit congressus; nec sponsæ, PARS I.
Art. ult.
S. 4.
cùm integra maneat, nihilque decoris aut honoris amiserit, quò minus ab alio in conjugem assumi possit.

816. Objiciet quispiam, Conjugii vinculum nulla re nisi morte alterutrius conjugis dirimi, ut supra demonstratum est. Obiectio.

817. Respondetur, Duplex in Matrimonio vinculum inveniri: alterum spirituale, quod solo consensu; alterum carnale, quod copulâ stringitur. Carnale sola mors corporis dissolvit, ut docet Apostolus ad Romanos 7. *Quæ sub viro est mulier, inquit, vivente viro alligata est legi: si autem mortuus fuerit vir ejus, soluta est à lege viri.* Spirituale verò vinculum spirituali morte solvitur, quâ nimirum aliquis mutatione statûs à civili conversatione ita removetur, ut ad eam redeundi spem & potestatem ultra non habeat. Id autem non fit nisi Professione Religiosa, quâ qui se Deo devovet, ita Mundo mortuus est, ut jam nec sui corporis potestatem habeat, quod Deo per votum castitatis consecravit, ac solemnî ritu tradidit; nec voluntatem propriam habeat, nec jam ampliùs sit sui juris, cùm Superiorum imperio se per obedientiæ votum mancipaverit: nec deinceps ullius dominii, seu proprietatis ullius sit capax, quibus se per votum paupertatis penitus abdicavit. Unde & Leges Civiles ingressu Religionis, seu Voto solemnî Vitæ Monasticæ secundùm Re-

PARS I.

Art. ult.

§. 4.

gulam ab Ecclesia approbatam, tamquam morte testatoris, conditum ante testamentum confirmari declarat; adeò ut nec revocari possit, nec mutari; L. *Si quæ mulier*, C. *De Sacrosanctis Ecclesiis*.

*Quid fa-
cto opus
coniugibus
ob adulte-
rium se-
paratis.*

§18. Igitur conjuges facto ob adulterium alterutrius divortio, continentiam servare tenentur, aut conjugibus adulteris reconciliari. *Nam si eligitur continentia ut bonò Nuptiarum melius aliquid capessatur, quantò potius custodienda est, ut adulterium caveatur? Cùm enim dixisset Apostolus,*
„ Quòd si se non continet, nubat: Melius
„ est enim, inquit, nubere quàm uri. Non
dixit, Melius est mæchari, quàm uri. Non
est igitur ad quod exhortemur eos qui recon-
ciliari timent conjugibus adulteris peniten-
do sanatis, nisi ad custodiendam continen-
tiam. Quoniam mulier alligata, quamdiu
sive mæchus sive castus vir ejus vivit, mæ-
chatur si alteri nupserit, & vir alligatus,
quamdiu sive mæcha sive casta uxor ejus vi-
vit, mæchatur si alteram duxerit.... Qua-
propter si recesserit mulier ab adultero viro,
& ei reconciliari non vult, maneat innupta:
& si dimiserit vir adulteram mulierem, &
eam non vult recipere nec post Pœnitentiam,
custodiat continentiam: etsi non ex volun-
tate eligendi potioris boni, certè ex necessi-
tate vitandi perniciosi mali. Ad hoc exhor-
tarer etiamsi uxor esset in languore insana-
bili atque diuturno, etiamsi alicubi esset

corpore separata, quò maritus non posset accedere: Postremò ad hoc exhortarer etiam si mulier volens vivere continenter, quamvis contra disciplinam; quia non ex consensu, tamen pudicum pudica dimitteret. Puto enim Christianum neminem reluctari, adulterum esse, qui vel diu languente, vel diu absente, vel continenter vivere cupiente sua uxore, alteri commixtus est femina. Sic ergo & dimissâ adulterâ, adulter est cum altera: Quoniam non ille, aut ille, sed, „ Omnis qui dimittit uxorem suam, & ducit alteram, mœchatur. Quapropter si à conjugali vinculo immunis minus appetitur vita sanctorum, exhorreatur pœna mœchorum: & timore saltem frænctur concupiscentia: si amore non eligitur continentia. Si enim ubi est timor, operetur labor; ubi erat labor, erit & amor. Non enim confidendum est de nostris viribus: sed oratio adiungenda conatibus, ut impleat bonis, qui deterret à malis. Verba sunt S. Augustini Libro 2. De Coniugiis adulterinis, Cap. 13.

819. Nec filiorum gignendorum causâ licet alteram ducere dimissâ adulterâ. Non enim propterea flagitiorum est permittenda licentia, aut verò tam cavendum sine posteris mori, quàm eligendum in posterum vivere: Quod non sinentur adulteri, quos necesse est post primam mortem secundâ mortis æternitate damnari. Nam procreandorum filiorum ista causatio, etiam non adulteras,

Nec procreandorum causâ filiorum permittenda adulteria.

PARS I.

Art. ult.

S. 4.

sed castissimas feminas, si forte sint steriles, cogit dimitti, & alteras duci: quod tibi aestimo non placere. Quapropter si causâ incontinentiæ non sunt excusanda adulteria, quanto minùs excusantur procreandorum causâ filiorum? inquit *S. Augustinus* Libro 2. *De Conjugiis Adulterinis*, Cap. 11.

Vxo i: id est, ut alteram ducat, crimè geminum.

820. Crimen verò geminat, qui uxorem adulteram occidit, vel mortem illi procurat, ut ducere alteram possit. *S. Augustinus*, Cap. 14. ejusdem libri.

Matrimonium, etiam non consummatum, nec Voto simplici continentiæ, nec Ordinis Sacri susceptione solvitur.

821. Porro nec Voto simplici continentiæ, nec Ordinis sacri susceptione, nec Professione Religionis à Sede Apostolica non approbatæ, nec Vitâ Eremiticâ, Matrimonium non consummatum solvitur. Hæc enim mortem civilem non inferunt. Ordini enim sacro dominium & proprietas bonorum temporalium non repugnat, neque etiam per se repugnat ipsi conjugium, sed legibus dumtaxat & Decretis Ecclesiæ. Qui verò Religionem non approbatam amplexus atque professus est, aut Vitam Eremiticam, jure ac voluntate propria se non abdicavit absque spe regressûs: quamobrem Mundo penitus mortuus non censetur.

Novis Conjugibus, ante Matrimonii consummationem duo

822. Novis autem conjugibus ante Matrimonii consummationem duo menses conceduntur ad deliberandum de ingressu Religionis, intra quod temporis intervallum, is, qui ea de re deliberat, consummare non tenetur, quantumvis altera pars urgeat. Cap.

Ex

Ex publico, Ext. De Conversione Conjugatorum, quod Alexandri III. Responsum est. Rationem affert S. Thomas in 4. Sententiarum, Dist. 27. Quæstione 1. Articulo 3. Quæstiuncula 2. ad secundum: Ante carnalem copulam, inquit, non est omnino translatum corpus unius sub potestatem alterius, sed sub conditione, si interea alter conjugum ad frugem melioris vitæ non convolet: sed per carnalem copulam completur dicta translatio, quia tunc intrat uterque in corporalem possessionem tradita sibi potestatis. Unde etiam ante carnalem copulam non statim tenetur reddere debitum post Matrimonium contractum per verba de presenti, sed datur ei tempus duorum mensium, ut interim possit deliberare de transendo ad Religionem.

PARSI.
Art. ult.
S. 4.
mens
concedun-
tur, ad
deliberan-
dum de
ingressu
Religionis

823. Si verò conjugum alterum ante Matrimonii consummationem ingredi Monasterium, Habitumque Religiosum suscipere contingat, alter novum contrahere Matrimonium non potest, nisi post illius Professionem. Qui enim superstes est in sæculo, manet obligatus ei quæ Monasterium est ingressa, eique adhærere tenetur, & Matrimonium consummare, si ipsa mutato proposito revertatur, & debitum exigat: siquidem Voto dumtaxat solemniter in Ordine Religioso à Sede Apostolica approbato Matrimonium ratum solvitur. Unde S. Thomas loco mox indicato, Quæstiuncula 3. ad secundum, ait: *Non intelligitur mortuus sæcu-*

Coniugis
Monaste-
rium in-
gressi Pro-
fessio ex-
pectanda
est, ut al-
ter ma-
trimoniū
inire pos-
sit.

PARS I.
Art. ult.
S. 4.

sed castissimas feminas, si forte sint steriles, cogit dimitti, & alteras duci: quod tibi aestimo non placere. Quapropter si causâ incontinentiæ non sunt excusanda adulteria, quantò minùs excusantur procreandorum causâ filiorum? inquit *S. Augustinus* Libro 2. *De Conjugiis Adulterinis*, Cap. 11.

*Uxo i-
de, ut al-
teram du-
cat, crimē
geminum.*

820. Crimen verò geminat, qui uxorem adulteram occidit, vel mortem illi procurat, ut ducere alteram possit. *S. Augustinus*, Cap. 14. ejusdem libri.

*Matrimo-
nium, et
etiam non
consumma-
tum, nec Voto
simplici
continen-
tiæ, nec
Ordinis
Sacri sus-
ceptione
solvitur.*

821. Porro nec Voto simplici continentiæ, nec Ordinis sacri susceptione, nec Professione Religionis à Sede Apostolica non approbatæ, nec Vitâ Eremiticâ, Matrimonium non consummatum solvitur. Hæc enim mortem civilem non inferunt. Ordini enim sacro dominium & proprietas bonorum temporalium non repugnat, neque etiam per se repugnat ipsi conjugium, sed legibus dumtaxat & Decretis Ecclesiæ. Qui verò Religionem non approbatam amplexus atque professus est, aut Vitam Eremiticam, jure ac voluntate propria se non abdicavit absque spe regressus: quamobrem Mundo penitus mortuus non censetur.

*Novis
Conjugi-
bus, ante
Matrimo-
nii con-
summa-
tionē duo*

822. Novis autem conjugibus ante Matrimonii consummationem duo menses conceduntur ad deliberandum de ingressu Religionis, intra quod temporis intervallum, is, qui ea de re deliberat, consummare non tenetur, quantumvis altera pars urgeat. Cap.

Ex

Ex publico, Ext. De Conversione Conjugatorum, quod *Alexandri III.* Responsum est. Rationem affert *S. Thomas* in 4. Sententiarum, Dist. 27. Quæstione 1. Articulo 3. Quæstiuncula 2. ad secundum: *Ante carnalem copulam*, inquit, *non est omnino translatum corpus unius sub potestatem alterius, sed sub conditione, si interea alter conjugum ad frugem melioris vitæ non convolet: sed per carnalem copulam completur dicta translatio, quia tunc intrat uterque in corporalem possessionem tradita sibi potestatis. Unde etiam ante carnalem copulam non statim tenetur reddere debitum post Matrimonium contractum per verba de presenti, sed datur ei tempus duorum mensium, ut interim possit deliberare de transendo ad Religionem.*

PARSI.
Art. ult.
§. 4.
mens
concedun-
tur, ad
deliberan-
dum de
ingressu
Religionis

823. Si verò conjugum alterum ante Matrimonii consummationem ingredi Monasterium, Habitumque Religiosum suscipere contingat, alter novum contrahere Matrimonium non potest, nisi post illius Professionem. Qui enim superstes est in sæculo, manet obligatus ei quæ Monasterium est ingressa, eique adhærere tenetur, & Matrimonium consummare, si ipsa mutato proposito revertatur, & debitum exigat: siquidem Voto dumtaxat solemniter in Ordine Religioso à Sede Apostolica approbato Matrimonium ratum solvitur. Unde *S. Thomas* loco mox indicato, Quæstiuncula 3. ad secundum, ait: *Non intelligitur mortuus sæculo*

Coniugis
Monaste-
rium in-
gressi Pro-
fessio ex-
pectanda
est, ut al-
ter ma-
trimoniū
inire pos-
sit.

PARS I.
Art. ult.
§. 4.

lo per Religionis ingressum, nisi Professionem emisericit; & ideo usque ad tempus illud tenetur eum uxor sua exspectare.

Quid de muliere, que suscepto Velo in domo propria vellet remanere?

824. At si mulier, suscepto velo, in domo propria remanere velit, quasi propositum castitatis in sæculo servatura; nihilominus consummandum est Matrimonium jam contractum: nisi se voto solemniter adstrinxerit ad Observantiam Regularem, in quo casu compelli potest, ut relicto sæculo Religionis propositum exequatur. Sic respondet Innocentius III. Cap. *Ex parte tua*, Ext. *De Conversione Conjugatorum*.

Consummato matrimonio neutri conjugum licet absque alterius consensu Monasterium ingredi, seu continentiam vovere. Si vero ex consensu voverint, continentiam servare tenentur.

825. Consummato autem Matrimonio, neutri conjugum licet, absque alterius consensu, Monasterium ingredi, seu continentiam vovere: quod si voverit, irritum ipso Jure votum est; potestque conjux repetere conjugem, qui Matrimonii jugum inconsultò excutere voluit. Si verò ex consensu voverint, continentiam servare tenentur. Nemini enim vovere licet cum injuria alterius: neque omninò accepta Deo esse potest injusta promissio, quâ nimirum offert quis rem non suam, sed quæ in alterius est potestate. Quare cum *Vir proprii corporis potestatem non habeat, sed mulier, nec mulier proprii corporis habeat potestatem, sed vir*, ut docet Apostolus 1. ad Corinthios 7. Non licet alteri continentiam vovere absque consensu alterius: & si voverit, votum ipso Jure irritum est.

826. Ve-

MATRIMONII. 491

826. Verùm si quis conjugum, altero consentiente, Vitam Monasticam professus fuerit, aut perpetuam continentiam voverit, post illius mortem novum Matrimonium contrahere non potest: & si Votis in Ordine approbato nuncupatis contraxerit, absque dubitatione dirimendum est, ex Cap. *Consuluit*, Extra, *De Conversione Conjugatorum*, quod est *Clementis III.* Responsum.

827. Si conjuges à debito conjugali se mutuo absolverint, omnique juri quod in alterutrum habebant, renunciaverint, promissâ continentiâ, & uterque vel alteruter solemne votum emiseric, alter alterum repetere & ad conjugale consortium revocare non potest. Sic respondet *Gregorius IX.* Cap. *Dudum*, Extra, *De Conversione Conjugatorum*.

828. Uxor adulteriò polluta, Maritum Monasterium absque illius consensu ingressum, & solemni Voto obstrictum, revocare non potest. Sic respondet *Innocentius III.* Cap. *Constitutus*, Extra, *De Conversione Conjugatorum*.

829. Imò Mulier quæ dolò & minis inducta est, ut marito liberum comæatum in Monasterium concederet, ipsum repetere non potest, si post ejus ingressum inhonestos amatores admiserit. Idem Pontifex Cap. *Veniens*, sub eodem Titulo.

830. Si conjugum alter à Fide Catholica defecerit ad Mahometanos, Judæos, vel etiam

PARS I.
Art. ult.
§. 4.
Etiam
post mortem a securius.

Quid de
conjugi-
bus à de-
bito con-
jugali
omnique
jure se
mutuo
absolven-
tibus?

Quid de
Uxore
adulteriò
polluta?

Quid de
ea quæ
dolò in-
ducta est
ut marito
transitum
ad Mona-
sterium
concede-
ret?

PARS I.

Art. ult.

§. 4.

*Quid si
alter con-
jugum à
Fide Ca-
tholica
defecerit?*

*Quid de
conuge
quæ conti-
nentiam
vovit ad
tempus,
marito
consen-
tiente?*

*Quid de
Muliere
quæ Ma-
ritum
suum vita
functum
esse credit?*

Hæreticos , & propterea Sententia Divortii inter eos lata sit ab Ecclesia , pars quæ in Fide perseveraverit ad Vitæ Monasticæ Professionem liberè convolare potest alterâ nolente , etiam si ab infidelitate revertatur . Id constat ex Cap. *Mulier* , Extra , *De Conversione Conjugatorum* , quod *Innocentii III.* Responsum est .

831. Conjux quæ continentiam vovit , cohabitare debet viro qui ejus voto ad tempus consensit , nec perpetuam vovit continentiam : sèque invicem debent maritali affectione tractare . Responsum est *Celestini III.* Cap. *Charissimus* , Extra , *De Conversione Conjugatorum* .

832. Mulier quæ maritum mortuum credens , Habitum Religionis assumpsit , & Professionem emisit , viroque reverso de Monasterioeducta , ac ipsi restituta est , debitum ipsi reddere tenetur , exigere non potest ; mortuo verò marito , consilium illi dandum est ad salutem congruentiùs , ut ad Monasterium redeat , ubi bona ducta intentione Professionem fecit , sed tamen ad id minimè compellenda est . Cum enim absque viri consensu Monasterium ingressa sit , ac vota solemnia emisit , Vota usquequaque rata non fuerunt . Sic respondet *Celestinus III.* Cap. *Placet* , Ext. *De Conversione Conjugatorum* . Idem ante responderat *Alexander III.* Cap. *Quidam* , sub eodem Titulo , Virum scilicet , qui Monasterium invitâ uxore .

uxore ingressus fuerat , quâ ipsum repente,
ad conjugalem thorum redire coactus fue-
rat , post ejus obitum compelli non posse ra-
tione Voti , quod nullum fuit , & irritum ,
ut ad Monasterium redeat ; prohibendum
tamen esse ne secundam uxorem accipiat :
*Promisit enim se non exigere debitum , quod
in ejus potestate erat , & ideo quoad hoc vo-
tum tenuit , non reddere autem , non erat
in ejus , sed mulieris potestate . Unde Apo-
stolus ; VIR non habet potestatem sui corporis ,
sed mulier .*

833. Alter conjugum , altero in sæculo *Cautela*
remanente , ad Regularis Vitæ Professio- *adhibenda*
nem non est recipiendus ; nisi fortè rema- *in recep-*
nens sit ejus ætatis , ut sine suspitione in- *tionem con-*
continentiæ valeat in sæculo remanere , aut *jugatorum*
perpetuam continentiam vovere voluerit : *ad Reli-*
alioqui ad conjugalem thorum revocandus *gionem.*
est , quamvis cum licentia consortis Mona-
sterium ingressus fuerit , & Professionem
fecerit . Cap. Præterea , & Cap. Cum sit ,
Extra , De Conversione Conjugatorum .

§. V.

*De Consensu Contrahentium
Matrimonium .*

834. **M**utuus contrahentium con- *Legitimus*
sensus per verba de præ- *contrahen-*
fenti expressus , est causa efficiens Matrimo- *tium con-*
nii .

PARS I. *nii . Eugenius IV. in Decreto pro Instru-*
 Art. ult. *ctione Armenorum . (Ceterum verborum*
 §. 5. *loco tum nutus , & signa , quæ intimum*
sensus *consensum apertè indicent , satis ad Matri-*
Monium *monium esse possunt : tum ipsa etiam taci-*
efficit. *turnitas , cum puella propter verecundiam*

Furiosi & *tur. . S. Carolus Borromæus ,) Adeoque fu-*
amentes , *riose & amentes nisi lucida habeant inter-*
an possint *valla Matrimonium contrahere non possunt,*
inire Ma- *cum sint consentiendi incapaces . Innocen-*
trimenti. *tius III. Cap. Dilectus , Extra , De Sponsa-*
libus & Matrimonio . S. Thomas , in 4.
Sententiarum Dist. 34. Quæst. 1. Art. 4.
Furia , inquit , aut præcedit Matrimonium ,
aut sequitur . Si sequatur , nullo modo diri-
mit Matrimonium : Si præcedit , aut fu-
riosus habet lucida intervalla , aut non , si
habet , tunc quamvis dum est in illo interval-
lo non sit tutum quod Matrimonium contra-
bat , quia nescit prolem educare ; tamen , si
contrahit , Matrimonium est ; si autem non
habet ; vel si , quando non habet , contrahit ,
tunc quia non potest esse consensus , ubi deest
rationis usus , non erit verum Matrimo-
nium .

835. *Similiter consensus fictus per ver-*
ba de præsentis expressus , ad Matrimonium
non sufficit , si desit consensus interior , ut di-
sertè respondet Innocentius III. Cap. Tua
nos , Ext. De Sponsalibus & Matrimonio .
Idque confirmat S. Thomas in 4. Sententia-
rum ,

De con-
sensu fi-
cto , five
simulato .

rum, Distinctione 27. Quæst. 1. Articulo 2. Quæstiuncula 4. *Sicut*, inquit, *se habet ablutio exterior ad baptismum*, ita *se habet expressio verborum ad hoc Sacramentum*. Unde sicut si aliquis ablutionem exteriorem reciperet, non intendens accipere Sacramentum, sed ludum & dolum facere, non esset baptizatus; ita expressio verborum sine interiori consensu Matrimonium non facit.

836. Verùm (inquires) Fraus & dolum nemini debent patrocinari, ut habetur Cap. Si vir, Ext. De Cognatione spiritali: At qui verbis consensum exprimit, absque interiori consensu, dolum committit: non ergo absolvitur propterea ab obligatione Matrimonii.

Objectio.

837. Respondet S. Thomas, Ea in specie duo esse distinguenda. Primum est defectus consensus, qui ei patrocinator in foro conscientie, ut non adstringatur vinculo Matrimonii; quamvis non in foro Ecclesiæ, in quo judicatur secundum allegata & probata; Secundum est dolum verborum; & hic non patrocinator nec in foro conscientie, nec in foro Ecclesiæ; quia in utroque pro hoc puni-
tur.

Solutio.

838. Qui tamen fictè aut simulatè Matrimonium cum aliqua contraxit eam ducere tenetur; certis dumtaxat casibus exceptis. Si enim is qui in facie Ecclesiæ simulando consensum, verbisque exprimens quod in animo non habebat, mulieri illi, eam ducere
traxit,

Qui fictè
Matrimo-
nium
cum ali-
qua fœ-
mina con-
traxit,

cere

PARS I.

Art. ult.

S. 5.
eam du-
cere tene-
tur.

cere non teneretur uxorem, dolus illi suus patrocinaretur tum in foro conscientiae, tum in foro Ecclesiae; Patrocinari autem illi non debere docet *S. Thomas*, loco mox indicato. Deinde cum fictionem alterius probare non posset pars decepta, Matrimonium alterum inire non permetteretur; & quamvis alterius Matrimonii ineundi daretur illi facultas, tamen ob famam tali divortio graviter laesam, non facile conjugem inveniret.

Exceptio-
nes.
Prima.

839. Omnium tamen Theologorum iudicio certi sunt casus quibus eam ducere non teneretur simulator. Primò, si duxerit alteram legitimo consensu adhibito; quo tamen casu ad compensandam injuriam priori illatam, Prudentum arbitrio teneretur. Sed casus ille vix occurreret: Ecclesia enim ipsum compelleret ad manendum cum prima uxore, ut colligitur ex Cap. *Ex parte*, Extra, *De Sponsalibus*, & Cap. *Licet*, Ext. *De Sponsa duorum*. Nam *Judicat Ecclesia secundum ea quae foris apparent: sed ille debet potius Excommunicationem sustinere, quam ad primam uxorem accedat; vel debet in alias regiones remotas fugere*, ut respondet *S. Thomas* loco supra laudato, ad tertium.

Secunda.

840. Secundò, non teneretur eam ducere simulator, si maxima sit conditionis disparitas, vel evidentia signa ficti consensûs præbuerit. Tunc enim judicari potest mulierem verè deceptam non fuisse, aut verbis viri non credidisse, vel certè non debuisse credere.

841. Ter-

841. Tertiò, si mulier quæ videtur decepta, se virginem simulaverit, cum non esset.

842. Quartò, si gravia mala, capitales inimicitiae ac dissidia, cædes, &c. ex huiusmodi Matrimonio meritò timentur. Quo casu pecuniaria compensatio sufficiet.

843. Qui post Matrimonium fictè contractum cum una, secundum sincerè contraxit cum alterâ, non tenetur, nec potest tutâ conscientia, redire ad priorem, etiamsi Iudicis Ecclesiastici Sententiâ, Censurisque compellatur. ut dictum est num. 839. & habetur Cap. *Inquisitioni*, Ext. De *Sententia Excommunicationis*, cujus hæc sunt verba: *Debet potius Excommunicationis Sententiam humiliter sustinere, quam per carnale commercium peccatum operari mortale*. Peccatum autem mortale committeret, dimittendo illam cum qua legitimè contraxit, ut rediret ad priorem, quæ verè conjux non est, defectu consensûs; nec esse potest, consensu in Matrimonium cum alterâ præstito per verba de præsentî.

894. Proles ex Matrimonio fictè contracto suscepta, antequam fictio alteri conjugî innotescat, vel probetur, legitima censenda ac judicanda est. Filii namque geniti ex Matrimonio bonâ fide saltem alterius parentis inito in facie Ecclesiæ, legitimi censentur, modò concepti sint ante divortium Iudicis Ecclesiastici Sententiâ decretum; quicumque defectus, seu quodcumque im-

PARS I.

Art. ult.

S. 5.

Tertia.

Quarta.

Quid factum opus ei qui postquam fictè contraxit cum una, sincerè contrahit cum altera?

Quid de prole ex Matrimonio fictè contracto suscepta?

PARS I.
Art. ult.
S. 5.

pedimentum occultum, vel uni dumtaxat conjugum notum, intercesserit. Id constat ex Cap. *Cum inter*, & Cap. *Prelatum*, quæ sunt *Alexandri III.* Responsa, Ext. *Qui filii sint legitimi*: Idem confirmat *S. Thomas* in 4. *Sententiarum* Dist. 49. Quæst. i. A. 3. Quæstiuicula i. ad secundum.

Quid si
unus Con-
jugum af-
firmat sibi
defuisse
consen-
sum?

845. Cum unus conjugum affirmat sibi defuisse consensum, non statim licet alteri novum conjugium inire. Sicut enim Ecclesia non statim credit id asserenti, nec probanti; ita nec ille credere tenetur, sed jure suo uti potest, utpote bonæ fidei possessor, & existimare quod nunc fortè mentiatur, quæ prius asserit se fuisse in facie Ecclesiæ mentitam. Nam (ut ait *Innocentius III.* Cap. *Per tuas*, Ext. De Probationibus) *Nimis indignum est [juxta legitimas Sanctiones] ut quod suâ quisque voce dilucidè protestatus est, in eundem casum proprio valeat testimonio infirmare.*

Qua ra-
tione con-
valescere
possit Ma-
trimoniū
defectu
consensus
irritum?

846. Matrimonium defectu consensûs irritum, si inter personas alioqui legitimas, coram Parocho & testibus contractum sit, novo conjugum qui metû compulsi, vel fictè contraxerant, consensu privatim tacitèque præstito convalescit. Id colligitur ex *S. Thoma* in 4. *Sententiarum*, Dist. 19. Quæst. 2, Articulo 3. ad secundam: *Ex consensu*, inquit, *libero illius qui prius coactus est, non fit Matrimonium, nisi in quantum consensu præcedens in altero adhuc manet in suo vigo-*

vigore ; unde si dissentiret, non fieret Matrimonium. Idem docet S. Antoninus, 3. Part. Tit. 1. Cap. 7.

PARS I.
Art. ult.
§. 5.

Pius V.

847. Denique Pius V. declaravit, Matrimonium contractum & consummatum per metum, si in facie Ecclesiæ, secundum formam Tridentini Concilii contractum sit, & impedimentum sit occultum, postea mutuo conjugum consensu & spontanea cohabitatione convalescere, nec esse opus iterum contrahere repetitis solemnitatibus aliàs ritè adhibitis in primo contractu. Si autem impedimentum esset manifestum, Matrimonium de novo contrahendum esset servatâ formâ Concilii Tridentini, juxta Responsum Sacræ Congregationis Concilii, ad Declarationem Pii V. de qua Navarrus in Summa Cap. 22. Num. 70. & Fagnanus, in Cap. Is qui fidem, Ext. De Sponsalibus.

848. Matrimonium contractum inter personas, quæ illegitimæ erant propter aliquod impedimentum dirimens, impetratâ Dispensatione convalescere non potest, nisi novus utriusque consensus accedat, verbis aut signis expressus. Dispensatio namque, quâ sublatur impedimentum est, non dat firmitatem Matrimonio prius contracto, sed facit dumtaxat personas idoneas & legitimas ad contrahendum inter se Matrimonium. Præterea, consensus antea expressus erat illegitimus, siquidem personæ ad contrahendum legitimæ non erant: irritus itaque erat.

Qua ratione convalescere possit Matrimonium inter personas illegitimas propter aliquod impedimentum dirimens contractum

PARSI. Quamobrem novo utriusque conjugis consensu, postquam impetrata fuerit Dispensatio, Matrimonium convalescat necesse est. Idem colligitur ex *S. Thoma*, in 4. *Sententiarum*, Distinctione 41. Quæstione 1. Articulo 4. ad sextum: *Si*, inquit, *aliquis gradus concederetur, qui nunc est prohibitus, illa conjunctio non efficeretur matrimonialis ex Statuto Ecclesiæ ratione primi contractus, quia possent separari si vellent. Sed tamen possent de novo contrahere: & alia conjunctio esset.*

Quid si prius contraxerint coram Parocho & testibus? 849. Verum si prius inter se contraxerint coram Parocho & testibus secundum formam à Concilio Tridentino præscriptam, licet invalidè, propter impedimentum occultum, necesse non est ut contractus solemniter in facie Ecclesiæ renovetur: sed sufficit ut consensum mutuum privatim verbis vel signis renovent & exprimant. Et quia non raro pericula sunt vel scandali, vel diffensionum, vel suspicionis adulterii, si conjux, cui ignotum impedimentum est, illud ediscat, maximâ prudentiâ opus est ad novum consensum eliciendum. Itaque satis erit si conscius impedimenti, inter conjugalis amoris blanditias, alteri dicat: Ita in te sum affectus, ut si non esset inter nos Matrimonium, nihilominus te acciperem in conjugem, & nunc revera te accipio. Nunquid similiter in me affectum cor tuum est? Si verbis vel signis innuat ita se affectum esse,

esse, aut affectu conjugali copulam ineant, Matrimonium convalescit. Commune id Theologorum placitum est, *Pii V.* Declaratione fultum, præcipuè *Navarri*, in *Enchiridio*, Cap. 22. Num. 70. & *Lib. 4. Consilio 14. Tit. De Sponsalibus; Barbosa Par. 2. De Officio Episcopi*, Allegatione 32. Num. 157. & 158. *Zerolæ* in *Praxi Episcopali*, verbo *Dispensatio*, ad tertium, & ad quintum Dubium, & aliorum.

850. Consensus conditionatus ad Matrimonium non sufficit; nec illud ratum est, nisi conditio evenerit, seu impleta fuerit, si possibilis ac honesta sit, & de futuro. Cap. *De illis*, quod est *Alexandri III.* Responsum, Ext. *De conditionibus apposis in Desponsatione*. Idem confirmat *S. Thomas*, in 4. *Sententiarum*, Dist. 29. Quæst. 2. Art. 3. Quæstiuncula 3.

851. An autem adveniente conditione sit necessarius novus consensus, Quæstio est Theologos inter & Jurisperitos disceptata. Necessarium esse contendunt Theologorum plerique, Jurisconsulti negant. Horum Sententiam Romana Curia sequitur. Nam in Sacra Congregatione Concilii olim proposito dubio, An validum esset illorum Matrimonium, qui coram Parocho & testibus, per verba de præsentī, sub conditione licita & honesta, quæ postea impleta est, contraxerant; & se pro legitimis conjugibus, statim atque impleta est, sine alia solemnitate ha-

De consensu conditionato ?

Cum Matrimonium sub conditione contractum est, adveniente conditione non est necessarius novus consensus.

PARS I. bentes, Matrimonium consummaverant;
 Art. ult. an verò cogendi essent conjuges ad matri-
 5.5. monium iterum coram Parocho legitime
 contrahendum: Sacra Congregatio in Sen-
 tentiam quidem Theologorum se propende-
 re significavit, uno excepto Cardinali *Al-*
ciato, eamque videri Tridentino Concilio
 magis consonam; sed relatione facta coram
 Summo Pontifice, cui judicium istius Qua-
 stionis Consultissimi Cardinales reservave-
 rant, Sanctissimus Pontifex *Pius V.* secun-
 dum Sententiam Jurisconsultorum pronun-
 tiavit, impletâ conditione, accedente verbi
 gratiâ consensu patris, Matrimonium quod
 ex illo consensu fuerat suspensum, statim
 ratum ac perfectum esse; nec opus esse ut
 coram Parocho iterum celebretur: atque
 hanc Sententiam in Judiciis omnino sequen-
 dam: neque Concilio Tridentino ullatenus
 repugnare. Idem sensit ac declaravit Con-
 gregatio altera sub *Clemente VIII.* ut refert
Fagnanus in Cap. *Super eo*, Tit. *De Condi-*
tionibus apposis in Desponsatione, vel in
aliis Contractibus, in Lib. 4. Decretalium,
 paginâ 38.

De condi-
 tionibus
 apposis
 in despon-
 satione.
 852. Si conditio honesta, licita, & pos-
 sibilis impleta non fuerit, sed tamen contra-
 hentes à conditione per contrarium factum
 recesserint, ratum est & perfectum Matri-
 monium. Id constat ex Cap. *Per tuas*, Ext.
De Conditionibus apposis in Desponsatione,
 &c. quo *Innocentius III.* Matrimonium viri
 cujus-

cujusdam, qui Sponsalia sub honesta conditione contraxerat, eo nomine ratum esse pronuntiat, quod ante conditionis eventum desponsatam sibi carnaliter cognovisset, atque ita à conditione recessisset: *Cum liquidò constet, quòd, post contracta Sponsalia, carnalis est inter eos copula subsequuta, pro Matrimonio est præsumendum; quia videtur à conditione appositâ recessisse.*

853. Matrimonium coram Parocho & testibus contractum sub conditione de præterito vel de præsentì, nullum est ab initio si conditio defuerit, nec subsequuta copulâ convalescit ac perficitur, Exempli gratiâ, si quis his verbis contrahat: Anna, si es legitima; vel si es virgo; vel si es nobilis, accipio te in meam uxorem; deinde Matrimonio consummato, compertum sit Annam non esse legitimam, sed natam ex concubina; vel non fuisse virginem tempore contractûs; vel nobilem non esse, sed plebeiam; Matrimonium ab initio nullum fuit, neque convaluit copulâ subsequuta. Id colligitur ex S. Thoma in 4. Sententiarum, Dist. 29. Quæstione 2. Articulo 3. Quæstiunculâ 3. *Conditio appositâ, inquit, aut est de præsentì, aut de futuro: si de præsentì, & non est contraria Matrimonio, sive sit honesta, sive inhonesta, stat Matrimonium stante conditione; & ea non stante, non stat.* Idemque confirmat, S. Antoninus, 3. Part. Tit. 1. Cap. 2. in fine. Cum itaque nunquam extitit

De conditionibus de præterito vel præsentì.

PARS I. *Art. ult.* *§. 5.* conditio honesta & possibilis, quæ Matrimonio, sive consensui alterius conjugis adjecta est, Matrimonium ab initio contractum nullum & irritum fuit.

Quod inter eas discrimen?

854. Ex quo sequitur, illud non convalescere ac perfici per copulam subsequutam; quia tunc demum per copulam censetur quis recedere à conditione, si conditio sit de futuro, ut colligitur ex Cap. *Per tuas*. supra citato: secus verò si conditio sit de præterito vel præsentis. Ratio discriminis est, quia ubi conditio appositæ est de futuro, actus non est irritus ab initio, sed suspenditur usque ad conditionis eventum, ut constat ex Cap. *De illis*, & Cap. *Super eo*, Ext. *De Conditionibus apposis in Desponsatione*, &c. Unde per copulam idè videtur aliquis à conditione recessisse, quia Ecclesia, ut crimen fornicationis excludat, copulam factam præsumit affectu conjugali, purumque & absolutum consensum intercessisse, ut explicat Glossa Capituli *Per tuas*, cujus hæc sunt verba: *Conditionalis consensus nullus est ante conditionem extantem*. ff. De Verb. signif. L. *Cedere diem*. Si ergo nullus præcessit consensus, solus coitus Matrimonium non facit. Dicas ergo quòd consensus præcessit de futuro, quamvis per verba de præsentis expressus: & ita carnalis copula subsequuta inducit Matrimonium præsumptum: & favore Matrimonii inducta est hæc præsumptio, quia per carnalem copulam ipso facto videtur

con-

consensum exprimere de presenti, & à conditione recedere, sicut per puram emptionem receditur à conditionali. L. Sed Celsus, §. ultimo ff. De contrahenda Emptione. At verò ubi conditio est de presenti, vel de præterito, actus non est suspensus; imò si conditio non extat, nullus & irritus est ab initio, defectu consensûs; & copula sequens est fornicatio. Quamobrem cum in specie propositâ mulier illegitima, vel corrupta, vel ignobilis esset, quo tempore Matrimonium contractum est, atque ita jam defecissent conditiones illæ: Si es legitima, si virgo, si nobilis; copula subsequens Matrimonium ratum non effecit. Ita censent Innocentius IV. & Hostiensis in Cap. Pes tuas, aliique Canonici Juris Commentatores à Fagnano citati, & Fagnanus ipse in Cap. Si conditiones, Extrâ, De Conditionibus apposis in Desponsatione, &c.

PARS I.
Art. ult.
§. 5.

855. Conditiones quæ Matrimonii substantiæ aut bonis adversantur, Matrimonium nullum & irritum reddunt. Ita declarat Gregorius IX. Cap. Si conditiones, Ext. De conditionibus apposis in Desponsatione, &c. cujus hæc sunt verba: Si conditiones contra substantiam conjugii inserantur: Putà. si alter dicat alteri: Contraho tecum, si generationem prolis evites: vel, Donec inveniam aliam honore vel facultatibus ditiozem: aut, si pro quaestu adulterandam te tradas: Matrimonialis contractus, quantum

De conditionibus turpibus & impossibilibus.

Qua Matrimonii substantiæ adversantur, illud irritant.

PARS I.

Art. ult

§. 5.

tuncumque sit favorabilis, caret effectu. Id confirmat S. Thomas in 4. Sententiarum, Dist. 29. Quæstione 2. Articulo 3. Quæstioncula 3.

*Quæ non
adversan-
tur, non
irritant.*

556. Conditiones turpes aut impossibiles, sed Matrimonii bonis alioqui non contrariæ, non impediunt quin Matrimonium ratum, firmumque sit. Conditionum enim hujusmodi nullam habendam esse rationem, & pro non adjectis haberi debere, in favorem Matrimonii declaravit Ecclesia, Cap. *Quicumque*, Ext. *De conditionibus appositis in Desponsatione*, cujus hæc sunt verba: *Quicumque sub conditionis nomine aliquam desponsaverit, & eam relinquere voluerit: dicimus, quod frangatur conditio, & desponsatio irrefragabiliter teneatur. Quod de turpi conditione Glossa explicat, quæ tamen non sit contra naturam Matrimonii, puta, si furtum fecerit, si hominem interfecerit. Idque confirmat Gregorius IX. Cap. Si conditiones, sub eodem Titulo: Licet (inquit) alia conditiones appositæ in Matrimonio, si turpes aut impossibiles fuerint, debeant propter ejus favorem pro non adjectis haberi.*

*Quid a-
gendum,
Parocho,
si quis sub
conditio-
ne contra-
bat?*

857. Si quis sub conditione honesta de futuro contrahat, à Parocho monendus est, contractum suspensum manere, donec impleatur conditio, proindeque perficere non debet solemnitatem Matrimonii, dicendo, *Ego conjungo vos in Matrimonium &c.* Sed

pro-

prohibere ne Sponsa in Sponsi domum du-
catur, & ne simul cohabitent; & ea de re
Episcopum certiolem facere, ut iudicet quid
facto sit opus. Si verò quis contrahat sub
conditione pariter honesta de præterito, vel
de præsentì, Parochus monere debet con-
trahentes, nullum esse Matrimonium si con-
ditio non extet, ac proinde Ecclesiam ipsos
non habituram ut conjuges, nisi conditionis
existentia probata fuerit, nec Matrimonii
solemnia se perficere posse, nisi absolute
contrahant; causamque referre debet ad
Episcopum, ut Auctoritate suâ, & Censuris
Ecclesiasticis, si opus sit, cohabitationem
eorum, qui hoc modo contraxerunt, pro-
hibeat.

858. Cum enim sacra Synodus Triden-
tina Sessione 24. *De Reformatione Matrimo-
nii*, Cap. I. statuit ut *Parochus, viro & mu-
liere interrogatis, & eorum mutuo consen-
su intellecto, vel dicat, Ego vos in Matrimo-
nium conjungo, In nomine Patris, & Filii,
& Spiritus-Sancti; vel aliis utatur verbis,
juxta receptum uniuscujusque Provincia Ri-
tum*; de consensu absoluto, non de consen-
su conditionato, qui actum suspendit, vel
nullum facit defectu conditionis, intelligen-
da est.

859. Præterea, non est permittenda
cohabitatio eorum qui desponsati sunt per
verba dumtaxat de futuro, quales sunt
qui consensum exprimunt sub conditione
quam

PARS I.

Art. ult..

§. 6.

quam postea implendam sperant : Nec eorum, quorum fortè nullum est. Matrimonium, defectu legitimi consensûs, quales sunt qui consensum exprimunt sub conditione de præterito vel præsentì, quæ non extat: alioqui via scortationibus & concubinatui aperiretur. Unde in hujusmodi casibus Mulier sub custodia parentum vel tutorum permanere debet, vel in Monasterium se recipere, procul à contubernio viri, quicùm ita contraxit, donec absolutum consensum verbis minimè ambiguis exprefferint: alioqui deneganda illis sunt Sacramenta, utpotè in proximo peccandi pèriculo versari amantibus. De Consensu coactò & Clandestina. Vide Parte 2. in Appendice ad hoc Sacramentum.

§. VI.

De Sponsalibus.

*Sponsa-
liorū defi-
nitio.*

860.

Sponsalia definiuntur, *Promissio futurarum Nuptiarum*. Quæ promissio vera & sincera, non simulata, libera, reciproca, & signis exterioribus expressa esse debet. Sponsaliorum libertati adjectio pœnæ repugnat, ut declarat *Gregorius IX. Cap. Gemma, Ext. De Sponsalibus.*

861.

*Quibus
modis
Sponsalia*

Variis autem modis Sponsalia contrahuntur, scilicet re, verbis, literis, & consensu; Re, per nudam subarrhationem

nem

nem vel annuli immiffionem: verbis, fi inter virum & mulierem promiffio futuri Matrimonii intercefferit, veluti altero alteri vice mutuâ dicente: Ego te accipiam in meum maritum, &, Ego te accipiam in meam uxorem, five in hunc fenfum verba fimilia protulerint. Literis, cûm abfentes inter fe de futuris Nuptiis pacifcuntur per epiftolam, per nuntium, vel procuratorem. Confenfu denique contrahuntur fponfalia, cûm pubes & impubes, vel duo impuberes, non proximi pubertati, & in quibus malitia non fuppleat ætatem, Matrimonium per verba de præfenti contrahunt. Licet enim verba Matrimonium in præfens fignificent, Juris tamen interpretatione in Sponfalia de futuro refolvuntur. Cenfuert enim Juris conditores, eos, qui cûm non poffent, conjugium de facto contraxerunt, voluiffe etiam, in cafu quo poffent contrahere, ideoque faltem conventionem vim habere Sponfaliorum; Cap. *Si infantes*, Tit. *De Deffponfatione impuberum*, in Sexto.

862. Rurfus contrahuntur Sponfalia, aut purè, aut adjectâ die, aut fub conditione. Purè, cûm vir & mulier fe invicem futuros conjuges profitentur: Adjectâ die, cûm quis intra certum temporis fpatium aliquam fe ducturum in uxorem fpondet. Sub conditione, cûm quis, fi quid fiet, vel contigerit, Nuptias fe contrahiturum pollicetur.

PARS I.

Art. ult.

§. 6.

contrahuntur

tu r

Sponfalia purè, aut conditionatè contrahuntur.

PARS I.
Art. ult.
§. 5.

bentes, Matrimonium consummaverant; an verò cogendi essent conjuges ad matrimonium iterum coram Parocho legitime contrahendum: Sacra Congregatio in Sententiam quidem Theologorum se propendere significavit, uno excepto Cardinali *Alciato*, eamque videri Tridentino Concilio magis consonam; sed relatione facta coram Summo Pontifice, cui judicium istius *Quæstionis* Consultissimi Cardinales reservaverant, Sanctissimus Pontifex *Pius V.* secundum Sententiam Jurisconsultorum pronuntiavit, impletâ conditione, accedente verbi gratiâ consensu patris, Matrimonium quod ex illo consensu fuerat suspensum, statim ratum ac perfectum esse; nec opus esse ut coram Parocho iterum celebretur: atque hanc Sententiam in Judiciis omnino sequendam: neque Concilio Tridentino ullatenus repugnare. Idem sensit ac declaravit Congregatio altera sub *Clemente VIII.* ut refert *Fagnanus* in Cap. *Super eo*, Tit. *De Conditionibus apposis in Desponsatione, vel in aliis Contractibus*, in Lib. 4. *Decretalium*, paginâ 38.

De conditionibus apposis in desponsatione.

852. Si conditio honesta, licita, & possibilis impleta non fuerit, sed tamen contrahentes à conditione per contrarium factum recesserint, ratum est & perfectum Matrimonium. Id constat ex Cap. *Per tuas*, Ext. *De Conditionibus apposis in Desponsatione*, &c. quo *Innocentius III.* Matrimonium viri cujus-

cujusdam, qui Sponsalia sub honesta conditione contraxerat, eo nomine ratum esse pronuntiat, quòd ante conditionis eventum desponsatam sibi carnaliter cognovisset, atque ita à conditione recessisset: *Cùm liquidò constet, quòd, post contracta Sponsalia, carnalis est inter eos copula subsecuta, pro Matrimonio est præsumendum; quia videtur à conditione appositâ recessisse.*

853. Matrimonium coram Parocho & testibus contractum sub conditione de præterito vel de præsentì, nullum est ab initio si conditio defuerit, nec subsecutâ copulâ convalescit ac perficitur, Exempli gratiâ, si quis his verbis contrahat: Anna, si es legitima; vel si es virgo; vel si es nobilis, accipio te in meam uxorem; deinde Matrimonio consummato, compertum sit Annam non esse legitimam, sed natam ex concubina; vel non fuisse virginem tempore contractûs; vel nobilem non esse, sed plebeiam; Matrimonium ab initio nullum fuit, neque convaluit copulâ subsecutâ. Id colligitur ex S. Thoma in 4. Sententiarum, Dist. 29. Quæstione 2. Articulo 3. Quæstiunculâ 3. *Conditio appositâ, inquit, aut est de præsentì, aut de futuro; si de præsentì, & non est contraria Matrimonio, sive sit honesta, sive inhonesta, stat Matrimonium stante conditione; & ea non stante, non stat.* Idemque confirmat, S. Antoninus, 3. Part. Tit. 1. Cap. 2. in fine. Cùm itaque nunquam exitit

De conditionibus de præterito vel præsentì.

PARS I.

Art. ult.

§. 5.

Quod in-
ter eas
discrimi-
nen?

conditio honesta & possibilis, quæ Matrimonio, sive consensui alterius conjugis adjecta est, Matrimonium ab initio contractum nullum & irritum fuit.

854. Ex quo sequitur, illud non convalescere ac perfici per copulam subsequutam; quia tunc demum per copulam censetur quis recedere à conditione, si conditio sit de futuro, ut colligitur ex Cap. *Per tuas*. supra citato: secus verò si conditio sit de præterito vel præsentī. Ratio discriminis est, quia ubi conditio appositā est de futuro, actus non est irritus ab initio, sed suspenditur usque ad conditionis eventum, ut constat ex Cap. *De illis*, & Cap. *Super eo*, Ext. *De Conditionibus apposis in Desponsatione*, &c. Unde per copulam idē videtur aliquis à conditione recessisse, quia Ecclesia, ut crimen fornicationis excludat, copulam factam præsumit affectu conjugali, purumque & absolutum consensum intercessisse, ut explicat Glossa Capituli *Per tuas*, cuius hæc sunt verba: *Conditionalis consensus nullus est ante conditionem extantem*. ff. De Verb. signif. l. *Cedere diem*. Si ergo nullus præcessit consensus, solus coitus Matrimonium non facit. Dicās ergo quod consensus præcessit de futuro, quamvis per verba de præsentī expressus: & ita carnalis copula subsequuta inducit Matrimonium præsumptum: & favore Matrimonii inducta est hæc præsumptio, quia per carnalem copulam ipso facto videtur con-

con-

consensum exprimere de presenti, & à conditione recedere, sicut per puram emptionem receditur à conditionali. L. Sed Celsus, §. ultimo ff. De contrahenda Emptione. At verò ubi conditio est de presenti, vel de praeterito, actus non est suspensus; imò si conditio non extat, nullus & irritus est ab initio, defectu consensûs; & copula sequens est fornicatio. Quamobrem cum in specie propositâ mulier illegitima, vel corrupta, vel ignobilis esset, quo tempore Matrimonium contractum est, atque ita jam defecissent conditiones illæ: Si es legitima, si virgo, si nobilis; copula subsequens Matrimonium ratum non effecit. Ita censent Innocentius IV. & Hostiensis in Cap. Pes tuas, aliique Canonici Juris Commentatores à Fagnano citati, & Fagnanus ipse in Cap. Si conditiones, Extrâ, De Conditionibus apposis in Desponsatione, &c.

855. Conditiones quæ Matrimonii substantiæ aut bonis adversantur, Matrimonium nullum & irritum reddunt. Ita declarat Gregorius IX. Cap. Si conditiones, Ext. De conditionibus apposis in Desponsatione, &c. cujus hæc sunt verba: Si conditiones contra substantiam conjugii inferantur: Putà. si alter dicat alteri: Contraho tecum, si generationem prolis evites: vel, Donec inveniam aliam honore vel facultatibus ditiozem: aut, si pro quaestu adulterandam te tradas: Matrimonialis contractus, quantum-

PARS I.
Art. ult.
§. 5.

De conditionibus turpibus & impossibilibus.

Qua Matrimonii substantiæ adversantur, illud irritant.

PARS I.
Art. ult
§. 5.

tuncumque sit favorabilis, caret effectu. Id confirmat S. Thomas in 4. Sententiarum, Dist. 29. Quæstione 2. Articulo 3. Quæstiuncula 3.

*Quæ non
adversan-
tur, non
irritant.*

556. Conditiones turpes aut impossibiles, sed Matrimonii bonis alioqui non contrariæ, non impediunt quin Matrimonium ratum, firmumque sit. Conditionum enim hujusmodi nullam habendam esse rationem, & pro non adjectis haberi debere, in favorem Matrimonii declaravit Ecclesia, Cap. *Quicumque*, Ext. *De conditionibus apposis in Desponsatione*, cujus hæc sunt verba: *Quicumque sub conditionis nomine aliquam desponsaverit, & eam relinquere voluerit: dicimus, quod frangatur conditio, & desponsatio irrefragabiliter teneatur. Quod de turpi conditione Glossa explicat, quæ tamen non sit contra naturam Matrimonii, putà, si furtum fecerit, si hominem interfecerit. Idque confirmat Gregorius IX. Cap. Si conditiones, sub eodem Titulo: Licet (inquit) alia conditiones appositæ in Matrimonio, si turpes aut impossibiles fuerint, debeant propter ejus favorem pro non adjectis haberi.*

*Quid a-
gendum
Parocho,
si quis sub
conditio-
ne contra-
bat?*

857. Si quis sub conditione honesta de futuro contrahat, à Parocho monendus est, contractum suspensum manere, donec impleatur conditio, proindeque perficere non debet solemnitatem Matrimonii, dicendo, *Ego conjungo vos in Matrimonium &c.* Sed pro-

prohibere ne Sponsa in Sponsi domum ducatur, & ne simul cohabitent; & ea de re Episcopum certiozem facere, ut judicet quid factum sit opus. Si verò quis contrahat sub conditione pariter honesta de præterito, vel de præsentis, Parochus monere debet contrahentes, nullum esse Matrimonium si conditio non extet, ac proinde Ecclesiam ipsos non habituram ut conjuges, nisi conditionis existentia probata fuerit, nec Matrimonii solemnia se perficere posse, nisi absolute contrahant; causamque referre debet ad Episcopum, ut Auctoritate suâ, & Censuris Ecclesiasticis, si opus sit, cohabitationem eorum, qui hoc modo contraxerunt, prohibeat.

858. Cum enim sacra Synodus Tridentina Sessione 24. *De Reformatione Matrimonii*, Cap. I. statuit ut *Parochus, viro & muliere interrogatis, & eorum mutuo consensu intellecto, vel dicat, Ego vos in Matrimonium conjungo, In nomine Patris, & Filii, & Spiritus-Sancti; vel aliis utatur verbis, juxta receptum uniuscujusque Provincia Ritus*; de consensu absoluto, non de consensu conditionato, qui actum suspendit, vel nullum facit defectu conditionis, intelligenda est.

859. Prætereà, non est permittenda cohabitatio eorum qui desponsati sunt per verba dumtaxat de futuro, quales sunt qui consensum exprimunt sub conditione quam

PARS I.
Art. ult. :
§. 5.

*Conciliū
Tridentinum .*

*Quorum
hic per-
mittenda
non est co-
habitatio.*

PARS I.
Art. ult..
§. 6.

quam postea implendam sperant : Nec eorum, quorum fortè nullum est. Matrimonium, defectu legitimi consensûs, quales sunt qui consensum exprimunt sub conditione de præterito vel præsentī, quæ non extat: alioqui via scortationibus & concubinatui aperiretur. Unde in hujusmodi casibus Mulier sub custodia parentum vel tutorum permanere debet, vel in Monasterium se recipere, procul à contubernio viri, quicū ita contraxit, donec absolutum consensum verbis minimè ambiguis expresse- rint: alioqui deneganda illis sunt Sacramenta, ut- potè in proximo peccandi pèriculo versari amantibus. De Consensu coactō & Clande- stina. Vide Parte 2. in Appendice ad hoc Sacramentum.

§. VI.

De Sponsalibus.

*Spon-
sali-
orum defi-
nitio.*

860. **S**ponsalia definiuntur, *Promissio futurarum Nuptiarum. Quæ promissio vera & sincera, non simulata, li- bera, reciproca, & signis exterioribus ex- pressa esse debet. Sponsaliorum libertati ad- jectio pænæ repugnat, ut declarat Grego- rius IX. Cap. Gemma, Ext. De Sponsalibus.*

*Quibus
modis
Sponsalia*

861. Variis autem modis Sponsalia contrahuntur, scilicet, re, verbis, literis, & consensu; Re, per nudam subarratio- nem

nem vel annuli immissionem : verbis , si inter virum & mulierem promissio futuri Matrimonii intercesserit , veluti altero alteri vice mutuâ dicente : Ego te accipiam in meum maritum , & , Ego te accipiam in meam uxorem , sive in hunc sensum verba similia protulerint . Literis , cum absentes inter se de futuris Nuptiis paciscuntur per epistolam , per nuntium , vel procuratorem . Consensu denique contrahuntur sponsalia , cum pubes & impubes , vel duo impuberes , non proximi pubertati , & in quibus malitia non suppleat ætatem , Matrimonium per verba de præsentis contrahunt . Licet enim verba Matrimonium in præsens significant , Juris tamen interpretatione in Sponsalia de futuro resolvuntur . Censuerunt enim Juris conditores , eos , qui cum non possent , conjugium de facto contraxerunt , voluisse etiam , in casu quo possent contrahere , ideoque saltem conventionem vim habere Sponsaliorum ; Cap. *Si infantes*, Tit. *De Desponsatione impuberum* , in Sexto .

PARS I.
Art. ult.
§. 6.
contrahuntur
tu r

862. Rursus contrahuntur Sponsalia , aut purè , aut adjectâ die , aut sub conditione . Purè , cum vir & mulier se invicem futuros conjuges profitentur : Adjectâ die , cum quis intra certum temporis spatium aliquam se ducturum in uxorem spondet . Sub conditione , cum quis , si quid fiet , vel contigerit , Nuptias se contracturum pollicetur .

Sponsalia purè , aut conditionatè contracta .

PARS I.

Art. ult.

S. 6.

Pur Spon-
salia Ma-
trimonio
præmit-
tuntur?

863. Sponsalia optimis de causis Ma-
trimonio præmittuntur. Primò, *Ne vilem
habeat maritus datam, quàm non suspira-
verit Sponsus dilata;* (inquit S. Augasti-
nus, Libro 8. Confessionum, Cap. 3.) Secun-
dò, ut interim in contrahentium statum,
conditionem, & mores diligentior fiat in-
quisitio. Tertio, ut Sponsi ad Matrimonii
Sacramentum eâ, quæ Christianos decet,
pietate se præparent. Qua de re Sacra Sy-
nodus Tridentina Sessione 24. Cap. 1. De
Reformatione Matrimonii, ita statuit: Po-
stremò Sancta Synodus Conjuges hortatur, ut
antequàm contrahant, vel saltem triduo
ante Matrimonii consummationem, sua
peccata diligenter confiteantur, & ad San-
ctissimum Eucharistiæ Sacramentum piè ac-
cedant. Si quæ Provincia aliis, ultra præ-
dictas, laudabilibus consuetudinibus & ce-
remoniis hac in re utuntur, eas omninò re-
tineri Sancta Synodus vehementer optat.

Qua æta-
te Spon-
salia con-
trahi pos-
sunt?

164. Sponsalibus contrahendis septen-
nii ætas à Jure constituta est, Cap. Literas,
& Cap. Accessit, Ext. De Desponsatione Im-
puberum, ubi Alexander III. Eboracensi
Archiepiscopo respondet, Matrimonium
inter quemdam, & cujusdam puellæ, quæ
desponsata ipsi fuerat, matrem celebratum,
subsistere debere; omninòque ratum esse, Si
constiterit quòd puella non esset septennis
quando desponsata fuit, nec postea in eum
consensit. Idemque confirmat Innocentius

III.

III. Cap. Ad dissolvendum, sub eodem Titulo. Si contrahentes nondum quidem septennium attigerunt; sed parum absunt ab ea ætate; contractus Sponsaliorum robur habet; (inquit *S. Thomas*;) quæ propinquitat secundum conditionem contrahentium determinanda est; quia in quibusdam magis acceleratur rationis usus, quam in aliis:

865. „ Si ante annos pubertatis fiat contractus Sponsalium per alium; scilicet per parentes, vel tutores; ambo vel alter reclamare possunt; unde nihil tunc actum est; adeo ut nec affinitas ulla ex hoc contrahatur: & ideo Sponsalia quæ inter aliquos per alias personas contrahuntur, robur habent; in quantum illi inter quos contrahuntur, ad ætatem debitam venientes, non reclamant; ex quo intelliguntur consentire his quæ per alios facta sunt (inquit *S. Thomas* in 4. *Sententiarum*, Dist. 27. *Quæstione* 2. *Articulo* 2. ad primum.) Idque colligitur ex *Cap. De illis*; *Ext. De Desponsatione Impuberum*; & ex *Cap. Infantes*; in *Sexto*; sub eodem Titulo;

Quid si ante annos pubertatis fiat contractus Sponsalium per alium?

866. Dissolvuntur Sponsalia; aut ipso Jure; aut facto hominis. Ipso Jure; cum nullâ habitâ ratione voluntatis & consensûs partium; certâ causâ emergente distrahuntur, scilicet Matrimonio cum alia persona inito, Regularis Vitæ Professione solemnî; ostâ inter Sponsos ex unius cum alterius cognâ-

Quo modo Sponsalia dissolvi possunt.

PARS I.

Art. ult.

§. 6.

gnato vel cognata concubitu affinitate, & Sacri Ordinis à viro susceptione. Facto hominis dissolvuntur Sponsalia, vel utriusque contrahentis dissensu; vel cum legitima interveniente causâ, dissolutio alterius tantum voluntati permittitur, veluti ex fornicatione, defectione à vera Religione, absentia diuturnâ, membrorum amissione, incurabilis morbi interventu. Hæc autem paulo accuratius explicanda sunt.

*Absque
causa le-
gitima
dissolvi
non pos-
sunt.*

867. Itaque Sponsaliorum fidem frangere, lethale peccatum est, nisi legitimum impedimentum interveniat. Ita docet *S. Thomas*, in 4. *Sententiarum* Dist. 27. Quæstione 2. Articulo 1. ad secundum: „ Ex tali
„ (inquit) promissione obligatur unus alii
„ ad Matrimonium contrahendum, & pec-
„ cat mortaliter non solvens promissum,
„ nisi legitimum impedimentum interve-
„ niat. Et secundum hoc etiam Ecclesia
„ cogit, injungendo Pœnitentiam pro pec-
„ cato: tamen in foro contentioso non
„ compellitur; quia Matrimonia coacta con-
„ sueverunt malos exitus habere: nisi fortè
„ Juramentum intervenerit; quia tunc co-
„ gendus est (ut quidam dicunt) Quamvis
„ aliis non videatur, propter causam præ-
„ dictam; præcipuè si de uxoricidio time-
„ retur.

*Sponsi co-
gi possunt
ad implē-*

868. Eos qui Sponsalia legitimè contraxerunt, Judex Ecclesiasticus ad fidem implendam, contrahendumque Matrimonium

com-

compellere potest, si nullum occurrat impedimentum: maximè si Sponsalia jurejurando firmata sint. *S. Thomas* loco mox indicato.

869. Quamvis autem acriùs compellendi sint, qui Sponsalia Juramento firmaverè, propter majus vinculum, & juramenti religionem; sunt etiam urgendi ut datam fidem impleant, qui illam sine juramento obstrinxerunt. Ad fidem enim promissorum servandam quisque ex iustitia tenetur. Sed tamen ita urgendi sunt à Judice, ut ex nolentibus volentes fiant, quemadmodum de compellendis ad Fidem Catholicam Hæreticis dicitur Canone *Vides*, *Causa* 33. *Quæstione* 6. ex *S. Augustino*. Cæterum si ex hujusmodi Nuptiis gravia scandala, implacabiles inimiciæ, diuturnæ & periculose lites, & alia id genus mala probabiliter timeantur, & sponсорum alter sit in negando consensu pertinax, Sponsaliorum dissolutio, permittenda vel toleranda est ceu minus malum, ad gravius malum avertendum. Levius enim ac tolerabilius malum est Sponsaliorum fidem infringi, quàm Matrimonia cogi, duâsque familias implacabilibus dissidiis, litibus, odiis perturbari.

870. Solvuntur Sponsalia per Matrimonium, quod Sponсорum alter cum alia persona validè contraxerit. Matrimonii enim vinculum indissolubile est; adeoque Sponsalia ante illud contracta observare est impossibile. Unde eorum obligatio per sub-

PARS I.

Art. ult.

§. 6.

dum promissum.

Et à Ju-
dice com-
pelli.

*Nisi ob
gravius
malum
averten-
dum per-
mittenda,
seu tole-
randa sit
dissolutio.*

*Per ma-
trimoniũ
subsequẽs
cum alti-
ra contra-
ctum sol-
vuntur*

PARS I.

Art. ult.

S. 6.

sponsalia.

sequens Matrimonium extinguitur . Nec tamen sponsus vel sponsa , qui Sponsaliorum fide violatâ , cum alio , vel alia contraxerunt , à peccato sunt immunes , ut declarat *Gregorius IX. Cap. Si inter virum , Ext. De Sponsalibus & Matrimonio .*

Irrita verò sunt quæ post Vota Religionis aut Castitatis incuntur .

871. Irrita verò essent ipso Jure Sponsalia , quæ Vota Solemnia in Professione Vitæ Religiosæ emitti solita , aut Vota etiam simplicia Religionis , Castitatis , aut suscipiendi Sacros Ordines , sequerentur . Nemini enim promittere licet , quod præstare non potest , causis legitimis prohibentibus : qui autem hujusmodi Votis Deo se obstrinxit , Matrimonium contrahere non potest , Votis prohibentibus : Postrema enim tria contrahendum impediunt , priora etiam dirimunt contractum . Quare Matrimonium promittere non potest , qui hujusmodi Vota Deo nuncupavit . At Votum simplex Sponsalia subsequens , illa non dirimit , ut docet *S. Antoninus 3. P. Tit. 1. Cap. 18. §. 2.*

Dissolvuntur per Professionem Monasticam .

872. Dissolvuntur autem ipso Jure per Professionem Monasticam . Cum enim Matrimonium ratum & non consummatum , per solemnem Religionis Professionem alterius conjugum dirimatur , ut declarat *Sacra Synodus Tridentina Sessione 24. Canone 6.* multò magis , Sponsalia , quorum non tam arctum vinculum est , per eandem dissolvuntur . Id confirmat *S. Thomas , in 4. Sententiarum , Dist. 27. Questione 2. Articulo*

3. *In duobus*, inquit, *casibus* [scilicet *cum* quis ad Religionem confugit, & *cum* alter conjugum cum altero per verba de presenti contrahit] ipso Jure Sponsalia dirimuntur: sed in aliis casibus dirimi debent secundum Judicium Ecclesiæ.

PARS I.
Art. ult.
§. 6.

873. Qui tamen Monasterium simpliciter ingreditur, Sponsaliorum vinculo non solvitur antequam solemnibus Votis se Deo consecravit, Mundi que penitus mortuus sit. Sed qui in sæculo relinquitur, sponsione suâ liberatus est statim atque Vestem Religiosam alter suscepit, & Matrimonium cum altero, vel altera contrahere potest. Qui enim Religiosam Vestem induit, causam dedit ut joco & serio, animo irato & pacato, possit improperari ei cuculli, aut veli assumptio & abjectio, levitas & inconstantia, & alia quæ rixarum materiam præstare possunt, si ad sæculum revertatur.

Ex parte
nempe re-
manens
in sæculo.

874. Subsequens alterutrius Sponsi fornicatio Sponsalia dirimit, etiam jurata. Hæc enim datæ fidei directè repugnat. Quamvis enim nondum dederint sibi mutuam potestatem corporis Sponsalia contrahentes, tamen ex hoc efficiuntur sibi invicem suspecti de non servanda fide in futurum; & ideo potest sibi præcavere unus contra alium, Sponsalia dirimendo; [inquit S. Thomas, in 4. Sententiarum, Dist. 27. Quæstione 2. Articulo 3. ad sextum;] Eaque Responsio consona est Decretali Innocentii III. Cap. Quemad-

Et per
subsequen-
tem alte-
rutrius
Sponsi for-
nicatione,
etiamsi
jurata
fuerint.

PARSE.
Art. ult.
§. 6.

modum, Ext. *De Jurejurando*, cujus hæc sunt verba: „ *Quemadmodum* si vir mulieri jurasset, quando contraxit cum illa, quod eam semper pro legitima uxore teneret, pro fornicatione quam mulier antea commisisset, non posset eam dimittere, sed pro fornicatione quam postea perpetraret, eam dimittere posset, non obstante hujusmodi Juramento: quoniam in eo talis erat subintelligenda conditio, si videlicet in legem conjugii illa non peccaret: ita si quis juraverit se ducturum aliquam in uxorem, non potest ei fornicationem opponere præcedentem, sed subsequenter, ut illam non ducat in conjugem: quia in illo Juramento talis debet conditio subintelligi, si videlicet illa contra regulam Desponsationis non venerit. Alioquin si post hujusmodi Juramentum publica meretrix fieret, teneretur eam ducere in uxorem, quod est prorsus absurdum. Nam si post contractum conjugium vir propter fornicationem licite potest uxorem à sua cohabitatione dimittere; longè fortiùs ante conjugium celebratum, propter eandem causam licite potest in suam cohabitationem non admittere Sponsam: quia turpius ejicitur quàm non admittitur hospes: non obstante in allerutro casu vinculo Juramenti, quod quidem propter intelligendam conditionem est tale, ut is qui juravit ad
utrum-

„ utrumque sine transgressione possit se habere: Id est, ut eam recipiat, vel non recipiat. Cæterum fornicario non licet parte invitâ pactum rescindere: quippe cui sua malitia patrocinari non debet. Hæc Doctrina etiam in puella ab altero vi oppressâ locum habet; immò & in ea, quæ cum crederetur esse virgo, postea compertum fuit esse corruptam. Ad illam enim ducendam propter inlignem in ea factam, vel cognitam in pejus mutationem, ad statum Matrimonii pertinentem, Sponsus non obligatur: maxime cum bigamiæ vitium contrahere nemo cogatur. Quod si propter fornicationem corporis Sponsalia dirimuntur, minimè dubitandum est, quin propter fornicationem spiritualem, scilicet hæresim, apostasiam, & quodcumque grave crimen & infamiam inducens, dissolvi possint.

875. Dissolvuntur etiam Sponsalia propter affinitatem ex illicitâ copulâ, vel cognationem spiritualem supervenientes, & propter famam cujusque impedimenti, si fama probetur. Si quis ergo fide interposita desponsavit aliquam, & deinde consanguineam Sponsæ intra gradum prohibitum carnaliter cognovit, ipso jure Sponsalia inter eos inita dirimuntur, ut constat ex Cap. *Fraternitati*, Cap. *Ex litteris*, & Cap. *Veniens*, quæ sunt Innocentii III. Responsa, Ext. *De eo qui cognovit consanguineam uxoris suæ, vel sponsæ.*

876. Idem confirmat S. Thomas, in 4. S. Thomas

PARS I.
Art. ult.
§. 62

Dissolvuntur propter affinitatem supervenientem.

PARS I.
Art. ult.
§. 6.

Sententiarum, Dist. 27. *Questione* 2. Articulo 3. ad quartum respondens: „ Si sponsus cognovit consanguineam sponsæ, vel
 „ è converso, tunc debent sponsalia dirimi;
 „ & ad hoc probandum sola fama sufficit
 „ propter scandalum vitandum. Causæ
 „ enim quæ in futurum expectant effectus
 „ suos, impediuntur à suis effectibus non
 „ solum ex eo quod est, sed ex eo quod futurum est. Unde sicut affinitas, si esset
 „ tempore contractûs Sponsalium, impediret
 „ visset contractum illum, ita si interveniat
 „ ante Matrimonium, quod est effectus quidam
 „ Sponsalium, prior contractus ab
 „ effectu suo impeditur. Nec in hoc aliquid
 „ detrahitur alteri, imò ei confertur;
 „ quia absolvitur ab eo, qui per fornicationem
 „ Deo se odiosum reddidit. Affinitatem
 „ porrò ex illicita copula provenientem
 „ Tridentina Synodus ad secundum gradum
 „ restrinxit: unde si quis sponsæ suæ consanguineam
 „ in secundo gradu cognoverit, irrita fiunt ipso jure
 „ Sponsalia, nullumque inter se Matrimonium
 „ contrahere possunt: aliter tamen se res habet, si
 „ sponsæ suæ consanguineam in remotiori gradu cognoverit.

Et cognationem
 spirituali-

877. Sponsalia pariter dirimit cognatio spiritualis superveniens, velut si alter alterius filium è sacro Fonte suscipiat, ut constat ex Cap. *Veniens*, Ext. De Cognatione spirituali, quod Innocentii III. Responsum est.

878. Quod

878. Quod autem sola fama impedi-
menti probata sit sufficiens ratio Sponsalia
dirimendi, constat ex Cap. *Super eo*, quod
Urbani III. Responsum est, Extra, *De Con-*
sanguinitate, & Affinitate.

879. Sponsalia dirimi possunt propter
ferociam & asperitatem morum alterutrius
Sponsi, si certò perspecta sit & cognita: non
verò si vulgi dumtaxat rumore fama illa
percrebuerit. Colligitur ex Cap. *Veniens*,
quod *Alexandri III.* Responsum est, Ext.
Qui Clerici vel Voventes Matrimonium con-
trahere possunt.

880. Dirimuntur quoque propter pa-
ralysim, lepram, epilepsiam, aliúmve simi-
lem morbum, necnon propter magnam de-
formitatem vel debilitatem supervenien-
tem. Cap. *Litteras*, Extra, *De Conjugio*
Leprosorum, quod est *Urbani III.* Respon-
sum.

881. Idem confirmat *S. Thomas*, in 4.
Sententiarum, Dist. 27. Quæstione 2. Arti-
culo 3. in Responsione ad tertium: „ Si
„ (inquit) ante contractum Matrimonium
„ aliquam gravem infirmitatem incurrat
„ alter eorum inter quos sunt contracta
„ Sponsalia, quæ ipsum nimis debilitet,
„ [ut epilepsia, vel paralyfis:] aut eum de-
„ formet [ut abscissio nasi, vel orbitas ocu-
„ lorum, vel aliquid hujusmodi;] aut quæ
„ sit contra bonum prolis [ut lepra quæ so-
„ let prolem inficere:] possunt Sponsalia

PARS I.

Art. ult.

§. 6.

Es famam
impedi-
*menti.**Propter*
*ferociam.**Paralyfim*
lepram,
*&c.**S. Thomas*

PARS I.
Art. ult.
S. 6.

„ dirimi , ne sibi invicem displiceant , &
„ Matrimonium sic contractum malum
„ exitum sortiatur : nec pro pœna punitur
„ aliquis , sed ex pœna damnum reportat ;
„ quod non est inconveniens .

*Etiam
fraus cõ-
missa, vel
promissi
implendi
impoten-
tia .*

882. Fraus commissa in solutione dotis,
vel impotentia solvendi , seu aliam quamvis
honestam conditionem pacto appositam
adimplendi , causa legitima est dirimendi
Sponsalia . Colligitur ex Cap. *De illis*, Ext.
De conditionibus apposis in Desponsatione .

*Capitales
inimici-
tia .*

883. Capitales inimicitiae inter Spon-
sos vel eorum parentes subortae sufficientem
rationem præbent dirimendi Sponsalia . Fu-
nesti enim exitus ex Nuptiis illorum timendi
sunt : quare Ecclesiae Judicio Sponsalia in ea
hypothesi dirimuntur, juxta Cap. *Requisivit*,
Extra, *De Sponsalibus & Matrimonio .*

*Ætatis
defectus .*

884. Sponsalia dissolvi possunt , cum
quis ante pubertatis annos illa contraxit .
Postquam enim ad pubertatis annos perve-
nit , eorum dissolutionem ab Ecclesiastico
Judice petere potest , nisi pubes factus illa
expresso vel tacito consensu rata habuerit .
Idem esto judicium, si ambo impuberes con-
traxerunt . Contractus enim dissolutionem
petere non possunt antequam ad pubertatem
pervenerint , sed solum puberes facti . Id
constat ex Cap. *De illis* , Ext. *De Desponsa-
tione impuberum* , & Cap. *A nobis*, sub eo-
dem Titulo , quæ sunt *Alexandri III. Res-
ponso* . Si tamen carnalis commixtio inter-

ve.

venisset, quæ interdum tempus anticipare solet pubertatis, Sponsalia dirimenda non essent, [inquit idem Pontifex.]

PARS I.
Art. ult.
§. 6.

885. Dirimi pariter possunt, cum Sponsorum alter sine alterius consensu in longinquam regionem proficiscitur. Nam per hujusmodi profecionem datam fidem retractare, & voluntatis mutationem declarare videtur. Jure quidem Civili triennii absentia constituta est, ut Sponsalia solvi possint, L. 2. Cod. *De Repudiis*: sed Jus Canonicum profecionem solam in longinquam regionem absque alterius consensu, legitimam esse causam dissolvendi Sponsalia sanxit. Sic respondit Panormitano Archiepiscopo *Alexander III. Cap. De illis, Extra, De Sponsalibus & Matrimonio*. Cæterum prius quam solvantur, absentem tribus edictis citari in ipsa Ecclesia in qua Matrimonii futuri Denunciationes factæ sunt, statuunt Synodus Senonensis anno 1524. & Parisiensis 1557.

*Profecio
longinqua*

886. Possunt etiam dirimi propter lapsum temporis ad ineundum Matrimonium ex conventionem partium constituti: ille tamen per quem stetit ne Matrimonium contraheretur, Pœnitentiâ eluere debet violationem datæ fidei. Sic respondet *Innocentius III. Cap. Sicut, Ext. De Sponsalibus & Matrimonio*. Idemque sanxere Synodus Senonensis anno 1524. & Parisiensis anno 1557. Id tamen intelligendum, quando terminus adji-

*Lapsus
temporis.*

PARS I.
Art. ult.
§. 6.

adjicitur Sponsalibus ad restringendum obligationem ; tunc enim obligatio extinguitur, vinculum solvitur : Aliter autem se res habet ubi dies adjicitur obligationi jam contractæ : tunc enim censetur potius adjecta ad solemnizandum effectum obligationis (ut loquuntur Jurisconsulti) quàm ad extinguendam ipsam obligationem . Quare si contractis puris Sponsalibus , postea tractetur de die Nuptiarum , lapsus illius diei Sponsum à sponsione Matrimonii non liberat , etiamsi per ipsum non steterit , quin illo die contraheret .

Et mutuus consensus dissolvit sponsalia.

887. Sponsalia , etiam jurata , mutuo partium consensu , suam sponsionem remittentium , dirimi possunt . Sic respondet Innocentius III. Cap. *Præterea* , 2. Extra , De „ *Sponsalibus & Matrimonio* . Nec semper „ est levitatis retractare quæ prius firmata „ sunt [inquit S. Thomas] quia incertæ sunt providentiæ nostræ , ut dicitur Sapientia 9.

Vtrum sponsalia propter Deum iurata remissione partium solvi possint ?

888. Dubitari potest , utrum Sponsalia propter Deum jurata , partium remissione solvantur . Respondetur , distinctione hoc in casu opus esse : aut enim promissio præcipuè facta fuit Deo , licet in favorem tertii , ut si quis dixerit , *Promitto Deo me talem accepturum in uxorem* : & tunc mulier promissionem remittere non potest , licet ad ejus utilitatem facta sit , quia mulieri primariò ac præcipuè non est facta , sed Deo , & sapit rationem voti . Aut promissio præcipuè facta est

est mulieri ; ut si quis dixerit , *Promitto tibi Matrimonium intuitu & amore Dei* : & tunc à muliere , cui & in cujus utilitatem facta est , remitti & condonari potest obligatio . Hæc Responsio est *S. Thomæ* , Secunda Secundæ , *Quæstione 89. Articulo 9. ad secundum.* „ Homo [inquit] potest alteri promittere aliquid sub juramento dupliciter . „ Uno modo , quando promittit aliquid pertinens ad utilitatem ipsius : puta , si sub juramento promittat se servitutum ei , vel pecuniam daturum : & à tali promissione potest absolvere ille cui promissio facta est . Intelligitur enim jam ei solvisse promissum , quando facit de eo secundum ejus utilitatem . Alio modo promittit aliquis alteri quod pertinet ad honorem Dei , vel utilitatem aliorum : puta , si aliquis sub juramento promittat alicui se intraturum Religionem , vel aliquod opus pietatis facturum : & tunc ille cui promittitur , non test absolvere promittentem ; quia promissio non est facta ei principaliter , sed Deo : nisi fortè sit interposita conditio , ratione cujus possit , scilicet , si illi videbitur , cui promittitur , vel aliquid aliud tale .

889. Cum autem Sponsi mutuo consensu à promissis resilire volunt , absolvi tamē non possunt à promissione futurarum Nuptiarum , nisi auctoritate Episcopi , sive ab Officiali , causâ dissensus cognita , ut decre-

PARS I.
Art. ult.
§. 6

Sponsi absolvi non possunt à futuris Matrimonii

PARS I. crevit Synodus Carnotensis anno 1526. & Art. ult. Parisiensis anno 1557. sub pœna etiam Ex-

§.6. communicationis prohibens, ne quisquam è Diœcesanis contrarium attentare præsumat.

promissio-
ne nisi
auctori-
tate Epi-
scopi sive
ab Officia-
li causa
cognita.
Exceptio.

890. Ad Sponsalia dirimenda non est necessaria Judicis Ecclesiastici Sententia, cum ipso Jure dissolvuntur. *S. Thomas*, in 4. *Sententiarum*, Dist. 27. Quæstione 11. Articulo 3. *In duobus*, inquit, *casibus*, scilicet *cum quis ad Religionem confugit*, & *cum alter conjugum cum altero per verba de presenti contrahit*, ipso Jure Sponsalia dirimuntur. [Tertium casum addit *S. Antoninus*, 3. P. Tit. 1. Cap. 7. scilicet fornicationem notoriam.] *Sed in aliis casibus dirimi debent secundum Judicium Ecclesiæ*; [inquit *S. Thomas*.]

De pro-
missis ne-
gativis
Matrimo-
nii.

891. Qui simpliciter vel cum juramento promisit se numquam Matrimonium contrahendum cum alio vel cum alia, contrahere non tenetur, sed solum obligatur ad contrahendum cum illo vel illa, si contrahere velit. Promissiones enim & pactiones negativæ aliam obligationem non pariunt: sicut si quis dicat, Non vendam rem meam nisi Sempronio, non propterea cogi à Sempronio potest ad vendendum, nisi velit eam vendere. Quare qui hoc modo promissere, Ego numquam alteram præter te accipiam uxorem, Ego nulli unquam nubam alteri viro quam tibi, Matrimonium cum alio contrahere

here non possunt absque violatione fidei, & consequenter absque lethali peccato, nisi aliqua ex causis Sponsalia dirimentibus inter-
venerit: sed tamen cœlibem vitam agere possunt & Nuptiis nuncium in perpetuum remittere.

PARS I.
Art. ult.
§. 6.

892. Porro curare debent Episcopi & Pa-
chi, ne Sponsi priusquam Matrimonium in
Ecclesia per verba de præsenti celebrave-
rint, non modò simul habitent, sed ne ullo
quidem modo mutua consuetudine com-
merciòve utantur. Ita statuit *S. Carolus* in
Concilio Provinciali Mediolanensi 6. Tit.

*Cautiones
Parocho-
rum ne-
cessarie,
ne inter
Sponsos
copula in-
tercedat
ante ma-
trimonii
celebra-
tionem.*

Quæ ad Matrimonium pertinent. Qui & car-
nalem copulam inter Sponsos, ante Matri-
monii celebrationem coram Parocho & te-
stibus, in eorum peccatorum numero esse
voluit; quorum Absolutio Episcopo refer-
vata est in Mediolanensi Provincia, illiusque
peccati reis gravem Pœnitentiam imponi
decrevit, in Synodo Provinciali 2. Tit. 1.
Decreto 27. Idemque repetit in Instructio-
nibus *De Sacramento Matrimonii*, & Spon-
sos ea de re diligenter ac vehementer à Pa-
rocho moneri jubet. Peccata enim carnis,
sive opere consummata, sive per oscula &
amplexus, tactusve libidinosos inchoata,
gratiæ sacramentali, & benedictionibus, quas
Deus in castos conjuges largâ manu effun-
dit, obicem ponunt. Synodi Mediolanensis
Secundæ & *S. Caroli* ea de re Decretum suum
fecit Synodus Aqueensis anno 1585. celebrata.

PARS I.

Art. ult.

§. 7.

*Et ne admittant
ignorantes.*

893. Matrimonio conjungendi non sunt, qui Christianæ Fidei rudimenta ignorant. Ita statuit *S. Carolus* in Concilio Provinciali Mediolanensi 5. & in Instructionibus, Ita jubet *Rituale Romanum*.

§. VII.

De Usu Matrimonii.

*Qua cum
cautione
hac de re
tractan-
dum.*

894. **U**sum conjugii quod spectat, sic explicare oportet quæ ad illum Christianè exercendum pertinent, ut nec rerum necessariarum cognitio hac in materia Pastoribus, Confessariisque desit; nec inutilem, & quas curiosius scrutari, aut in iis particulatim expendendis morari periculosum est, lectio superflua ipsos inquiet. Quod nos exequi conabimur.

*Matrimo-
nii usus
licitus est,
& meri-
torius esse
potest.*

Matth. 19

895. Igitur Matrimonii usus non solum peccati expers est secundum se: sed meritorius esse potest. Qui enim fecit hominem ab initio, mulieremque illi in sociam & adiutorium dedit, dixit: *Propter hoc dimittet homo patrem & matrem, & adhærebit uxori suæ, & erunt duo in carne una.* Non aliter autem duo sunt in carne una, quam usu conjugii. Hinc Apostolus ad *Hebræos* Cap. 13. ait: *Honorabile connubium in omnibus, & thoribus immaculatus.* Thorus porro immaculatus non esset, si conjugalis concubitus absque peccato esse non posset.

896. Hinc

896. Hinc Sanctus Augustinus Li-
bro De Bono Conjugali, Cap. 6. Conju-
galis, inquit, concubitus generandi gra-
tia non habet culpam: Concupiscentiæ ve-
rò satianda, sed tamen cum conjuge propter
thori fidem, venialem habet culpam: Adul-
terium verò sive fornicatio lethalem habet
culpam. Idem docet S. Thomas in 4. Sen-
tentiarum, Distinctione 26. Quæstione 1.
Articulo 4. Si, inquit, ad actum Matrimo-
nialem virtus inducat, vel Justitiæ, ut de-
bitum reddat; vel Religionis, ut proles ad
cultum Dei procreetur, est meritorius.

987. Non est tamen inculpabilis, nisi fiat
causâ prolis procreandæ, vel debiti reddend-
di. Aliàs enim concupiscentiæ quodammo-
do serviunt conjugēs, quamvis intra Matrimo-
nii fines redigatur; unde id nonnisi Se-
cundum veniam Apostolus concedit. Hinc
S. Augustinus, Lib. De Bono Conjugali, Cap. 6.
„ In ipsa (inquit) immoderatiore exactio-
„ ne debiti carnalis, quam eis non secun-
„ dùm imperium præcipit, sed secundum
„ veniam concedit Apostolus, ut etiam
„ propter causam procreandi sibi miscean-
„ tur; & si eos pravi mores ad talem con-
„ cubitum impellunt, Nuptiæ tamen ab
„ adulterio seu fornicatione defendunt.
„ Neque enim illud propter Nuptias ad-
„ mittitur, sed propter Nuptias ignoscitur.
„ Debent ergo sibi conjugati non solum ip-
„ sius sexûs sui commiscendi fidem libero-
„ rum

PARS I.

Art. ult.

§. 7.

S. Augu-
stinus.Si nempe
fiat causa
prolis pro-
creandæ
et reddē-
di debiti.S. Augu-
stinus.

PARS I.
Art. ult.
§. 7.

„ rum procreandorum causâ, quæ prima est
 „ humani generis in ista mortalitate socie-
 „ tas, verum etiam infirmitatis invicem
 „ excipiendæ, ad illicitos concubitus evi-
 „ tandos, mutuam quodammodo servitu-
 „ tem. *Et infra:* Melior est quidem ab
 „ omni concubitu continentia, quam vel
 „ ipse matrimonialis concubitus, qui fit
 „ causâ gignendi: sed quia illa continentia
 „ meriti amplioris est; reddere verò debi-
 „ tum conjugale, nullius est criminis: exi-
 „ gere autem ultra generandi necessitatem,
 „ culpa venialis; fornicari verò vel mœ-
 „ chari, puniendi criminis; cavere debet
 „ caritas conjugalis, ne dum sibi quærit
 „ unde ampliùs honoretur, conjugii faciat
 „ unde damnetur. Ita etiam docet S. Tho-
 „ mas in 4. Sententiarum, Dist. 31. Quæstio-
 „ ne 2. Articulo 2. *Quando (inquit) conjuges*
conveniunt causâ prolis procreandæ, vel ut
sibi invicem debitum reddant, quod ad fi-
dem pertinet, totaliter excusantur à pecca-
to. Et infra: Et ideo duobus solis modis con-
juges absque omni peccato conveniunt; sci-
licet causâ prolis procreandæ, & debiti red-
dendi, aliàs autem semper est ibi pecca-
tum, ad minùs veniale.

*Vitanda
in se for-
nicationis
causa, est
veniale
peccatum.
S. Thomas*

898. Unde conjugalis concubitus vitan-
 dæ in se solùm fornicationis causa, non im-
 munis est à peccato veniali. Ita docet S. Tho-
 mas loco mox indicato, in Responsione ad
 secundum. „ Si aliquis (inquit) per actum
 „ Ma-

„ Matrimonii intendat vitare fornicatio-
 „ nem in conjuge, non est aliquod pecca-
 „ tum, quia hoc est quædam redditio, quæ
 „ ad bonum fidei pertinet. Sed si intendat
 „ vitare fornicationem in se, sic est ibi ali-
 „ qua superfluitas: & secundum hoc est pec-
 „ catum veniale; nec ad hoc est Matrimo-
 „ nium institutum nisi secundum indulgen-
 „ tiam, quæ est de peccatis venialibus. „
 Aliis nempe modis conveniëntioribus, scilicet
 per orationem, jejunia, aliâque pia opera
 vitare quis fornicationem, & continentiam
 à Deo impetrare potest. Conjugis autem
 intemperantiæ, cui ex fide matrimoniali ob-
 viare tenetur, aliter mederi non potest,
 cum aliena voluntas non sit in nostra po-
 testate.

899. Pariter sanitatis dumtaxat causa
 exercitus veniale peccatum est. Non enim ob
 sanitatem, sed ob liberorum procreationem
 Matrimonium institutū est. Unde S. Thomas
 in Responsione ad quartum: *Quamvis, in-*
quit, intendere sanitatis conservationem non
fit per se malum, tamen hæc intentio effici-
tur mala, si ex aliquo sanitas intendatur,
quod non est ad hoc de se ordinatum; sicut
qui ex Sacramento Baptismi tantum salu-
tem corporalem quæreret. Et similiter est
in proposito de actu Matrimoniali.

Etiam a
sanitatis
causa.

S. Thomas

900. Neque culpâ caret, si partim
 generationis causâ, partim ob voluptatem
 fiat. Sola enim liberorum procreandorum

Etiam, si
partim
generatio-

PARS I.

Art. ult.

S. 7.
nis, par-
tim vo-
luptatis
causa.

S. Thomas

causa, vel debiti reddendi, hoc opus à peccato excusat, secundum illam Tobiae Junioris sententiam: *Et nunc Domine, Tu scis quia non luxuriæ causâ accipio sororem meam conjugem, sed solâ posteritatis dilectione, in qua benedicatur Nomen tuum in secula seculorum.* Hinc Thomas Articulo 3. Quæstionis citatæ: *Si queratur, inquit, delectatio infra limites Matrimonii, ut scilicet talis delectatio in alia non quæreretur quàm in conjugē, sic est veniale peccatum.*

Et dum
ita fre-
quenter
& intem-
pestivè
exercetur,
ut impe-
diat tem-
pora ora-
tioni de-
bita.

S. Augu-
stinus.

901. Opus conjugale ita frequenter & intempestivè exercere, ut impediatur tempora orationi debita, gravius quidem peccatum est, quàm si aliis temporibus ob solam delectationem carnale debitum exigeretur: Non tamen est mortale peccatum. Prima pars ex ista S. Pauli Sententia colligitur, 1. Cor. 7. *Nolite fraudare invicem nisi fortè ex consensu ad tempus, ut vacetis orationi: Quam S. Augustinus sic interpretatur Libro De Bono Conjugali, Cap. 10. Illum concubitus secundum veniam concedit, qui fit per incontinentiam, non sola causa procreandi, & aliquando nullâ causâ procreandi; quem Nuptia non fieri cogunt, sed ignosci impetrant si tamen non ita sit nimius ut impediatur quæ seposita esse debent tempora orandi, &c.* Quibus verbis significatur quidem gravius esse peccatum, nec ita facilè excusari concubitus conjugum aded nimium ut impediatur tempora quæ orationi debentur, quàm

quàm si quolibet alio tempore, solius etiam voluptatis causâ huic operi vacarent: Sed tamen ad malitiam peccati mortalis pertinere propter hanc sacri temporis circumstantiam, disertè non asserit *S. Augustinus*.

902. Partem utramque *S. Thomæ* testimonio fulcimus in *4. Sententiarum*, Dist. 32. Quæstione 1. Articulo 5. Quæstiuncula 1. *Actus*, inquit, *Matrimonialis quamvis culpâ careat, tamen quia rationem deprimit propter carnalem delectationem, hominem reddit ineptum ad spiritualia. Et ideo in diebus in quibus præcipuè spiritualibus est vacandum, non licet petere debitum....* Quamvis enim quis non teneatur omnibus horis orare, tamen tenetur totâ die se conservare idoneum ad orandum. Et Quæstiunculâ 2. *Petere debitum in die festivo*, inquit, non est circumstantia trahens ad aliam speciem peccati; unde non potest in infinitum aggravare. Et ideo non peccat mortaliter uxor, vel vir, si in die festivo debitum petat. Sed tamen gravius est peccatum si solâ delectationis causâ petatur, quàm si propter timorem quò quis sibi timet de lubrico carnis, debitum petat. Narrat *S. Gregorius* Libro 1, *Dialogorum* Cap. 10. Mulierem quamdam, quæ *Voluptate devicta*, commixta viro fuerat nocte præcedente, publicæ Supplicationi ad Oratorii *S. Sebastiani* Dedicacionem adfuisse, quia *Processionem verecundia imperavit*: ob idque à Diabolo fuisse arrep-

„ Matrimonii bona majori in dies divinæ
 „ gratiæ cumulô augeri sentiant .

PARS I.
 Art. ult.

§. 7.

904. At verò lethalis peccati reus est ,
 qui conjuge ita intemperanter utitur , ut in-
 tra conjugalem affectum non se contineat ,
 paratus etiam cum alia non conjuge , aut
 cum eadem , quamvis conjux non esset , li-
 bidinem suam explere , atque omninò vo-
 luptatem illam sic amans , ut eam Dei timo-
 ri anteponat . De his enim *Tobia* 6. dicitur:
Qui conjugium ita suscipiunt , ut Deum à se
& à sua mente excludant , & sua libidini
ita vacent sicut equus & mulus quibus non
est intellectus , habet potestatem Daemonum
super eos . Et Dominus in Evangelio : *Qui*
amat uxorem suam plusquàm me , non est
me dignus . Idem docet *S. Thomas* , in 4.
Sententiarum , Dist. 31. Quæstione 2. Arti-
 culo 3. Si , inquit , *delectatio quaratur ul-*
tra honestatem Matrimonii , ut scilicet ali-
quis in conjuge non attendat quòd conjux
est , sed solùm quòd mulier est , idem paratus
facere cum ea ac si non esset conjux , est pec-
catum mortale : & talis dicitur ardentior
amator uxoris , quia scilicet ardor ille extra
bona Matrimonii fertur . Et in Responsione
 ad primum : *Tunc voluptates meretricias*
vir in uxore quarit , quando nihil aliud in
ea attendit , quàm quòd in meretrice atten-
deret .

Vsus Ma-
trimonii
ob libidi-
nem quã-
doque pec-
cati mort-
ale .

905. Congressus cum uxore gravida
 peccatum est , & mortale quidem , si peri-

De con-
gressu cõ-

PARS I.

Art. ult.

S. 7.

Uxore

gravidâ.

culum sit perdendi foetum, tametsi nondum animatum. Aliàs verò veniale. Quicumque enim se lethalis peccati periculo exponit, lethaliter peccat. Idem confirmat S. Thomas, in 4. Sententiarum, Dist. 31. in expositione Textûs. *Ex hoc, inquit, imminet periculum abortûs. Et ideo Hieronymus vituperat accessum viri ad uxorem imprægnatam: non tamen ita quòd semper sit peccatum mortale, nisi fortè quando probabiliter timetur de periculo abortûs.*

Cum Mē-
struata.

906. Illicita est petitio conjugalis debiti tempore infirmitatis menstruæ, non tamen ita certum est an reddere sit illicitum, si conjux alter pertinaciter petat, & periculum peccati gravioris illi ex repulsa timeatur. S. Thomas, in 4. Sententiarum, Distinctione 32. Quæstione 1. Articulo 2. Quæstiuncula 2. „Accedere (inquit) ad menstruatam, in Lege prohibitum erat duplici ratione; cum propter immunditiam; cum propter nocumentum quod in prole ex hujusmodi commistione frequenter sequebatur: & quoad primum, præceptum erat ceremoniale; sed quantum ad secundum, erat morale: quia cum Matrimonium sit ad bonum prolis principaliter ordinatum, ordinatus est omnis Matrimonii usus quò bonum prolis intenditur: & ideo hoc præceptum obligat etiam in Nova Lege propter secundam rationem, etsi non propter primam. Et infra: Quan-
do

„ do naturaliter mulier patitur fluxus men-
 „ struorum, potest concipere; & iterum ta-
 „ lis fluxus non durat nisi ad modicum tem-
 „ pus: unde prohibitum est ad talem acce-
 „ dere; & similiter prohibitum est mulieri
 „ in tali fluxu debitum petere.

907. Et Quæstiuncula 3. „ Dixerunt
 „ quidam (inquit) quodd mulier menstrua-
 „ ta sicut non debet petere debitum, ita
 „ nec reddere: sicut enim non teneretur
 „ reddere, si haberet infirmitatem in pro-
 „ pria persona, ex qua periculum ei immi-
 „ neret, ita non tenetur reddere, ad vitan-
 „ dum periculum prolis: quia si mulier in-
 „ firmatur, certissimum est quodd ex carnali
 „ actu periculum ei imminet; non autem
 „ ita certum est de prole, quæ fortè nulla
 „ sequetur. Et ided alii dicunt, quodd mu-
 „ lieri menstruatae numquam licet petere
 „ debitum: si tamen vir ejus petat, aut pe-
 „ tit scienter, aut ignoranter: si petit scien-
 „ ter, tunc debet eum avertere precibus
 „ & monitis, tamen non ita efficaciter ut
 „ possit ei esse occasio in alias damnabiles
 „ corruptelas incidendi, si ad id pronus cre-
 „ datur. Si autem petit ignoranter, tunc
 „ mulier potest aliquam occasionem præ-
 „ tendere, vel infirmitatem allegare, ne
 „ debitum reddat, nisi periculum viro ti-
 „ meatur: tamen finaliter si vir non desi-
 „ stit à petitione, debet debitum reddere
 „ poscenti. „ Nec propterea mulier con-

PARS I.

Art. ult.

S. 7.

sentire peccato viri censenda est, *Nisi voluntarie debitum reddat: quando enim est involuntaria, magis patitur quàm consentiat.*

Cum Puerpera.

908. *Ufus Matrimonii tempore puerperii illicitus est. Tunc enim mulier minùs apta est ad concipiendam prolem, & si concipiat, in pessimo statu nascetur, propter immunditiam matris, naturæque debilitatem.*

Obligatio reddendi debitum.

909. *Ad conjugale debitum sibi mutuò reddendum conjuges obligantur. Ita docet Apostolus 1. ad Corinthios 7. Uxori (inquit) vir debitum reddat: similiter autem & uxor viro. Mulier sui corporis potestatem non habet, sed vir. Similiter autem & vir sui corporis potestatem non habet, sed mulier. Idem confirmat S. Augustinus, Libro De Bono Conjugali, Cap. 6. Debent sibi coniugati non solum ipsius sexûs sui commiscendi fidem, liberorum procreandorum causâ, verùm etiam infirmitatis invicem excipienda, ad illicitos concubitus evitandos, mutuatam quodammodo servitutem. Idem docent S. Fulgentius, Epistola 1. hoc argumentum tractans, & S. Thomas, in 4. Sententiarum, Distinctione 30. Quæstione 1. Articulo 3. Sicut, inquit, tenetur vir uxori in actu conjugali & dispensatione domûs ad id quod viri est, ita uxor viro ad id quod uxoris est. Unde sunt æquales in reddendo & petendo debitum.*

910. Conjugale debitum petenti negare absque iusta causa, lethale peccatum est. Violatur enim iustitia in re gravi; quia is qui negat, subtrahendo corporis usum, cuius potestatem in alterum per Matrimonium transtulit, jure illum suo defraudat, dicente Apostolo 1. ad Corinthios 7. *Nolite fraudare invicem: adeoque peccatum injustitiæ committit, & quidem gravius, quam si rem alienam invito domino detineret. Præterea, ex debiti conjugalis negatione conjux alter in periculum incontinentiæ conjicitur, aliæque inde oriuntur mala, dissensiones, odia, rixæ, divortia, quamvis aliæ sæpe causæ propter verecundiam prætexantur.*

PARS I.

Art. ult.

§. 7.

Negatio debiti absque iusta causa lethale peccatum.

911. Id confirmat Christi Sententia, Matth. 5. *Qui dimittit uxorem suam, exceptâ causâ fornicationis, facit eam mœcham. Qui autem debitum negat, similis est dimittenti, & proinde uxorem suam pariter mœcham facit, id est, occasionem adulterii illi præbet, alteriusve immunditiæ. Hinc S. Augustinus, Libro De Bono Conjugali, Cap. 6. „Ad hoc (inquit) uxor non „habet potestatem corporis sui, sed vir, „similiter & vir non habet potestatem corporis sui, sed mulier: ut & quod non filiorum procreandorum, sed infirmitatis „& incontinentiæ causâ expetit, vel ille „de Matrimonio, vel illa de marito, non „sibi alterutrum negent: ne per hoc inci-*
„dant

S. Augustinus.

§38 DE SACRAMENTO

PARS I. „ dant in damnabiles corruptelas , tentante
 Art. ult. „ Satana , propter incontinentiam vel an-
 §. 7. „ borum , vel cujusquàm eorum .

*Venialis
 tamen esse
 potest .* 912. Verumtamen ratione circumstan-
 tiarum fieri potest , ac sæpe fit , ut negatio
 debiti venialis tantùm culpa sit , cùm scili-
 cet probabile est non esse periculum incon-
 tinentiæ , vel negatio nimium duturna aut
 proterva non est ; aut contra , si petitio
 multum intempestiva sit vel immoderata ;
 aut denique si conjux alter non adedò anxie
 & importunè petat , neque ex negatione
 mœrorem , irâmve concipiat . Quoniam
 verò dixi , negationem debiti conjugalis
 absque justa causâ , lethale peccatum esse ,
 explicandæ sunt legitimæ negandi causæ .

*Causa
 negandi.
 Prima.* 913. Itaque, Adultero cōjugi debitum red-
 dere conjux alter non tenetur . Hanc excep-
 tionem colligere licet ex verbis Christi ,
 Matth. 19. *Quicumque dimiserit uxorem
 suam , nisi ob fornicationem , & aliam du-
 xerit , mœchatur .* Jure quippe exigendî de-
 bitum excidit , & quoad hoc conjux esse de-
 siit , qui fidem conjugalem non servavit .

Secunda . 914. Reddere debitum conjux non tene-
 tur cum detrimento suæ valetudinis . Cari-
 tatis enim ratio postulat ut suæ prius inco-
 lunitati quisque consulat , quàm alterius
 corporali bono , & filiorum propagationi .
 Hinc S. Thomas , in 4. *Sententiarum* , Di-
 stinctione 32. Quæstione 1. Articulo 1. ait :
*Vir tenetur uxori reddere debitum in his
 qua*

quæ ad generationem prolis spectant; salvâ tamen prius personæ incolumitate. Et in Responsione ad secundum: Uxor, inquit, non habet potestatem in corpus viri, nisi salvâ personâ ipsius: Unde si ultra exigat, non est petitio debiti, sed injusta exactio: & propter hoc vir non tenetur ei satisfacere.

PARS I.
Arr. ult.
§. 7.

Tertia.

915. Conjux debitum reddere non tenetur quolibet loco. Verecundia enim & honestas prohibet, ne loco publico, aut quasi publico reddatur: Religio, ne in loco sacro. Idem confirmat S. Thomas, in 4. Sententiarum, Distinctione 32. Quæstione 1. Articulo 5. Quæstiuncula 3. Cum, inquit, mulier habeat potestatem in corpore viri, quantum ad actum generationis spectat, & è converso, tenetur unus alteri debitum reddere quocumque tempore, & quacumque hora, salvâ debita honestate qua in talibus exigitur; quia non oportet quod statim in publico debitum reddat.

916. Verecundiæ mulieris in redditione debiti vir consulere debet. S. Thomas, loco mox indicato, Articulo 2. Quæstiuncula 1. Petitur debitum dupliciter (inquit) Uno modo expressè, ut quando verbis invicem petunt: alio modo est petitio debiti interpretata, quando scilicet vir percipit aliqua signa quod uxor vellet sibi debitum reddi, sed propter verecundiam tacet: & etiamsi non expressè verbis debitum petat, tamen vir tenetur reddere, quando expressa signa in

Mulieris
verecundie hic
consulendum.

PARS I.

Art. ult.

§. 7.

Matrum
Officium
in suis
nutrien-
dis.*uxore apparent voluntatis debitum petendi.*

917. Christianas Mulieres adhortari

operæ pretium est, ut filios suos propriis lactent uberibus, non alienis nutricibus tradant. Id enim postulare videtur natura, quæ ipsarum ubera lacte auget, ut quos pepererunt, suo ipsæ lacte nutriant. Quæ huic officio defunt, ex parte tantum sunt matres, ut ait *Favorinus* Philosophus apud *Aulum Gellium*, Libro 12. *Noctium Atticarum*, Cap. 1. Hinc S. Paulus: *Facti sumus*, inquit, *parvuli in medio vestrum, tamquam si nutrix foveat filios suos*. Non alienos filios (inquit) sed suos: Filios certè non ita amant, nec eas vicissim filii, quæ ipsos non lactarunt. Hinc Sara, Anna, Mater Machabæorum, Maria, sanctæ aliæ feminæ filios suos propriis uberibus nutraverunt, nec facilè in Scripturis sacris reperiatis, quòd aliquæ filios suos alienis nutricibus tradiderint. Hinc S. *Ambrosius*, Libro 1. *De Abraham* Cap. 7. explicans hæc verba Genesis 21. *Quis annuntiabit Abraham quoniam lactet infantem Sara?* ait: *Moralis locus*. Provocantur femine meminisse dignitatis suæ, & lactare filios suos. Hæc enim matrum gratia, hic honos, quo filios propriis commendent viris. Denique eos plus amare filios solent, quas ipsæ matres lactaverint uberibus suis.

S. Gregorius.
rius.

918. Hinc S. *Gregorius*, Interrogationibus S. *Augustini* Anglorum Episcopi respondens, ait: *Prava in conjugatorum mo-*

ri-

ribus consuetudo surrexit, ut Mulieres filios quos gignunt, nutrire contemnant, eosque aliis mulieribus ad nutriendum tradant, quod videlicet ex sola causa incontinentia videtur inventum: quia dum continere nolunt, despiciunt lactare quos gignunt.

PAR. I.
Art. ult.
§. 2.

919. Religiosè servanda consuetudo est, quam Fidelium pietas introduxit, ut Mulieres post partum Ecclesiæ se fiant, solemni-
Purificatio post partum.
bus precibus Deo commendandæ, & gratias acturæ. *Innocentius III. Cap. Volens, Extra, De Purificatione post partum.*

§. VIII.

De Divortio.

920. **D**ivortium est legitima conjugum separatio, quæ fit vinculo conjugii salvò manente.

Quid sit Divortium.

921. Triplex est conjugum separatio: prima quoad vinculum [ante Matrimonii consummationem], quæ fit solemni Professione alterutrius in Religione per Sedem Apostolicam approbatâ. Altera quoad thorum seu copulam dumtaxat. Tertia quoad thorum simul & habitationem.

Triplex conjugum separatio.

922. Fide porrò certum est, Ecclesiæ Judicio ob multas causas divortium inter conjuges fieri posse, quamvis consummatum sit Matrimonium, ut constat ex Rescriptis *Alexandri III. & Innocentii III. Extra, De Divortiiis, & ex Concilio Tridentino Sess.*

Ecclesiæ judicio Divortium inter conjuges fieri potest.

Di-

PARSI.
Art. ult.
S. 8.

sione 24. Canone 8. cujus hac sunt verba :
*Si quis dixerit , Ecclesiam errare , cum ob
multas causas separationem inter conju-
ges quoad thorum , seu quoad cohabita-
tionem , ad certum incertumve tempus fieri
posse decernit ; Anathema sit .* Quibus au-
tem de causis legitima conjugum separatio
fieri possit , explicandum est ,

*Adulte-
rium cau-
sa legiti-
ma Di-
vortii .*

923. Igitur , alterius conjugum Adulterium
est legitima Divortii causa , Id constat ex
verbis Christi Matth. 5. *Omnis qui dimise-
rit uxorem suam , exceptâ fornicationis cau-
sâ , facit eam mœcham .* Idem confirmat
S. Thomas in 4. Sententiarum , Distinctione
35. Quæstione 1. Articulo 1. Dominus , in-
quit , *dimittere uxorem concessit propter
fornicationem , in pœnam illius qui fidem
fregit , & in favorem illius qui servavit ; ut
non sit adstrictus ad reddendum debitum ei
qui non servavit fidem .* Requiritur autem
ad divortium faciendum adulterii certitudo
saltem moralis , tantâque , quantâ opus ef-
set ad condemnandum in criminali foro ; qua-
lis est , si conjux se ream fateatur , aut si nu-
da cum nudo , sola cum solo , in uno lecto
accubantes deprehendantur , aut multis se-
cretis locis & latebris ad fornicationem
commodis , & horis electis , ut colligitur ex
Cap. *Litteris* , Extra , De *Præsumptionibus* .

*At adulter
adulteram
dimittere
non potest .*

924. Verum , Uxorem adulteram viro
dimittere non licet , si reus ipse sit adulterii .
Hac enim in causâ compensationi locus est .

Id constat ex Cap. *Significasti*, Extra, De **PAR I.**
Divortiis. Idem docet *S. Thomas* in 4. *Sen-* Art. ult.
tentiarum, Distinctione 35. *Quæstione* 1. 5. 8.

Articulo 1. in Responsione ad secundum :
Divortium, inquit, *ex causa fornicationis*
fit uno accusante alium : & quia nullus po-
test accusare, qui in simili crimine existit ;
quando uterque fornicatur, *divortium cele-*
brari non potest. Hinc *S. Augustinus* Libro
De Sermone Domini in Monte, Cap. 28.
 ex quo sumptus est Canon, *Nihil*, *Causa* 32.
Quæstione 6. ait : *Nihil iniquius, quàm for-*
nicationis causâ dimittere uxorem, si &
ipse convincitur fornicari. Occurrit enim
 „ *illud* : In quo enim alterum iudicas, te-
 „ metipsum condemnas : eadem enim agis,
 „ quæ iudicas. Quapropter quisquis forni-
cationis causâ vult abicere uxorem, prior
debet esse à fornicatione purgatus. Quod si-
militer etiam de femina dixerim.

925. Propter adulterium vir dimittere *Nec quam*
 non potest uxorem, quam prostituit, *prostituit*
Innocentius III. Cap. *Discretionem*, Extra, De *vir dimit-*
Divortiis, Cap. *Intelleximus*, Extra, De *tere poss.*
Adulteriis. Et Cap. *Tua fraternitas*, sub
 eodem Titulo.

926. Vir uxorem suam dimittere non
 potest, quæ ipsum mortuum probabiliter *Nec eam*
 credens, propter longam ejus absentiam, *quæ alteri*
 nupsit alteri, & de ejus vita certior facta, *nupsit ip-*
 relictis adulterinis complexibus ad eum re- *suum cre-*
 verti voluit. Colligitur ex Canone *Cum* *dens esse*
per *mortuum.*

PARS I.
Art. ult.
§. 8.

per bellicam, qui est *S. Leonis*, & Canone;
Cum in captivitate, qui est *Innocentii*. Cau-
sa 34. Quæstione 1. necnon ex Cap. *Domini-*
nus, Extra, *De Secundis Nuptiis*, quod est
Lucii III. Responsum.

Nec frau-
duenter
ab altero
cognitam.

927. Uxorem quæ fraudulenter cognita
est ab aliquo sub specie viri lectum subin-
trante, viro dimittere non licet. Canone
In lectum, *Causa 34.* Quæstione 1. qui *Tri-*
burienfi Concilio tribuitur.

Nec vi
oppressam.

928. Uxorem dimittere vir non potest;
si vi oppressa fuerit. Illa enim à crimine
immunis est, *Cum omne peccatum ex volun-*
tate nascatur, & potuerit corruptione carnis
mens invita non pollui; ut dicitur Canone
Illæ autem, qui est *S. Leonis*, *Causa 32.*
Quæstione 5. Atque in illa hypothesi dici
potest: * *Duo erant*, & unus adulterium
commisit. Idem confirmant *Gratianus* in
Appendice Canonis Puto, eadem Causâ &
Quæst. 5. Quæstione, & *S. Thomas*, in 4. *Senten-*
tiarum, *Distinctione 35.* Quæstione 1.

Nec re-
conciliatâ.

929. Uxorem adulteram viro dimittere
non licet, si eam post adulterium perpetra-
tum receperit, carnalitèrque cognoverit. Id
colligit *S. Thomas* ex Canone *De Benedicto*,
Causâ 32. Quæstione 1. qui *Pelagio Papæ*
tribuitur.

Nec ul-
tionis li-
bidine
adulterâ
dimittere

930. Vir uxorem adulteram ex livore
& ultionis libidine dimittens, procul dubio
peccat. Ita docet *S. Thomas* in 4. *Senten-*
tiarum, *Distinctione 35.* Quæstione 1. Ar-
ti-

ticulo 1. ad primum. *Vir, inquit, si dimittat uxorem fornicantem livore vindictæ, peccat; si autem ad infamiam propriam cavendam, ne videatur particeps criminis, vel ad vitium uxoris corrigendum, vel ad evitandum prolis incertitudinem, non peccat.*

PARSI.

Art. ult.

S. 8.

non licet.

931. Vir uxorem adulteram dimittere tenetur, si Pœnitentiam non egerit. Canone *Sicut, Causa 32. Quæstione 1. Sicut, inquit, crudelis est & iniquus qui castam dimittit; sic fatuus est & injustus, qui retinet meretricem. Nam patronus turpitudinis ejus est, qui crimen celat uxoris. Idem docet S. Thomas, in 4. Sententiarum, Distinctione 35. Quæstione 1. Articulo 2. ad Sextum: Uxor, inquit, non tantum peccat in virum: sed etiam in se ipsam, & in Deum; & ideo vir totaliter potest pœnam dimittere, nisi emendatio sequatur.*

Impenitentem dimittere oportet.

S. Thomas

932. Vir uxorem adulteram, Pœnitentem & emendatam recipere potest, Christianæque pietati conveniens est ut recipiat; sed non tenetur. Cap. *Si vir*, mox citato: *Quod si mulier dimissa egerit Pœnitentiam, & voluerit ad virum suum reverti, debet, sed non sapè recipere peccatricem. Debet (inquam) debito convenientiæ & honestatis, non debito conscientiæ & necessitatis, ut explicat Glossa, quia etiam post Pœnitentiam posset eam accusare de adulterio, ut colligitur ex Canone Admonere, Causa 33. Quæstione 2.*

Quid de adulteræ pœnitentis receptione

PARS I.
Arr. ult.
§. 8.

Itaque si conjux. innocens hanc injuriam spontè non condonet, liber in perpetuum à conjugali debito manet, adeoque re juridicè probatâ, non modò dimittere potest confortem invitum; sed Religiosam vitam (si habet) profiteri, vel Sacros Ordines suscipere, ut constat ex Canone *Agathosa*, *Causa 27. Quæstione 2. ex Cap. Constitutus*, & *Cap. Veniens*, *Extra, De Conversione Conjugatorum*. Sic Sanctus Paulus cognomento Simplex uxorem in adulterio deprehensam dimisit, Vitamque Monasticam sub *S. Antonii* disciplina professus est, ut refertur *Historia Lausiaca Cap. 28.*

S. Thomas

933. Id confirmat *S. Thomas*, in *4. Sententiarum*, *Distinctione 35. Quæstione 1. Articulo 2. Dimissio*, inquit, *uxoris fornicantis introducta est ad corrigendum uxoris criminis per talem pœnam: Pœna autem corrigens non requiritur, ubi emendatio jam præcessit: & ideo si mulier de peccato peniteat, vir non tenetur eam dimittere. Quàm sit autem conveniens Christiano reconciliatio cum conjugē post adulterium pœnitente, docet S. Augustinus Libro 2. De Conjugiis Adulterinis, Cap. 6. & 9. Hujusmodi autem reconciliatio cum adultera conjugē proprio judiciò fieri potest, quamvis Divortii Sententia ab Ecclesia lata fuerit: Cum quilibet ad renunciandum juri suo liberam habeat facultatem; ut dicitur *Cap. Ex conscientia, Extra, De crimine falsi.**

S. Augustinus.

Reconciliatio cum adultera proprio judiciò fieri potest.

934. At, Vir proprio iudicio uxorem adulteram dimittere non potest: sed Ecclesiastici Judicis Sententiâ Divortium decerni debet. Nullusenim in eadem causa Actor est & Judex: Vir autem in causa adulterii adversus uxorem Actor est, ut constat ex *Cap. Maritis, Extra, De Adulteriis*, quod Concilio Parisiensi tribuitur: Proprio itaque iudicio illam dimittere non potest, sed expectari debet Judicis Ecclesiastici Sententia, ut sancitum est Canone *Saculares, Causâ 33. Quæstione 2.*

PARSI.

Art. ult.

S. 8.

At non
ejus divi-
sio.

935. Idem confirmat *S. Thomas*, in 4. *S. Thomas Sententiarum*, Distinctione 35. Quæstione 1. Articulo 3. „ Vir, inquit, potest dimittere uxorem dupliciter: Uno modo quantum ad thorum tantum; & sic potest eam dimittere, quam citò sibi constat de fornicatione uxoris, proprio arbitrio; nec tenetur reddere debitum exigenti, nisi per Ecclesiam compellatur, & taliter reddens nullum sibi præjudicium facit: alio modo quantum ad thorum & cohabitationem: & hoc modo non potest dimitti nisi iudicio Ecclesiæ, aliàs si dimissa fuerit, debet cogi ad cohabitandum, nisi possit ei vir incontinenti fornicationem probare. Hæc autem dimissio divortium dicitur: & ideo concedendum est quodd divortium non potest celebrari nisi iudicio Ecclesiæ.

936. Mulieres adulteræ, quas Mariti ad meliorem frugem conversas recipere no-

*Adultere
baud re-
conciliatæ*

PARS I. luerint, in Monasteriis ad perpetuam Pœnitentiam agenda sunt collocandæ. Canone Art. ult.

§. 8. *De Benedicto*, Causa 32. Quæstione 2.

ubi confituentur. 937. Par jus est viri & uxoris in causa

In Divortio par jus viri & uxoris. Divortii, aded ut uxor non minùs dimittere possit virum adulterum, quàm vir uxorem. Canone *Præcepit*, Causa 32. Quæstione 5.

Id confirmat *S. Thomas*, in 4. *Sententiarum*, Dist. 35. Quæstione 1. Articulo 4. „ In causa, *inquit*, divortii vir & uxor ad paria „ judicantur; ut idem sit licitum & illicitum uni, quod alteri: Non tamen pariter „ judicantur ad illa; quia causa divortii „ est major in uno, quàm in alio; cùm tamen in utroque sit causa sufficiens ad divortium: Divortium enim est pœna adulterii, in quantum est contra Matrimonii „ bona; Quantum autem ad bonum fidei, „ ad quam conjuges æqualiter sibi invicem „ tenentur, tantum peccat contra Matrimonium „ adulterium unius, sicut adulterium alterius; & hæc causa in utroque „ sufficit ad divortium: Sed quantum ad „ bonum prolis plus peccat adulterium „ uxoris quàm viri; & ideo major causa divortii „ est in uxore, quàm in viro; Et sic „ ad æqualia, sed non ex æquali causa obligantur: nec tamen injustè, quia in utroque „ est causa sufficiens ad hanc pœnam.

Adultera dimissa redire licet. 938. Uxor à viro dimissa propter adulterium, ad eum redire tenetur, si revocata fuerit. *S. Thomas* in 4. *Sententiarum*, Dist.

35. Quæstione 1. Articulo 6. ad tertium. PARS I.
Illud, inquit, quod inducitur in favorem Art. ult.
alicujus, non facit ei præjudicium: unde S. 8.
cum divortium sit inductum in favorem vi- netur.
ri, non aufert ei jus petendi debitum, vel
revocandi uxorem: Unde uxor tenetur ei
reddere, & ad eum redire, si fuerit revoca-
ta; nisi de licentia ejus votum continentia
emiserit. Hinc Regula Juris 61. in Sexto:
Quod ob gratiam alicujus conceditur, non est
in ejus dispendium retorquendum.

939. Verum, vir cogi non potest ad re- *At non*
 cipiendam uxorem adulteram, quamvis ipse *recipi.*
 adulterium post Divortii Sententiam ab Ec-
 clesiastico Judice latam, commiserit. Ita do-
 cet S. Thomas ibidem in Responsione ad quar-
 tum. Propter adulterium, inquit, quod
 vir prius innocens post divortium commit-
 tit, secundum rigorem Juris non debet cogi
 ad recipiendam uxorem adulteram: Prius
 tamen secundum aequitatem Juris Judex ex
 officio suo debet eum monere, ut caveat pe-
 riculo animæ ejus, & scandalo aliorum,
 quamvis uxor non possit reconciliationem
 petere.

940. Vir occulti adulterii reus divor- *Quid de*
 tium ab uxore, cujus publicum adulterium *viro oc-*
 est sine peccato petere non potest: & dimis- *culti adul-*
 sam, Judicis licet Ecclesiastici Sententiâ, re- *terii reco-*
 cipere tenetur, ac maritali affectu tractare.
 Ita docet S. Thomas, loco mox indicato, in
 Responsione ad quintum. Si adulterium viri

PARS I. *fit occultum, inquit, per hoc non aufertur*
Art. ult. *ius excipiendi contra accusationem viri*
S. 8. *uxori adulteræ, quamvis desit ei probatio. Et ideo peccat vir divortium petens: & si post Sententiam de Divortio uxor petat debitum vel reconciliationem, vir tenetur ad utrumque. Idem docet S. Antoninus 3. P. Tit. 1. Cap. 21. §. 6. Si vir, inquit, est adulteratus occultè, uxor manifestè, non potest vir sine peccato uxorem dimittere; quia uxori non deficit excipiendi ius, sed probatio. Si tamen vir egisset Pœnitentiam, & uxor nolleret agere, sed perseveraret in adulterio, posset sine peccato accusare, & dimittere.*

Hæresis
vel apostasia, causa est legitima divortii.
 941. Divortium peti, decerni, ac fieri potest ob lapsum alterius conjugum in Hæresim vel Apostasiam, Cap. De illa quod Urbani III. & Cap. Quanto, Quod Innocenzii III. Responsum est, Ext. De Divortijs. Canone Idololatria supra citato, seu verbis S. Augustini Lib. 1. De Sermone Domini in Monte, Cap. 16. Idololatria, inquit, quam sequuntur Infideles, & qualibet noxia superstitio, fornicatio est. Dominus autem permisit causâ fornicationis uxorem dimitti. Et infra: Si aliquem cogat uxor, sacrificare idolis, qui talem dimittit, causâ fornicationis dimittit, non tantum illius, sed & suæ: illius, quia fornicatur; suæ, ne fornicetur. Id confirmat S. Thomas in 4. Sententiarum, Dist. 35. Quæst. 1. Articulo 1. in Responsione ad tertium, „ Quia, inquit, in-

„ infidelitas, quæ dicitur spiritualis forni- PARS I.
 „ catio, etiam est contra Matrimonii bo- Art. ult.
 „ num; quod est proles educanda ad cultum §. 2.
 „ Dei, etiam ipsa facit divortium: Sed ta-
 „ men aliter quàm corporalis fornicatio;
 „ quia propter unum actum fornicationis
 „ carnalis potest procedi ad divortium, non
 „ autem propter unum actum infidelitatis,
 „ sed propter consuetudinem quæ pertina-
 „ ciam ostendit, in qua infidelitas perfici-
 „ tur.

942. Sic & Justa Divortii causa est, si con- *Pervicax*
 jugum alter alterum instigat ad mortale pec- *instigatio*
 catum, nec admonitus desistit. Justa enim *ad mortale*
 divortii causa est, si conjugum unus alterum *peccatum, iusta*
ad infidelitatis malefictum traxerit, seu Fi- *est divor-*
dei illius religionem corrumpere velit; (in- *tii causa,*
quit Alexander III. Cap. Quæsit, Ext. De
Divortiis.) At Religio non solum in Fidei
 sinceritate, sed in morum Fidei responden-
 tium integritate posita est: nec omnimodis
 fideles sunt, qui Deum se nosse ore tenus
 confitentur, factis autem negant. Igitur justa
 pariter divortii causa est, si conjugum alter
 alterum instigat ad mortale peccatum, nec
 admonitus desistit.

943. Id confirmat S. Antoninus, 3. P. *S. Anto-*
 Tit. 1. Cap. 21. §. 7. divortium faciendum *ninus.*
 esse asserens. „ Quando unus conjugum
 „ trahit alterum ad crimen: Ita quòd licet
 „ non cogatur peccare, tamen propter pe-
 „ riculum suæ fragilitatis, ne conjugalis so-

PARS I.

Arr. ult.

S. 8.

Matth. 5.

„ cietas ipsum pertrahat ad peccatum, te-
 „ neatur ad illud: *Si oculus tuus dexter scan-*
 „ *dalizat te, erue eum, & projice abs te,*
 „ *&c.* Si enim cum periculo corporis non
 „ tenetur manere, multò minùs cum peri-
 „ culo animæ: & sicut non tenetur propter
 „ periculum infidelitatis cohabitare cum
 „ infideli; ita nec propter periculum alio-
 „ rum criminum, licèt ad nullam possit
 „ cogi. Et licèt istud sit gravius quàm alia,
 „ tamen minimum periculum mortalis
 „ peccati præponderat maximo periculo
 „ corporis: licèt in hac sit dissimile, quòd
 „ invito aufertur vita corporis, non animæ.

Ob crimi-
na ex qui-
bus alteri
nullum
imminet
periculũ,
divortium
fieri ne-
quit.

Sævitia
conjugis
justa est
divortii
causa.

944. Ob unius conjugum crimina, ex
 quibus alteri nullum probabiliter imminet
 animæ, corporisve periculum, Divortium
 fieri non potest. Cap. *Quasi vit*, mox indi-
 cato, cujus hæc sunt verba: *Respondemus,*
quòd mulier pro furto, vel alio crimine viri
sui, ab eo separari non debet.

945. Sævitia conjugis justa Divortii cau-
 sa est; necnon furor ita vehemens ut conjux
 alter cohabitando vitæ discrimen subeat.
 Cap. *Literas*, Extra, *De Restitutione spolia-*
torum, quod Innocentii III. Responsum est:
Si tanta sit, inquit, viri sævitia, ut mulie-
ri, trepidanti non possit sufficiens securitas
provideri: non solum non debet illi restitui,
sed ab eo potiùs amoveri.

Quid si
Sententia

946. Si Divortii Sententiam per errorem
 latam fuisse compertum fuerit, conjux qui
 illam

illam obtinuit , reconciliari tenetur conjugī,
 & affectu conjugali cohabitare . Ita decernit
Alexander III. Cap. Lator, Extra, De Sen-
tentia & Re iudicata ; Idem confirmat *S.*
Thomas, in 4. Sententiarum, Distinctione
35. Quæstione 1. Articulo 5. in Responsione
 ad tertium , ubi de uxore à viro adultero
 per Judicis Ecclesiastici Sententiam separa-
 ta : „ Potest (inquit) continentiam vovere
 „ viro invito , nisi videatur Ecclesiam de-
 „ ceptam fuisse per falsos testes sententian-
 „ do de divortio ; quia in tali casu , etiamsi
 „ Votum Professionis emisisset , restituere-
 „ tur viro , & teneretur debitum reddere ,
 „ sed non liceret ei exigere .

PARS I.

Art. ult.

S. ult.

Divortii

per erro-

rem lata

fuerit ?

§. ULTIMUS.

De Secundis Nuptiis & Comparatione
Matrimonii cum Virgi-
num & Continentium
statu .

947. **S**ECUNDAS Nuptias damnarunt
 olim Montanistæ , & Novatia-
 ni Hæretici , quorum error his Apostoli ver-
 bis 1. ad Corinthios 7. refellitur : *Dico autem*
non nuptis , & viduis , Bonum est illis , si sic
permaneant , sicut & ego . Quod si non se
continent , nubant . Et 1. ad Timotheum 5.
De Viduis junioribus loquens : Volo ergo ,
 in-

Secundæ
Nuptiæ
ab Hære-
ticis im-
merito
damnatae.

PARS I. inquit, *juniores nubere, filios procreare, matres familiâs esse, nullam occasionem dare adversario maledicti gratiâ.*
 Art. ult.
 S. ult.

Christia- 948. At vero secundas, imò & ulterio-
 nis indul- res Nuptias Christianis indulgeri testantur
 gentur. Sancti Patres, *Chrysostomus* Homiliis 19. &
 20. in Epistolam S. Pauli ad Ephesios; *Epi-
 phanius* Hæresibus 48. & 59. *Theodoretus*
 Libro 5. *Hæreticarum Fabularum*, Cap. 26.
Hieronymus. Epistola ad *Ageruchiam*, & in
 Apologia ad *Pammachiam* pro Libris ad-
 versus Jovinianum; *Ambrosius* Libro De
 Viduis, *Augustinus* Libro De *Bono viduita-
 tis* Capp. 11. & 12. aliique Patres istos se-
 quuti. Et Sacra Synodus Nicæna, Oecume-
 nica prima, inter *Catholica & Apostolica*
Ecclesiæ Dogmata, quæ scriptis profiteri de-
 bent Cathari sive Novatiani ad Ecclesiam
 redeuntes, Canone 8. id primo loco nume-
 rat, *Bigamis communicare*. Quamquam
 omnes qui ad secundas & posteriores Nuptias
 convolabant, quædam olim Ecclesiæ Pœni-
 tentiæ publicæ addixerint, ut constat ex
 Concilio Neocæsariensi, Canone 3. ex Lao-
 diceno Canone 1. & ex S. *Basilio* Epistolæ ad
Amphilochium Canone 4. Quæ Disciplina
 non idè instituta & usurpata fuit, quod se-
 cundæ & posteriores Nuptiæ malæ censerentur,
 sed ut frenum injiceretur incontinen-
 tiæ, quæ ad secundas & posteriores Nuptias
 ut plurimum impellit. Hinc secundum Ma-
 trimonium non esse bonum Patres quidam
 dixe-

Pœnitentia publicæ olim subjecti, qui ad secundas Nuptias convolabant. Quæ de causa.

dixere, *Non quia sit illicitum, sed quia caret illo honore significationis, qui est in primis Nuptiis, ut sit una unius, sicut est in Christo & Ecclesia: spectanturque causam, quæ aliquando solet ad secundas Nuptias incitare, scilicet concupiscentiam; (inquit S. Thomas in 4. Sententiarum, Distinctione 41. Quæstione 3. Articulo 1. in Responsione ad primum, & secundum.)*

949. Hanc ob causam Bigamos ab Ordinibus arcet Ecclesia, quia licet secundum Matrimonium sit verum Sacramentum, à primi tamen mystica significatione deficit, cum non sit una unius, sicut est in Matrimonio Christi & Ecclesiæ. Et ratione etiam hujus defectus benedictio secundis Nuptiis subtrahitur. Hinc Neocæsariense Concilium, ut refertur Canone *De his quæ frequenter*, Causa 31., Quæstione 1. prohibuit ne Presbyteri convivio secundarum Nuptiarum intersint. *Homines enim Divinis dedicati non solum ab illicitis, sed etiam ab illis quæ habent aliquam turpitudinis speciem* arcentur; & ideo etiam arcentur à secundis Nuptiis, quæ carent honestate, quæ erat in primis; (inquit S. Thomas loco mox indicato, in Responsione ad tertium.)

950. Imò Sacerdos secundas Nuptias benedicens, ubi præsertim mulier secundò nubit, ipso Jure ab Officio & Beneficio est suspensus. Ita decrevit *Alexander III. Cap. Capellanum, Extra, De Secundis Nuptiis,*

PARS I.
Art. ult.
§. ult.

Cur Bigami arcantur ab Ordinibus, & ipsorum Nuptiis non benedicuntur. Presbyteris prohibitum ne convivio secundarum Nuptiarum interfuerint.

Pæna Sacerdotis Secundas Nuptias benedicentis.

Bene-

PARS I.
Art. ult.
S. ult.

Benedictionem secundis Nuptiis impertiri prohibet etiam *Urbanus III.* Cap. *Vir autem*, sub eodem Titulo: *Cum*, inquit, *alia vice benedicti sint, eorum benedictio iterari non debet.* Idem vetant Synodus Lingonensis anno 1094. & Parisiensis anno 1557. Quarumdam tamen Ecclesiarum Ritu secundæ Nuptiæ benedicuntur, cum vir secundam uxorem virginem ducit, ut notant Glossa Canonis *Vir autem*, & *S. Carolus* in Instructionibus De Sacramento Matrimonii. „ Caveat (inquit) ne quando conjuges in „ primis Nuptiis Benedictionem acceperint, eos in secundis benedicat; sive mulier, sive etiam vir ad secundas Nuptias transeat. Si verò ea consuetudo usquam est, ut si mulier nemini unquam nups- rit, etiamsi vir aliam uxorem habuerit, Nuptiæ benedicantur, eâ utendum est. Sed Viduæ Nuptias non benedicat, etiamsi ejus vir numquam uxorem duxerit.

Vidua
intra an-
num lu-
ctus ad se-
cundas
Nuptias
transiens
nulla no-
tatur in-
famia.

951. Vidua intra annum luctus ad secundas Nuptias convolans nullâ notatur infamiâ. Hanc quidem pœnam Leges Civiles Viduis intra annum luctus nubentibus irrogarunt *L. 1. Cod. De secundis Nuptiis. Nov. 22. Cap. 40.* Sed illi Legum asperitati indulgentia Ecclesiastica prævaluit ex Apostoli mente, ut docet *Urbanus III.* Cap. *Super illa*, Extra, *De Secundis Nuptiis*, scribens: „ *Cum Apostolus dicat, Mulier viro suo*

„ suo mortuo, soluta est à lege viri sui: in PARS I.
 „ Domino nubat cui voluerit: *Per licen-* Art. ult.
tiam & auctoritatem Apostoli ejus infamia §. ult.
aboletur. Nec tantum pœna infamiæ, sed
 eâdem ratione omnes aliæ pœnæ contra Vi-
 duas intra annum luctûs nubentes Legibus
 civilibus decretæ hodiè sublatae sunt & an-
 tiquatae; nec est deterior conditio Viduæ in-
 tra annum & post annum nubentis.

952. Graviter peccant, qui publicis lu- *Ad secun-*
 dibriis, *Charivary* vulgò nuncupatis, se- *das nup-*
 cundò nubentibus insultant. Hic enim lu- *tias tran-*
 dus turpis, insolens, noxius, bonis moribus *seuntibus*
 contrarius, Nuptiis secundis detrahit, & Sa- *insultare*
 cramentum quod Dominus noster Jesus- *non licet.*
 Christus honoravit, & honorari præcipit,
 vertere videtur in derisum. Quapropter
 Excommunicationem & multam in illius
 ludi auctores & complices decreverunt
 Concilium Andegavense anno millesimo
 quadringêtesimo quadragésimo-octavo, Tit.
De Ludis prohibitis, Synodi Lingonenses
 annis 1821. & 1855. & Synodi Trecenses,
 necnon Statuta Remensis Ecclesiæ, apud L.
Bochellum, Lib. 3. *Decretorum Ecclesiæ*
Gallicanæ; Tit. 6. *De Secundis Nuptiis*.
 Concilium Provinciæ Narbonense anno
 1069. Cap. 22. *Prohibeant*, inquit, *Episcopi*
ludos, qui impudenter in contemptum se-
cundarum Nuptiarum à permultis fieri so-
lent, Carivarios vulgò appellatos: contu-
maces & inobedientes pœnâ Excommunicationis
coërceant.

PARS I.

Art. ult.

S. ult.

*Heretici
sunt, qui
statu con-
jugalem
antepon-
endum
esse statui
virginita-
tis aut
celibatus
propu-
gnant.*

953.

Statum virginitatis & cœlibatûs, non esse anteponendum statui Matrimonii, nec majoris esse apud Deum meriti Virgines, aut Viduas, quæ continentiam perpetuam Deo vovissent, quàm conjugatas, Hæresis est olim à *Joviniano* propugnata, à *S. Hieronymo* Libris duobus, *S. Ambrosio* Epistola 42. & *S. Augustino* Libro *De Sancta Virginitate* confutata; à *Siricio* Romano Pontifice, universâque Ecclesia damnata, ut ex illius Epistola ad Mediolanensem Ecclesiam, & ex *S. Ambrosii*, Synodique Mediolanensis gratulatoriâ ad eundem Pontificem Epistolâ compertum est. *Joviniani* errorem à *Bucero*, *Brentio*, *Calvino*, aliisque pestibus fuscitatum, Sacra Synodus Tridentina confixit Sessione 24. *De Matrimonio*, Canone 10. cujus hæc sunt verba. *Si quis dixerit, Statum conjugalem anteponendum esse statui Virginitatis, vel Celibatûs, & non esse melius ac beatius manere in Virginitate aut Celibatu, quàm in Matrimonio; Anathema sit.* Statum scilicet virginitatis viduarum conjugumque statui disertis verbis anteponit Apostolus 1. ad Corinthios Cap. 7. *Qui jungit Matrimonio virginem suam, inquit, bene facit; & qui non jungit, melius facit.* Et rursus: *Qui cum uxore est, sollicitus est quæ sunt Mundi, quomodo placeat uxori, & divisus est. Et mulier innupta, & virgo cogitat quæ Domini sunt; ut sit sancta corpore & spiritu: Quæ autem nupta*
est,

est, cogitat quæ sunt Mundi, quomodo placeat viro. Porro hoc ad utilitatem vestram dico: non ut laqueum vobis injiciam, sed ad id quod honestum est, & quod facultatem præbeat sine impedimento Dominum obsecrandi. Et paulò post de Vidua loquens, ait: Beatior autem erit, si sic permanserit, secundum meum consilium: puto autem quod & ego Spiritum Dei habeam. Hanc doctrinam Apostolis, & per eos Ecclesiæ Christus tradidit, Matth. 19. cùm ait: Sunt Eunuchi qui se ipsos castraverunt propter Regnum cælorum. Qui potest capere, capiat.

954. Viduis suadendum est ut in Statu Viduitatis maneant: A secundis tamen Nuptiis non sunt prohibendæ. Vidualis enim castitas, sicut & virginalis, consilii est, non præcepti, ut post Apostolum docet S. Ambrosius Libro De Viduis, Cap. 11. Dicimus, inquit, nec sumptibus egere Viduas, quæ donare consueverint, ut Evangelicæ Viduæ probat exemplum, quæ in gazophylacium plus omnibus misit: nec subsidio, à quibus sæpè in periculis maximis defensæ copiæ sunt virorum, ut *Judith & Debboræ* egregia facinora demonstrant: maritalia iis quoque officia vel à generis, vel à proximis facile solere reparari, ut ex Historia *Ruth* comper tum est; ubi *Noëmi* Vidua apud piam *Nurum* & solatium mœroris, & subsidium paupertatis invenit: & exemplo *Socrus Simonis*, cui *Petrus* ipse & *Andreas* impetrarunt à

Vidualis castitas suadenda, non imponenda.

Do-

PARS I. Domino sanitatem. Promptior ergo in Vi-
 Art. ult. duas divina misericordia: & ideo cum sup-
 S. ult. petere non videatur causa nubendi, studium
 abesse debet. *Quod tamen*, inquit, *S. Am-*
brosius, pro consilio dicimus, non pro præ-
 cepto imperamus, provocantes potius Vi-
 duam, quam ligantes; neque enim prohibe-
 mus secundas Nuptias, sed non suademus.
Alia est enim infirmitatis contemplatio, alia
gratia castitatis. Licet ergo nubere, sed pul-
chrius est abstinere, Vidualis itaque Castita-
 tis Status non imponitur, sed præponitur.

955. Plurimæ sunt autem rationes,
 quibus à secundis Nuptiis deterreri possint
 Viduæ, præsertim illæ quæ filias habent
 jam penè nobiles, aut filios ex priori ma-
 rito susceptos. Primò indecentia: Unde *S.*
Ambrosius Libro De Viduis, Cap. 10. Cur,
 inquit, *maternæ parantur Nuptiæ inter*
Nuptias filiarum, & plerumque post Nup-
tias? Cur adulta filia discit prius sponsum
matris, quam suum erubescere? Quid sibi
vult nova nupta post generos? Quàm inde-
corum est juniores habere liberos, quàm ne-
potes?

Secunda 956. Secundò, liberorum amor; unde
 Eiusdem. idem *Ambrosius*, Cap. 15. „ Our hæredes
 „ quæris extraneos, cum habeas tuos? Non
 „ filios desideras, quos habes; sed servitu-
 „ tem quam non habes. . . Molesta pietas,
 „ ut amare liberos metuas, adspicere libe-
 „ ros erubescas; atque inde oriatur causa
 discor-

„ discordiæ , unde solet mutuus amor mul-
 „ cere affectus parentum . Generare libe-
 „ ros vis non fratres futuros tuorum , sed
 „ adversarios filiorum . Quid est ergo ge-
 „ nerare alios liberos , nisi spoliare quos
 „ habes liberos : quibus pariter auferuntur
 „ & pietatis officia , & compendia facul-
 „ tatum ? „ Eandem rationem urget S.
 „ Hieronymus Epistola 10. ad *Furiam*, De Vi-
 „ duitate servanda . „ Solent , inquit , adole-
 „ scentulæ Viduæ , quarum nonnullæ abie-
 „ runt retrò post Satanam , cum luxuriatæ
 „ fuerint in Christo nubentes dicere : Pa-
 „ trimonium meum quotidie perit : mayo-
 „ rum hereditas dissipatur : Servus contu-
 „ meliosè locutus est , imperium ancilla ne-
 „ glexit . Quis procedet ad publicum ? Quis
 „ respondebit pro agrorum tributis , par-
 „ vulos meos quis erudiet , & vernulas quis
 „ educabit ? Et hanc ; proh nefas ! causam
 „ opponunt Matrimonii , quæ vel sola de-
 „ buit Nuptias impedire . Superducit ma-
 „ ter filiis non nutritium , sed hostem ; non
 „ parentem , sed tyrannum . Inflammata
 „ libidine , obliviscitur uteri sui : & inter
 „ parvulos suas miseras nescientes , lugens
 „ dudum nova nupta componitur . Quid
 „ obtendis Matrimonium ? Quid superbiam
 „ servulorum ? Confitere turpitudinem .
 „ Nulla idcirco maritum ducit , ut cum ma-
 „ rito non dormiat . Aut si certè libido non
 „ stimulat ; quæ tanta insania est , in mo-

Et S. Hieronymi .

PARS I.

Art. ult.

§. ult.

„ rem scortorum prostituere casti tatem, ut
 „ augeantur divitiæ; & propter rem vilem
 „ atque perituram, pudicitia, quæ pretio-
 „ sa & æterna est, polluatur? Si habes libe-
 „ ros, Nuptias quid requiris? Si non habes,
 „ quare expertam non metuis sterilitatem?
 „ Rem incertam certo præfers pudori? Scri-
 „ buntur tibi nunc sponsales tabulæ; ut
 „ post paululum testamentum facere com-
 „ pellaris, Simulabitur mariti infirmitas;
 „ & quod te morituram facere volet, ipse
 „ victurus faciet; aut si evenerit ut ex se-
 „ cundo marito habeas filios, domestica
 „ oritur pugna, intestinum prælium. Non
 „ licebit tibi amare liberos, nec æquis aspi-
 „ cere oculis quos genuisti. Clam porriges
 „ cibos, invidēbit mortuo, & nisi oderis fi-
 „ lios, adhuc eorum amare videberis pa-
 „ trem, Quodd si de priorē uxore sobolem
 „ habens, domum te introduxerit; etiamsi
 „ clementissima fueris, omnes Comœdi, &
 „ Mimographi, & omnes Phetorum loci in
 „ Novercam severissimam declamabunt. Si
 „ privignus languerit, & condoluerit ca-
 „ put, infamaberis ut malefica. Si non de-
 „ deris cibos, crudelis: si dederis, venefica
 „ diceris. Oro te, quid habent tantum bo-
 „ ni secundæ Nuptiæ, ut hæc mala valeant
 „ compensare?

*Tertia
 eorumdē,
 et S. Au-
 gustini.*

957. Tertiū deterrendæ sunt Viduæ à
 secundis Nuptiis, Sanctarum Mulierum
 exemplo; sed maximè Vidualis Statūs ex-
 cel-

cellentiâ , in quo beatior em esse perseverantiam , non tantum suo consilio , sed etiam Dei Spiritu Apostolus definivit . Legantur *S. Ambrosius* Libro *De Viduis* , Cap. 14. *S. Hieronymus* Epistolâ laudatâ , & *S. Augustinus* , Libro *De Viduitatis Bono* .

PARS I.

Art. ult.

S. ult.

958. Non sola Castitas corporis , sed magna & uberrima Disciplina virtutis , Viduam Christianam commendare debet . *S. Paulus* 1. ad *Timotheum* Cap. 5. „ Si quæ Vidua filios , aut nepotes habet , discat „ primum domum suam regere , & mutuam „ vicem reddere parentibus : hoc enim acceptum est coram Deo . Quæ autem verè „ vidua est ac desolata , speret in Deum , & „ instet obsecrationibus & orationibus nocte „ ac die . Nam quæ in deliciis est , vivens „ mortua est . Et hoc præcipe ut irreprehensibiles sint Vidua eligatur Quæ „ fuerit unius viri uxor , in operibus bonis „ testimonium habens , si filias educavit , si „ hospitio recepit , si sanctorum pedes lavit , si tribulationem patientibus ministravit , si omne opus bonum subsequuta est . Vides (inquit *S. Ambrosius* Lib. *De Viduis* , Cap. 2.) „ quàm multas virtutum comprehenderit disciplinas : Primum pietatis „ officium ; secundum hospitalitatis studium , „ & humilitatis obsequium : tertium misericordiae ministerium , liberalitatisque „ subsidium : ad summam omnis executionem boni operis flagitavit .

*Viduam
Christianarum
Officiis*

PARS I.

Art. ult.

S. ult.

Luc. 2. 26.

Orationes.

959. Viduarum exemplar *Anna Pro-*
phetissa, quæ vixerat cum viro suo annis
septem à virginitate sua. Et hæc vidua usque
ad annos octoginta quatuor: Quæ non disce-
debat de Templo, jejuniis. & obsecratio-
nibus serviens nocte ac die. Vides qualis
Vidua prædicetur, cui diversorium in Tem-
plo, colloquium in prece, vita in jejunio;
 inquit S. Ambrosius Cap. 4.) Orandi studium
 diligentius Viduis in Scriptura Sacra com-
 mendatum. Hinc Dominus cum semper ad
 orandum, & non deficiendum nos hortare-
 tur, Viduam commemoravit, quæ licet ini-
 quum & impium Judicem, ac Dei & ho-
 minum contemptorem, ad audiendam cau-
 sam suam assidue interpellando convertit.
 Quam ergo præ ceteris Viduæ debent vacare
 orationibus, satis hinc intelligi potest, quòd
 omnibus ad suscipiendum orandi studium
 de Viduis propositum est exhortationis exem-
 plum, (ut observat S. Augustinus Epistola
 130. aliàs 121. ad Probam.)

Tempe-
 rantia &
 jejunia.

960. Orationi comes adjungi debet
 temperantia, jejuniūque. Temperantia
 virtus est feminarum. Esto igitur Vidua tem-
 perans: Casta primum à vino, ut casta possis
 esse ab adulterio; (inquit S. Ambrosius Cap.
 7. Libri De Viduis:) Hinc S. Hierony-
 mus, Furiam nobilem Viduam instituens:
 „ Quicquid facit seminarium voluptatum,
 „ inquit, venenum puta. Parcus cibus, &
 „ venter semper esuriens triquanis jejuniis
 „ præ-

„ præfertur. Et multò melius est quotidie
 „ parum, quàm rarò satis sumere. Quando
 „ comedis, cogita quòd statim tibi oran-
 „ dum, illico & legendum sit. De Scriptu-
 „ ris Sanctis habeto fixum versuum nume-
 „ rum; istud pensum Domino tuo redde.
Et S. Augustinus Epistolâ mox indicatâ:
 „ Pertinet ad vidualem curam, deliciæ si
 „ affluant, ne apponas cor, ne in eis putre-
 „ scendo moriatur, quod sursum debet esse
 „ ut vivat. . . . Debes præ amore veræ vitæ,
 „ etiam desolatam te putare in hoc sæculo,
 „ in quantalibet ejus felicitate verferis. *Et*
 „ *rursus:* Deliciæ spiritales deliciis carnali-
 „ bus in sancta castitate succedunt, lectio,
 „ oratio, Psalmus, bona cogitatio, bono-
 „ rum operum frequentatio, spes futuri sæ-
 „ culi & cor sursum: Atque in his omnibus
 „ gratiarum actio Patri luminum, à quo sine
 „ ulla dubitatione omne datum optimum &
 „ omne donum perfectum, Scripturâ teste
 „ descendit. Nam quando pro deliciis nup-
 „ tarum, quas in carne virorum habent, alia-
 „ rum carnalium deliciarum tanquam in-
 „ solatium usus assumitur, quid ego dicam
 „ quæ sequantur mala, cum breviter Apo-
 „ stolus dixerit, Viventem mortuam esse
 „ Viduam, quæ in deliciis vivit?

961. Eleemosyna Jejunio & Orationi à Eleemosy-
 Vidua Christiana jungi debet. Hinc S. *Au- ne.*
gustinus Lib. De Bona Viduitatis, Cap. 21.

In vobis, inquit, amor divitiarum simul

PARS I.

Art. ult.

S. ult.

frigescat cum amore Nuptiarum; & pius usus rerum quas possidetis, ad spirituales delicias conferatur; ut liberalitas vestra magis ferueat adiuvandis egenis; quam ditandis avaris: In thesaurum quippe celestem non mittuntur dona cupidorum; sed eleemosynæ pauperum, quæ in immensum modum orationes adjuvant Viduarum; Viduæ locupletes uberes eleemosynas erogent: quibus angusta res est, laborent, ut sibi, filiis, pauperibusque necessaria comparent. Bona & illa planè laboriosa stipendia castitatis, quæ de suo opere quotidianoque penso conferat Vidua, nocturnis pariter ac diurnis ingi exercens labore pensa temporibus, & pudicitia quaestiosa pervigili opere mercedem congregans; ut intemeratum defuncti conjugis cubile custodiat, alere dulces liberos possit ministrare pauperibus. Hac est præferenda divitibus: Hac est quæ Christi Judicium non timebit; [inquit S. Ambrosius Libro De Viduis, Cap. 5.] Dominica voce illa Vidua omnibus antefertur, de qua dictum est, „Vidua hac plus omnibus misit: In quo moraliter Dominus instituit universos, ne quis „à collatione ministerii paupertatis pudore „revocetur; nec sibi divites blandiantur, „quod plus videantur conferre quam pauperes. „Uberior est enim nummus, è parvo, „quàm thesaurus è maximo; quia non quantum detur, sed quantum resideat, expenditur. Nemo plus tribuit, quàm quæ nihil sibi

sibi rellquit . . . Denique nulla plus tribuit , quàm illa , quæ de filiorum alimentis pavit Prophetam . Et ideo quia nulla plus contulit , nulla plus meruit .

PARS I.
Art. ult.
§. ult.

962. Viduæ Christianæ bonæ famæ curam gerere debent , non libetiori conversatione pravis suspicionibus , & ignominiosis rumoribus occasionem præbere . Ita *Furius* instituit *S. Hieronymus* Epistola 10. , *Juvenum* fuge consortia . Comasulos , comptos , atque lascivos , domûs tuæ testæ non videant . Cantor pellatur ut noxius . Fiducinas , & psalterias , & istiusmodi chorum Diaboli , quasi mortifera Syrenarum carmina , proturba ex ædibus tuis . Noli in publicum subinde procedere , & viduarum circumferri libertate . Pessimæ consuetudinis est , cum fragilis sexus , & imbecilla ætas suo arbitrio abutitur , & putat licere quod libet . Omnia quidem licent , sed non omnia expediunt Interdum animus dominarum ex ancillarum habitu iudicatur . Sanctarum virginum , & Viduarum societatem appete . Et , si sermocinandi cum viris incubuerit necessitas , arbitros ne devites : tantæque confabulandi fiducia sit , ut intrante alio nec paveas , nec erubescas . Et Epistola ad *Salvinam* , *De servanda Viduitate* . Tenera res , inquit , in feminis fama pudicitiae est , quasi flos pulcherrimus citò ad levem marcescit auram , levique flatu corrumpitur , maxime ubi

Bonæ famæ cura.

PARS I.
Art. ult.
§. ult.

„ & ætas consentit ad vitium , & maritalis
„ deest auctoritas , cujus umbra tutamen
„ uxoris est . Quid facit Vidua inter familię
„ multitudinem , inter ministrorum greges ?
„ Quos nolo contemnat ut famulos , sed ut
„ viros erubescat , &c. Habeto tecum vi-
„ duarum & virginum choros , habeto tui
„ sexûs solatia .


S. Augu-
stinus .

963. Idem confirmat S. *Augustinus*, Li-
bro *De Bono Viduitatis* , Cap. 22. „ In om-
„ nibus spiritualibus deliciis , *inquit*, quibus
„ fruuntur innuptæ , sancta earum conver-
„ satio cauta etiam debet esse , ne fortè cùm
„ mala vita non sit per lasciviam , mala sit
„ fama per negligentiam . Nec audiendi sunt
„ sive viri sancti , sive feminae , quando re-
„ prehensâ in aliquo negligentia suâ , per
„ quam fit ut in malam veniat suspicionem ,
„ unde suam vitam longè abesse sciunt , di-
„ cunt sibi coram Deo sufficere conscien-
„ tiam , estimationem hominum non im-
„ prudenter solùm , verùm etiam crudeliter
„ contemnentes ; cùm occidunt animas alio-
„ rum , sive blasphemantium viam Dei , qui-
„ bus secundùm suam suspicionem quasi
„ turpis quæ casta est displicet vita sancto-
„ rum , sive etiam cum excusatione imitan-
„ tium , non quod vident , sed quod putant .
„ Proinde quisquis à criminibus flagitiorum
„ atque facinorum vitam suam custodit sibi
„ bene facit : quisquis autem etiam famam ,
„ & in alios misericors est . Nobis enim ne-
„ cess-

„cessaria est vita nostra, aliis fama nostra: &
 „utique etiam quod aliis ministramus mi-
 „sericorditer ad salutem, ad nostram quo-
 „que redundat utilitatem. Unde non fru-
 „stra Apostolus, *Providemus*, inquit, *bo-*
na, non solum coram Deo, verum etiam co-
ram hominibus. Item dicit, *Placete omni-*
bus per omnia, sicut & ego omnibus per om-
nia placeo, non quarens quod mihi utile est,
sed quod multis, ut salvi fiant. In quadam
 etiam exhortatione dicit, *De cetero, fratres,*
quacumque sunt vera, quacumque sancta,
quacumque iusta, quacumque casta, qua-
cumque amabilia, quacumque bonæ famæ;
si qua virtus, si qua laus, hæc cogitate, quæ
& didicistis, & accepistis, & audistis, &
vidistis in me. „Cernis quemadmodum in-
 „ter multa, quæ exhortando commonuit,
 „non neglexerit ponere, *Quacumque bonæ*
famæ; duobusque verbis cuncta conclusit,
 „rit, ubi ait, *Si qua virtus, si qua laus*.
 „Ad virtutem namque pertinent quæ antea
 „memoravit bona: Fama verò ad laudem.
 „Puto quòd non laudem hominum pro ma-
 „gno sumebat Apostolus.... Sed illorum
 „duorum, id est, bonæ vitæ, & bonæ famæ,
 „vel quòd brevius dicitur, virtutis & lau-
 „dis, unum propter se ipsum sapientissimè
 „retinebat, alterum propter alios miseri-
 „cordissimè providebat. De Impedimentis
 Matrimonii vide P. 2. in Appendice ad hoc
 Sacramentum.

F I N I S.





371

INDEX

ARTICULORUM,

E T

PARAGRAPHORUM.

ARTICULUS PRIMUS

De Sacramentis in Genere . Pag. 11.

ARTICULUS SECUNDUS

De Sacramento Baptismi . Pag. 34.

ARTICULUS TERTIUS

De Sacramento Confirmationis . Pag. 72.

ARTICULUS QUARTUS

De Sacramento Eucharistiae . Pag. 80.

§. I.

De Materia Eucharistiae . Ibid.

§. II.

De Forma Eucharistiae . Pag. 100.

§. III.

De necessitate Eucharistiae . Pag. 107.

§. IV.

De Effectibus Eucharistiae . Pag. 120.

§. V.

§. V.

De Eucharistiæ consecrandæ Ministro. P. 128.

§. VI.

De usu Eucharistiæ sive Communionem. P. 136.

§. VII.

De Preparatione Animi ad sacram Communionem. Pag. 146.

§. VIII.

De preparatione Corporis. Pag. 154.

§. IX.

De frequenti Communionem. Pag. 163.

§. X.

Pro quibus hoc Sacrificium offerri possit, & de Missarum reductione. Pag. 171.

XI.

De Missæ Ministris, & de loco in quo celebrandum. Pag. 178.

§. XII.

De Missa Parochiali. Pag. 185.

§. XIII.

De valore Sacrificii Missæ, & obligatione Sacerdotum pro aliis celebrantium. P. 188.

§. XIV.

§. XIV.

De Ceremoniis Missæ locum spectantibus.
Pag. 202.

§. XV.

De Ceremoniis, Altarium ornamenta, Vasque, &c. spectantibus. Pag. 211.

§. XVI.

De Ceremoniis Sacra Sacerdotum Indumenta spectantibus. Pag. 216.

§. XVII.

De Ceremoniis tempus spectantibus. Pag. 218.

ARTICULUS QUINTUS

De Sacramento Pœnitentiæ. Pag. 225.

§. I.

De Pœnitentiæ divisione & definitione. Ibid.

§. II.

De Pœnitentiæ Effectibus. Pag. 233.

§. III.

De Materia Pœnitentiæ. Pag. 239.

§. IV.

De Contritione. Pag. 247.

§. V.

574 I N D E X.

§. V.

*De Confessionis Sacramentalis definitione,
præcepto & necessitate.* Pag. 275.

§. VI.

De Conditionibus Confessionis. Pag. 286.

§. VII.

*De Ministro Confessionis & Casuum reserva-
tione.* Pag. 314.

§. VIII.

De Sigillo Confessionis. Pag. 353.

§. IX.

De Satisfactione Sacramentali. Pag. 369.

§. ULTIMUS.

*De Absolutione Sacramentali: In quo consi-
stat, & quibus concedenda.* Pag. 390.

ARTICULUS SEXTUS

De Extrema-Unctione. Pag. 407.

§. UNICUS.

De illius Materia, Forma, Effectibus, &c. Ibi.

ARTICULUS SEPTIMUS.

De Sacramento Ordinis. Pag. 424.

§. I.

*Quid & Quotuplex Ordo, quæ singulorum
Materia & Forma.* Ibid.

§. II.

. I. I.
De Ministro Ordinis.

Pag. 435.

§. III.
De Ordinationis effectibus.

Pag. 443.

§. ULTIMUS.
De Temporibus Ordinationum; & Qualita-
tibus Ordinandorum.

Pag. 446.

ARTICULUS ULTIMUS.
De Sacramento Matrimonii.

Pag. 461.

§. I.
Quid Matrimonium? Quotupliciter, acci-
pitur? Quo fine contrahendum? Quis
hujus Sacramenti effectus?

Ibid.

§. II.
De Materia, Forma, & Ministro Matri-
monii.

Pag. 467.

§. III.
De Polygamia.

Pag. 471.

§. IV.
De Indissolubilitate Matrimonii.

Pag. 475.

§. V.
De Consensu Contrahentium Matrimonium.

Pag.

493.

§. VI.

§. V I.
De Sponsalibus. Pag. 508.


§. V I I.
De Usu Matrimonii. Pag. 526.

§. V I I I.
De Divortio. Pag. 541.

§. ULTIMUS.
De Secundis Nuptiis & Comparatione Ma-
trimonii cum Virginum & Continen-
tium statu. Pag. 553.

F I N I S.







571

INDEX

ARTICULORUM,

E T

PARAGRAPHORUM.

ARTICULUS PRIMUS

De Sacramentis in Genere . Pag. 11.

ARTICULUS SECUNDUS

De Sacramento Baptismi . Pag. 34.

ARTICULUS TERTIUS

De Sacramento Confirmationis . Pag. 72.

ARTICULUS QUARTUS

De Sacramento Eucharistiæ . Pag. 80.

§. I.

De Materia Eucharistiæ . Ibid.

§. II.

De Forma Eucharistiæ . Pag. 100.

§. III.

De necessitate Eucharistiæ . Pag. 107.

§. IV.

De Effectibus Eucharistiæ . Pag. 120.

§. V.

§. V.

De Eucharistiæ consecrandæ Ministro. P. 128.

§. VI.

De usu Eucharistiæ sive Communionem. P. 136.

§. VII.

De Preparatione Animi ad sacram Communionem. Pag. 146.

§. VIII.

De preparatione Corporis. Pag. 154.

§. IX.

De frequenti Communionem. Pag. 163.

§. X.

Pro quibus hoc Sacrificium offerri possit, & de Missarum reductione. Pag. 171.

XI.

De Missæ Ministris, & de loco in quo celebrandum. Pag. 178.

§. XII.

De Missa Parochiali. Pag. 185.

§. XIII.

De valore Sacrificii Missæ, & obligatione Sacerdotum pro alijs celebrantium. P. 188.

De Ceremoniis Missæ locum spectantibus.
Pag. 202.

§. XV.

De Ceremoniis, Altarium ornamenta, Vasque, &c. spectantibus. Pag. 211.

§. XVI.

De Ceremoniis Sacra Sacerdotum Indumenta spectantibus. Pag. 216.

§. XVII.

De Ceremoniis tempus spectantibus. Pag. 218.

ARTICULUS QUINTUS

De Sacramento Pœnitentiæ. Pag. 225.

§. I.

De Pœnitentiæ divisione & definitione. Ibid.

§. II.

De Pœnitentiæ Effectibus. Pag. 233.

§. III.

De Materia Pœnitentiæ. Pag. 239.

§. IV.

De Contritione. Pag. 247.

§. V.

574 I N D E X.

§. V.

*De Confessionis Sacramentalis definitione,
præcepto & necessitate.* Pag. 275.

§. VI.

De Conditionibus Confessionis. Pag. 286.

§. VII.

*De Ministro Confessionis & Casuum reserva-
tione.* Pag. 314.

§. VIII.

De Sigillo Confessionis. Pag. 353.

§. IX.

De Satisfactione Sacramentali. Pag. 369.

§. ULTIMUS.

*De Absolutione Sacramentali: In quo consi-
stat, & quibus concedenda.* Pag. 390.

ARTICULUS SEXTUS

De Extrema-Unctione. Pag. 407.

§. UNICUS.

De illius Materia, Forma, Effectibus, &c. Ibid.

ARTICULUS SEPTIMUS.

De Sacramento Ordinis. Pag. 424.

§. I.

*Quid & Quotuplex Ordo, quæ singulorum
Materia & Forma.* Ibid.

§. II.

. I I.

De Ministro Ordinis .

Pag. 435.

§. I I I.

De Ordinationis effectibus .

Pag. 443.

§. ULTIMUS .

*De Temporibus Ordinationum ; & Qualita-
tibus Ordinandorum .*

Pag. 446.

ARTICULUS ULTIMUS .

De Sacramento Matrimonii .

Pag. 461.

§. I.

*Quid Matrimonium ? Quotupliciter , acci-
pitur ? Quo fine contrahendum ? Quis
hujus Sacramenti effectus ?*

Ibid.

§. I I.

*De Materia , Forma , & Ministro Matri-
monii .*

Pag. 467.

§. I I I.

De Polygamia .

Pag. 471.

§. I V.

De Indissolubilitate Matrimonii .

Pag. 475.

§. V.

De Consensu Contrahentium Matrimonium .

Pag.

493.

§. VI.

§. VI.

De Sponsalibus.

Pag. 508.

§. VII.

De Usu Matrimonii.

Pag. 526.

§. VIII.

De Divortio.

Pag. 541.

§. ULTIMUS.

De Secundis Nuptiis & Comparatione Matrimonii cum Virginitate & Continentium statu.

Pag. 553.

F I N I S.



